




Ex Bibliotheca  
majori Coll. Rom.  
Societ. Jesu

214:10.

2  
e  
310



36. 17. A. 18



42

*Vossentini*





VIR IVSTVS,  
VEL  
DE LAUDIBVS HOMINIS  
CHRISTIANI,

*coll. 2m.* CENTVRIA; *per Johann. C. J.*

In qua, quanta sit viri Christiani iusti, & serui Dei  
magnitudo ac felicitas, impij vero humilitas, &  
miseria, ex sacris literis demonstratur; atque  
peccator ad pie viuendum vehe-  
menter excitatur:

*Ex qua voluptatem, utilitatemque maximam  
Christianus percipiet Lector.*

Cum Appendice, vbi facilius esse honeste, quam turpiter viuere  
ostenditur; ad idque faciendum regulæ quædam  
perutiles traduntur.

*Nunc primum in lucem edita.*


Auctore Ludouico Carbone a Costaciaro, sacre Theologiæ in almo  
Gymnasio Perusino olim publico professore.

*Cum Indice Capitum, & rerum memorabilium.*

CVM PRIVILEGIO.



VENETIIS,  
Apud Iacobum Bendolum.  
M D LXXXV.



VIRI VITI

ALI

DE LAVRIS HOMINIS

CHRISTIANI

CELESTIS

In hac vita  
et in futura  
et in eterna  
et in eterna  
et in eterna  
et in eterna  
et in eterna  
et in eterna

Melior est vnus timens Deum,  
quam mille impij.

Ecclesiastici xvi.



VITI VITI

CHRISTIANI

CELESTIS



REVERENDISSIMO  
PATRI, P. CLAVDIO

AQVÆVIVÆ

SOCIETATIS IESV

Generali meritissimo,

*Ludouicus Carbo. S. D.*

**C**Vm ex tuis fratrumque tuo-  
rum sermonibus, Reuerendif-  
sime P. quibus multos annos  
institutus fui, quanta sit homi-  
nis iustitia ornatæ dignitas, at-  
que præstantia non semel intellexerim; in  
eam sæpe cogitationem ueni, non medio-  
cri vtilitati populo Christiano fore, si qua  
de magnitudine & excellentia Christiani,  
& iusti uiri, existeret tractatio. Quoniam, si  
Christi fideles quam felix sit piorum status  
semel intelligerent, ad pie uiuendum mi-  
rum excitarentur in modum. Quocirca, vt

aliquod de re proposita in lucem exiret opusculum iam pridem multum desideravi; deque eò conficiendo, cum nihil tale, quod scirem, hætenus extaret, sæpenumero cogitavi. Verum, ut tantæ rei præstantia, atque utilitas ad eam tractandam me inuitabant; ita eiusdem rei magnitudo, & difficultas a scribendo deterrebant. Etenim, iis rebus me plane carere uidebam, quæ ad huiusmodi argumentum pro dignitate explicandum necessaria mihi uidebantur; doctrina nimirum, & dicendi copia, spirituque non vulgari. Accedebat etiam publicum, ac priuatum docendi munus, quo ita impediabar, ut ad opus, quod multo otio, multaque cogitatione egebat, conficiendū, nihil daretur otij. Sed, cum his diebus aliquid uacationis, & si non satis explicatæ, nactus fuerim; rem, quam a quouis alio explicari maluissem, tractare aggressus fui. Et licet, ut ingenue fatear, non sine aliqua audacia prouinciam uiribus meis impari suscepim: tamen, is audaciam excusare meam aliquo modo poterit, qui omnia fere, quæ hac tractatione dixi, ex sacris literis, me sumpsisse cognoscet: quo factum est, ut de sermonis puritate & ornatu non multum laborauerim: cum ex diuinis scripturis non modo res, sed etiam

uerba

uerba, quantum fieri poterat, mihi sumen-  
da esse existimaui. Quare, si uiri Chri-  
stiani & iusti, cum hanc nostram lucubra-  
tionem legent, multis se laudibus ornari ui-  
debunt, non tam humanis, quam diuinis  
uerbis se laudari existimare debebunt.  
Cum itaque hanc de laudibus uiri iusti Cē-  
turiam confecissem, atque aliquorum iudi-  
cio non parum utilitatis, si in publicum  
prodiret, allaturam esse cognouissem; in  
Dei gloriam, & proximi commoditatem in  
lucem edere decreui. Verum, cum animad-  
uerterem non posse tuto in manus homi-  
num uenire, nisi alicuius grauis uiri esset  
auctoritate fulcta; cogitavi diu, sub cuius  
potissimum tutela emitterem: & tandem  
tua se se mihi, Religiosissime Pater, obtulit  
amplitudo, cui priuate hunc meum labo-  
rem nuncupare possem, ac deberem.  
Primum quidem, quoniam tu, tuique, ut  
initio dixi, eius suscipiendi occasionem  
multoties mihi præbuisisti. Deinde, quia  
neminem habeo cui, secundum Deum, ma-  
gis debere sentiam, ac si quid, uel doctri-  
næ, uel religionis in me est, acceptum re-  
ferre debeam, ac referam, quam ei Societa-  
ti, cuius tu, non sine numine diuino, sum-  
mus Magister existis. Iam uero, cum hoc  
meum opusculum, ut a me proficiscitur,

nulla se se ratione manifestare; ac sustentare ualeret; luce ac protectione egebat tua; quia si a te susceptus probatusque fuerit; ab omnibus doctis & religiosis uiris probatum iri certissime spero. Accedit etiam, quod aliquot ex Fratribus Congregationum B. Virginis, quas non sine magna multorum utilitate Fratres tui uariis in locis instituerunt, de quarum progressu te sollicitum esse scio; suo quodam iure, aliquid tale a me efflagitarunt; in quorum quidem usum priuatim hoc opus confeci: qui, una cum ceteris, cum hunc libellum nomini tuo inscriptum uiderint, ad eum legendum excitabuntur magis: quoniam tua auctoritate moti, non parum ex eo fructum se percepturos esse putabunt. Quo fiet, ut hi labores, quales quales sint, magis in gloriam Dei cedant, & fidelibus utiles existant. Et denique, cui nam opus de iusti & religiosi uiri laudibus, iustius, quam religioso religiosorum hominum Moderatori dicari potuit? Rem igitur quodammodo tuam optime agnosce Pater: animi grati significationem quamuis exiguam, ne sperne: libello tua luce, & tutela egenti faue: aliorum utilitati, meæque voluntati consule; & iusto candidoque animo, quo tibi hoc de laudibus uiri iusti munuscu-

nusculum offertur, accipe. Id, si ut spero, feceris, potius gratiam me accepisse, quam dedisse fatebor: & maior in accepto, quam in dato beneficio existet laus. Ceterum, si pro humanitate tua, aliquid accepisse existimare, meque nouo beneficio ornare uoueris; maximam abs te mihi gratiam relatum putabo, si bonorum operum Societatis tuæ me participem feceris, Deumque pro me oraueris, ne ab eorum excludar numero, quorum magnitudinem, atque felicitatem alijs demonstrare tentauim. Vale.  
Venerijs. 15. Kal. Oct. M D LXXXV.





VRBANVS LONGVS  
Christiano Lectori. S.



ANTA est post primi parentis lapsum humana natura infirmitas, ut homines non bonum, quod natura cognoscunt, et appetunt, sed quod refugiunt malum, prosequantur: ut quisque cum Paulo vere dicere possit: non quod volo bonum, hoc ago; sed quod odi malum, hoc facio. quo fit; ut homo iter beatitudinis, ad quam se factum esse intelligit, vel non ingrediatur, vel si ingressus fuerit, ob maximas, quas in eo sentit difficultates, et impedimenta, saepenumero deserat. Quare fateri profecto oportet, maximum aliquod ei necessarium esse incitamentum, et auxilium; ut a malo declinare, bonumque amplexari, et ad beatitudinem properare queat. Ad rectum autem uitae cursum ineundum, ac retinendum, nihil ita hominem excitare, atque iuuare potest, quam si ea cognouerit maxima bona, quibus ij potiuntur, qui honeste, religioseque viuunt. Quod si quispiam, quae diximus commoda, quae secum haec honesta viuendi ratio affert, cognoscere cupiat; nulla alia, ni fallor, ratione id melius assequi poterit, quam si de laudibus Viri Iusti Centuriam consuluerit: ex qua, quanta sit dignitas, magni-




magnitudo, gloria, atq; felicitas hominis christiane viuentis, facile cognoscet. Si ergo, christiane lector, hunc de laudibus viri iusti libellum diligenter lectitaueris, maximas ex eo voluptates, fructusque percipies maximos. Nam, si huius mundi homines tantam oblectationem capiunt, cum minimis, & etiam interdum fucatis laudibus afficiuntur; quantam, obsecro, letitiam ex huius libelli lectione iustus percipiet lector? cum se summis, & veris laudibus, non ab homine adulate confectis, sed ex sacris literis sumptis, se laudari animaduertet? Quomodo enim summa letitia non perfundet, cum tanta dignitate, tantoque splendore, quantum humana mens nunquam caperet, ornatum se esse sentiet? Intelliget enim se esse vere nobilem, vere diuitem, vere sapientem, vere potentem, vere felicem, ac denique tale, ac tantum, ut se nihil maius, nihil prestantius, nihil diuinius in hac rerum vniuersitate inueniri possit. Et quis non letaretur, si intelligeret, se vere esse mundi monarcham, ciuem sanctorum, amicū & familiarem Dei, fratrem Christi, æternæ beatitudinis heredem, ac tandem participatione diuinæ naturæ Deum? Hæc itaq; de se vere dici, ac prædicari, lector intelliget: quæ si prima fronte præter opinionem esse videbuntur: tamen, ubi cognouerit hæc omnia a diuino spiritu in sacris literis, de ipso dicta fuisse; omnia verissima, atque certissima

suma esse, sine dubio fatebitur. Quantum autem  
utilitatis ex huius operis lectione percepturus  
sit: tunc intelliget, cum, vel semel perlegerit.  
Mirum enim in modum ipsius fides confirmabi-  
tur, cum ex sacris literis cognoscet, ea omnia  
Deum hominibus prestare, quæ aliquando pol-  
licitus fuit. Spes eius quoque mirifice corrobora-  
bitur, cum intelliget, quantum Deus de homi-  
num salute sit sollicitus, & quot, quantaque do-  
na eis liberalissime largiatur. Nec etiam par-  
ua fiet charitatis accessio, cum summam carita-  
tē, qua Deus iustos amplectitur, cognoscet. Ex  
quibus ea quoque promanabit utilitas, ut ij, qui  
iuste viuunt, maiore cura atque studio iustitiam  
retineant, in eaque maiores in dies progressiones  
faciant. Peccatores etiam non parum utilita-  
tis capient, dum piorum felicissimū statum co-  
gnoscentes, vel suam miseriam infelicemque cō-  
ditionem intelligentes, qua nullam deteriorem  
esse percipient, iniustitiam abijcient, & ad ho-  
nestē, religiosamque uiuendum excitabuntur. Cum  
ergo, pie lector, ex huius Centuriæ lectione fru-  
ctus maximos tibi haurire liceat, eam libenter  
excipe, eaque utere: qua nullus liber carior,  
nullus iocundior tibi esse deberet, cū in ea ma-  
gnitudo exponatur, & laudes celebrentur tuæ.  
Illud autem lectorem monitum esse volo; eam  
fuisse auctoris mentem, ut non tam exacte, at-  
que copiose hoc argumentum tractare uoluerit,  
quam

quam, propositis quibusdam locis, meditando  
occasionem alijs præbere: quo factum est, ut  
multa silentio præterierit, & quæ dixit, Stri-  
ctius persecutus fuerit. Illud etiam monebo,  
librum illum, De interiore homine ab eodẽ  
auctore conscriptum, qui in marginibus, nonnul-  
lis in locis citatur, non solum ad huius operis  
cognitionem, sed etiam ad cognoscendum scip-  
sum, qua scientia nulla vnquam melior, ac ma-  
gis necessaria existimata fuit, maxime legentẽ  
profuturum. Illic vir iustus describitur, & no-  
ua quadam arte construitur; hic vero laudi-  
bus ornatur: illic, qui esse debeat spiritualis  
homo docetur; hic quanta sit eius magnitudo,  
ac felicitas demonstratur. Citantur etiam alia  
eiusdem auctoris opera, nimirum, De pacifica-  
tione, & de amore & concordia fraterna:  
quod ideo te monere volui, ut qui nam sint li-  
bri, in hoc opere citati non ignorares: quos si le-  
ges, nihil te fortasse pœnitebit. Cum itaq; Chri-  
stiane lector, huiusmodi opus habeas, ex quo  
delectationes, utilitatesq; maximas percipere  
possis, est, cur hanc Centuriam, quam auctor  
multo studio multaque cogitatione in tuam  
utilitatem confecit, pio candidoque animo, am-  
plectaris, ac Deo opt. Max. a quo omnia pro-  
ficiscuntur bona, gratias agas. Vale.

# CAPITVM INDEX.

- 1  **AVDATUR** vir iustus ab æterna cognitione, qua a Deo cognitus, ac prædestinatus est.
- 2 **Ab æterno amore**, quo a Deo dilectus, ac præelectus est.
- 3 **Ab ijs rebus**, quibus viri iusti status præmonstratus fuit, & quæ viri iusti causa factæ sunt.
- 4 **A quatuor causis** virum iustum conficientibus.
- 5 **A supernaturali**, ac diuino statu, quem vir iustus consecutus est.
- 6 **A natiuitate**, quæ maximo eum gaudio celebratur.
- 7 **A vera nobilitate**, dum virum iustum vere nobilem esse demonstratur.
- 8 **A varijs nominibus**, quibus appellari solet.
- 9 **A varijs descriptionibus**, quibus viri iusti natura varie explicatur.
- 10 **A varijs, & illustribus titulis**, quibus vir iustus ornari potest.
- 11 **Vir iustus est imago**, & similitudo viua viuentis Dei.
- 12 **Anima iusti est ornatissima**, & pulcherrima Dei, seu Christi sponsa.
- 13 **Vir iustus est deliciae**, & amores Dei.
- 14 **Vir iustus est tabernaculum**, & templum quoddam viuum viuentis Dei.
- 15 **Vir iustus est sacrariū** quoddā spiritus sancti.
- 16 **Vir iustus est margarita**, seu thesaurus quidam maximus.
- 17 **Vir iustus est lux**, aurora, dies, & sol quidam in mundo.
- 18 **Nihil viro iusto maius in hoc mundo reperiiri potest.**

# INDEX CAP.

- 89 Iustus, & impius contrarijs inter se rebus comparantur.
- 10 Demonstratur meliorem esse viri iusti statum, quam Regis.
- 21 Quanta sit viri iusti dignitas, ex nobilitate humanæ naturæ ostenditur.
- 22 Viri iusti dignitas ex Angelorum lapsorum dignitate ostenditur.
- 23 Vir iustus est vere doctus, & quidam magnus doctor.
- 24 Vir iustus est vere sapiens, & solus sapiens.
- 25 Laudatur vir iustus a vera, & optima scientia, qua seipsum cognoscit.
- 26 Vir iustus est verax, & verus.
- 27 Laudatur a virtute prudentiæ, dum neminem eo prudentiorem esse demonstratur.
- 28 Vir iustus, consilio, atque iudicio alijs præstat, & prodest, quo multum pollet.
- 29 A virtute fortitudinis.
- 30 A libertate, qua malos reprehendit, dū nullius faciem, & potentiam timet.
- 31 Vir iustus nihil timet, sed semper, & ubiq; impavidus existit.
- 32 In viro iusto omnipotentiam quandam esse demonstratur.
- 33 A victoria, quam de seipso refert; dum omni ex parte seipsum vincit.
- 34 A virtute patientiæ, qua patiendo vincit.
- 35 A virtute mansuetudinis, & humilitatis.
- 36 A participatione omnium bonorum spiritualium, quæ in Ecclesia fiunt.
- 37 A virtute liberalitatis, per quam omnia bona, tam corporalia, quam spiritualia cum omnibus communicat.
- 38 A virtute frugalitatis, & mediocritatis, per quæ omnia sua bona conservat, & amplificat.
- 39 A castitate, seu munditia, qua corpus, & animam

- mam munda, & nitida conseruat.  
 40 A virtute iustitiæ: & quæ sit iustitia Christia-  
 na, & quis dicatur iustus docetur.  
 41 A diuino timore, quo præditus est; & qui sine  
 diuini timoris effectus.  
 42 A virtute obedientiæ: & de obedientiæ præ-  
 stantia.  
 43 A uirtute fidei, quæ speciatim in viro iusto vi-  
 get; & quanta sit fidei uis.  
 44 Vir iustus certitudinem quandam suæ præde-  
 stinationis, & salutis habet.  
 45 A uirtute spei, qua speciatim de diuino auxi-  
 lio, & de sua salute sperat.  
 46 A uirtute caritatis, & quanta sit caritatis ex-  
 cellentia.  
 47 Vir iustus inimicos amat, iniuriasq; æquo ani-  
 mo fert: easdemque libenter condonat.  
 48 A simplicitate: & quæ sit Christiana simplici-  
 tas docetur.  
 49 Vir iustus est perfectus homo: & quæ ad Chri-  
 stianam perfectionem requirantur.  
 50 Solus vir iustus vera pace fruitur.  
 51 Vir iustus ueris gaudijs, uerisque uoluptatibus  
 perfruitur.  
 52 Vir iustus sine ulla graniore cura, & sollicitudi-  
 ne uiuit.  
 53 Vir iustus est omni honorum genere dignus.  
 54 Vir iustus ob maiestatem; quam præ se fert, est  
 omni reuerentia, & ueneratione dignus.  
 55 Vir iustus est omni laude, atque gloria dignus.  
 56 Vir iustus, fama celebris, atq; gloriosus existit.  
 57 A magnitudine rerum gestarum; dum demon-  
 stratur quantus sit, etiam minimi operis uiri  
 iusti valor.  
 58 A recta, altaque statura, ac præstanti figura.  
 59 A supernaturali pulchritudine.  
 60 A uelamentorum spiritualium pulchritudine,  
 Iustitia

# CAPITV M.

- 61 Iustitia magis, quam omnia dona gratis data hominem perfectum, ac maioribus laudibus dignum reddit.
- 62 Laudatur vir iustus a veris diuitijs. & vere diuitem esse demonstratur.
- 63 Viro iusto, nihil vnquam deesse, demonstratur.
- 64 Deus viui iusti causa omnium rerum copiam vbi, & præbet.
- 65 Viro iusto nulla creatura notet.
- 66 Viro iusto omnes creaturæ inserviunt.
- 67 Omnia viui iusti causa facta esse demonstratur.
- 68 Mundus, & omnia quæ in mundo sunt, viui iusti causa conseruatur.
- 69 Vir iustus est, ueluti quidam totius mundi Monarcha.
- 70 Laudatur uir iustus a regno Dei, quod intra se habet, & regem esse ostenditur.
- 71 Viro iusto omnia feliciter succedunt.
- 72 Aduersas res viui iusti statum felicissimum reddere ostenditur.
- 73 Deus est protector, custos, & uindex viui iusti.
- 74 Deum priuatam, ac præcipuam viui iusti curam habere ostenditur.
- 75 Laudatur a republica Christiana, in qua natus, & educatus est, atque præ alijs extellit.
- 76 Ab institutoribus, & præceptoribus, quibus institutus, doctusque fuit.
- 77 Ab honesta consuetudine, vsuque, quem cum Deo, & cum bonis habet.
- 78 A vera libertate, quæ in solis iustis reperitur.
- 79 A seruitute, qua Deo, & Christo inservit.
- 80 A vera amicitia, quam cum Deo habet.
- 81 A familiaribus, & domesticis vsu, quem iustus cum Deo habet.
- 82 Vir iustus est graciosus apud Deum, a quo quid quid petit, obtrinet.



# INDEX CAP.

- 83 Viri iusti dona, sunt Deo gratissima.
  - 84 Vir iustus est sanctorum ciuis, cum sit cœlesti ciuitate donatus.
  - 85 A militia Christiana, in qua quotidie fortiter, & honeste versatur.
  - 86 Vir iustus est Dei filius, & æterni regni hæres.
  - 87 Vir iustus est in Deo, & Christo, & Deus, & Christus in viro iusto.
  - 88 Vir iustus, in hoc mundo longam vitam viuere.
  - 89 Vir iustus fecundam, & bonam prolem habet.
  - 90 Vir iustus est omni ex parte beatus: quia in ipso omnis beatitudinis ratio reperitur.
  - 91 Viro iusto mors non est timenda, nec eam timere.
  - 92 A felici exitu ex hac vita, & ab vltima victoria, quam ex inimicis deportat.
  - 93 Vir iustus non moritur.
  - 94 Laudatur vir iustus ab ijs rebus, quæ ipsi post discessum ex hac vita feliciter succedunt.
  - 95 Ab honore, & gloria, quibus afficietur cum cœlum ingreditur.
  - 96 A magnitudine beatitudinis, qua in æternum perfruetur.
  - 97 A gloria corporis, quam in resurrectione consequetur.
  - 98 A laudibus, quibus in die vniuersalis iudicij a Christo exornabitur.
  - 99 Vir iustus vna cum Christo mundum iudicabit.
  - 100 A gloriosissimo triumpho, quem vna cū Christo, & omnibus beatis, post diem iudicijaget.
- Appendix, qua demonstratur, facile esse iustitiam acquirere, & Christiane viuere.

*Indicis Capitum, Finis.*







VIR IVSTVS,

VEL

DE LAVDIBVS HOMINIS

CHRISTIANI,

CENTVRIA.



*Laudatur vir iustus ab æterna cognitione,  
qua a Deo cognitus, ac prædesti-  
natus est. Cap. I.*



**I**TSI Deus optimus maxi- *Ecc. 16.*  
mus ab omni æternitate *17.*  
ob infinitatem intelli-  
gentiæ suæ clarissime co-  
gnoscit, & intuetur om-  
nia ; ita ut nihil eorum,  
quæ antehac fuere, & quæ nunc existunt, &  
quæ posthac futura sunt, cognitionem la-  
teat

# VIR IUSTVS.

*Rom. 8.*


*Phil. 4.*

*1. Petr. 1.*

*Ephes. 1.*

teat diuinam : tamen, eum hominem , quē  
 præsciuit, & prædestinauit conformem fie-  
 ri imagini Filij sui, singulari quadam ratio-  
 ne, ab eadem æternitate, mente uidet, me-  
 moria complectitur, in utero misericordiæ  
 suæ concipit, & in æternæ uitæ libro de-  
 scribit; ut tandem, ubi eum iustificatione  
 pepererit, & in filium adoptauerit, æterna  
 hæreditate donet. Hic autem homo, is est,  
 quem a iustitia, hoc est, a cumulo uirtutum  
 omnium diuinæ literæ, Iustum, appellare  
 solent. Cum itaque Vir Iustus, mente, &  
 memoria diuina ab omni æternitate com-  
 prehensus fuerit, eiusdemq; Deus priua-  
 tam, ac præcipuam quandam ideam in sua  
 mente formauerit, atque in adoptionem  
 filiorum suorum prædestinauerit, & ante-  
 quam quidquam fieret, conceptus; & ante  
 colles, priuata quadam ratione, formatus,  
 iure dici poterit. Huc pertinet, quod Apo-  
 stolorum princeps, de uiris iustis agens,  
 scriptum reliquit: Præcogniti quidem an-  
 te mundi constitutionem : manifestati au-  
 tem nouissimis temporibus, &c. Et Pau-  
 lus: Qui prædestinauit nos in adoptionem  
 filiorum, per Iesum Christum, in ipsum,  
 secundum propositum uoluntatis suæ, &c.  
 Conuerte hoc loco Christiane lector men-  
 tis oculos in naturam diuinam, atque in ea  
 uirum

uirum iustum præcipua quadam idea for- *Phil. 4.*  
 matum, & tanquam in libro descriptum,  
 & quasi in utero conceptum, & immensæ  
 maiestatis sinu comprehensum cerne; &  
 tunc quæ, & quantæ sint præfigitationes,  
 quibus uir iustus antequam nasceretur, *Rom. 9.*  
 aut boni malive quidquam ageret, præ-  
 cognitus, præmonstratusq; fuerit, intelli-  
 ges; cum ab omni æternitate in mente di-  
 uina conceptus, formatus, scriptus, com-  
 prehensusq; sit. Quare, si oracula, si præ-  
 dictiones, si in aliqua re, natiuitatis cuius-  
 spiam datæ significationes, tanti fiunt;  
 quanti tales, ac tantæ, natiuitatis uiri iusti  
 præfensiones, faciendæ erunt? Illæ in crea *Luc. 1.*  
 turis, hæ in creatore: illæ temporaneæ, hæ  
 æternæ: illæ dubiæ, hæ vero certissimæ. Si  
 homines ab oraculis, & signis ante ipsorum  
 natiuitatem editis tantum laudantur; cur  
 uir iustus, a tam insignibus præfagiis, a for-  
 matione, a uocatione, a prænotione, atq;  
 ab æterna, & diuina prædestinatione lau-  
 dandus non erit? Si gloriantur aulici, quod  
 ipsorum domini eos speciatim, cognos-  
 cunt, nominant, ad se uocant, & priuatâ  
 eorum memoriam habent: quanto magis  
 uir iustus, qui apud præpotentem Deum,  
 cognitus, perspectus, nominatus, uocatus,  
 ac mente conceptus, formatusque est, glo-



# VIR IVSTVS.

riari poterit? Quis ergo tam felicem huius  
uiri condicionem, tam illustres præsen-  
*2. Tim. 1.* nes non admiretur? cum hic uir sit æterna  
cognitione cognitus, æterna uocatione uo-  
*Eph. 1.* catus, æterna prædestinatione prædestina-  
tus, æterna Dei memoria comprehensus,  
& in æterno misericordiæ diuinæ utero con-  
ceptus, atque ab æterno, æterno regno do-  
natus. Complectere, amice lector, animo  
singulas rationis participes creaturas, An-  
gelos inquam, & homines, & mentis ocu-  
lis inspicere Deum ex innumerabili impro-  
*Eph. 2.* borum hominum, & Angelorum multitu-  
dine, ob misericordiam suam, non ex ope-  
ribus ab omni æternitate Iustum misericor-  
*Rom. 8.* diæ suæ oculis insipientem, & uocatione  
sua discernentem (nemo. n. est, qui se discer-  
*Tit. 3.* nat) & in libro æternæ uitæ scribentem, bea-  
titudineque donantem; & quam felix sit  
uiri iusti condicio, aliqua ratione cogno-  
sces. Non secus, ac si Rex in solio suo se-  
dens, ex omni populo sibi præsentem, quem  
piam, sua liberalitate, ab aliis secerneret,  
& ad se uocaret, & regiis ornamentis in-  
dueret, amplissimisque honoribus coram  
omnibus cumularet, & tandem ad regni  
*Gen. 41.* sui gloriam, ut Pharaon Iosephum, ascisce-  
ret. Contra uero, impij condicio misera,  
immo miserabilis omnino existit: quia, li

cet sit a Deo ab æternitate cognitus, non ta-  
 men probatus, sed præscitus, hoc est, ad  
 æternos cruciatus, ob sua errata, destina-  
 tus: qui licet sit uocatus: tamen ob duri-  
 tiem suam, reiectus, & despectus, & in mul- *Prou. x.*  
 titudine improborum relictus, atque ex li-  
 bro uitę, deletus est: qui tandem una cū  
 diabolo in stagnum ignis, & sulphuris pro *Apo. 19.*  
 iicietur; ubi die, ac nocte in perpetuum,  
 acerbissime cruciabitur: quoniam nouit  
 Dominus uiam iustorum, & iter impiorū *Psal. 1.*  
 peribit. Suę nunc impij genealogię anti-  
 quitatē iactent: de nobilitate ex utraque fa-  
 milia glorientur: ad ueteres, & illustres ui-  
 ros genus suum reuocent: quia, nihil tale  
 unquam proferre poterunt, ac uir iustus  
 potest, cui & tam insignes præfensiones, & *Ast. 17.*  
 genus licet iactare diuinum?

*Ab æterno amore, quo a Deo dilectus, ac  
 præelectus est. Cap. II.*

CUM Deus sit summa bonitas, nihil eo-  
 rum quæ fecit, ut sacra nos docent e-  
 loquia, odio habet: sed, ut omnia ex amo-  
 re creauit; ita, eodem amore, cuncta crea- *Sapient. 12.*  
 ta diligit, atque conseruat. Verum, sicuti  
 creando nō omnibus eadem ratione rebus  
 sese communicauit: sed his clarius, illis

uero obscurius bonitatem impertiuit suã ;  
 ita etiam, non eodem prorsus amore, pro-  
 sequitur omnia . Ex omnibus uero crea-  
 turis uirum iustum præcipua quadam, ac  
 æterna caritate diligit , atque summum bo-  
 num, illud uidelicet ipsum, quo fruitur ip-  
 se, ei cupit , & ut id assequatur , nihil non  
 efficit . Diligit ergo æternus Deus æterna  
 dilectione uirum iustum , atque in ea di-  
 lectione perpetuo perseverat ; cum ipsum  
 elegerit, ut sit sanctus , & immaculatus in  
 conspectu eius . Hic amor tantus , ac talis  
 est, ut quos hoc amoris genere non amat,  
 eos Deus odisse dicatur . Ideo legimus : Ia-  
 cob dilexi, Esau autem odio habui : quia  
 non iisdem donis ambos Deus ornauit, nec  
 tot prærogatiuas uni, atque alteri tribuit .  
 Si quis ergo , quid Deus , & eius præci-  
 pius amor, & quid amare, & amari sint, in-  
 telligeret, quanta esset uiri iusti præstantia,  
 quantaque dignitas aliquo modo cognos-  
 ceret . Deus est id , quo nihil melius, ni-  
 hil diuinius, nihil potentius excogitari po-  
 test: amare, est alicui bene cupere, & quan-  
 tum fieri potest, id amato conferre : amari  
 uero, est alicui carum, gratumque existere .  
 Si ergo Deus est summe bonus, quod nam  
 uiro iusto bonum non cupiet ? cum hæc sit  
 bonitatis ratio, ut aliis sese communicet :

si summe diues, quid deerit, quod tribuat? *Psa lvi.*  
 si summe potens, quid impediet, quin im-  
 pertiat? quid est, quod debui ultra facere  
 vineæ meæ, & non feci ei? Deus loquitur: *Isaia 5.*  
 at, quid non debuit, & potuit optimus, &  
 omnipotens? Quæ igitur bona, quæ mune-  
 ra, quæ priuilegia, optimus, munificentis-  
 simus, & potentissimus Deus ab omni æter-  
 nitate non dederit ei, quem singulari amo-  
 re dilexit? ei, quem benignitate sua ex tan-  
 ta reproborum multitudine elegit, & præ-  
 elegit? ei quem ita amat, ut delicias suas *Pro. 8.*  
 appellet? Quid homini accideret iucun-  
 dius? quid gratius eueniret, quam si ab ali-  
 quo præstanti, & illustri uiro unice amari  
 se intelligeret? Quis non censeret eum fe-  
 licissimum, quem, quot quot essent in ciui-  
 tate, uiri, & mulieres, pueri, & adulti, no-  
 biles, & ignobiles non vulgari caritate com-  
 plecterentur, ac propterea omnia summa  
 bona ei desiderarent, ac quantum in ipsis  
 esset præstarent? Quid? si ab omnibus, qui  
 sunt in prouincia, in regno, & denique in  
 uniuerso orbe ingenti afficeretur amore,  
 & summis beneficiis a singulis certatim or-  
 naretur? Quid? si hi omnes, hunc homi-  
 nem, antequam in hanc lucem uenisset,  
 ardentem amassent? non ne, id quid maxi-  
 mum, & omni admiratione dignum uide-  
 retur?



retur? & quis hunc hominem terque, quaterque beatum non appellaret? quis ei tam prosperam sortem non invideret? quis tam felicem condicionem non admiraretur? At uero, totus hic amor, tota hæc beneuolentia, totum hoc humanum studium, si cum eo amore, eaque caritate, qua iustus a præpotenti Deo diligitur; conferatur, exiguum quid est, umbra est, nihil est.

*2. Cor. 6.* Etenim, quæ comparatio esse potest inter Deum, & hominem? inter lucem, & tenebras? inter uerum amorem, & amoris umbram? Contemplare hoc loco, nihil esse Deo dignius, & nihil amore præstantius; & uide uirum iustum ab omni eternitate in Deo tanquam amatum in amante existentem: cerne Deum hunc uirum ex aliis, non

*Ephes. 2.* ex operibus, sed ex gratia, eligentem, & præligentem, & ad se uocantem, atque in eo acquiescentem, & delectantem, & postea, si potes, quanta sit uiri iusti dignitas,

*Ioan. 16.* intellige. Sic itaque Deus dilexit iustum, ut eum ante mundi constitutionem ad se uocauerit, & ita amplexus fuerit, ut nemo eum de manu sua rapere possit: Sic Deus

*Ioan. 17.* dilexit iustum, ut antequam nasceretur, & boni quidquam ageret, ex immensa reproborum multitudine selegerit, & ad se asciri-

*Rom. 9.* uerit: Sic Deus dilexit iustum, ut eum suæ

natu-



naturæ consortem efficere uoluerit : Sic *1. Pet. 1.*  
 Deus dilexit iustum , ut pro ipso unigenitū  
 suum dederit : & quo modo cum eo non *Rom. 18.*  
 dedit omnia ? Sic Deus dilexit iustum , ut  
 pro ipso speciatim, efficaciter uidelicet, &  
 efficienter Filium suum mortem atrocem  
 subire uoluerit : Sic denique Deus dilexit,  
 & diligit iustum, ut priuate, Deus ipseus, di  
 ci uelit : ideo legimus : Deus Abraham , *Tob. 7.*  
 Deus Isaac, Deus Iacob. Nec solum a Deo,  
 sed etiam ab hominibus uir iustus multum  
 diligitur : quod ex scripturis cognoscere li  
 cet ; in quibus legimus : Dilectus Deo, & *Ecci. 45.*  
 hominibus Moyses, cuius memoria in be  
 nedictione est : & de Samuele : Placebat *Exo. 11.*  
 tam Deo , quam hominibus : de Dauide : *1. Reg.*  
 & acceptus erat in oculis uniuersi populi. *1. Reg. 18.*  
 Denique, ne multa prosequar exempla, To  
 bias uir iustus, & tota ipsius generatio acce  
 pta fuit tam Deo, quam hominibus, & cun  
 ctis habitantibus in terra . Et sane, quis ui  
 rum iustum, qui est quid perfectum , non  
 amet ? quis non diligit, quem Deus tanto  
 pere diligit ? quis non existimet amandum  
 esse eum, in quo sunt omnes amoris causæ ?  
 Et cum omnes pro iustis, dum contrarium  
 non constat, habendi sint , omnes, tanquā  
 iusti, præcipuo amore deberent amari. Im *Sapient. 14*  
 pius autem , & ipsius impietas Deo & ho  
 minibus

# VIR IVSTVS.

minibus odio sunt : propterea Deus, ipsius præiudicis culpis, ab eternitate ipsum a se repellit, & a beatitudine excludit, quo nihil infelicius, nihil calamitosius excogitari potest. En igitur, quam felix sit iustorum status, & quam misera improborum condicio: quæ tantum inter se distant, quantum a Deo amari, & odio haberi inter se disiuncta sunt.

*Ab ijs rebus, quibus uiri iusti status præmonstratus fuit, & quæ uiri iusti causa factæ sunt. Cap. 111.*

**Q**Voniam in immensum protraheretur opus, si omnia seorsim, & fufe exponere vellemus, quæ ante uiri iusti natiuitatem contigerunt, & eius causa facta sunt: propterea, cum nos hanc tractationem summam, & per capita complexuri simus; hunc etiam locum, qui latissime patet, paucis perstringemus. Ea igitur omnia, quæ ad statum, & uitam, moresq; uiri iusti pertinent, multo ante præmonstrata fuere: quia, omnia, quæ scripta, aut facta sunt, ad ipsius doctrinam, & institutionem ordinata sunt: & quæ in figura alijs contigerunt, uiro iusto in ueritate euenerunt. Vir iustus in Abel, Noe, & alijs perfectis

*Ro. 15.*

*1. Cor. 10*

*Gene. 4.6*

fecit uiris præsignatus fuit: Abrahæ, & po  
 puli uocatio, uiri iusti uocationem signifi-  
 cavit: Volatilium ex aqua creatio, huius  
 hominis ex aqua renascentiam: Terra pro  
 missionis, patriam: Ierusalem, ciuitatem,  
 in qua uersaturus erat: Arca Noe, domum:  
 Melchisedech oblatio, panem, & uinum:  
 Fluxus aquę materialis ex petra, eiusdem  
 spirituales aquam: Agnus paschalis, car-  
 nem, & modus quo agnus edebatur, modũ,  
 quo ipse carnem sibi dandam ederet: Cibi  
 mundi, uirtutes, quas exercere, ut cibi pro-  
 hibiti uitia, quę fugere debebat: Lex in  
 tabulis scripta, legem quę in corde scri-  
 benda erat: Sacerdotum vestes, indumenta,  
 quibus se induere debet. Sacramenta etiam  
 omnia, quę iustis necessaria futura erant,  
 præmonstrata fuerunt. Baptismus in tran-  
 situ maris rubri: Confirmatio, in oleo, quo  
 tabernaculum inungebatur: Eucharistia, in  
 manna: Pænitentia, in sacrificijs pro pecca-  
 to: Ordo in tribu Sacerdotali: Extrema  
 unctio, in unctionibus regum, & maxime  
 Davidis, qui ter unctus est: Matrimonium,  
 in formatione scēminæ ex uiro. Varię quo-  
 que uirtutes in uarijs patribus designatę  
 fuerunt: In Abraham fides, qui proinde  
 dictus est omniũ credentiũ pater: in Isaac  
 obedientia: in Ioseph prudentia, nec non  
 etiam

Gene. 17.

Gene. 1.

Gene. 6.

Exo. 17.

Exo. 12.

Leu. 7. 11.

Exo. 34.

Exo. 29.

Leu. 16.

Exo. 13. 14.

Exo. 29.

1. Reg. 16.

2. Reg. 2. 5.

Eph. 4.

Gene. 17.

Gene. 22.

41

# V I R I V S T V S.

etiam gloria, & honor, quo afficiendus est: in Moyse, clementia: in Iob, patientia: in Dauide, persecutionum perpassio: in Elia, zelus: in Iosue, fortitudo: in Daniele, consilium: & denique in alijs, alię præsignatę fuere uirtutes. De iustorum progressionē prænunciatum fuit: ibunt de uirtute in uirtutem. De lumine: in lumine uultus tui ambulabunt: in lumine tuo uidebimus lumē: in eo uidelicet lumine, quod ab æterno manauit lumine: & alibi: lux orta est iusto. & rectis corde lætitia: lux nimirum illa, quę lucet in tenebris; sed tenebrę eam non comprehenderunt: De religione, & cultu: Populus, qui creabitur, laudabit dominum: De conuersione: Inuentus sum a non quærentibus me. De persecutionum perpassione: estimati sumus sicut oues occisionis. De disciplina: erūt omnes docibiles dei. Et quoniam immensi esset laboris, uelle persequi quidquid olim factum, dictum, scriptum ue uiri iusti causa est, generatim, omnia pro ipso, & scripta, & dicta, & facta fuisse dicam. Etenim omnes doctorum libri, omnes legumlatorum leges, omnia sapiētum placita, omnia Patriarcharum gesta, omnia Prophetarum monumenta, omnia Apostolorum decreta, & denique, quidquid unquam dictum, scriptum, factumque Dei uolun-

*Ps. 83.*

*Ps. 88.*

*Ps. 46.*

*Jo. 1.*

*Ps. 101.*

*Isa. 65.*

*Ps. 43.*

*Jo. 46.*

uoluntate est, ob uirum iustum factum esse nemo est (cum etiam Deus pro eodem homine factus sit homo) qui negare possit. Cuius fidem confessores uite exemplo amplificarunt; martyres morte confirmarunt: doctores, doctrina illustrarunt ac stabiliuerunt. Hęc quę diximus omnia, si quispiam uiri iusti causa premonstrata, & facta fuisse intelliget, non poterit eius magnitudinem, præstantiamque non admirari: quam sequenti capite adhuc apertius explicare nitemur.

*A quatuor causis, uirum iustum conficientibus. Cap. IIII.*

**E** Arum rerum, quas parens natura procreat, dignitas atque perfectio, ex causarum, quę ad ipsas conficiendas conueniunt nobilitate & perfectione a sapientibus æstimari solet. Ideo nos quoque, ut uiri iusti dignitatem, atque præstantiam melius inuestigemus, eas ex quibus conficitur causas, manifestare conabimur, ex quarum cognitione, ad huius uiri naturam inelius inspiciendam, quisque cogitatione intrare multo facilius poterit. Viri ergo iusti patres, sunt Deus optimus maximus, & sancta mater Ecclesia. De patre legimus: qui  
De inter.  
hom. cap.  
10. & sequentibus.  
1. 10.3.  
non

# VIR IVSTVS.

- Io. 1.* non ex sanguinibus , neque ex uoluntate  
*Rom. 8* carnis, neque ex uoluntate uiri, sed ex Deo  
*Iob. 31* nati sunt : item: In quo clamamus, Abba ,  
*Ps.* Pater . Est enim Deus redemptor & forma  
*Isa. 44* tor eius ex utero. De matre , scriptum est :  
*Gal. 4.* Illa autem quę sursum est Ierusalem, libera  
*Ps. 112* est, quę est mater nostra: & alibi: Qui habi  
*Is. 54* tare facit sterilem in domo , & matrem  
 Filiorum lætantem . Nec enim potest quis  
 Deum habere parentem , nisi matrem ha  
 beat Ecclesiam . Semen ex quo generatur ,  
 est uerbum diuinum, & diuina inspiratio .
- 1. Pet. 1.* Renati, ait Petrus Apostolus , nõ ex semine  
 corruptibili, sed icorruptibili, per uerbũ dei  
 uiui, &c. Est etiam semen , baptismi aqua  
 diuina uirtute fœcundata: quoniam , nemo  
 hanc uitam uiuit, nisi is , qui renatus fue  
 rit ex aqua , & Spiritu sancto . Forma,  
 est gratia , participatio uidelicet quædam  
 diuinæ naturæ , diuinus quidam afflatus,  
 qua forma , ad statum quendam supra na  
 turam , ut statim dicemus, eleuatur : ut uir  
 iustus non sit amplius homo , sed partici  
 patione diuinæ naturæ, per gratiam, Deus.  
 Finis ad quem tendit, est clara diuinæ essen  
 tiæ uisio , quem finem cum nactus fuerit ,  
 erit similis Dei: quia eum uidebit sicuti est  
 omne inquam bonum, & æterna uita: cum  
 scriptus sit in libro uitæ . Contempletur

nunc

nunc lector has singulas causas; Deum patrem, Ecclesiam Matrem, diuinum uerbū semen, gratiam formam, uisionem Dei, finem, & perpendat quanta sit cuiusque causæ præstantia, & quanta sit uiri iusti dignitas, & excellentia, cum ex nobilissimarum causarum coitione generetur, intelliget. Quis uiri iusti patrem, æternum, immortalem, optimum, ditissimum, omnipotentissimum, & matrem sanctam, orthodoxam, ueritatis magistram, catholicam, fecundam, & Christi sponsam, considerans, uiri huius dignitatem non cognoscet? Quis semen sanctum, impollutum, incorruptibile, uiuificum, purum, diuinum, ex quo uir iustus nascitur, animaduertens, ipsius nobilitatem, & præstantiam nō intelliget? Quis naturam eius, cuius forma, & uita habetur a gratia, quæ est super naturale donum, naturæ diuinæ participatio quædam, ac spiritus Dei afflatus quidam, cognoscens, non obstupescet? Quis tandem, si contemplatus fuerit finem, uiro iusto paratum, æternam uidelicet beatitudinem, quæ est status omnium bonorum aggregatione pfectus, quæ omnem rationē boni continet, quæ ex omni parte naturā perficit humanam, in admirationem, ob tam præstantem naturam, & felicem conditionem

2 Pet. 1.



## VIR IUSTVS.

- cionem, non rapietur? Contra uero, quis non existimet ignobiles, sordidos, abiectos, & miseros eos, qui ex patre diabolo, ex matre Babylone, & ex suggestione Dæmonis tāquā ex semine nascuntur? qui peccatorum maculis infecti, & affecti, humana quodam modo forma, & natura amissa, Dæmones imitatione fiunt, & filij Belial uocantur; quos tandem æterni cruciatus manent. O igitur singularem, & admirabilem uiri iusti generationem! quæ ex tam præstantibus, & diuinis causis efficeris: tu corruptibili semine non es infecta, carnis uoluntate non es maculata, uiri libidine non es polluta, sed tota munda, tota pura, tota candida existis.
1. Ioa. 3  
1. Reg. 22  
Ioa. 1.

*A super naturali, ac diuino flatu, quem  
uir iustus consecutus est.*

Cap. v.

- De inter.  
hom. cap.  
18.* SI quis semel quantam dignitatem per iustitiam suam uir iustus adeptus est, intelligeret, quin omnino obstupesceret, facere nulla ratione posset. Etenim is, qui iustitia ornatus est, non est amplius homo; sed homo homo; hoc est, perfectus homo: immo, cum ex Deo, & Spiritu sancto natus sit, non est amplius homo, sed parti-
- Ps. 26  
1. Ioa. 3.



participatione diuinæ naturæ, & spiritus,  
 Deus, ac Spiritus. Per supernaturalem ergo generationem, qua renasci oportere  
 Christus dixit, uir iustus ad imaginem, &  
 similitudinem eius, qui fecit, & refecit ip-  
 sum, regeneratus, statum quendam super-  
 naturalem, ac diuinum adipiscitur: ut non  
 sit amplius, simpliciter loquendo, ex rerū  
 naturalium, sed supernaturalium ordine,  
 non ex mundo, sed ultramundanus, non  
 ex terra terrestris, sed ex cœlo cœlestis: vos  
 ex mundo non estis, dictum est iustis: &  
 denique non solum ob naturam humanā  
 humanus; sed etiam ob participationem  
 diuinæ naturæ diuinus: uos Dij estis, di-  
 ctum est iustis. Propterea Apostolorum  
 princeps, dixit, Deum maxima, & preciosa  
 iustis promissa donasse; ut per hæc effice-  
 rentur diuinæ consortes nature. Viri ergo  
 iusti, uere Dei genus sunt: & genus possunt  
 iactare diuinum. Per gratiam itaque, quæ  
 est quædam diuina forma, uir iustus, cum  
 acquirit statum, qui talis, ac tantus est, ut  
 verbis explicari, aut cogitatione compre-  
 hendi ab ullo mortalium, in hac vita, non  
 posse putem. Per hunc statum uir iustus di-  
 gnus efficitur, qui a Deo singulari dilectio-  
 ne ametur: per hunc statum, ab alijs crea-  
 turis, & hominibus impijs secernitur, atq;

*Ioan. 3.**Dion. areo.  
de ecc. hic.  
cap. 2.**Ioan. 17**Ps. 81.**2. Pet. 1.**Act. 17.*

quam longissime distat : per hunc statum,  
quoddam rerum omnium acquirit domi-  
nium : per hunc statum, eam amplitudi-  
nem, honoremque recuperat, quem pri-  
mus pater amiserat : per hunc statum, su-  
pernaturales, & ut ita dixerim, dei viriles  
operationes æternam vitam promerentes  
exercet : per hunc demum statum, admi-  
rabilis hominibus, terribilis Dæmonibus,  
honorabilis Angelis, tribus diuinis perso-  
nis Patri, Filio, & Spiritui Sancto carus,  
gratusq; existit. Fingete te uidisse quēpiam  
ex hominum fæce hominem, sordidum,  
abiectum, derisum, & omni ex parte mise-  
rabilem, atque ætiosum : Finge postea,  
aliquem Regem, hunc eundem ad partici-  
pandum honorem, potentiam, ac maiesta-  
tem regiam adscivisse ; ita ut iam facie,  
habitu, incessu, uestibus, moribus & ope-  
ribus Rex videatur alter. Tunc, si hunc tu  
hominem ita florentem cernerēs, non ne  
diceres : Non est amplius ille : vel si est ; quā-  
tum est mutatus ab illo ? siquidem iste Rex  
quidam est. Idem de homine, qui prius iu-  
stitia erat, spoliatus, postea iustitiā adeptus  
est, dicas licet : qui, a sordido, & misero, ac  
diabolico, in quo uiuebat statu, ad partici-  
pandam dignitatem, honorem, gloriam,  
& naturam diuinam, a Deo adscitus est : qui

iam facie, habitu, moribus, & operibus Angelus quidam, uel Deus videtur alter. Huius rei, quā hoc loco explicare conamur, illustrem habes in Iosepho figuram; qui cū *Gen. 41*  
 antea abiectus, sordidus, ignotus, impotens, ac destitutus iaceret in carcere, postea a Pharaone ad regni consortium euectus, stola byssina indutus, aurea torque ornatus, annulo donatus, regia maiestate decoratus, alter Rex habitus est: cum uno tantum regni folio, eum rex præcederet. De statu autem impij, si contraria dixeris, quāta in miseria uersetur, quam sordidus sit, quam miserabilem uitam uiuat, facile intelliges. Lapsus est enim in statum quendam calamitosum, natura humana indignum, & omni aliarum rerū condicione, multo inferior. Itaque, est omni creatura longe inferior, Dēmonibus subiectus, Angelis ingratus, ac Deo creatori suo exosus. Quæ cum non tam verbis amplificanda, quam cogitatione examinanda sint, ad alia, hæc piorum mentibus meditanda relinquens, me consero.

*A nativitate, quæ maximo cum gaudio celebratur. Cap. VI.*

**M**agna cum pompa, magnifico regio-  
 que apparatu, filiorum Principum

# VIRTVS TVS.

natalitij celebrantur dies. Ludi eduntur, symphonix undique exaudiuntur, populi ex omni parte confluunt, tota ciuitas exultat, omnia denique sunt lætitię, & uoluptatis plena. Hęc lætitię, hęc gaudij eduntur signa, cum nascitur, Homo, res uide licet quędam imbecillis, infirma, & uana; filius inquam irę, & inimicus Dei. Cuius pompę rumor ad exteras, longeque remotas interdum solet penetrare nationes. Nascitur peccator, & in terris magna est lætitia nascetur uir iustus, & nullum in cęlo existet gaudium? nascetur inimicus Dei, & mundus gaudebit; nascetur Dei filius, & cęlum nullum dabit lætitię signũ? exultabit terra de natiuitate carnali; non exultabit paradysus de natiuitate spiritali? Aper-  
tius dicam: Viri, alias sanctitate celebres tam infaustum, atque infestum hunc carnalis natiuitatis diem esse senserunt, illum ut uehementer execrati fuerint. Pereat, dicebat Iob, dies, in qua natus sum: dies ille uertatur in tenebras: non computetur inter dies anni: Dies ergo huic contrarius, ut est is, in quo uir iustus nascitur, dies faustus, auspiciatus, & felicissimus, qua pompa quibus gaudijs celebrandus erit? quando quidem hac die uir quidam ex Deo, & Ecclesia, terrę, & cęlo gratissimus, nascitur:

cuius

21. 4

Eph. 2.

Iere. 20.

Iob. 3.

cuius natiuitati Dei ministri, & Angeli assistunt, & obstetricantur: dum nascentem puerum suscipiunt, innocentiae pannis inuoluunt, in cunabulis collocant, uagientē consolantur, ei delicias faciunt, ab omni maleficio, & fascinante oculo custodiunt, cui tandem tota spirituum cœlestium turba arridet. Huc facit quod legimus; ita gaudium esse in cœlo super uno peccatore penitentiam agente, quam super nonaginta nouem iustis. Contemplare quæso, quanta sit in cœlo lætitia, non de uno, non de decē, non de quinquaginta, sed de nonaginta nouem iustis, & tunc intelliges, quanta cum uoluptate, quantoque cum gaudio unius uiri iusti celebretur natiuitas. Huc pertinet gaudium illud, quod Pater ob filij prodigi reuersionem demonstrari uoluit. Huc quoque facit gaudium, quod Angeli in natiuitate Christi, ostēderunt, cum cecinerūt: Gloria in altissimis Deo: & in terra pax hominibus bonæ uoluntatis. In hunc etiam locum uenit lætitia illa de dragma inuēta. Huc denique, quæ in baptismo Christi facta, & audita fuere, referri possunt. Oigitur felicem natiuitatē, nō execratione, sed benedictione dignam! Non pereat hic natalitius dies, sed inter alios principem obriñeat locum: nullis inuoluatur tenebris, sed

*De inter.  
hom. cap.  
23.*

*Luc. 15.*

*d. 59. quia  
sanctificat.*

*Luc. 15.*

*Luc. 2.*

*Luc. 15.*

*Luc. 3.*

*Mat. 12.*

clarissima solis luce refulgeat: nulla afflicta  
 tur amaritudine; sed omni repleatur laeti-  
 tia: & cum Deo sit gratissimus, requirat eū  
 desuper. Hic hic dies, sanctissime colendus;  
 atque candidissimo calculo notandus est;  
 cum in eo nascatur filius Dei, qui est prin-  
 ceptus, & Rex in sæcula. At uero infelicissi-  
 mus est dies ille, in quo, is nascitur, cuius  
 generatio est de terra Chanaan, pater A-  
 morrhæus, mater Cheica: in cuius ortu, nō  
 est præcisus umbilicus eius, nec est lotus a  
 qua in salutem, nec sale salitus, nec inuolu-  
 tus pannis. In hac natiuitate tristatur cœ-  
 lum, mœret ecclesia, omnes quodā modo  
 creaturæ mæstitiam præse ferunt: contra  
 uero infernus latatur: iubilant, & gaudio  
 exiliunt Dæmones. Hic dies pereat, hic di-  
 es inuoluatur tenebris, hic dies repleatur a-  
 maritudine, hic dies non computetur inter  
 dies anni, hunc diem infaustum, & infestū  
 non requirat Deus desuper.

*A vera nobilitate, dum virum in-  
 flum vere nobilem esse demon-  
 stratur. Cap. VII.*

**M**ulta, a multis, de vera nobilitate, ex  
 qua hominum dignitas, & excellen-  
 tia a plerisque potissimum æstimari solet;  
 dispu-



disputantur: & omnes, qui cum ratione  
 hac de re scripserunt, in hoc conuenere,  
 eam ab una nasci, ab eademque conserva-  
 ri uirtute, & ab uno uiolari, atque corrumpi  
 uitio: ut uera nobilitas non tam a maio-  
 ribus per generationem accipiatur, quam  
 per ueras, & egregias uirtutes a quolibet  
 acquiratur, atque per easdem conseruetur.  
 Nam, cum omnes homines de eodem lutu-  
 lenso uere se iactare possint genere; quid  
 est, quod aliqui nobilitatis splendorem  
 sunt adepti? quid inter nobiles & ignobi-  
 les, discrimen posuit? nonne uirtus, qua  
 alij præ aliis fulserunt? Vna ergo uirtus  
 nobilem ab ignobili secernit. Etenim, quid  
 est, quod pluris facimus stannum, quam  
 lapides? & æs, quam stannum? & argen-  
 tum, quam æs? & aurum, quam argentum?  
 cum tamen quæ diximus omnia ex eadem  
 nascantur terra. An quia in se aliquid per-  
 fectionis habent, & uim aliquam possi-  
 dent, illa, & non ista? Quid est, quod rosa  
 inter flores obtinet primas, cū tamē ex ter-  
 ra, ut alij flores, & ex spinis nascatur? uis  
 certe aliqua, quam in aliis non reperies  
 floribus. A uera igitur uirtute, uera na-  
 scitur nobilitas. Profer nunc mihi aliquō  
 ex utraque familia nobilissima, & antiquis-  
 sima natorum; iustitia tamen carentem; qua



si caret, omni uera uirtute caret, uel si quā  
 habet, imperfectam habet: & istum con-  
 fer cum homine ex terra nato, iusto tamen,  
 in quo uirtutes omnes reperiuntur, quas  
 secum Christiana iustitia necessario affert:  
 utrum, nobiliorem iudicabis? Uter, dic  
 quæso, nobilior, an Turcarum Imperator  
 iniquissimus, an minimus Christianus iu-  
 stus? Ille ex genere diaboli natus, hic ex  
 genere diuino genitus: ille nullas ueras uir-  
 tutes habet, ex quibus uera oritur nobili-  
 tas, immo uitiis omnibus redundat, unde  
 uera fluit ignobilitas; hic uitiis omnibus  
 uacat, & uirtutibus abundat omnibus: il-  
 le male uiuendo nobilitatem naturæ amisit  
 humanæ; hic honeste agendo, nobilitatē  
 adeptus est diuinam: ille, si quam habet  
 adumbratam nobilitatem, ab aliis atcepit;  
 hic, quam habet a maioribus nō obtinuit:  
 ille tanquam filius prodigus alienus a do-  
 mo paterna custos est porcorum, quorum  
 cibis pascitur; hic in domo paterna ma-  
 nens, bona domestica conseruat, & diui-  
 nis uescitur cibis. Siste hic Persarum Re-  
 ginam, & uetulam Christianam: illam tan-  
 quam ignobilem reiiciam, & floccifaciā;  
 hanc tanquam uere nobilem, & illustrem  
 uenerabor, & admitabor. Cedo mihi pan-  
 nosum quendam, ac miscellum rusticum,

nomi-

nomine tamen, & re Christianum: quis  
 audebit hunc ignobilem appellare? hunc  
 inquam, qui omnibus uirtutibus est orna-  
 rus, qui est Sanctorum ciuis, domesticus  
 Dei, hæres æternæ uitæ: hunc, inquam, cu-  
 ius generatio est legitima, pura, impolluta,  
 diuina, cuius denique genus, est diuinum.  
 Quis uocet eum ignobilem, quem Deus, &  
 Ecclesia, filium, Christus fratrem, & An-  
 gelus conseruum appellat? Solus itaque uir  
 iustus est uere nobilis. Etenim, uera nobi-  
 litas, ut uere, ac sapienter quidam scripsit,  
 ex unctione gratiæ Spiritus sancti, qua so-  
 lum boni Christiani inunguntur, nascitur:  
 quo fit, ut ij soli sint uere nobiles, qui uero  
 sunt Christiani: & ideo, præstantissimus ti-  
 tulus censeatur, qui Gallorum Regi datur:  
 Christianissimus. Nemo igitur sit, qui ui-  
 ri iusti, dignitatem, nobilitatem, & excel-  
 lentiam non agnoscat, non suspiciat; cum  
 ueram sit nobilitatem nactus, & ex semine  
 nascatur diuino. Hæc, quæ de nobilitate  
 uiri iusti diximus, qui non intelligit esse ue-  
 rissima, is sane ignobilis censendus est:  
 quippe qui rationis usu orbatus est. Impij  
 autem, cum ueris, & perfectis uirtutibus ca-  
 reant; cum gratia sint spoliati: cum male  
 agendo nobilitatem humanæ naturæ ex  
 parte amiserint, cum filij diaboli sint, ob-

*Eph. 1.**Psal. 137.**Ap. 13.*

scuri

# VIR IVSTVS.

1. Reg. 2. Sciri, ignobiles, & sordidi iudicandi sunt: cum scriptum sit: Quicumque honorificauerit me, glorificabo eum: qui autem contemnunt me, sunt ignobiles.

*A varijs nominibus, quibus appellari solet. Cap. viii.*

2. Cor. 5. **Q**ua praestantiora, & digniora sunt, ob varias, quas continent perfectiones, varias quoque appellationes sortiri solent. Propterea, cum uir iustus sit res quaedam praestantissima, uariis nominibus in diuinis nuncupatur literis: quorum nomen, bonam hoc capite partem, numerabimus, ut ijs cognitis, tanti uiri excellentia adhuc cognoscatur apertius. Nomina uero ista, haec fere sunt. Noua creatura, interior homo, spiritualis homo, spiritus, celestis Adam, corpus iustitiae. Impius autem, his uocibus nominatur. Vetus homo, exterior homo, humana ratio, caro & sanguis, terrenus Adam, corpus peccati, iumentum insipiens, fomes, & uanitas. Item uiri iusti uocantur, reliquique, quia Deus eos seruat, & pauci sunt, nouus populus, populus Dei, hereditas Dei, populus acquisitionis, generatio iusta, gens sancta, regnum, regale sacerdotium, filij Dei, *Dij.*  
Impij

Impij contrariis omnino appellationibus nominantur. Filij diaboli, siue Belial, generatio peruersa, generatio praua, generatio adultera, genimina uiperarum, filij perditionis. Insuper, viri iusti nuncupantur *Col. 1.* Christi, siue uncti, Sancti, uocati, electi, timentes Deum, inuocantes Dominum, uasa in honorem, sicuti impij, uasa in contumeliam. Diuus Ignatius in quadam epistola, uiros iustos, & bonos Christianos, Christiferos, Spirituiferos, Deiferos, quod Christus, Spiritum, & Deum in corpore suo portent, sapientissime nominauit. Immo, quod est consideratione dignum, philosophi, & poetæ, bonos uiros, Deo cognatissimos, propinquissimos, simillimos, familiarissimos, consilio Iouis pares, Deo equales, & Deos appellarunt. Has, si quis singulas appellationes diligenter animo tractauerit, atque perpenderit, maximam esse uiri iusti dignitatem, & perfectionem facillime intelliget. *1. Corin. 6.*

*Clem. 4.  
Str.*

*A varijs descriptionibus, quibus uiri iusti natura uarie explicatur.*

*Cap. IX.*

**V**T adhuc aperrius uiri huius præstantia, & natura perspiciatur, uariis eum ratio-

rationibus describere conabimur. Quidā,  
 uirum iustum, siue Christianum sic descri-  
 pfit. Vir iustus est is, qui uera scientia,  
 qua Deus cognoscitur, & fide, qua ei credi-  
 tur, & obedientia, qua eius mandata ser-  
 uantur, præditus est: Vel hoc modo: vir iu-  
 stus, est homo Fidelis per baptismū a Deo  
 ad imaginem Filij sui regeneratus, cuius  
 doctrinam confitetur, ac profitetur: vel  
 alio pacto: vir iustus, est Dei & Ecclesiæ  
 Filius, ex Spiritu sancto, & uerbo Dei geni-  
 tus, gratia, qua supernaturales operationes  
 æternam uitam promerentes exercentur,  
 ornatus: vel sic: Iustus est, qui de Deo co-  
 gitat, Deum uult, Deum sapit, & quidquid  
 agit, Dei causa agit: Aut tali ratione: uir  
 iustus, est homo diuino lumine illustratus,  
 & diuino amore incensus. Vel certe, hoc  
 modo: vir iustus, est is, qui est in Deo, &  
 Deus est in ipso, ac proinde, unus spiritus  
 effectus est cum Deo: ita ut, ipse in Deo,  
 & Deus in ipso uiuat. Is inquam est, in  
 quo Deus quodam modo iterum fit homo,  
 dum ipsum assumit, sibi que unit. Ut sicu-  
 ti naturę humanę lapsus, per naturę hu-  
 manę assumptionem corrigitur; ita per pri-  
 uatam quandam unionem Dei cum uiro  
 iusto, ipsius errores tolluntur, & ipse salua-  
 tur. Quoniam, euam si Deus ceteros ho-

mines, hoc uno relicto, assumeret, huius hominis non corrigeretur lapsus, & hic homo, nunquam iustus efficeretur: qua assumptione, & unione facta, uir iustus dici re potest: uiuo autem ego, iam non ego: *Gal. 2.*  
 uiuit uero in me Christus. Possumus etiam ex diuinis literis uarias huius hominis colligere descriptiones. Vt ecce: uir iustus; *Zach. 3.*  
 est pupilla oculorum Dei: uir iustus, est palma florens, uel cedrus plantata in domo Domini: uir iustus est arbor plantata secus riuos aquarum, quæ misit ad humore radices suas, & non timebit cum uenerit æstus: cuius folium est uiride, & non decidet, nec desinet facere fructus, quos dat in tempore suo; cui denique omnia, feliciter cadunt. Item, uir iustus, est lux mundi, sal terre, & lucerna, quæ in tota domo splendet. Aptares etiam viro iusto illam descriptionem, qua, Deus Iob descripsit, cum dixit: Erat in terra Hus uir, qui erat simplex, & rectus, ac timens Deum, & recedens a malo. Et quoniam hic homo ob suam præstantiam non facile describi potest, sequentibus capitibus, dando ei uaria attributa, fusius eum pingere, & explicare conabimur. Impios homines, diuus Petrus, his uerbis eleganter descripsit. Fontes sine aqua, & nebulæ turbinibus agitatæ, quibus *2. Pet. 2.*  
 caligo



caligo tenebrarum reservatur. Posses etiam  
 virum impium, in quem priuatam quan-  
 dam potestatem Dæmon habet ex historia  
 lunatici, de quo in Euangelio fit mentio, ita  
 describere. Impius est uti lunaticus, qui  
 male patitur, qui sepe cadit in ignem, &  
 aquam; quem spiritus malus apprehendit,  
 elidit, dissipat, & discerpit. Itaque præsta-  
 ret omnes inferni Dæmones habere in cor-  
 pore, quam unum peccatum mortale habe-  
 re in anima: cum magis unum lethale pec-  
 catum, quam Dæmones omnes homini no-  
 ceat. Quare, si cuiusque animus horrescit,  
 dum quempiam a Dæmone vexari cernit,  
 multo maiore horrore afficeretur, si quid  
 efficiat peccatum in anima peruideret.  
 Denique, multis modis ex diuinis literis  
 impium describeres, si, quæ de eo in scri-  
 ptura dicuntur, ipsi tribueres; ut si diceres:  
 Impius is est, qui in uia tenebrosa ambulat,  
 nescit ubi corruat, funibus peccatorum  
 constringitur, lætatur cum male fecerit, glo-  
 riatur in rebus pessimis, panem iniquitatis  
 comedit, uinum iniquitatis bibit, Christū  
 uilissimo rerum pretio uendit, & osculo  
 prodit: Impius is est, qui nec uidet, nec au-  
 dit, nec gustat, aut alia ratione quidquā spi-  
 rituale, cū vita spirituali careat, sentit, q̄ de-  
 niq; p̄fundissimo peccati sōno est sepultus.

Mat. 17.

Mar. 9.

Luc. 9.

Pro. 4. 5.

Rom. 13.



*Auariis, & illustribus titulis, quibus vir iustus ornari potest. Cap. x.*

**V**Ani, & superbi homines, ut quotidiana experientia docet, illustribus quibusdam titulis appellari uolunt, idque vehementer affectant. Qua inani appetitione, ita interdum capiuntur, ut non uideant, uituperio potius, quam honori, hos sibi titulos esse, cum ea dignitate, quæ ipsis tribuitur se penumero careant, & is quod uocantur titulus, iure eis non conueniat: non secus ac, si baiulus aliquis, eques, uel doctor, appelleretur. Pro quibus titulis retinendis, inter se ita sæpe digladiantur, ut non modo rem, sed & uitam ipsam pro eorum conseruatione, exponere sint parati. Ad summam, eo tandem humana deuenit adulatio, ut quilibet de fece homo, Dominus nominetur. O cæcas hominum mentes! Ostudia uana si vis uocari dominus & alijs seruis? uis uocari dominus, & unde uiuas uix habes? uis uocari dominus, & tibi ipsi non dominaris? Gaude, & latere ista inani appellatione; & interim, tua uera miseria utere. si te cinerem, puluerem, & simum appellares, & appellari uelles, utique non errares. mater tua est terra; filij tui erunt uermes: imo tu uermium

Cen. 3.

Ecc. 17.

19.

Job. 17.

# VIR IVSTVS.

*De amore,  
& concor.  
frater. Ca.  
8.*

cibus. Omnes itaque sumus de mūdo mū-  
dani; de terra terrent, & de luto lutulenti:  
omnes inquam sumus ex fimo formati, fi-  
mumque gestamus omnes: & licet, nunc,  
non sit omnibus externus titulus unius,  
cum unus, Comes, alius Marchio, alius  
Princeps, alius Dux, alius Rex, alius Im-  
perator uocetur; aliquādo tamen erit; cum  
in finem cōmutabimur omnes: quia tunc  
omnes uocabimur, Fimus. Sed postquam  
tanti hi humani sunt tituli, uideamus an  
aliqua ratione uiro iusto tribui queant:  
quod fieri posse omnino exploratū habeo.  
Etenim, quis non appellet eum Dominum,  
qui sibi, & mundo, & rebus quæ in eo sunt  
omnibus dominatur? is, cuius causa, ut po-  
stea dicetur, factus est, & conseruatur mun-  
dus? Quis eum, qui mundum uincit, De-  
mones expugnat, uictoriā de suis omni-  
bus inimicis refert maximam, generosum,  
& inuictum Ducem non nominet? Quis  
Dei filium, & æternæ uitæ heredem, princi-  
pem non uocet? Quis esset, qui si uiri iusti  
res gestas, uirtutum splendorem, & generis  
nobilitatem consideraret, eum excellētem,  
& illustrem nominari posse negaret? Vere  
etiam, si quis animaduertet uirum iustum  
offere orationū hostias Deo gratissimas, &  
esse regale sacerdotium, ipsum reuerēdum  
nuncu-

*Sap. 8.*

*1. Pet. 1.*

*1. Cor. 3.*

nuncupabit: cum sit reuera omni reuerentia dignus. Insuper, si quis intelligeret uirū iustum esse quoddam Dei templum, & Spiritus Sancti Sacratium, & Deum in ipso tamquam in sua sede habitare, reuerendissimū certe appellaret. Amplius, si animaduertēres quanta sit, & notitia, & fama, & gloria uiri iusti, ni apud homines, saltem, quod maius est, apud Deum, & beatos spiritus, illustrissimi, & clarissimi titulo, eum ornare non dubitares. Iam uero, si uiri iusti mentem ab omni peccati macula mundam, ab omnibus ignorantia tenebris liberā, ab omni perturbationum caligine alienam, & ueluti serenum cælum, claram, & uero lumine illuminatam, oculis internis inspexeris; cur eundem serenissimum uocitare uereberis? Ad hęc, cōtemplare uiri iusti animā omni uirtutum genere decoratam, oleo diuino inunctam, diuina gratia consecratam, ac proinde diuino splendore fulgentem: ubi autem hanc animam sic affectam uideris; cur in iusto sacram quandam, ac regiam; seu imperatoriam maiestatem nō agnosces? Demum, ne per omnes percurram honoris titulos, qui uirum iustum, tot tantisque diuinis donis ornatum, & in perfectione Christianæ uitæ constitutum esse intelliget eum, sanctum, beatum, ue dicam sanctissi-

2. Cor. 6.

2. Cor. 6.

Ioan. 1.

Ps. 44.

88.

## VIR IUSTVS.

mū, & beatissimū, priuata ratione, nominare poterit. Neque, dum hęc de uiro iusto affirmo, aliquid ijs, qui sunt in aliquo honoris, & dignitatis gradu constituti iniuste detraho, aut detrahēre propositum habeo; sed huic uiro quod ipsi iure debetur, ni fallor tribuo. Gaudeant alij suis, suo modo, titulis; gaudeat & iustus suis; quem uere Dominū, Principem, Ducem, Regem, Imperatorem, Reuerendum, Clarissimum, Illustrē, Serenissimum, & Beatum absque ullius iniuria appellari posse existimo. Ceteri uero, qui humanis titulis delectantur, & gloriantur, sibi ipsis, in primis, dominantur, principatum animi retineant, seipsos recte ducant, se prudenter regant, sibi que accurate, imperent: caueāt, ne sint ignominia digni & ignorantia obscuri, ne peccatis sordescant, ne malitię tenebris obscurētur, & denique, ne uitę genere se iniquos, & minime beatos reddant. Sint itaque & corpore, & animo, domini, Principes, Duces, reges, & Imperatores; & foris intusque clari, illustres, sereni, sacri, & beati.

*Vir iustus est imago, & similitudo uiua  
uiuentis Dei. Cap. II.*

**M**aximam esse uiri iusti dignitatem, facillime quispiam ex eo cognosceret,

ret, si cum uiuam quandam uiuentis Dei non modo imaginem, sed etiam similitudinem esse intelligeret. Nam, cum legimus hominem factum esse ad imaginem & similitudinem Dei, id ita accipiendum est, ut ratione donorum nature, imago, ratione uero donorum supernaturalium, similitudo, ut multi patres eleganter exponunt, esse dicatur. Ceterum, cum in solo uiro iusto supernaturalia reperiantur dona, de his loquor donis, quæ homin Deo similē reddūt solus, iustus similitudo erit, & dicetur Dei alij uero, q̄ iustitia carēt, solū imagines. Est ergo uir iustus imago, & similitudo Dei: imago est in natura; similitudo in uirtute. Et quod consideratione dignum est, non solum uir iustus est imago, & similitudo dei, sed, Ad, imaginem & similitudinem: quæ particula, Ad, similitudinem quandam uiri iusti cum natura diuina maiorem, & magis expressam, nobis demonstrat. Superat nobilitate ceteras rationis expertes creaturas humana natura; quod illæ, sunt solum quædam Dei uestigia; hæc uero, si absque donis diuinitus elargitis consideretur, imago; eadē, iustitia exornata, etiā similitudo. Cum ergo homo suis naturalibus dotibus lōgissime creaturas alias nobilitate atēcellat, cū non modo uestigium, sed etiam imago iun-

Gen. 1.

Bas.

Cyril.

S. Diado.

De inter.

ho. ca. 36.

menti Dei sit; quantum idem homo, super-  
 naturalibus, & diuinis ornatus donis, alios  
 homines his ornamentis orbatos; supera-  
 bit; cum non solam imago, sed etiam simi-  
 litudo prepotētis Dei existat: ut multo ma-  
 gis uir iustus, uirum iniquum dignitate su-  
 peret, quam homo gratia spoliatus creatu-  
 ras alias. Ex quibus colligere apertissime li-  
 cet, uirum hunc esse creaturarum prestan-  
 tissimum; ut inter iustos & iniustos, in mo-  
 rali uita, nulla proxime fieri cōparatio pos-  
 sit. Intelligat nunc is, qui uiri iusti celsitu-  
 dinem cognoscere aliquo modo cupit, quā-  
 ta sit immensi nūminis dignitas, & maie-  
 stas; & tunc prestantiam, & celsitatem huius  
 uiri, qui est uiua quædam similitudo uiuen-  
 tis Dei, aliquo pacto, post longam tamen,  
 & accuratam contemplationem, intelliget.  
 Finge tibi pictorem aliquem forma, & arte  
 insignem, tres tabulas pingentem: in quarū  
 prima sua uestigia solummodo pingat: in  
 altera se totum adumbrata quadam ratio-  
 ne describat: in tertia uero se integrum ad-  
 unguem artificiose effingat, & alterum se,  
 exprimat. Ex quibus imaginibus, secunda,  
 melius quam prima, & tertia multo melius  
 quam secunda artificem, cum illa imperfe-  
 cta, hæc uero perfecta sit, representaret. Prio-  
 ri imagini, in qua solum pictoris uestigia  
 appa-



apparent, creaturas ratione carentes, alteri, homines iustitiæ exptes, tertię uiros iustos similes esse diceres. Ex quibus nascitur, tantum uiros iustos, iniustus, & alijs creaturis dignitate præstare, quantum tertia imago, ob eam, quam habet cum factore suo similitudinē, alijs præstat imaginibus. Nec mirum videri debet, si uir iustus est Dei similis, cum natus sit ex Deo. Nam, cum omne agēs, ni facultas ei desit, simile sibi generet; Deus qui infinitam habet potentiā, sui proculdubio similes procreabit filios: & licet ob repugnātiā facti, alios Deos, cum plures Dij esse nō queāt, producere nō possit: tamen, ob infinitiōem potētiae suę aliquid sibi proximū, atque sui ualde simile extra se producat. Est ergo uir iustus factus ad similitudinem, non herbarum, nō arborum, non elementorum, non stellarum, non Lunæ, non Solis, non Angelorum: sed immensæ, atque infinitæ maiestatis Dei; cui sit honor, & laus in sæcula. At uerò uir impius, cum sit ex diabolo, cū caractere bestię sit notatus, cum peccatorum maculis sit infectus, & conspurcatus, licet quandam infuscatam Dei imaginem retineat; tamen, non est Dei similis; quod, in uiro iusto, est quid maximum, & omni consideratione, & admiratione dignum.

1. Ioan. 4.

Deut. 6.

1. Ioan. 3.

Apo. 13.



# VIR IUSTVS.

*Anima iusti est ornatissima, & pulcherrima Dei, seu Christi Sponsa.*

*Cap. XII.*

**S**I quæ ex humili loco nata fœmina, sordidis uestibus induta, & impudiciæ turpitudine maculata, ab aliquo Rege in uxorem duceretur, & sordes, & turpitudinem, & infamiam amitteret omnem: quippeque regiam dignitatem, amplissimos titulos, splendorem denique nancisceretur summum. Tale quid animæ iniuste accidit. Siquidem, ubi anima, peccando, cum Dæmone fornicata est, ignobilis, turpis, atq; infamis euadit: sed cum Deus eam ad se reuocat, & per iustificationem in sponsam ducit, inexplicabilem quandam dignitatē consequitur. Hoc ipse Dominus per Ieremiam nos apertissime docet, cum ait: Tu fornicata es cum amatoribus multis: tamē reuertere ad me, & ego suscipiam te. Ergo saltem amodo uoca me, Pater mi, dux uirginitatis meę tu es. Quo loco, cum quodam pio uiro exclamare licet: o pietas! o benignitas! o miranda caritas! quid unquā clementius? quid dulcius? Dum ergo Deus, misericordia sua, animam iustā sibi in spiritale matrimonium coniungit, ipsa, nobi-  
lissima, pulcherrima, & gloriosissima euadit:

*A. 1801. 1*

*A. 1801. 2*

*Ierem. 3.*

*Franc. Ab  
bas.*

*Ps. 44.*

dit: & cum sit summo Regi coniuncta, merito Regina nominatur: de qua legitur: Astitit Regina a dextris tuis in uestitu de aurato, circumdata uarietate. Est ergo iusti anima, quod etiam ex illo supremo cantico, in quo huius matrimonij continentur facta, apertissime cognoscitur, Regis regū *Cant. 1.* sponsa. Huius spiritalis matrimonij, sponsalia facta sunt, cum per quendam prophetam Deus dixit: Et sponsabo te mihi in sempiternum: & sponsabo te mihi in iustitia, & iudicio, & in misericordia, & miserationibus: & sponsabo te mihi in fide: & scies quia ego Dominus. Cogita modo, pie lector, quanta sit tanti sponsi dignitas, & quanta sit sponsæ præstantia cognosces. Etenim, existimandum est, talem ac tantū sponsum, non ignobilem, non indignam se sponsam, sibi copulasse: cuius tamen dignitas, & decor omnis, ipsi, a sponso tributus est suo. Contemplare, quæso Christiane lector, quibus appellationibus, quibus uerbis, tantus sponsus, hanc suam alloquatur sponsam. Sicut lilium inter spinas, sic amica mea inter filias. Ecce tu pulchra es amica mea, oculi tui columbarum. Surge, propera amica mea, formosa mea, & veni. Ostende mihi faciem tuam: sonet *Cant. 2.* uox tua in auribus meis: uox tua dulcis, *Cant. 3.*

& facies tua decora. Quam pulchra es  
 amica mea; quam pulchra es! Non ergo  
 amplius eam turpem, non fornicariam, nō  
 feruam, non ancillam uocat; sed amicam,  
 sororem, sponsam, formosam, columbam,  
 dilectam, unicam, & mulierum pulcherri-  
 mam: se quoque, non fortem, non domi-  
 num, non potentem, non Deum exercituū,  
 non terribilem; sed amicum, dilectum, fra-  
 trem, sponsum, pacificum, saucium, unguē-  
 tum effusum, fasciculum mirrhæ, & totū  
 desiderabilem appellat. Denique, ut ex il-  
 lo diuino epithalamio cognoscere apertis-  
 sime licet, mirifice eam laudat, & describit.  
 Hæc, & alia, quæ in illo supremo cantico  
 leguntur, si quis secum animo tractaret,  
 summa quadam admiratione, ob tantam  
 animæ iustæ dignitatem, afficeretur, atque  
 omnino obstupesceret. Relinquo hoc loco  
 priorum mentibus cogitandum, quibus tor-  
 quibus; quibus lapillis, quibus monilibus,  
 quibus phrygionicis uestibus, quo deniq;  
 muliebri mundo, tam bonus, tam diues,  
 tam potens sponsus, sponsam ornauerit  
 suam: cum eam sibi copulans, ei dixit: In  
 caritate perpetua dilexi te: Ideo attraxi te,  
 miserans tui. Benedictus Deus, qui tam ma-  
 gna, tanque preciola dona, donauit ho-  
 minibus. Anima uero impia, quæ a patre,

& a sponſo ſuo recedit, & ait: Vadam poſt amatores meos, qui dant mihi panes, & aquas meas, & lanā meam, & linum meū, oleum meum, & potum meum. Contra quam indignatus Deus, hæc ei minatur: Et nunc reuelabo ſtultitiam eius in oculis amatorum eius: & uir non eruet eam de manū mea, & ceſſare faciam omne gaudiū eius, &c. Dic, o anima iniuſta, & impia; qui nam ſunt iſti amatores, poſt quos abire uiſ, niſi mundus, caro, & Dæmones? o miſera, atroces inimicos, amatores uocas? poſt eos, qui te perdere continenter quærunt, uiſ abire? Quid iſti tui amatores tibi dare poſſunt, niſi panem doloris, aquam calamitatum, oleum adulationis, & potum fellicis? Quid ab iſtis expectas? lanam, & linū, minima uidelicet, caduca, & leuiſſima bona. Cur te honor, & fame cura, ne iſtos amatores ſequaris, non impedit? cur te paterina gloria, & beneuolentia non retardat? cur tanti ſponſi dignitas, pulchritudo, & amor, ab indignis, & turpibus, & falſis amatoribus, non retrahit? Non uiſ fore, aliquando, ut iſti tui amatores te deſerant, & ob tuam miſeriam lætentur? Quamobrem, anima impia, ranquam fornicatrix, & adultera, relicto Patre, & Sponſo ſuo, Dæmonibus ſe ſubſternit, quam ipſi, in primis, om

## VIR IUSTVS.

ni gloria & honore spoliant: deinde uariis modis conspuroant, & scdant; dum eam omni turpitudinis genere inficiunt, & omnino immundam reddunt: quam, ubi commacularunt, & uiolarunt, irrident, & subfannant.

*Vir iustus est, delicia, & amores Dei.*

Cap. XIII.

**Q**Vis viri iusti condicionem non admiraretur, atque ipsius uiuendi ratione non æmuleretur? si animaduerneret esse eum, quem Deus singulari dilectione amat, & ita amat, ut ab ipsius specie capiat, in ipsoq; amando, ita acquiescat, & oblectetur, ut suas eum delicias nominet. Deliciae meae, (ipse dicit) esse cum filiis hominum. Maximum sane quid, & omni cogitatione dignum est, ita Deum hominem amare, & in eo delectari, ut cum suis amoribus, suas delicias, sua oblectamenta uocet. Merito igitur quidam hanc rem admiratus, in hæc verba prorupit: Putabam Domine, quod potius deliciae tuæ essent cum choris Angelorum, ubi diuinitatis gloriam, thronis, & potestatibus admirandus superiorum naturarum oculos reuerberas, ubi lucem inhabitas inaccessibilem; sed illa tua clementiss-

*Psalm. 44.*

*Pro. 8.*

*Henri.*

*Harph.*

tissima pietas, & bonitas adorāda, delicias  
 suas dicit esse cum filiis hominum . Hoc  
 idem fortasse significare uoluerunt, qui di-  
 xerunt, Hominem esse Dei ludum . Huc fa-  
 cit illa uiri iusti descriptio, qua dicitur iu-  
 stum esse uelut palmam florentem, plāta-  
 ram in domo Domini : quasi anima iusti *Psalm. 91.*  
 sit lætissima quædam arbor, seu amœnissi-  
 mi quidam hortuli , quos sibi Deus ad de-  
 licias capiendas colit, & exornat . Hortus *Cant. 4.*  
 conclusus soror mea , sponsa : cuius emis-  
 siones, est paradifus malorum punicorum;  
 cuius aromata flante austro fluent . Veniat  
 dilectus meus in hortum suū, & comedat  
 fructum pomorum suorum . Ad has dele-  
 ctationes, & delicias , quas Deus ex anima  
 iusti percipit significandas, pertinent mul-  
 tæ sententiæ sponsi , quæ in cantico habentur :  
 ut istæ : Pone me ut signaculum super *Cant. 8.*  
 brachium tuum ; quia fortis, ut mors, dile-  
 ctio : Quam pulchra es, & quam decora ca-  
 rissima in deliciis? Averte oculos tuos a me, *Cant. 7.*  
 quia ipsi me auolare fecerunt : Vulnerasti *Cant. 6.*  
 cor meū in vno oculorū tuorū, & in uno  
 crine; colli tui : Surge , propera amica mea, *Cant. 4.*  
 speciosa mea, et veni : Aperi mihi soror mea, *Cant. 3.*  
 amica mea. Et in Apocalipsi, ait Deus: Ecce  
 sto ad ostiū, & pulso: si quis audierit vocē  
 meā, & aperit mihi ianuā, intrabo ad illū  
 ad



(ad iustum uidelicet, quia Deus non habitat nisi cum iustis) & cœnabo cum illo, & ipse mecum : id est, delectationem ab eo capiam, gaudiumque ipsi impertiam. Quis hoc loco in admirationem non rapiatur? quis felicissimam uiri iusti condicionem non obstupescat? cum tantum uideat in eo esse dignitatis, ornamenti, & splendoris, ut Deus suas delicias eum nominet, cum eo esse uehementer cupiat, & familiarissime cum eodem agere desideret. Huc faciunt uerba, quæ constantissima illa Machabæorum mater una cum filiis aliquando pronunciauit: Dominus Deus aspicit ueritatem, & consolabitur in nobis; quemadmodum in protestatione cantici declarauit Moyses: & in seruis suis consolabitur. Ad hunc etiam locum pertinent innumera sacrarum scripturarum loca, in quibus uidemus, ita Deum cum iustis sermonem habere, ac tractare, ut inter se solent, qui inter se multum amant: ut ecce: Ego enim scio cogitationes, quas cogito super uos, ait Dominus, cogitationes pacis, & non afflictionis: ut de uobis finem, & patientiam: inuocabitis me, & ego exaudiam uos: Cum ipso sum in tribulatione eripiam eum, & glorificabo eum: Fili præbe mihi cor tuum, & alia id genus, quæ in diuina scriptura leguntur sen.

2. Mach. 7

3. Mach. 2

Ierem. 29.

Psalm. 90.



sententiæ; quas si quis attente legeret, & uoluptate, & admiratione afficeretur maxima.

*Vir iustus est tabernaculum, & templum quoddam uiuum uiuentis Dei.*

Cap. XLIII.

**I**Nter alias rationes, quibus diuina oracula nobis uirum iustum describunt, hæc est; quod eum, quoddam Dei, & Spiritus sancti templum, esse affirmant. Templum Dei quod estis uos, ait Apostolus, uiris iustis; & alibi: An nescitis quomodo membra uestra templum sunt Spiritus sancti? item: Vos estis templum Dei uiui. Quid clarius? Quid apertius dici potest? Est ergo uir iustus templum, & tabernaculum, in quo Deus, & Spiritus Sanctus inhabitat. De quo templo omnia exponeres, quæ de tabernaculo, & templo Dei, in ueteri lege leguntur. Propterea diuus Ignatius; ut supra scripsimus, uiros iustos, Christiferos, Spiritiferos, Deiferos uocauit; quod in se, tanquam quædam uiua tēpla, & tabernacula, Christum, Spiritum & Deum ferunt. Portate, aiebat Paulus, Deū in corpore uestro. Cogitet modo quisquam, quanta sit amplitudo, quanta maiestas, & gloria Dei in hoc templo habitātis; uide-

1. Cor. 6.

2. Cor. 6.

Exho. 25.

3. Reg. 6.

1. Cor. 6.

*Act. 10.*

uideatque mentis oculis diuinum numen,  
 immensam inquam Dei maiestatem in ani-  
 ma iusti manentem, & tunc maiorem esse  
 uiri iusti præstantiam, atque excellentiam,  
 quâ quæ a se percipi possit, intelliget. Quid  
 si oculis corporeis inspiceret, ut olim in pri-  
 ma Ecclesia illi boni Christiani cernebant,  
 Spiritum Sanctum super iustos labentem,  
 eosque sanctificantem, & spiritu suo replen-  
 tem. Etenim, cum quotidie hic homo iuste  
 agat, ac magis magisque in iustitia proficiat,  
 ut Spiritus Sanctus in ipsum quotidie laba-  
 tur, proculdubio meretur. Hoc, quod in præ-  
 sentia docemus, facile intelligeres, si, cum  
 ad sacrum conuiuium accedis, & Christi ue-  
 rum corpus sumis, cogitares, te, eo tempore,  
 quo Christus sub speciebus manet, esse ve-  
 re tabernaculum, non inanimatum, sed vi-  
 uum, Christi: Idem de anima iusti cogita,  
 quæ, dum permanet in iustitia, Deum in se  
 habet, Deum portat, Deus in ea tamquam in  
 suo templo, & tabernaculo inhabitat. Cœ-  
 lum, n. hoc est, anima iusti, sedes Dei est; si-  
 cuti terra, idest peccatores, scabellum pe-  
 dum eius sunt: & Deus dicitur esse in cœlis;  
 in animis uidelicet (ut aliquot patres scrip-  
 serunt) iustorum; qui sunt, ueluti quoddam  
 clarum, & serenum cœlum. Quam fortuna-  
 tus, quam beatus conseretur is, apud quem  
 aliquis

*Isa. 66.**Mat. 6.*

aliquis illustris princeps cōtinēter habitaret? Habitabit Deus opt. max. nō dicā apud uirum iustum, sed in ipso met iusto; non in tecto, sed in animo, & fortunatissimus, ac beatissimus non habebitur? Ex hac, quam exposuimus re, duæ utilitates colliguntur maxime. Altera hæc est: quia, si quis Dei tēplum se esse animaduertet, cauebit profecto, ne qua ratione hoc templum polluat, ne habitantem in se Deum peccatorum fœtore offendat, & a se repellat. Si itaque homines Christiani in hanc rem, cogitatione intrarent, maximum quid de se sentirent, animum, & corpus ab omni contagione, & peccati labe intactum conseruarent, seque etiam ipsos, ceu res quædam sacras, venerarentur. Altera uero est: quanto honore uir iustus afficiendus sit. Quoniam, si templum lapidibus exædificatum, tanquam sacrum habemus, & ideo non uiolamus, sed varijs rationibus, exornamus, & ueneramur; quanto magis uiuum Dei templum honorare, atque uenerari debemus? Et cum omnes fideles pro iustis habendi sint, omnes tāquam Dei templa colēdi sunt. Nam, si quis contra fecerit, & templum Dei uiolauerit, præterquam quod Spiritum Sāctū contristabit, & proximum iniuria afficiet, maximā inde pœnam reportabit. Si quis,

1. Cor. 3.

ait

# VIR IUSTVS.

ait Paulus, templum Dei uiolauerit, disperdet illum Deus. Templum. n. Dei sanctum  
*2. Mach. 3* est, quod estis uos. Siquidem in hoc templo, vere est quædam Dei uirtus. Nam ipse qui habet in cœlis habitationem, uisitor & adiutor est loci illius, & uenientes ad malefaciendum percutit, & perdit. Magna igitur ueneratione Christiani inter se uersari debent. Et ideo alij alios tanquam Dei tabernacula honorent, ac diligenter omnes caueant, ne inter se ullo modo polluant, vel aliqua ratione male afficiant. Maximam itaq; ex hoc loco uir iustus dignitatem refert: sed non sic impius, qui est ueluti templum profanatum, uiolatum, pollutum, &  
*Lucæ. 8. 22.* abominationis plenum: ubi non Deus, sed Dæmones; non Spiritus Sanctus, sed spiritus malignus; non Christus, sed diabolus, quasi in quodam spurcissimo stabulo inhabitat, idq; sordibus omnibus conspurcat.

*Vir iustus est sacrarium quoddam Spiritus sancti. Cap. xv.*

**N**on solum is, quem describimus homo, est Dei templum, sed etiã quoddam Spiritus sancti sacrarium, in quo sua supernaturalia dona, sua meliora chrismata, sua sacra uasa, & denique suæ gloriæ diuitias

nitias Deus collocat. Sed, quænam sunt  
 istæ res sacræ, quæ in hoc reponuntur sa-  
 crario? Gratiæ in primis gratum faciens;  
 qua iustus Deo consecratur; qua dignus  
 efficitur; quia Deo singulari, præcipuoq;  
 diligatur amore. Huius doni tantus est ua-  
 lor, tanta est præstantia, tantum est pōdus,  
 quantum humana mens nūquam caperet.  
 Etenim, pluris valet minima gratiæ particu-  
 la, quam quidquid est auri effossi, & effo-  
 diēdi, in hoc uniuerso orbe: pluris, inquā,  
 valet, minimum quid gratiæ, quam si quis  
 omnia mundi regna toto uitæ suæ tempore  
 possideret: in summa, tanti ualoris est hoc  
 donum, ut nulla alia res creata cum eo cō-  
 parari queat. Deinde, in eodem sacrario,  
 sunt tres uirtutes theologicæ: fides, qua  
 uincitur mundus, qua diuina mysteria cre-  
 duntur, qua mirum in modum mens illu-  
 minatur: spes, quæ animam ad æterna bo-  
 na sperāda erigit, quæ hominem in hac vi-  
 ta sustentat, quæ nō confundit: caritas, qua  
 Deus supra omnia, & omnia ppter Deum  
 diliguntur; qua homo incensus, sit omnia  
 omnibus. Horum donorum quanta sit ex-  
 cellentia, multis sermonibus, lōgissimis ora-  
 tionibus, integris voluminibus, Sancti & c-  
 loquentes uiri exponere conati sunt. Et di-  
 uus Paulus, caritatem, ut de ea aliquid spe-

1. Ioan. 4  
 Heb. 11.

Rom. 5.

Mat. 23.

1. Cor. 9.

1. Cor. 13.

ciatim dicamus, pluris fecit, quam omnia dona gratis data, pluris uidelicet, quam donum miraculorum, prophetie, linguarum, sermonum, &c. & eum, qui sine caritate est,

*1. Cor. 13.* Cymbalū tinniens, æs sonans, immo nihil, esse iudicauit. Ad hæc, in anima iusti, sunt septem Spiritus Sancti dona, de quorū præstantia, & excellentia, multa, & præclara uiri docti, & religiosi scripsere. Sunt autem ista. Donum sapiētiae, scientiae, intellectus, consilij fortitudinis, pietatis, & timoris. Postremo, in eodem sacrario, sunt ceteræ uirtutes infusæ; iustitia, prudentia, fortitudo, temperantia, & si qui sunt alij habitus diuini-  
*Dionis.*  
*Cartus.*  
*Ioan. 4.*  
*Oros. 6.*  
*Isa. 11.*

tus donati. Quare, minimum quindecim præstantissima dona, & charismata diuina in anima iusti, ceu in quodam sacrario continetur; nimirum, septem Spiritus Sancti dona, quatuor uirtutes morales, tres theologice & gratia. Quibus omnibus donis a Spiritu Sancto in iusto collocatis, ipsius anima mirifice exornatur, diratur, & consecratur.

*Rom. 8.* His, qui sunt ornati donis, Spiritu Dei aguntur, toti Deo subiecti, & consecrati sunt, & gemitibus inenarrabilibus clamant, Abba, Pater. Et hic est thesaurus, quem gestamus in uasis fictilibus. In hoc ergo sacrario, hi chrisoliti, hæ margaritæ, hæ aurea uasa reperiuntur: quæ, si quis semel cerneret, stu-



pore afficeretur maximo. Quare, merito *Itaque*  
 quidam Sanctus pater scriptum reliquit :  
 Gloria hominis est Deus ; operationum ve  
 ro Dei, & omnis sapientiæ eius, & virtutis  
 receptaculum, est homo. Huc referri pos- *Ex. 35*  
 sunt, quæ de arca in veteri testamento legū  
 tur : quæ mira quadam arte fabricata, &  
 varijs rationibus exornata fuit : in qua,  
 ut in Dei sacrario dona adseruabantur di  
 uina. Finge, vt rem hanc apertius intelligas,  
 hunc mundum esse quoddam Dei templum,  
 in quo sit aliquod sacellum, siue sacrariū,  
 ubi Deus res suas preciosas, & sacra collo- *Ps. 135*  
 cet; & hoc sacrarium esse animam iusti. Fa  
 bricauit itaque Deus hunc mundum, quasi  
 templum, in quo hominem tanquam sacer  
 dotem, a quo coleretur, collocauit : res  
 uero sacras, cœlestia dona, & diuitias gloriæ  
 suæ, in anima iusti, tanquam in sacrario po  
 suit, quæ quotidie, pro ratione meritorum,  
 auget, & illustrat. Quo fit, ut nullus augu-  
 stior, nullus sanctior, nullus venerabilior  
 in mundo, quam iusti anima, inueniatur lo  
 cus. Et, vt id etiam obiter dicamus, uir iu-  
 stus, est uti quædam Dei ciuitas, & sancta  
 Ierusalem, quam elegit Deus in habitatio- *Ps. 45.*  
 nem sibi: de qua scriptum est: Gloriosa di- *Ps. 135.*  
 cta sunt de te ciuitas Dei : in qua natus est  
 homo, & homo, i. interior, & spiritualis, p- *Ps. 135.*



# VIR IUSTVS.

factusque homo : quā fundauit altissimus  
in montibus sanctis ; in sanctis nimirum  
præceptis, & uirtutibus: quæ coniuncta est  
*2/a. 121.* sibi ipsi simul ; cum pace perfruatur maxi-  
ma : cuius feras Deus corroborat ; in cuius  
circuitu sunt montes sancti, hoc est, beati  
Angeli: quam Deus sua custodia defendit:  
de qua denique cuncta diceres, cui omnia  
applicares, quæ de Ierusalem dicta, aut in  
ea facta sunt. Anima uero impij, est ueluti  
domus illa, ex qua egreditur, & in quam re-  
uertitur malus spiritus, assumēs secum sep-  
*Mat. 12.* tem spiritus nequiores se ; & intrantes ha-  
bitāt ibi; & fiunt nouissima illius peiora pri-  
oribus. Est denique ueluti sentina quædam,  
ubi scorix mundi, quæ sunt peccata ipsa,  
continentur. Quia cum nihil sit in mundo  
sordidum, nisi peccatum ; nullus etiam in  
hac rerū uniuersitate erit sordidus locus,  
nisi peccatoris animus.

*Vir iustus est Margaritæ, seu thesaurus  
quidam maximus. Cap. XVI.*

*Mat. 13.* **C**ognoscere etiam, Christiane lector, bo-  
ni Christiani dignitatem, atque ualorem,  
si animaduertes eum esse, margaritā  
quādam præciolosissimā, & thesaurum inæ-  
stimabilem: thesaurum tamen absconditū;  
quia

quia non est, qui cum noscat; & qui quanti ualeat, intelligat: cum tamen, tantus sit ipsius ualor, quantum est totius sanguinis Christi precium: qui sanguis, non modo pro omnibus hominibus uniuersis; sed etiam pro singulis speciatim totus fusus, & in redemptionem omnium, & singulorum totus datus est. Perpendat, & percipiat qui potest, quantus sit valor, quantaque uis sanguinis Christi; cuius, uel minima gutta, infiniti fuit meriti; & tunc, quanta sit animæ iustæ hoc sanguine redemptæ præstantia, cognoscet. Siquidem, ex precij magnitudine, emptæ rei dignitas, haud obscure cognoscitur. Scientes, ait Apostolorum princeps, quod non corruptibilibus, auro, uel argento redempti estis de uana uestra conuersatione paternæ traditionis, sed precioso sanguine, quasi agni immaculati Christi, &c. O uerba omni cogitatione, & admiratione digna! Siste gradum hoc loco, pie lector, & ad contemplandam horum uerborum uim, & sanguinis Christi, qui exauditus est pro reuerentia sua, totum te conuerte. Considera pretium datum fuisse pro redemptione inimi- ci, & hominis non dum iusti; qui si tanti factus est, ut pro ipsius redemptione infinitum precium daretur; quanti uir iustus, & qui iam in iustitia profecit, faciendus erit? Si

*Eph. 1.  
1. Pet. 2.*

*1. Pet. 1.*

*Heb. 9.*

*Rom. 8.*

maximum precium a maximo, & sapientis-  
 simo mercatore, qui emptæ rei, & precij us-  
 optime cognouit, datum est maxima quo-  
 que, eius quod emptum est, erit perfectio.  
 Ideo scriptum est: Melior est unus timens  
 Deum, quam mille filij impij. Quis igitur  
 non faciet eum maximi, qui tanto precio  
 emptus est? Qui a Filio Dei tanti factus est,  
 ut ipsius causa hominem fieri, & sanguinẽ  
 profundere uoluerit. Finge quendam repe-  
 riri lapillum, cuius tantus sit ualor, quem  
 nulla auri uis, nullus pecuniarũ cumulus,  
 nihil singulare, quod in hac rerum uniuersitate  
 contineatur, non denique mundus  
 ipse, ualore æquaret; ita ut, non nisi diuino  
 & supernaturali, & infinito pretio emi pos-  
 set: id, cum cogitaueris, facile intelliges, quã-  
 ta sit lapilli excellentia, & perfectio. Idem  
 de anima iusti dicas, quam nulla argenti  
 & auri copia, nullum finitum pretium, nul-  
 la cuiuscunque creaturæ uis redimere po-  
 tuit; sed pro ipsius redemptione Deus opti-  
 mus max. Filium suum, & cum eo omnia,  
 dedit. Id, diuus Paulus, hac illustri senten-  
 tia, nos aperte docuit: Qui etiam proprio  
 filio suo non pepercit, sed pro nobis omni-  
 bus tradidit illum: quomodo non etiam  
 cum illo omnia nobis donauit? Item: Com-  
 mendat autem caritatem suam Deus in nobis:

*Eccl. 10.*  
 .1. .1. .1.

.2. .1. .1.

*Rom. 8.*

.1. .1. .1.

*Rom. 7.*

bis: quoniā, si cum adhuc peccatores essemus secundum tempus Christus pro nobis mortuus est. Multo igitur magis nunc iustificati in sanguine ipsius salui erimus ab ira per ipsum. Si enim cum inimici essemus reconciliati sumus Deo p̄ mortē Filij eius; multo magis recōciliati salui erimus in uita ipsius. En igitur quanti fecit Deus hūc thesaurum, hāc margaritam; pro qua inueniēda, & recuperanda bonus ille negociator, Dei Filius, vendidit omnia, quæ habebat: quia seipsum exinanīuit, formā serui accipiens, & cū esset diues, factus est pauper, & totam domum maximo cum labore euertit. Itaque, animam iusti uere thesaurum, & margaritā appellare possumus. Quid, o uani homines tanti facitis vestros birillos, sapphiros, chalcedonios, chrisolytos, topazios, hyacintos, amethystos, & smaragdos? & uiros iustos singulares lapillos nihil ducitis? dū frigore, fame, & siti eos pretere finitis. In scrinijs sexcētis clauibus vestros thesauros munitis, in penitiore, & nobiliore domus parte reconditis, & diligenter seruatis, & pauperes, de quibus probabiliter iustitia, ornatos esse existimare possumus, in plateis sub dio iacere finitis? Et quid mirum? cum nec filios uestros, quōd Christus sanguine suo redemptos, nobis in

*Mat. 13.*

*Ephē. 2.*

curam dedit, custodiatis: immo, uiolari, & corrumpi, vobis cernētibus, sinitis. Si quis vestros lapillos corrūperet, quid ageretur? quid remedij non caperetur? thesauros uestræ curæ a Christo vobis commissos, uestros, inquam, filios, uestra negligentia, corrumpi permitteretis? pro thesauris, pro quibus conseruandis Deus dedit Filium suū, & Filius uitam suam posuit, uos nihil impendetis? & ut eos conseruetis nihil laborabitis? Ceterum, semper in hoc mūdo, inter alia mala id uiguit, ac uiget malum, ut minor bonorum, quam improborum habeatur cura; & pluris improbi, quam probi fiant: quæ res, aliquando uiris alias perfectis admirationem fecit. Nam, cur pluris faciendi sunt, qui nullius sunt precij? qui nō sunt splēdentes thesauri, sed extincti carbones; non lapilli, sed puluis; non margaritæ, sed terræ fæces; qui Christi precium pro se datum, paruipēdūt; qui sanguinē filii Dei pro se solum, conculcāt; & denique, qui pluris interdū minimum numum, quam Deum ipsum, faciunt.

*Vir iustus est lux, aurora, dies, & Sol  
quidam in mundo. Cap. xvi.*

**V**ariis sacræ scripturæ modis, virum iustum, ut ipsius excellentiam nobis  
ob

ob oculos ponant, describere conantur: & cum sit res quædam præstantissima, rebus quoque præstantibus comparare solent. Et ideo, lucem, diem, auroram, meridiem, stellam, & Solem appellant. Huc pertinet illa Sapientis descriptio, qua, hunc sapientem descripsit uirum. Sapiens, quasi lux splendens procedit, & crescit usque ad perfectam diem. Et Paulus scribens iustis, dicebat: Vos autem fratres non estis in tenebris, ut uos dies illa, tanquam fur, comprehendat. Omnes enim vos filij lucis estis, & filij Dei: non sumus noctis, nec tenebrarum; cuiusmodi sunt qui iusticia carent; qui in tenebris ambulant; immo tenebræ sunt. In hunc etiam locum venit illud: Dies, diem superat, & lux lumen: quia unus iustus alterum iustum, sua iustitia, antecellit: & dies diei indicat scientiã; dum vnus iustus suo splendore alterum iustum illuminat: differt enim stella, a stella, in claritate. Item, de iusto dicitur. Orietur in tenebris lux tua, & tenebræ tuę erunt sicut meridies. Nam, licet interdum ob misérias, quibus afficitur, in tenebris esse, luceque carere iustus uideatur: tamen, nunquam ipsius lumen, extinguitur; sed ueluti sol, remota molestiarum nube, clarius relucet: ideo legimus: Et quasi meridia-

Pron. 4.

1. Thes. 5.

Io. 1.

Ps. 112.

Isa. 60.

Job. 11. 1

nus



*Iugien. 2.**Phil. 2.**Mat. 5.*

nus fulgor confurget tibi ad uesperam; & cum te consumptum putaueris, orieris ut lucifer. Quot igitur sunt in hoc mundo iusti, tot etiam sunt clarissima sidera, & fulgentes soles, qui suis radiis improborum oculos offendunt, sua luce ignorantie, & malitie tenebras expellunt, qui suo splendore huius uite tenebras illuminant, & deum suo calore omnia fouent, & fecundant. Contemplare, ut rem exemplo declaremus, diuim Franciscum, atque primum, cum antequam ad lucem illam, & meridiem clarissimum iustitie perueniret, quasi in tenebris iacentem cerne: postea, eundem splendidissima luce fulgentem, & ab omni obscuritate alienum, & tanquam solem in clarissimo meridie positum continue iustitie sue radiis tot hominum mentes, & totum hunc terrarum orbem, non secus, ac lucerna super candelabrum posita, totam domum, illuminantem, conspice. Est itaque uir iustus lucerna, & lux quedam, & ueluti clara dies nullis inuoluta tenebris, nulla obscurata caligine, nullis perturbata procellis. Hanc, qui huius uiri lucem cerneret, mirifica quadam latitia perfunderetur; atque ob tantum splendorem multum admiraretur: non secus, ac cum quis auroram surgentem, & Solem



nascentem, aut in meridie lucentem uidet: cum mens iusti sit tanquā aurora purpurea, tanquam Luna pulchra, & ut Sol electa. Quamobrem ex sacris literis, hūc in modum uirum iustum describere liceret. Quasi Stella matutina in medio nebule: quasi Luna plena in diebus suis: quasi Sol refulgens in mundo: quasi arcus splendens inter nebulas gloriæ: quasi flos rosarum in diebus uernis: quasi lilia in transitu aquæ: quasi thus redolens in diebus æstatis: quasi ignis effulgens, & thus ardēs in igne: quasi uas auri solidum ornatum in lapide precioso: quasi oliua pullulans, & cypressus in altitudinem se extollens.

Impius uero, quid nam est? nisi nubes, caligo, umbra, tenebræ, atra quædam, & obscura nox: qui in ipso etiam meridie, cū undique sol collucet, nihil cernit, & quasi in tenebris palpitat? Etenim horribiles sunt tenebræ in terra Aegypti: at, ubicunque habitant filij Israel, lux est.

*Nihil viro iusto maius in hoc mundo reperiri potest. Cap. xviii.*

**I**Ampridem est, cum sapientes quærerocœperunt, quæ nam in hac rerum uersitate res ceteris maior existat: & varij  
in

Cant. 6.

Ecci. 30.

Isa. 59.

Job. 12

Exo. 10.

*Mart. Du-*  
*men. Epi.*

in varias abiere sententias. Ego uero, cum  
quibusdam propositæ quæstioni, sapienter  
responderi posse arbitror, si dixerimus,  
nihil maius in hoc magno reperiri mun-  
do, animo magno, qui magna facit nihili:  
cuiusmodi est uiri iusti animus; qui tanta  
est magnitudine præditus, ut quæ ab aliis  
magni sunt, ipse nihili, aut parui faciat.  
Ompia namque, quæ sub cælo sunt, quan-  
tumuis maxima, pro nihilo ducit; immo  
despicit, & conculcat. Magni sunt princi-  
pes, magni duces, magni reges, cum ma-  
gnas possideant diuitias, magnis affician-  
tur honoribus, cogitent, & moliantur ma-  
gna: sed si harum rerum capiantur amo-  
re; si his rebus, ut usu uenire solet, inser-  
uiant; si maiora non desiderent bona;  
quo modo magni sint, non satis aperte ui-  
deo. At uero, cum uir iustus hæc omnia,  
tanquam infima, & uilia pro nihilo haben-  
da esse existimet, & habeat; cumque am-  
pliora appetat, & ad maiora aspiret, pro  
magno, & maximo plane habendus est:  
cum rebus sit superior maximis. Quare,  
Alexander ille, quem magnū appellarunt,  
hoc cognomen iustus meruisset, si po-  
tius Diogenes quam Alexander esse uoluisset.  
Nam, cum regnandi cupiditati misere  
inferuisset, minimus fuit: Diogenes uero,

cum

cum omnia humana cōtemneret, magnus  
 reuera extitit. Et cum Alexander esset irā  
 intemperans; eius uero pater facilitate, &  
 humanitate esset ornatus; merito quidam  
 de ambobus mentionem faciens, dixit :  
 Itaque alter, nimirum pater, semper ma-  
 gnus; alter uero, hoc est filius, sæpe turpis-  
 simus. Quis ergo, uiro iusto aliquid ma-  
 ius reperiri posse existimet? cum magnas  
 diuitias, magnos honores, maximas uolu-  
 ptates, & quidquid magnum, atque maxi-  
 mum habetur in mundo, despiciat, & nul-  
 la re inferior esse uelit? Vir iustus, hisce  
 rebus humanis conculcatis, super cœlos  
 graditur, & ad hasce res caducas oculos  
 deicere dedignatur; sed totus ad superio-  
 ra, & æterna bona cōuersus, ueras diuitias,  
 diuinos honores, & immortalem gloriam  
 maximo studio affectat, ac solum de rebus  
 cogitat diuinis: & in summa, tāta est animi  
 ipsius magnitudo, atque celsitudo, ut etiā  
 Angelos ipsos gloria, & honore superare  
 contendat. Et, cum in tanta magnitudine,  
 & sublimitate, non se efferat, sibi que ni-  
 hil superbe atroget, quæ est summa magni-  
 tudo, sed potius seipsum deprimat, suam  
 magnitudinem uincit, seipsum superat, &  
 seipso maior euadit. Est itaque ueluti Za-  
 chæus paruus, & magnus: paruus in se,

magnus in arbore gratiæ manens; a qua per humilitatem festinatis, descendit, & Dominum cum gaudio excipit. Et ideo, si quis cum laudando extollar, eique dicat:

*LUC. 18.* bonus es, se ipsum humiliando, dicit: Nemo bonus, nisi Deus. Et id, est in hoc viro maximum, quod simul sit magnus, & parvus: cum in magnitudine, parvus, & in parvitate magnus, existat. Vt recte præcipere videatur, qui monet, ut quanto maiores sumus, tanto nos summissius geramus.

*Ps. 112.*

Cum quid simile David in Deo animadvertisset, admiratione affectus, cecinit: Quis sicut dominus Deus noster, qui in altis habitat, & humilia respicit in cælo & in terra? Pari ratione, quispiam etiam diceret: Quis sicut iustus? qui cum magnus sit, nihil sibi arrogat, parvitate delectatur, non ambulat in magnis, sed in humilibus versatur: Quis, inquam, sicut iustus? qui, cum parvus sit, omnia quæ putantur maxima, maximopere contemnit, magnos honores, magnas opes, maxima regna, & imperia. Est ergo hic vir, non modo res magna, & maxima, verum etiam quiddam, maxima admiratione dignum; cum simul sit magnus, & parvus, & parvitas magnitudinem, & magnitudo parvitas non tollat: immo altera, alteram au-

*Ps. 130.*

geat

geat, & amplificet. Nam, dum quis existens magnus, parum de se sentiendo, seipsum minuit, mirum in modum seipsum auget. Magnus est iudex, & potens in honore, ait scriptura, & non est maior illo, qui timet Deum. Tandem talis, ac tantus est, ut mundus non sit eo dignus. Non sic impius, qui cum terrâ spectet, cum sub terram, quasi sepultus iaceat, cum rebus se subiiciat omnibus, cum Dæmoni famuletur, cum nihil magnum efficiat, & nihil grande cogitet, imbecillus, minimus, abiectus, & ut uno uerbo dicam, totius mundi scoria est.

Ecc. 10.

Heb. 11.

Eze. 28.

*Iustus, & impius, contrariis inter se rebus comparantur. Cap. XIX.*

Cum ea sit contrariorum natura, ut iuxta se posita magis elucescant, ad uiri huius dignitatem melius cognoscendam, ipsum cum homine impio conferamus oportet. Quare, ambos hosce homines, bonos uidelicet, et malos, quibusdam descriptionibus inter se contrariis, hoc capite describemus. Impius ergo est Adam uetus & terrestris, sine uero lumine, & uera obedientia: Iustus est ueluti Adam nouus & cœlestis, cum uero lumine, & uera obedientia.

1. Cor. 15.

# VIR IUSTVS.

- Pſalm. 48.* *a. Pet. 1* dicientia. Impius, est iumentum insipiens, & irrationale pecus, & cum bestiis, ut Nabuchodonosor, habitat: Iustus, est uir sapiens, & diuinum animal; quod cum beatis in cœlo uersatur. Impius, est vas iræ in contumeliam: Iustus, uas misericordiæ in honorem. Impius, est homo mortuus, & ueluti palmes abscissus a uite, quem ignis æternus manet: Iustus, est uiuus, & palmes cū uite coniunctus, cui præmium est paratū æternum. Impius, est arbor sicca sine fructibus, sine floribus, sine foliis; Iustus, est arbor semper uirens, foliis, floribus, & fructibus exornata. Impius, tanquam paralyticus in grabbato suorum peccatorum, nihil perfecte operari ualens, iacet: iustus factus sanus, sublato grabbato, uadit in domum suam, in cor uidelicet suum. Impius, est filius uiduæ, qui mortuus extra ciuitatem in loculo fertur: Iustus, est idem a Christo ad uitam reuocatus. Impius, est ueluti domus diruta, sine tecto; cuius parietes sunt uitiati, & fracti, & fundamentum debile: hoc est, est homo sine caritate; cuius spes est imbecilla, & fides parum firma: Iustus uero est domus, stabili uiuæ fidei fundamento nixa, firma spe erecta, & caritatis tecto cōsummata, atque perfecta.
- Luc. 13.* Impius, est terra, & scabellum pedum Dei, quod
- Luc. 7.*
- Isa. 66.*
- Mat. 7.*



quod Deus suis pedibus conculcat: Iustus *Lucæ. 15.*  
 est cælum, & Dei sedes, vbi Deus residet,  
 & quiescit. Impius, paterna domo re-  
 licta, in longinquam regionem proficisci-  
 tur, vbi porcorum custos euadit; quorum  
 porcorum siliquis, dum fame perit, uesci-  
 tur: Iustus domi paternæ manens, dignita-  
 tem suam conseruat, fame non laborat, sed  
 angelico nutritur cibo. Impius tanquam  
 bellua est pellicea ueste indutus: Iustus, ut  
 diuinum animal diuina est iustitia vesti-  
 tus. *Genæ. 3.* Impius, dum appetitione a ratione  
 aberrante trahitur, regiturq; sentit ut bel-  
 lua, appetit ut bellua, operatur ut bellua:  
 iustus cum ratione dirigatur, sapit ut ho-  
 mo, appetit ut homo, operatur ut homo: *Rom. 8.*  
 immo cum spiritu agatur diuino, sapit ut  
 Deus, appetit ut Deus, operatur ut Deus.  
 Impius cum ex diabolo sit, uoluntatē eius *Ioa. 9.*  
 facit: iustus cum sit ex Deo, Dei uolunta-  
 tem exequitur. Impius in stercore pecca-  
 torum iacens, seque in eo, ut sus quædam  
 inuoluens, fetorum inficit, & conspurcat:  
 iustus mundicia delectatur, & ideo quoti- *2. Pet. 2.*  
 die nitidior, candidiorque euadit. Et, ut  
 paucis multa complectar, ille secundum  
 carnem, hic secundum spiritum uiuit: ille  
 prudentia carnis, hic prudentia spiritus  
 utitur: ille Deo placere nequit, hic Deo est *2. Cor. 5.*  
 caris.



## VIR IUSTVS.

*Mat. 13.* carissimus: ille uiuens mundo mortuus est Deo, hic uiuens Deo, mortuus est mundo: ille in nocte, hic in die ambulat.

*Demonstratur meliorem esse viri iusti statum, quam Regis.*

*Cap. xx.*

**C**'Vm tanti a mortalibus regia fiat dignitas, ut pro ea acquirenda, & retinenda maximos sumptus faciant, summos suscipiant labores, & multum effundant sanguinis: uideamus quæso, an uiri iusti omni humana dignitate spoliati, multo quam Regis melior sit condicio. Regia potestas cum labore acquiritur, cum timore retinetur, & cum animæ detrimento sæpe numero amittitur: iustitia uero, cum labore quidem, sed dulci, & leui, cum non sint onerosi labores amantium, obtinetur; cū timore sancto & pio possidetur; & modo quis uelit, nunquam amittitur. Rex dum populis imperat, si uitiis inseruiat, ridiculus uideretur: iustus, dum Deo, & legibus obedit, & uicia comprimit, atque omnes animi sui partes in officio continet, admirabilis apparet. Rex militat cum hominibus, & barbaris nationibus: iustus cum mundo, carne, & Dæmonibus bella gerit:

&

& quo hi hostes potentiores sunt hominibus, eo iustus est Rege potentior. Rex pugnat pro pecuniis repetundis, pro finibus tuendis, pro regno amplificando: at iustus, pro religione, pro animę salute, pro ęterna beatitudine acquirenda. Rex agit cum ducibus, cum militibus, cum satellitibus; iustus, cum iustis, cum sanctis; & cum Deo tractat: ille in terris, hic in cęlo uersatur. Rex semper sollicitus uiuit, timet, audet, sperat, desperat, lætatur, tristatur, & uariis perturbationibus commouetur, curarumque fluctibus agitur: at iustus, nullis concutitur procellis, eodem semper statu permanet, semper est idem, cum in eo sit, eique innitatur, qui nulli est mutationi obnoxius. Rex suos subditos angit, aggrauat, & nouis oneribus, si malus sit, premit; quo fit, ut inuisus sit Deo, & hominibus: iustus uero de aliorum molestiis molestia capit: uellet omnes, quos curis oppressos uidet, a curis liberare; omnium misereretur, & continenter pro omnibus afflictis orat: ex quo nascitur, ut alij ad ipsum, cū aliqua grauiore molestia afficiuntur, quod & Reges aduersis temporibus facere consueuerunt, confugiant. Pharaon, cum plagis afficiebatur, ad Moysen confugiebat: Saul in maxima angustia collocatus, Samuelē

Exo. 1. 11.

1. Reg. 18.

# VIR IVSTVS.

*3. Reg. 18.* consulere curauit; Achab caritatis tempore, Elię operam implorauit. Regi, multi mortem desiderant, machinantur multi: iusto, omnes qui sapiunt, longam uitam cupiunt; nemo ei insidias parat. Rex hodie est, cras morietur, & hæreditabit uermes, & fortasse in inferno sepelietur: iustus si morietur, hæreditabit æternam uitam, & inter beatos in paradiso collocabitur. Rex si fuerit iniustus, in die iudicij a iusto iudicabitur, & manicis ferreis ligabitur. Denique, ne singula conſeſſer, ea res, inferior est Regis status, quam iusti; quia, si Rex ab eo ceciderit, eoque priuatus fuerit, uel nunquam, uel maximo cum labore eum recuperat: at uero si iustus ceciderit, non collidetur, quia Dominus supponit manum suam. Comparauimus hætenus iustum cum Rege, ac si ipse Rex non esset, cum reuera sit: quia, dum Deo seruit, regnat: immo, ut postea dicemus, ita regnat, ut Dei regnum intra se habeat. Alij reges regnum mundi, extra se habent: iustus uero regnum Dei intra se continet: *Luc. 17.* alij reges a mundo coronam accipiunt: iustus gloria & honore a Deo coronatur: alij reges, gemmis ex terra sumptis, iustus lapillis e cœlo delapsis ornatur: alij reges corruptibili purpura: iustus incorruptibili

induitur. Vter igitur felicior status? utra potior cōdicio? mundani regis, an uiri iusti? Quare, merito sancti patres monachorum uitam lōge meliorem, quam regis statum, *Chrys.* esse statuerunt.

*Quanta sit uiri iusti dignitas, ex nobilitate humane nature ostenditur.*

Cap. XXI.

**S**ummis laudibus, summi uiri, humane nature laudauere præstantiam: & id, iure quidem optimo. Nam, quis non censeat, eam creaturam esse longe præstantissimam, cuius causa Deus tam elegantē, tamque ornatum fabricauit mundum? cui tam pulchram domum parauit? quam admirabili artificio ex corpore, & anima *De interiori Hom. c. 36.* conflauit? in quam, quidquid est ornamenti, & perfectionis in ceteris creaturis, tantquam in quendam creaturarum epilogū, & paruū mundum contulit, quam paulominus Angelis inferiorem fecit; quamuis *Psal. 8.* non uno tantum titulo angelicam naturā superet; quam omnium creaturarum dominam esse uoluit; quam non solum dicto, sed etiam quasi consilio sanctissima *Gen. 1.* Trinitas ad imaginem, & similitudinem suam formauit; quam angelicis spiritibus

*Psalm. 90.* curandam, & custodiendam dedit; quam tandem aptam, & propensam ad immensam essentiam suam clare uidendam finxit. Digna sane, ac pulchra, & admirabilis quædam res, est humana natura: verū, tota illa dignitas, tota illa formositas, quæ in natura humana gratia carēte, cernitur, si cum dignitate, & uenustate, quæ in homine iustitia exornato reperitur, comparetur, nihil, aut prope nihil, esse uidebitur. Hinc est, quod post peccatum, quod cū gratia pugnat, primus homo originali iustitia spoliatus, dominio ex parte priuatus, ex paradiso deliciarum pulsus, ueste pellicea indutus, labori, & morti destinatus fuit; &

*Gen. 3.* a Deo irrisus, cum dixit: Ecce Adam, quasi unus ex nobis: quin etiam, terra, eiusdem hominis causa, maledicta fuit. Insuper, si naturalem hominis dignitatem tantum spectes, multi Dæmones, uel etiam omnes, quoniam naturæ dotibus spoliati non fuerunt, omnes homines dignitate superant. Quod ergo erat in natura humana præcipuum, & diuinum, propter peccatum, ipsa amisit. Id autem, uiro iusto per Christū renato, restitutum est: quia, per ipsum preciosa, & magna, Pater, iusto donauit: & ubi abundauit delictum, superabundauit,

*4. Pet. 1.* & gratia. Itaque, licet unius delicto mors

*Rom. 5.*

regnauerit per unum: tamen, multo magis abundantia gratiæ, & donationis, & iustitiæ accipientes, iusti, in uita regnabunt per Iesum Christum. Quare, uiro iusto per Christum instaurato, reiecta ueteri ueste, posita bestię pelle, non modo iustitiæ indumentum & innocentię stola restituta sunt, sed iam immortalitatis debetur pallium; cum non terrestris, sed cœlestis paradisi ipsi sit paratus: & in summa, longe ampliorem honorem, & gloriã, ut nos aperte diuus Paulus docet, quam per Adã amiserit, per Christum recuperauit. Contemplantur nunc, totam illam naturę humanę superius explicatam dignitatem; postea splendorem, & gloriã, dotesque illas supernaturales, quas primus homo a Deo, cum creatus fuit, accepit, & aliquid amplius, quod ex abundantia meritorũ Christi iustis acquisitum est; & quanta sit iustorũ celsitudo, aliqua ratione intelliges: quod melius cognosceres, si nim, efficiẽtiamque gratiæ, & meritorum Christi erga iustos, penetrares, quam epistola ad Romanos capite speciatim quinto, & sexto egregie explanauit Paulus. Quare, ni fallor, multo illustriores habemus, peccante Adam, per gratiam Christi uiros, quam fuissent, si Adam non peccasset. Ceterum,

*Roma. 8.*

## VIR IUSTVS.

*Ecc. 16.*

Iud omnino exploratum habeo, totam naturalem hominis excellentiā, nihil esse, si cum nobilitate, & dignitate, unius uel minimi iusti, siue cum iustitia, comparetur: ut concludere liceat, pluris ualere iustum, ratione suæ iustitiæ, quam humanam naturam, cum tota sua naturali perfectione: quod apertissime is scripturæ locus demonstrat, ubi dicitur: pluris ualere unum timētem Deum, quam mille impios: & tamen in omnibus naturalis reperitur perfectio. Itaque, sicut inter ceteras creaturas homo est magnum miraculum; ita inter homines, vir iustus, est miraculum maximum.

*Viri iusti dignitas ex Angelorum lapsorum dignitate ostenditur. Cap. xxi.*

*Apoc. 18.*

**P**osses etiam, Christiane lector, quantæ sit huius viri, quem laudare conamur, dignitas, facile cognoscere; si Angelorum de cælo lapsorum, ætequam laberētur, quāta fuerit celsitudo accurate considerares. Angeli, quibus homines paulo inferiores sunt, omnis materiæ expertes, & immortales a Deo creati fuere: qui quoquo uolunt, facile se cōferunt: unico intuitu, quidquid intelligunt, uidēt: qui ad administrandum, & assistendum diuinæ maiestati cōditi sunt: quo-



quorum deum natura nobilissima, & prestantissima ab omnibus sapiētibus semper iudicata fuit. Propterea Ezechiel propheta Luciferum describens, dicebat: Tu signaculum similitudinis, plenus scientia, & perfectione, decorus in delicijs paradisi Dei fuisti: omnis lapis preciosus operimentum tuum, &c. Tanta itaque fuit huius Angeli pulchritudo, ut in decore suo eleuauerit corpus, i. superbia intumuerit, & ceciderit. Et quod de hoc Angelo diximus, de alijs quoque intelligendum est, qui ob suam nobilitatē, & excellentiā, dum se Altissimo æquare uoluerunt, lapsi sunt. Ex his ergo intelligere licet, quanta fuerit malorum Angelorum, ante ipsorum ruinam, dignitas. Quibus enim donis, quibus dotibus, quibus ornamentis spiritualibus Angelos a Deo decoratos fuisse credemus, cum primum hominem Angelis aliquanto inferiorem, tot dotibus, & muneribus ornatum fuisse sciamus? quoniam suæ immensæ maiestati assistere, & inservire debebant. Vbi autem naturæ angelicæ celsitatem contemplarus fueris, animaduerte id, quod nos sacri scriptores, docent, iustos, ad eas beatas sedes, quæ Angelis, qui ceciderunt, paratæ erant, assumendos, idque ipsorum meritis adepturos esse, & ex iustitia: quia nō est iniustus Deus, *Ps. 103. Heb. 1. Eze. 28. Ise. 14. Heb. 6.*

ut obliuiscatur operis iusti; cum reddat unicuique iuxta opera sua; & tūc, maximā, & admirabilem esse iustorum dignitatem, haud obscure cognosces: quæ res, potius cogitatione perpēdenda, quam scriptione exponenda est. Verum, ut quod hoc loco docemus, pie lector, melius intelligas, finge aliquem ob sua errata a summo Imperatore ex supremo dignitatis fastigio deiectū, & alium, ex meritis, ad eādem dignitatem fuisse assumptum; huius quanta sit uirtus, quantumque meritum; ex loco, unde ille esset depulsus, facile cognosceres. Similiter, si quis ex meritis ad regiam, seu pontificiam dignitatem eligeretur, ex dignitatis magnitudine, ipsius cognosceres præstantiam. Iusti ergo, qui ad amplissimas illas sedes, nobilissimis spiritibus paratas, cum ob sua merita assumendi sint, quam excellentes? quam illustres erunt? Implebunt iusti Angelorum ruinas, & tanquam stellæ, in cœlo, unde stellæ ceciderunt, colloca buntur; ubi in perpetuas æternitates fulgebunt. Miraretur quispiam, si Angelum etiam ex minimis, naturalibus, & supernaturalibus donis ornatum cerneret; cur non etiam miraretur, si uiri iusti, qui ad Angelorum ordines & choros traducendus est, splendorem uideret? Latet itaque in uiro iusto sub mortali

*Pl. 109.*

*Ap. 12.*

tali carne, decor quidam magnus, & maxima quædam dignitas. Hæc hominis huius dignitatem, ut in Apocalypsi legitur, Angelus quidam optime intelligens, a viro iusto adorari se, passus non est; sed conseruum se nominavit. Hic locus, quem hoc capite ad demonstrandam viiri iusti præstantiam attulimus, ita planus, ac apertus est, ut cuiuscunque animû, summa admiratione afficere, & maxima iucunditate replere deberet. Ex casu vero, & miseria, in quam mali Angeli ceciderunt, quanta sit impiorum miseria & indignitas, cognoscere quoque licet; cum in eum ignem, qui paratus est diabolo, & Angelis eius, coniiciendi, & tanquam cadauera putrida in sepulcris collocandi sint: *Ap. 19.* *Mat. 25.* *Isa. 14.* *Exec. 28.* *Qua* tanquam stellæ e cælo in profundum laci labuntur, ubi ignis eos uorabit; & omnes qui uidebunt, obstupescant super eis.

*Vir iustus est uere doctus, & quidam magnus doctor. Cap. XXIII.*

**M**ulti de doctrine excellentia in hac uita se iactare solent; in eoque multû gaudēt, q̃ doctores appellentur: & qui doctoris titulo insigniti sunt, & hæc gloria florent, per beati censentur: quam excellentiâ in uiro iusto, ut arbitror, sapiens desiderabit

# VIR IUSTVS.

bit nemo. Nam, de uiri doctissimi, atque sapientissimi, diui uidelicet Francisci sententia, tantum quisque scit, quātum operatur; quod verbum huic iusto uiro frequēs fuisse, scribitur. Cum autem uir iustus multa, immo omnia operetur, cum omnia tum diuina, tum humana præcepta custodiat, multum sciat, immo cuncta sciat oportet: quandoquidē multam operationē ex multa sciētia proficisci, cum nihil absque sciētia efficiamus, necesse est. Huc facit doctrina quædam diui Gregorij, qui quendam bonum sacerdotem doctissimum appellauit, licet, etiam literarum elementa, ignoraret: quia unum caritatis præceptum sciebat, ex eoq; uiuebat; quod mandatum qui nouit, omnē legem, & prophetas omnes nouit: cum leges omnes, & omnia prophetarum scripta, imo quot quot scripti sunt, & scribentur libri, ab hoc solo pendeant præcepto: quibus libris, si hoc unum sciretur, & feruaretur mandatum, nihil esset opus. Quare, qui unam caritatis legem sciet, omnia uerissime sciet: & qui omnia sciet, iure optimo, & uerissime, magnus doctor uocari poterit. Contra uero, qui multa nouit, & nihil operatur, nihil uere scit: in quorum numero, sunt omnes impij; qui, cum in uia Domini non ambulent, nihil agunt; ac nihil proinde

*Gregor.*

*Gal. 3.*

*Mar. 13.*

*Psa. 1.*

de sciunt. Quare, sicuti avarus, nihil habere dicitur, etiam si arca redundet, cum his, quæ habet, non utatur; ita uir impius, quæ uis multa norit, cum male noscat cuncta, & scientia nihil ei profit, nihil scire dicetur. Hinc est, quod sapientes uiri, ut Socrates, Plato, Carus, Epictetus, Seneca, & alij grauissimi homines, eos, qui honeste non uiuunt, etiam si alias multa sciant, tanquam insipientes, & ignorantes damnant, & a sapientum numero sapienter reijciunt. Idem sensit is, qui dixit, non esse sapientem eum, qui sibi non sapit: ut impij omnes. Itaque istis dices: ostendite mihi doctrinam uestram ex operibus uestris. Præterea, in diuinis scripturis is doctus censetur, qui facit, & docet: at iustus faciendo docet, quia docendi ratione nulla est melior, & docendo facit: & cum omnia faciat, quia si in uno deficeret, esset omnium reus, & nihil sciret, omnia utique sciens; ac proinde doctus censendus erit. Quare, non libenter fero, cum quosdam aliqua doctrina imbutos, qui tamē, seipsos decipiētes, multum se scire arbitrantur, uiros bonos, & iustos, ignorantes appellare video; cum is solus uere ignarus existimandus sit, qui artis suæ præcepta, & bene uiuendi rationes ignorat: quæ omnia uir iustus optime nouit: alias enim iustus non esset. Cur igitur

Dan. 12.

Iaco. 2.

# VIR IUSTVS.

gitur ignoranter, ab ignorantibus, ignorās uocabitur? Impius uero, etiam si omnes Imperatorias, & Pontificias leges sciret, & omnem Aristotelis, & philosophorum, ac sapientum omnium doctrinam perdidicisset, si, quæ ad bene beateque uiuendum sunt necessaria ignoret, quod usu non raro uenire solet, uere ignarus nominari poterit. Videre enim passim licet quosdam doctrinæ fama celebres, qui, si de primis Christianæ philosophiæ elementis interrogentur, quid respondeant nesciunt; & in multis pueriliter errant.

*Ps. 118.*

Liceat ergo uiro iusto Deo dicere, & uere dicere: super omnes docētes me intellexi, quia testimonia tua meditatio mea est: super senes intellexi quia mandata tua quasiui. Non modo uir iustus, doctus est, sed ut paulo ante diximus, exēplo uitæ suæ, quæ docendi ratio semper principē obtinuit locū, cum uim præcipuam ad instruendum habeat, tanquam

*Mat. 1.*

potestatem habens, docet: sed non sic impij; qui, si quid bene docendo ædificant, id male uiuendo, destruunt. Et quid mirum si uir iustus est ita doctus, cum Deus totius doctrinæ auctor eum doceat, & sit docibilis Dei? Non ne Dominus fecit sanctos enarrare omnia mirabilia sua? Hinc est, quod

*Joan. 6.*

sæpe legimus mulierculas ob iustitiam,

*Ecci. 42.*

quam sunt adeptæ, & propter cōmercium,

quod

quod cum Deo habent, de rebus grauibus,  
 & abstrusis, sapientissime disputasse, & dif-  
 ficiles nodos soluisse, ac disserendo sapien-  
 tiam mundi uicisse. Et in quodam concilio *Nicæn.*  
 Episcopus quidā magis sanctitate uitę quā  
 doctrina illustris, doctissimū philotophū,  
 quem episcopi ualde docti superare nō po-  
 terant, paucissimis uerbis uicit, & ad ueram  
 religionem cōuertit. Hęc, cum uiri doctri-  
 na tumidi uideant, admirantur, & dicunt:  
 Quid potest iste scire, cum literas non didi-  
 cerit? non ne idiota est, & filius fabri? Didici-  
 cit quidem, sed non in scholis mundi, non *Mat. 6.*  
 a magistro mundano, sed ab illo, qui dixit:  
 Ego. n. dabo uobis os, & sapiētiam, cui non *Luc*  
 poterunt resistere, & contradicere omnes  
 aduersarij uestri: est etiam filius fabri, sed  
 illius fabri, qui sapientia sua fabricauit om-  
 nia, & docet hominē scientiam. Ex quibus  
 colligere licet, pluris faciendam esse alicu-  
 ius boni Christiani doctrinam, quam totā  
 sine Christo humanam sapientiam. Nemo  
 igitur, qui errare non uult, sit, qui uirum iu-  
 stum indoctum nominet; immo nemo sit,  
 qui doctissimum non uocet: cum doctissi-  
 mus is appellari debeat, qui omnem do-  
 ctrinam, omnemque succum ex scientijs,  
 & libris omnibus exhausit, qui hauriri po-  
 test: is, inquam, qui est magister optimus, &  
 qui



## VIR IUSTVS.

*Psalm. 78*  
 qui Deum præceptorem habuit, & habet.  
 Soli impij uocentur ignorantes, qui ignorare uolunt, ut male agant; qui dicunt, uel Deum non esse, uel non habere prouidentiam; qui, quæ ad ipsos scire pertinet, discere non curant; qui tandem seipsos nesciunt, cum nec unde ueniant, nec quid sint, nec ubi sint, nec quo, & per quam uiam uadant, norint. Impij igitur ignorantes, & iusti docti.

*Vir iustus est uere sapiens, & solus  
 sapiens. Cap. XXI III.*

**N**Vlla est fere ratio, quæ sapientes non ostendet suos: & de uno Homero uaria contendunt loca. Ex quo intelligi licet, quanti sapientia semper facta sit; ac etiam quanta ex una sapientia nascatur gloria, cum semper hoc sapientis nomen magnificum, atque illustre existimatum fuerit, quod animaduertens quidam, non sapientem, sed sapientiæ amatorem, ne tantum sibi nomen sumeret, se appellauit. Sed uideamus, an uir iustus hoc illustri titulo, & hac insigni appellatione dignus sit. Ut autem id facilius præstare possimus, quæ sit uera sapientia præfiniamus oportet. Vera ergo sapientia, nihil aliud esse uidetur, quàm certa,  
 de

de Deo notitia, per quam quis recte uiuen-  
do, colendo, & amando Deum, ei placere  
studet. Hoc, nos ipsa sapientia docet, quæ  
ait, Dilectio Dei honorabilis sapiëntia: item:  
Initium Sapientiæ est timor Domini: & rur-  
sus: sapientia, & disciplina timor Domini  
insuper: Plenitudo sapientiæ timere Deum  
Et Iob, cum sapientiam laudasset, eamque  
inuenire difficile esse docuisset; tãdem con-  
clussit: Ecce timor Domini ipsa est sapiëntia,  
& recedere a malo intelligentia. Hanc ve-  
ram sapiëntiam, diuus Iacobus, hunc in mo-  
dum descripsit. Quæ autem de sursum est  
sapientia, primum quidem pudica est; dein  
depacifica, modesta, suadibilis, bonis con-  
sentiens, plena misericordia & fructibus  
bonis, non iudicans, sine simulatione. Qua-  
re, si aliam mihi proferes sapientiam, insi-  
pientiam potius nominabo. Quia, vt sapiës  
ait; omnia sunt uanissima præterquã timere  
Deum, & eius seruare mandata: hoc est. n.  
omnis homo; id est, in hoc posita est tota fe-  
licitas, & perfectio hominis. Propterea gen-  
tes, quæ Deum cognouerunt, sed nõ colue-  
runt, euauerunt in cogitationibus suis, &  
ideo frustra quoddam obscurum, & inui-  
sum sapientiæ nomē iactarunt. Quambrẽ,  
si omnem sapiëntiam, quam habuerunt om-  
nes homines, & etiam eam ipsam quam di-

# VIR IUSTVS.

2. Par. 1. iunitus habuit Salomon, in unum hominē  
conferres; qui tamen Deum non timeret;  
nec diligeret, hunc stultum; & totam illam
1. Cor. 1. sapientiam stultitiam; nominabo. In quo  
igitur uera, quam descripsimus sapientia,  
reperitur? num in impio? nequaquam: quia
- Sapient. 1. scriptum est: In animam maleuolam, cuius  
modi est anima impij, non intrare sapien-  
tiam. Deinde, ut ex iam dictis constat; cum  
timor Domini sit sapientię initium & finis,  
cum impius Deum non timeat, qua ratio-  
ne in ipso erit sapiētia? ut recte senserit is,  
qui dixit; uirum bonum esse sapientem, &  
sapientem bonum. Ad hæc, uera sapientia
- Ecclesi. 1. est Dei donum, ut nos diuina docent oracu-  
la; & qui eam acquirere uolunt, a Deo pe-  
tant, ut uiri iusti fecerunt, necesse est. si ergo
2. Cor. 4. sapientia Dei donum est; cui nam eam do-  
nabit? iusto, an impio? amico, an inimico?  
filio suo, an filio diaboli? eam diligenti, an  
contemnenti? proculdubio, amico, filio, &  
amanti eam; cuiusmodi est uir iustus: &  
idcirco legimus; pie agentibus Deū dedisse  
sapientiam. Amplius, Deus non diligit
- Ecclesi. 43. nisi eos, in quibus habitat sapientia, ut ipse  
met nos docet. At impios non diligit; quia  
Deo odio est impius, & impietas eius. In im-  
pijs igitur non erit sapientia: ac proinde in  
iustis reperiatur necesse est. Soli itaque iu-  
sti sapientes; quorum os meditatur sapien-  
tiam,

tiā & lingua loquitur iudiciū, & lex Dei in ore ipforum. Beatus, qui in sapientia morabitur, & qui in iustitia meditabitur, & in sensu cogitabit circumspiciēte Dei. Quapropter, si homines in hac uita ob sapientiam, non ueram, vel saltem nō perfectam, tantum laudantur, si uarijs monumentis celebrantur, si beati appellantur, quanto magis uir iustus ob uerā, perfectamque sapientiam laudandus, commendandusque erit? Quis laudibus eum in cœlū nō ferat, in quo ea res reperitur, in cuius comparatione, regna, sedes, & diuitiæ nihil sunt? cū qua lapis preciosus conferendus non est: quæ est speciosior Sole; quæ luci comparata reperitur prior; quæ infinitus thesaurus est hominibus, quo qui usi sunt participes facti sunt amicitia Dei: ea res inquam, cuius lumen est inextinguibile; qua cum re omnia bona ueniunt; in cuius comparatione omne aurum arena est exigua: ea denique res, cui omnia quæ desiderantur, non ualent comparari. Iactet nunc India suos Gymnosophistas, Agyptus suos sacerdotes, Babylonia suos Magos, Gallia suos Druidas, Græcia suos Sophos; quos, cum uera caruerint sapientia, & sibi non fuerint sapientes, immo potius stulti facti sint, non sapientes, sed insipientes, uocares, eisque di-

*Ps. 36.**Pro. 10.**Sap. 6.7.8.*

9.

*Iob. 28.**Pro. 8.*

8.

*Rom. 1.**Pro. 1.**Ecc. 37.*

# VIR IVSTVS.

ceres : Quousque infantes diligetis infantiam? Nanque sapiens, est animæ suæ sapiens: isti uero cum Deum, quem cognouerunt, non glorificauerint, desiderijs cordis ipsorum, & passionibus ignominia traditi sunt. Homines igitur isti, tanquam in scena fabulam agerent sapiētiæ nomē duntaxat, sibi uēdicarunt, & se aliena persona decorarunt; pallio, barba, & baculo sapientiam præferentes. Quamobrem, pleris ualet sancta quædam simplicitas cum vera sapientia coniuncta, quam tota sapientia mundana; quam, non secus Christiana sapientia uincit, ac Moyſis serpens, Magorum Aegypti serpentes, superauit. Quoties. n. simplices Christiani, indoctæ scēminę, huius mūdi sapientes uicerunt? & nuda, in duodecim hominibus sapientia; non ne totam huius mundi phaleratam sapientiam conculcavit? Non sunt longæui sapiētes, nec senes intelligunt iudiciū. Et licet, hæc uera sapientia, satrapis huius mūdi nō placeat placet tamē deo ueræ sapiētię autori. Iustus igitur cum sit sapiens, in populo hereditabit honorem, & nomen illius erit uiuens in æternum. Collaudabunt multi sapientiam eius & usque in seculum non delebitur. Non recedet memoria eius, & nomen eius requiretur, a generatione in generationem; sapiētiā

Rom. 1.

5. Nil abbas.

Exo. 7.

Iob. 92.

1. Reg. 29.

Ecci. 37.

Ecci. 39.

riam eius enarrabunt gentes, & laudē eius enuntiabit Ecclesia.

*Laudatur vir iustus a vera, & optima scientia, qua seipsum cognoscit.*

*Cap. x. xv.*

**D**ivinitas salutis, sapientia & scientia. *Isa. 33.*  
Inter alias autem scientias, ea semper a sapientibus commendata, & celebrata *De inser. ho. ca. 1. 2.*  
fuit, qua, homo seipsum cognoscit: quā, ut est maxime necessaria; ita est maxime difficilis: quam qui nacti sunt, & ex ea vivunt, omni sunt laude digni, & aliquid, re vera, se scire existimare possunt: quam qui non habent, ignorant omnia. Tunc, dicebat quidam, incipiam scire, cum meipsum cognoscere incipiam: & ceterarum rerum cognitio, hac una neglecta, raro prodesse, plerumque vero obesse solet. Propterea captivus ductus est populus meus, inquit Deus, quia non habuit scientiam; sui videlicet cognitionem, per quam ad Dei noticiam facillime pervenitur. Qui seipsum cognoscit, ut quidam scripsit, cognoscit & Deum; qui Deum cognoscit, assimilabitur Deo; assimilabitur Deo, qui dignus factus est Deo; dignus denique sit



Deo, qui nihil indignū patrat Deo; quod nemo facere potest, nisi seipsum prius cognouerit. Propterea semper maximam sortita est commendationem sententia illa: Nosce teipsum: quo etiam referuntur istae: Tecum habita: Ne te quæsieris extra: Oculos in pectus: Non aliunde uiuendi suspensas oportet habere rationes. Hac suipsius cognitione qui caret, nec se, nec sua cognoscit: & propterea in quadā summa ignorantione uersatur. Nā, qui se nō nouit, q̄ sciet, quæ sibi expetēda, aut fugiēda sint? quæ ad se pertineāt? quæ se deceant, aut dedeceāt? Et ita, pro piscibus scorpiones, pro pane lapides, pro uino uenenum sumet. Qui se ignorat, in se non est, extra se uagatur, secum non habitat; ubi sit, unde ueniat, quod uadat, non uidet: quid agat non intelligit. Qui se ignorat, seipsum non amat; cum amor solum in rem feratur cognitam. At se non amare, quam crudele, quam nefarium sit, quis non uidet? Odit igitur se, qui se non nescit. Præterea, qui se ignorat, etiam si omnia alia sciat, uere ignorans nominari potest; cum id ignoret, quod scire debet: at qui se nouit, etiam si nihil aliud sciat, cum id nesciat, quod non est obligatus scire, ignarus reuera appellandus non est. Quod autem solus iustus se cognoscat,



id est luce meridiana clarius. Nam, se nihil esse, a se nihil habere intelligit: ac proinde Deo omnia accepta refert; cumque laudat, ac inquit: Venite adoremus, & proci- *Psal. 49.*  
damus ante Deum, ploremus coram Domino, qui fecit nos: quia ipse est Dominus Deus noster, nos autem populus eius, & oues pascuæ eius. Quare, ex suis ipsius cognitione in cognitionem Dei uenit, sequeretur Deo tradit. Mortalitatem suam nescit: quo fit, ut uermem, puluerem, & cinerem se appellet, & nihil sibi arroget; *Gene. 18.*  
quæ scientia est omnium præstantissima, & omnibus se submittat. De se præterea cogitat, secum habitat; non se, extra se quaerit; non habet uiuendi aliunde suspensas rationes: solum ea ad se pertinere putat, quæ in manu sua sunt, quæ intra se sunt: congruenter naturæ uiuit: unam æstimat iustitiam, cetera tanquam nugas spernit: de rebus ad salutem, & beatam uitam pertinentibus, cogitat, loquitur, & agit. Postremo, unde ueniat nouit; ubi sit cognoscit, quid sit non ignorat, quo uadat intelligit, & per quam uiam tendat, probe tenet: quæ omnia, qui cognoscit, se uere cognoscit. De homine impio contraria omnia affirmates: quia, cum ex ratione & ex lege diuina non uiuat, belluinam uiuit ut-

tam, & ideo ad se pertinentia non cognoscit, nocentia amat, & maximas perpetuasque pœnas sibi parat. Quo fit, ut sibi ipsi odio sit: quo, nihil a natura remotius, nihil horribilius cogitari potest. Caret ergo uir impius pulcherrima, & præstantissima omnium scientiarum scientia, quæ, cum uir iustus ornatus sit, laudibus omnibus exornandus erit. Si tantum laudatur, qui hoc dictum, Te ipsum nosce, pronuntiarunt, quantum commendandus erit, qui seipsum noscit, & ex hoc dicto uiuit: cum longe difficilius sit hoc præceptum

Sapient. 2.

seruare, quam ipsum pronuntiare. Iure igitur uir iustus scientiam Dei se habere promittit; cum eam scientiam habeat, quæ cognoscitur Deus, & ut filium Dei decet, uiuitur.

*Vir iustus est verax, & verus.*

*Cap. xxvi.*

S. Ephrem.

**D**EUS veritas est, & ueritatis auctor, eamque maxime diligit: Dæmon uero mendacium est, & mendacij pater, & mendacio summo opere delectatur. Quare, cum ueritas sit quid diuinum, semper pluri facta fuit, & ueridici, tanquam Dei filij, multum a prudentibus hominibus

amantur, atque laudantur. Mendacium ue-  
 ro, & mendaces, tanquam filij diaboli,  
 odio habentur, atque uituperantur. Siqui-  
 dem, quod uerum, simplex, sincerumque  
 est, id naturæ hominis est aptissimum.  
 Propterea ingenui, & liberaliter educati  
 homines, ueritatis professores, & asserto-  
 res, haberi uolunt; & pro ueritate retinen-  
 da, uitam etiam ipsam, profundere non  
 dubitant. Hac pulcherrima & diuina uir-  
 tute uir iustus ornatus omnino est. Siqui-  
 dem, ueritatem, & uerbis, & re profitemur:  
 cum uerbis nunquam mentiat, nec quæ  
 piâ, cū in simplicitate ambulet, decipiat;  
 nec aliud sit, ac esse debet; bonus uidelicet,  
 intus forisque. Nouit enim Deum fictos *Psalm. 5.*  
 non probare, & loquentes mendacium per-  
 dere. Ea propter de uiro iusto legimus: *Pro. 18.*  
 Iustus prior est accusator sui: ideo ait:  
 Delictum meum cognitum tibi feci; & *Psalm. 38.*  
 iniustitiam meam non abscondi: Dixi, cō-  
 fitebor aduersum me iniustitiam meam  
 Domino. Ego, qui peccaui: ego, qui malū *1. Par. 21.*  
 feci. At uero impius, ueluti diaboli filius, *2. Reg. 24.*  
 uel negat se peccasse, uel crimen in alium  
 reiicit, uel foliis, idest leuib. excusatio- *Gene. 3.*  
 nibus, peccati turpitudinem tegit, uel cul-  
 pam extenuat: quæ res, ratione quadam,  
 non minus quam peccatum ipsum Deo  
 displic-

*Ierem. 2.*

displicet : propterea legimus : Ecce ego iudicio contendam tecum ; eo, quod dixeris :

*Psal. 5.*

Non peccaui : Quare, in ore impij non est ueritas : diminutæ sunt ueritates a filiis hominum, hoc est ab impijs. Est præterea uir iustus, non modo uerax, sed etiam uerus, cum sit factus ad exemplar, & ideam æternæ ueritatis, eique congruat. Etenim, is est, quem Deus esse uoluit : is, qui uir futurus Dei filius & iustus, esse debet ; hoc est diuinis legibus congruens, & quantum

*Sapien. 3.*

fieri potest, Dei similis. Est ergo omni ex parte probatus, examinatus, & purgatus septies ; & proinde Deo dignus inuentus. Et quid mirum si uir iustus est uerus, & uerax ? cum in ipso ueritatis spiritus inha-

*Sapien. 1.*

bitet, qui omnem ueritatem (cum omnem fictionem excludat) eum docet : quem spiritum, mundus, hoc est mūdani homines, non potest accipere. Iustus igitur cum sit uerus, & uerax, est in omni munere rectus, in commercio fidelis, in iudicijs sincerus, in responsionibus simplex : quo fit, ut dicenda proferat, non dicenda taceat, simulationem uituperet, uersutias detestetur, tenebras fugiat, & lucem amet : siquidem ueritas, uult ad lucem uideri. At impius, nec foris, nec intus est uerus ; sed totus fictus, totus fucatus, totus a rectitudinis, & ue-

rita-

titatis regula diuersus. Videtur, dum in *Ioan. 8.*  
 domo Dei uersatur, esse ex Deo; cum tamē  
 sit ex diabolo, & filius diaboli: uidetur ho-  
 mo, & non est; cum sit iumentum insipiēs;  
 uidetur esse Christianus: sed, uel non est, *Psal. 48.*  
 nisi nomine, cum gratia careat; qua inun-  
 guntur Christiani: aut certe, si ratione  
 characteris Christianus est; cum careat ui-  
 ta, qua Christiani uiuunt, erit Christianus  
 quidam mortuus, sepulchrum dealbatum,  
 castanea foris integra, intus corrupta, res  
 denique uana, & apparens. *Mat. 13.*  
 Quamobrem, cum tanti ueritatis uirtus fiat; cum tantū  
 laudetur, cum tot procreet fructus; cum  
 tantum ueraces amentur; cum nihil sit, ut  
 aliquando a sapientibus decretum fuit, ue-  
 titate fortius; cur uir iustus, qui intus fo-  
 risque, & re, & uerbis est uerus, & uerax,  
 non plurimi fiet? nō laudabitur? non ama-  
 bitur? cum ueritati resistere possit nihil.

*Laudatur a uirtute prudentiæ, dum neminem  
 eo prudentiorem esse, demon-  
 stratur. Cap. xxvi.*

**M**ulti sunt, qui prudentiā uirtutem,  
 homini maxime necessariam, & a sa-  
 pientibus ualde commendatam, se habere  
 profitentur, ac omnia se prouidere posse  
 putant

# VIR IUSTVS.

putant: qui tamen, cum iustitia careant,  
 qua ratione prudentis nomen sibi sumant,  
 uidere nequeo. Solus enim uir iustus pru-  
 dens. Quia Dominus dat sapientiam, &  
*Pro. 2.* ex ore eius prudentia, & scientia: custodit  
 rectorum salutem, & protegit gradientes  
 in simplicitate, seruans semitas iustitiæ, &  
 uias sanctorum custodiens. Quare, cum iu-  
 sti a Deo dirigantur, nihil prudenter non  
 agent. Ideo de Iosepho uiro iusto legitur;  
*Gen. 39* Deus erat cum illo, & omnia opera eius  
 dirigebat: & de alio eiusdem condicionis  
 homine: In omnibus uis suis Dauid pru-  
 denter agebat, & Dominus erat cum eo:  
*1. Reg. 18.* item: Prudentius se gerebat Dauid, quam  
 omnes serui Saul, & celebre factum est no-  
 men eius. Gratia itaque Dei, abundat in  
*Eph. 1.* anima iusti, sapientia, & prudentia. Pruden-  
 tia, ut sapientes scribunt, est recta rerum  
 agendarum ratio: earum uidelicet, quæ ad  
 bene, beateque uiuendum pertinent: quæ  
 præteritorum recordatur, præsentia recte  
 disponit, & futura præuidet. Is ergo pru-  
 dens censendus erit, qui in his rebus, quæ  
 ad uirtutem, & beatitudinem acquirendâ  
 pertinent, accurate, & prudenter se gerit;  
 qui, quæ ad ista attinent recordatur, dispo-  
 nit, & præsentit: cuiusmodi est uir iustus,  
 qui peccatorum a se commissorum, qui be-  
 nefi-



neficiorum Dei, & passionis Christi, unde  
 ipsius pendet salus, reminiscitur: qui om-  
 nes suas actiones ordinat, & disponit, ac  
 circumstantias quasque considerat: qui,  
 quidquid ex unaquaque operatione oriri  
 potest, acute prævidet: qui rerum causas,  
 earumque progressus, & quasi antecessio-  
 nes non ignorat: qui tandem de bonorum,  
 ac malorum fine, & quatuor nouissimis se  
 penumero cogitat. Is prudens est, qui a nul-  
 lo etiam callidissimo hoste decipi se sinit;  
 qui omnes inimicorum omnium eludit  
 artes: id efficit iustus, quem nec mundus,  
 tot suis fallaciis, nec caro tot blanditiis, nec  
 uersutissimus Dæmon suis imposturis &  
 artibus decipit: cum ipse prudentia sua cū-  
 ctas horum inimicorum fraudes acutissi-  
 me uideat, & prudentissime subterfugiat.  
 Is prudens est, qui sibi uidet, qui substan-  
 tiam suam non dilapidat, qui pacifice do-  
 mi suæ uiuit, qui honori suo cōsulit; quæ  
 omnia facit iustus: qui rebus suis spiritua-  
 libus incumbit, qui opes spirituales non  
 proiicit, qui a domo paterna non recedit,  
 qui nihil unde contumeliam contrahat ef-  
 ficat. Atqui impius, tanquam filius prodi-  
 gus, a domo paterna imprudētissime egre-  
 ditur, in regionem longinquam proficisci-  
 tur, & porcorum custos euadit. Is prudens  
 est

Luc. 15



est, qui, cum quippiam a phantasia offer-  
tur, non statim illud admittit, sed ait :  
Siste parumper, o phantasia, sine ut  
te perspiciam, sine, ut te excutiam : si  
quidem de libertate, de tranquillitate, de re-  
gno, & de salute, agitur. Is prudens est, qui  
habet lumbos præcinctos, & lucernam ar-  
dentem in manibus suis, & vigilanter expe-

*Luc. 12.*

ctat Dominum. Is prudens est, qui omnem  
suam curam, cogitationem, & studia alicui  
prudentissimo, & potentissimo Regi com-  
mittit, totusque ab eo pēdet; quod efficit iu-  
stus, qui, ut suo dicetur loco, se totū, suaq;  
omnia Deo tradit. Is prudens est, qui uilis-  
sima bona in preciosissima, qui terrena in  
cœlestia, qui caduca in æterna cōuertit; qui  
lutum cum auro commutat, dum per eleē-  
mosynas fœneratur Domino. Is prudens

*Pro. 19.*

est, qui ueluti serpēs exponit corpus, ut ser-  
uet caput: quod iustus facit: qui omnia for-  
tunę & corporis exponit bona, ut rationē, fi-  
dem, & uitam spiritualem feruet. Is deni-

*Mat. 10.*

*Ecci. 24.*

que prudens est; qui, cogitatione requiem  
in omnibus quæsiuit: & quia nullibi in hoc  
uano mundo eam inuenit, in hēreditate do-  
mini moratur. Cum igitur hæc omnia, ut  
diximus, efficiat iustus, propterea prudens  
est, & tanquam prudens laudandus, cōmen-  
dandusque erit. In impio uero, nulla uera

repe-

reperitur prudentia, quia cum temere uiuat,  
& nihil explorate agat, ipso imprudentius  
fieri nihil potest: quod si quam habet; ea, *Rom. 8.*  
est prudentia carnis, quæ mors est: sicuti *Pro. 3.*  
prudentia spiritus, est uita, & pax. Beatus er-  
go homo, qui inuenit sapientiam, & qui af-  
fuit prudentia.

*Vir iustus, consilio, atque iudicio alijs præstat,  
& prodest. Cap. xxviii.*

Iustus non solum sibi, sed etiam alijs sa-  
pit, ac prudens est. Propterea, qui de mo-  
ribus scripserunt, humanarum actionum  
regulam, uirum iustum esse uoluerunt: quo-  
niam, iudicio & consilio abundat. Lingua *Psal. 36.*  
ergo iusti loquitur iudicium; quia lex Dei *Isa. 51.*  
est in corde ipsius, & non supplantantur  
gressus eius; hoc est, nihil iudicando, &  
consilium dando, agendoque offendit. Si *Ecclesi. 2. 8.*  
quidem tamquam sapiens, habet oculos suos *Pro. 17.*  
in capite suo: quibus diligenter inspicit, &  
præuidet omnia. Hinc est, quod homines  
alias prudentes, docti, & experti de rebus  
dubijs, uiros inexpertes, iustos tamen, con-  
sulare solent: a quibus talia referunt respon-  
sa, & consilia, quæ ipsi per se, nunquam ex-  
cogitassent. Etenim, si Dominus magnus *Ecclesi. 39.*  
uoluerit, spiritu intelligentiæ replebit illum.

# VIR IUSTVS.

& ipse tanquam ambros mittet eloquia sa-  
 pientie sue, & in oratione confitebitur Do-  
 minus: & ipse dirigit consilium eius, & disci-  
 plinam, & in sollicitudinibus suis consolabitur,  
 & sic facit hanc alia diuina scriptura  
 hanc Cogitationes iustorum iudicia: & con-  
 silia impiorum fraudulenta. Verba impio-  
 rum iniuriarum sanguines iustorum libe-  
 rant: & iustorum iustitiam os iusti: & os impio-  
 rum operit iniquitatem. Os iusti parturiet  
 sapientiam, & lingua puerorum peribit. La-  
 ba iusti ministrant pietati, & os impiorum  
 perueria. Quare mirandum non est, si in  
 ueris testamentis, non credo homines il-  
 los, consilium sapientum causa ad uiros iustos  
 conuoluit. & in omni bene constituta rep-  
 blica, utrumque consilia semper pluri-  
 mi fidei uolles, legimus. Ratio autem potius  
 facit ut uisus recta, & sana consilia da-  
 re solent, est quam Deus est in eo, & cum di-  
 uinis, & per eum, tanquam per prophetam  
 quidam loquuntur: & ideo est quasi sapien-  
 tia. Iamque interpretis quae sapientia, ait: Me-  
 um est consilium, & requirit; mea est pru-  
 dentia, uos est fortuna. Si ergo consilia  
 daret huius Dei, ad interpretem voluntatis  
 daret, & interpretem est. hanc igitur opti-  
 mam, & prophetam, & uero iusto corripit se  
 uolens. Corripuit me uisus in misericor-  
 dia,

dia, & increpabit me: oleum autem peccatoris non impinguet caput meum. Altera *Pf. 140.*  
eiusdem rei ratio, hæc est: quia, cum uir  
iustus sit omni uirtute præditus, nulla ani-  
mi perturbatione agitur: mentem ha-  
bet candidam, & lucidam, & ideo nihil in-  
considerate dicit. Quapropter, melius de  
aliqua re uir iustus philosophiæ ignoras,  
iudicat; quam magnus, sed improbus phi-  
losophus. Huc facit illud Pauli: spiritualis *1. Cor. 2*  
omnia iudicat, & ipse a nemine iudicatur:  
Siquidem Christi sensum habet. In eo etiã  
uiri iusti iudicium, ac consilium cernitur,  
quod uarias iuuandi proximum, & colen-  
di Deum, inuenit rationes. Propterea, a *Isa. 3.*  
apud Isaiam scriptum legimus; Dicite ius-  
to, quoniam bene, quoniam fructum ad  
inventionum suarum comedet; v& impio  
in malum: retributio. n. manuum eius fiet  
ei. Si quis eius, quod hoc capite docemus,  
aliquod desideraret exemplum, in memo-  
riam reuocet, quo cōsilio Daniel fallacias *Act. 14*  
sacerdotum Belis detexerit: qua ratione  
draconem occiderit: quo modo impudi-  
cos senes mendacij redarguerit, & etiam,  
qua arte sanctissima illa scæmina Iudith *Iudith. 13*  
Holofernus caput præciderit. Confugiant  
ergo ad uiros iustos, tanquam ad oracula  
quædam, qui consilio egent: quia, ut ex

## VIR IUSTVS.

*Deut. 32.* sacris discitur literis, eos dirigit, & per eos loquitur Deus. Huc spectat illud diuinae scripturae monitum: Interroga patres tuos, viros uidelicet iustos, & prudentes; qui a consilio, patres nominantur. Quamobrem, si in precio habentur qui iudicio pollent; qui salubria dant consilia, cur uir iustus, cuius consilia secuta, sana, & utilia sunt plurimi non fiet? non laudabitur? qui de se cum ratione hæc diceret:

*Iob. 29.* Qui me audiebant, expectabant sententiã, & intenti tacebant ad consilium meum. Verbis meis addere nihil audebant, & super illos stillabam eloquium meum. Expectabant me sicut pluuiam, & os suum aperiebant, quasi ad imbrem serotinum, &c.

### A virtute fortitudinis. Cap. XXIIX.

*Prov. 14.* **V**ir sapiens fortis est, & uir doctus robustus, & ualidus, inquit scriptura. Iustus autem, ut ex antedictis constat, sapiens, & doctus est: erit igitur fortis, robustus, & ualidus. Quare, si ob fortitudinis uirtutem tantopere homines laudantur, & carminibus, & triumphis, & monumentis, ut Achilles. Aeneas, Alexandri, Romuli, Cæsares, Pompei, & Caroli, celebrantur,

tur, cur uir iustus ob eandem uirtutem lau-  
dandus, ac honorandus non erit? cum re-  
uera robustus, & validus, & maxime fortis  
existat. Namque, is fortis censendus est;  
qui pro graui causa cum ratione, grauissi-  
mos labores, & cruciatus perpeti paratus  
est. Iustus autem pro iustitia retinenda;  
qua causa nulla potest esse grauior, & ma-  
ior, millies in die uitam exponeret: quia  
nouit beatos esse eos, qui pro iustitia perse-  
cutiones patiuntur: quoniam ipsorum est *Mat. 5.*  
regnum cœlorum, & quod uolenti; hoc  
est fortes, rapiunt illud. Cur ergo fortis  
non habebitur? & tanquam fortis non lau-  
dabitur? Quoties iustæ sœmellæ, natura  
rimidæ, & imbecilles, iustitia munitæ, pro *Mat. 11.*  
iustitia, & religione retinenda, fortiter pu-  
gnantes, crudelissimorum hominum, &  
iramanium ferarum uires, sua constantia,  
& fortitudine, uiriliter superarunt? Quo-  
ties fortissimos carnifices in torquendis hi-  
stis (ipsis inuictis, & infractis manentibus)  
robur defecit? Cogita Stephani lapides;  
Laurentij flammæ, Sebastiani sagittas;  
Pontiani prunas, Pantaleonis ungulas, fa-  
ces, & sartaginem, Catharinæ rotas, Iulia-  
næ uirgas, Iulitæ flagella, Maximæ & Do-  
natillæ fel, & equuleum; & fortissimi, atq;  
inuictissimi Venantij, carceres, fustes, la-

# VIR IVSTVS.

pides, cruces, turres, & gladios. Nullum itaque sæuitiæ, nullum crudelitatis genus, nulla ultima terribilia, in quibus sustinendis fortitudo uersari dicitur, timent iusti: non carceres, non uerbera, non gladios, non forcipes, non rotas, non laminas, non feras, non equuleos, non cruces, non denique ignes; sed hæc omnia, & si quæ sūt alia tormentorum genera, inuictō, infra-ctoque animo perpetiuntur. Alij, quos mundus appellat fortes, expugnant oppida; iustus expugnat cœlum: illi caducum regnum pugnando acquirunt; iustus æternum: illi triumphant in mundo; iustus in paradiso: illi agendo uincunt; iustus, et perpetiēdo, quod maius est, victoriā reportat. Iustus itaque agit, & patitur, abstinet, & sustinet. Animaduerte optime lector, fortitudinis impij, & viri iusti illustre exēplum. Goliath uir erat altitudinis sex cubitorum & palmi: & cassis ærea super caput eius: & lorica hamata induebatur: porro pōdus loriciæ eius quinque millia siclorū æris erat: & ocreas æreas habebat in cruribus: & clypeus æreus tegebat humeros eius: hastile autem hastæ eius erat quasi liciatorium texentium: ipsum autem ferrum hastæ eius sexcentos siclos habebat ferri: & armiger eius antecedebat eum. Hic uir fortis clamauit,

2. Reg. 3.



mauit, & dixit: Eligite uobis uirum, & descendat ad singulare certamen. Et qui iustitiæ fortitudine nō erant muniti, fugiebant a facie eius, timentes eum ualde. At uero David uir iustus, licet ex fratribus esset minimus, puer, & pastor, & humanæ militiæ ignarus, audacter inquit. Nunc uadam, & auferam opprobrium populi. Itaque positis armis mundanis, quibus eum armauerant, quibuscum incedere nō poterat, baculo, quo semper utebatur, sumpto; selectis quinque limpidissimis lapidibus de torrente, misit eos in pastorem peram, & fundam manu tulit; & processit aduersus Philisthæum: qui ei maledixit, ac carnes uolatilibus cœli, se daturum, minatus est. Dixit autem uir iustus: Tu uenis ad me cum gladio, & hasta, & clypeo: ego autem uenio ad te in nomine Domini exercituum, qui dabit te in manu mea; & percutiam te & auferam caput tuum a te: & dabo cadauera Ppilisthijm hodie uolatilibus cœli, & bestiis terræ: ut sciat omnis terra, quia est Deus in Israel. Et nouerit uniuersa Ecclesia hæc; quia non in gladio, nec in hasta, saluat Dominus: ipseus. n. est bellum, & non tradet nos in manus uestras. Et missa manu in pera tulit unū lapidē, & fūda iecit, & circunducens, percussit Philisthæum in frontem.

te eius, & cecidit in faciem suam super terram: & accepto inimici gladio, interfecit eum, caputque eius præcidit. En igitur singulare exemplum fortitudinis impij, & viri iusti: in quo aperte cernitur, quatum impij fortitudo, si quæ in eo est, ab ea, quæ in iusto reperitur, distet. Et, una mulier Hebræa, non ne fecit cōfusionem in domo Regis Nabuchodonosor? quo, factum est, ut qui tãquam mures æstimati fuerant, paruo numero, numerosum exercitū fugauerint, & victoriam de multo hoste reportauerint. In hunc etiam locum ueniunt egregia Samsonis facta, quæ in libris iudicum leguntur. Et quoties in sacris literis, & in ecclesiasticis legimus historijs, paucos viros iustos, maximos impiorum exercitus superasse? Qui erant, ait diuina historia, uelut locuste, monstra, & giganteum genus, uicerunt; & qui per unam uiam uenerunt, per septem fugerunt, & nullus cōtra filios Israel ausus est mutire. Verum, cum est Anathema ī medio Israel, non potest stare coram hostibus suis, donec deleatur, qui eo contaminatus est scelere. Et ideo sapienter dixit fortissimus ille Iudas: Facile est concludi multos in manibus paucorum: & non est differentia in conspectu Dei cœli liberare, in multis, & in paucis: Non saluatur ergo rex per mul-

Judith. 24.

2 Mach. 2

Deut. 7.

N. 13.

Ios. 2. 9. 10

Jud. 12.

Deut. 28.

Ios. 7.

1. Mach. 3.

multam uirtutem : & gigas non saluabitur *Ps. 32.*  
 in multitudine uirtutis suæ : fallax equus  
 ad salutem : in abundantia uirtutis suæ nō  
 saluabitur. Huc referres etiam egregium *Job. 1. 2.*  
 exemplum fortitudinis Iob, qui contra ho-  
 mines, & Dæmones pugnādo, omnium bo-  
 norum fortunæ, & corporis iacturam, con-  
 stanti animo ferendo, illustre omnibus po-  
 steris fortitudinis, & constantiæ reliquit ex-  
 emplum. Denique, ut latissimum campum  
 breui excurram; quis non existimet eos esse  
 fortes, qui tres potētissimos inimicos, mū-  
 dum, carnem, & Dæmonem uincū? de qui-  
 bus omnibus iustus uictoriam deportat?  
 Nanque, iustus mundum, & omnia quæ  
 sunt in mundo conculcat, & , ut Paulus lo- *Col. 3.*  
 quitur, mundus crucifixus est iusto, & ia-  
 ctus mundo. Carni deinde renunciat, eique  
 mortuus est; immo extra carnē est. Postre- *Rom. 8.*  
 mo Dæmonem tanquam mancipium cate-  
 nis ligatum ducit. Hinc est, quod legimus  
 uiros iustos sæpissime Dæmoni insultasse,  
 cum ligasse ei tanquam imbecilli creaturæ,  
 licet fortissimus sit, imperasse, eius caput  
 percussisse, abscidisse, & cōtriuisse. Et ideo  
 de uiro iusto scriptum est : Super aspidē et  
*1. Reg. 17.*  
*Judith. 13*  
 basiliscum ambulabis, & conculcabis leo-  
*Ps. 90.*  
 nem, & draconem. Potuit Demon uiros im- *Luc. 10.*  
 pios, cum filia Raguelis dormientes occi- *Tob. 6. 7.*

- Jerem. 2.* displicet : propterea legimus : Ecce ego iudicio contendam tecum ; eo, quod dixeris :
- Psal. 5.* Non peccaui : Quare, in ore impij non est veritas : diminutæ sunt veritates a filiis hominum, hoc est ab impiis. Est præterea uir iustus, non modo uerax, sed etiam uerus, cum sit factus ad exemplar, & ideam æternæ ueritatis, eique congruat. Etenim, is est, quem Deus esse uoluit : is, qui uir futurus Dei filius & iustus, esse debet ; hoc est diuinis legibus congruens, & quantum fieri potest, Dei similis. Est ergo omni ex parte probatus, examinatus, & purgatus septies ; & proinde Deo dignus inuentus. Et quid mirum si uir iustus est uerus, & uerax ? cum in ipso ueritatis spiritus inhabitet, qui omnem ueritatem (cum omnem fictionem excludat) eum docet : quem spiritum, mundus, hoc est mūdani homines, non potest accipere. Iustus igitur cum sit uerus, & uerax, est in omni munere rectus, in commercio fidelis, in iudiciis sincerus, in responsionibus simplex : quo fit, ut dicenda proferat, non dicenda taceat, simulationem uituperet, uersutias detestetur, tenebras fugiat, & lucem amet : siquidem ueritas, uult ad lucem uideri. At impius, nec foris, nec intus est uerus ; sed totus fictus, totus fucatus, totus a rectitudinis, & ueritatis-

titatis regula diuersus. Videtur, dum in *Ioan. 8.*  
 domo Dei uersatur, esse ex Deo, cum tamē  
 sit ex diabolo, & filius diaboli: uidetur ho-  
 mo, & non est, cum sit iumentum insipiens;  
 uidetur esse Christianus: sed, uel non est, *Psal. 48.*  
 nisi nomine, cum gratia careat, qua inun-  
 guntur Christiani: aut certe, si ratione  
 characteris Christianus est, cum careat ui-  
 ta, qua Christiani uiuunt, erit Christianus  
 quidam mortuus, sepulchrum dealbatum,  
 castanea foris integra, intus corrupta, res  
 denique uana, & apparens. *Mat. 13.*  
 Quamobrem,  
 cum tanti ueritatis uirtus fiat; cum tantū  
 laudetur, cum tot procreet fructus; cum  
 tantum ueraces amentur; cum nihil sit, ut  
 aliquando a sapientibus decretum fuit, ue-  
 titate fortius; cur uir iustus, qui intus fo-  
 risque, & re, & uerbis est uerus, & uerax,  
 non plurimi fiet? nō laudabitur? non ama-  
 bitur? cum ueritati resistere possit nihil.

*Laudatur a uirtute prudentie, dum neminem  
 eo prudentiorem esse, demon-  
 stratur. Cap. xxvii.*

**M**ulti sunt, qui prudentiā uirtutem,  
 homini maxime necessariam, & a sa-  
 pientibus ualde commendatam, se habere  
 profitentur, ac omnia se prouidere posse  
 putant

# VIR IUSTVS.

putant: qui tamen, cum iustitia careant, qua ratione prudentis nomen sibi sumant, uidere nequeo. Solus enim uir iustus prudens. Quia Dominus dat sapientiam, & ex ore eius prudentia, & scientia: custodit rectorum salutem, & protegit gradientes in simplicitate, seruans semitas iustitiæ, & uias sanctorum custodiens. Quare, cum iusti a Deo dirigantur, nihil prudenter non agent. Ideo de Iosepho uiro iusto legitur; Deus erat cum illo, & omnia opera eius dirigebat: & de alio eiusdem condicionis homine: In omnibus uis suis Dauid prudenter agebat, & Dominus erat cum eo: item: Prudentius se gerebat Dauid, quam omnes serui Saul, & celebre factum est nomen eius. Gratia itaque Dei, abundat in anima iusti, sapientia, & prudentia. Prudentia, ut sapientes scribunt, est recta rerum agendarum ratio: earum uidelicet, quæ ad bene, beateque uiuendum pertinent: quæ præteritorum recordatur, præsentia recte disponit, & futura præuidet. Is ergo prudens censendus erit, qui in his rebus, quæ ad uirtutem, & beatitudinem acquirendam pertinent, accurate, & prudenter se gerit; qui, quæ ad ista attinent recordatur, disponit, & præsentit: cuiusmodi est uir iustus, qui peccatorum a se commissorum, qui be-

nefi-



neficiorum Dei, & passionis Christi, unde  
 ipſus pendet ſalus, remiſcitur: qui om-  
 nes ſuas actiones ordinat, & diſponit, ac  
 circumſtantias quaſque conſiderat: qui,  
 quidquid ex unaquaque operatione oriri  
 poteſt, acute prouidet: qui rerum cauſas,  
 earumque progreſſus, & quaſi anteceſſio-  
 nes non ignorat: qui tandem de bonorum,  
 ac malorum fine, & quatuor nouiſſimis ſe  
 penumero cogitat. Is prudens eſt, qui a nul-  
 lo etiam callidiſſimo hoſte decipi ſe ſinit;  
 qui omnes inimicorum omnium eludit  
 artes: id efficit iuſtus, quem nec mundus,  
 tot ſuis fallaciis, nec caro tot blanditiis, nec  
 uerſutiſſimus Dæmon ſuis impoſturis &  
 artibus decipit: cum ipſe prudentia ſua cū-  
 ctas horum inimicorum fraudes acutiſſi-  
 me uideat, & prudentiſſime ſubterfugiat.  
 Is prudens eſt, qui ſibi uidet, qui ſubſtan-  
 tiam ſuam non dilapidat, qui paciſce do-  
 mi ſuæ uiuit, qui honori ſuo cōſulit; quæ  
 omnia facit iuſtus: qui rebus ſuis ſpiritu-  
 alibus incumbit, qui opes ſpirituales non  
 proiicit, qui a domo paterna non recedit,  
 qui nihil unde contumeliam contrahat ef-  
 ficat. Atqui impius, tanquam filius prodi-  
 gus, a domo paterna imprudentiſſime egre-  
 ditur, in regionem longinquam proficiſci-  
 tur, & porcorum cultos euadit. Is prudens  
 eſt

Luc. 15



est, qui, cum quippiam a phantasia offer-  
 rur, non statim illud admittit, sed ait :  
 Siste parumper, o phantasia, sine ut  
 te perspiciam, sine, ut te excutiam : si  
 quidem de libertate, de trāquillitate, de re-  
 gno, & de salute, agitur. Is prudens est, qui  
 habet lumbos præcinctos, & lucernam ar-  
 dentem in manibus suis, & vigilanter expe-

*Luc. 12.*

ctat Dominum. Is prudens est, qui omnem  
 suam curam, cogitationem, & studia alicui  
 prudentissimo, & potentissimo Regi com-  
 mittit, totusque ab eo pēdet; quod efficit iu-  
 stus, qui, ut suo dicetur loco, se totū, suaq;  
 omnia Deo tradit. Is prudens est, qui vilis-  
 sima bona in preciosissima, qui terrena in  
 cœlestia, qui caduca in æterna cōuertit; qui  
 lutum cum auro commutat, dum per eleē-  
 mosynas scēneratur Domino. Is prudens

*Pro. 19.*

est, qui ueluti serpens exponit corpus, ut ser-  
 uet caput: quod iustus facit: qui omnia for-  
 tūne & corporis exponit bona, ut rationē, fi-  
 dem, & uitam spirituales seruet. Is deni-

*Mat. 10.*

*Ecci. 24.*

que prudens est; qui, cogitatione requiem  
 in omnibus quæsiuit: & quia nullibi in hoc  
 uano mundo eam inuenit, in hēreditate do-  
 mini moratur. Cum igitur hæc omnia, ut  
 diximus, efficiat iustus, propterea prudens  
 est, & tanquam prudens laudandus, cōmen-  
 dandusque erit. In impio uero, nulla uera

repe-

reperitur prudentia, quia cum temere uiuat;  
& nihil explorate agat, ipso imprudentius  
fieri nihil potest: quod si quam habet; ea,  
est prudentia carnis, quæ mors est: sicuti  
prudentia spiritus, est uita, & pax. Beatus er-  
go homo, qui inuenit sapientiam, & qui af-  
fluit prudentia.

Rom. 8.  
Pro. 3.

*Vir iustus, consilio, atque iudicio alijs præstat,  
& prodest.* Cap. xxviii.

**I**ustus non solum sibi, sed etiam alijs sa-  
pit, ac prudens est. Propterea, qui de mo-  
ribus scripserunt, humanarum actionum  
regulam, uirum iustum esse uoluerunt: quo-  
niam, iudicio & consilio abundat. Lingua  
ergo iusti loquitur iudicium; quia lex Dei  
est in corde ipsius, & non supplantantur  
gressus eius; hoc est, nihil iudicando, &  
consilium dando, agendoque offendit. Si  
quidem tamquam sapiens, habet oculos suos  
in capite suo: quibus diligenter inspicit, &  
præuidet omnia. Hinc est, quod homines  
alias prudentes, docti, & experti de rebus  
dubijs, uiros inexpertes, iustos tamen, con-  
sulere solent: a quibus talia referunt respon-  
sa, & consilia, quæ ipsi per se, nunquam ex-  
cogitassent. Etenim, si Dominus magnus  
uoluerit, spiritu intelligenti replebit illum.

Psal. 36.  
Isa. 51.

Ecclesi. 2. 8.  
Pro. 17.

Ecclesi. 39.

# VIR IUSTVS.

*Pro. 12.*

& ipse tanquam imbres mittet eloquia sapientia suæ, & in oratione confitebitur Domino: & ipse diriget consilium eius, & disciplinam, & in absconditis suis cōsiliabitur, &c. Huc faciunt hæc alia diuinæ scripturæ loca: Cogitationes iustorum iudicia: & consilia impiorum fraudolenta. Verba impiorum insidiantur sanguini: os iustorum liberabit eos: uena iustitiæ os iusti: & os impiorum operit iniquitatem. Os iusti parturiet sapientiam, & lingua prauorum peribit. Labia iusti considerant placita, & os impiorum peruersa. Quare, mirandum non est, si in ueteri testamento, tam crebro homines illos, consilij capiendi causa ad uiros iustos confugisse, & in omni bene constituta rep. bonorum uirorum consilia semper pluri mi facta fuisse, legimus. Ratio autem potissima cur uir iustus recta, & sana consilia dare soleat, est; quia Deus est in eo, & eum dirigit, & per eum, tanquam per prophetam quendam, loquitur: & ideo est quasi sapientia diuinæ interpres: quæ sapientia, ait: Meum est consilium, & æquitas; mea est prudentia, mea est fortitudo. Si ergo consilia omnia sunt Dei, ad interpretem uoluntatis diuinæ confugiendum est. Iure igitur optimo, David propheta, a uiro iusto corripitur uolebat. Corripiet me iustus in misericordia,

*Pro. 8.*

dia, & increpabit me: oleum autem peccatoris non impinguet caput meum. Altera *Pf. 140.*  
eiusdem rei ratio, hæc est: quia, cum uir  
iustus sit omni uirtute præditus, nulla ani-  
mi perturbatione agitur: mentem ha-  
bet candidam, & lucidam, & ideo nihil in-  
considerate dicit. Quapropter, melius de  
aliqua re uir iustus philosophiæ ignoras,  
iudicat; quam magnus, sed improbus phi-  
losophus. Huc facit illud Pauli: spiritualis *1. Cor. 2*  
omnia iudicat, & ipse a nemine iudicatur:  
Siquidem Christi sensum habet. In eo etiã  
uiri iusti iudicium, ac consilium cernitur,  
quod uarias iuuandi proximum, & colen-  
di Deum, inuenit rationes. Propterea, a *Isa. 3.*  
pud Isaiam scriptum legimus: Dicite ius-  
to, quoniam bene, quoniam fructum ad  
inventionum suarum comedet: væ impio  
in malum: retributio, n. manuum eius fiet  
ei. Si quis eius, quod hoc capite docemus,  
aliquod desideraret exemplum, in memo-  
riam renocer, quo cõsilio Daniel fallacias  
sacerdotum Belis detexerit: qua ratione *Dan. 14*  
draconem occiderit: quo modo impudi-  
cos senes mendacij redarguerit, & etiam,  
qua arte sanctissima illa fœmina Iudith  
Holofernus caput præciderit. *Iudith. 13*  
Confugiant ergo ad uiros iustos, tanquam ad oracula  
quædam, qui consilio egent: quia, ut ex

## VIR IUSTVS.

*Deut. 32.* sacris discitur literis, eos dirigit, & per eos loquitur Deus. Huc spectat illud diuinae scripturae monitum: Interroga patres tuos, uiros uidelicet iustos, & prudentes; qui a consilio, patres nominantur. Quamobrem, si in precio habentur qui iudicio pollent; qui salubria dant consilia, cur uir iustus, cuius consilia secunda, sana, & utilia sunt plurimi non fiet? non laudabitur? qui de se cum ratione hæc diceret:

*Iob. 29.* Qui me audiebant, expectabant sententiā, & intenti tacebant ad consilium meum. Verbis meis addere nihil audebant, & super illos stillabam eloquium meum. Expectabant me sicut pluuiam, & os suum aperiebant, quasi ad imbrem serotinum, &c.

*A virtute fortitudinis.*

Cap. XXI.

*Prov. 14.* **V**ir sapiens fortis est, & uir doctus robustus, & ualidus, inquit scriptura. Iustus autem, ut ex antedictis constat, sapiens, & doctus est: erit igitur fortis, robustus, & ualidus. Quare, si ob fortitudinis uirtutem tantopere homines laudantur, & carminibus, & triumphis, & monumentis, ut Achilles. Aeneas, Alexandri, Romuli, Cæsares, Pompei, & Caroli, celebrantur,

tur, cur uir iustus ob eandem uirtutem lau-  
dandus, ac honorandus non erit? cum re-  
uera robustus, & validus, & maxime fortis  
existat. Namque, is fortis censendus est;  
qui pro graui causa cum ratione, grauissi-  
mos labores, & cruciatus perpeti paratus  
est. Iustus autem pro iustitia retinenda;  
qua causa nulla potest esse grauior, & ma-  
ior, millies in die uitam exponeret: quia  
nouit beatos esse eos, qui pro iustitia perse-  
cutiones patiuntur: quoniam ipsorum est  
regnum cœlorum, & quod uolenti; hoc  
est fortes, rapiunt illud. Cur ergo fortis  
non habebitur? & tanquam fortis non lau-  
dabitur? Quoties iustæ fœminellæ, natura  
timidæ, & imbecilles, iustitia munitæ, pro  
iustitia, & religione retinenda, fortiter pu-  
gnantes, crudelissimorum hominum, &  
iramanium ferarum uires, sua constantia,  
& fortitudine, uiriliter superarunt? Quo-  
ties fortissimos carnifices in torquendis hi-  
stis (ipsis inuictis, & infractis manentibus)  
robur defecit? Cogita Stephani lapides;  
Laurentij flammæ, Sebastiani sagittas;  
Pontiani prunas, Pantaleonis ungulas, fa-  
ces, & sartaginem, Catharinæ rotas, Iulia-  
næ nigas, Iulitæ flagella, Maximæ & Do-  
natillæ fel, & equuleum; & fortissimi, atq;  
inuictissimi Venantiij, carceres, fustes, la-

*Mat. 5.**Mat. 11.*



# VIR IVSTVS.

pides, cruces, turres, & gladios. Nullum itaque sæuitiæ, nullum crudelitatis genus, nulla ultima terribilia, in quibus sustinendis fortitudo uersari dicitur, timent iusti: non carceres, non uerbera, non gladios, non forcipes, non rotas, non laminas, non feras, non equuleos, non cruces, non denique ignes; sed hæc omnia, & si quæ sūt alia tormentorum genera, inuictō, infractoque animo perpetiuntur. Alij, quos mundus appellat fortes, expugnant oppida; iustus expugnat cœlum: illi caducum regnum pugnando acquirunt; iustus æternum: illi triumphant in mundo; iustus in paradiso: illi agendo uincunt; iustus, et perpetiēdo, quod maius est, victoriā reportat. Iustus itaque agit, & patitur, abstinet, & sustinet. Animaduerte optime lector, fortitudinis impij, & viri iusti illustre exēplum. Goliath uir erat altitudinis sex cubitorum & palmi: & cassis ærea super caput eius: & lorica hamata induebatur: porro pōdus loriciæ eius quinque millia siclorū æris erat: & ocreas æreas habebat in cruribus: & clypeus æreus tegebat humeros eius: hastile autem hastæ eius erat quasi liciatorium texentium: ipsum autem ferrum hastæ eius sexcentos siclos habebat ferri: & armiger eius antecedebat eum. Hic uir fortis clamauit,

2. Reg. 3.



mauit, & dixit: Eligite uobis uirum, & descendat ad singulare certamen. Et qui iustitiæ fortitudine nō erant muniti, fugiebant a facie eius, timentes eum ualde. At uero Dauid uir iustus, licet ex fratribus esset minimus, puer, & pastor, & humanæ militiæ ignarus, audacter inquit. Nunc uadam, & auferam opprobrium populi. Itaque positis armis mundanis, quibus eum armauerant, quibuscum incedere nō poterat, baculo, quo semper utebatur, sumpto; selectis quinque limpidissimis lapidibus de torrente, misit eos in pastorem peram, & fundam manu tulit; & processit aduersus Philisthæum: qui ei maledixit, ac carnes uolatilibus cœli, se daturum, minatus est. Dixit autem uir iustus: Tu uenis ad me cum gladio, & hasta, & clypeo: ego autem uenio ad te in nomine Domini exercituum, qui dabit te in manu mea; & percutiam te & auferam caput tuum a te: & dabo cadauera Ppilisthijm hodie uolatilibus cœli, & bestiis terræ: ut sciat omnis terra, quia est Deus in Israel. Et nouerit uniuersa Ecclesia hæc; quia non in gladio, nec in hasta, saluat Dominus: ipseus. n. est bellum, & non tradet nos in manus uestras. Et missa manu in pera tulit unū lapidē, & fūda iecit, & circunducens, percussit Philisthæum in fron-

te eius, & cecidit in faciem suam super terram: & accepto inimici gladio, interfecit eum, caputque eius præcidit. En igitur singulare exemplum fortitudinis impij, & viri iusti: in quo aperte cernitur, quatum impij fortitudo, si quæ in eo est, ab ea, quæ in iusto reperitur, distet. Et, una mulier He-

*Judith. 24.*

brea, non ne fecit cõfusionem in domo Regis Nabuchodonosor? quo, factum est, ut qui tãquam mures æstimati fuerant, parvo pumero, numerosum exercitũ fugauerint, & victoriam de multo hoste reportauerint. In hunc etiam locum ueniunt egregia Sam-

*2. Mach. 2*

sonis facta, quæ in libris iudicum leguntur. Et quoties in sacris literis, & in ecclesiasticis legimus historijs, paucos viros iustos, maximos impiorum exercitus superasse?

*Deut. 7.*

*Nu. 13.*

*Ios. 2. 9. 10*

*Iud. 12.*

*Deut. 28.*

*Ios. 7.*

Qui erant, ait diuina historia, uelut locuste, monstra, & giganteum genus, uicerunt; & qui per unam uiam uenerunt, per septem fugerunt, & nullus cõtra filios Israel ausus est mutire. Verum, cum est Anathema in medio Israel, non potest stare coram hostibus suis, donec deleatur, qui eo contaminatus est scelere. Et ideo sapienter dixit fortissimus ille Iudas: Facile est concludi multos in manibus paucorum: & non est differentia in conspectu Dei cœli liberare, in multis, & in paucis: Non saluatur ergo rex per mul-

*1. Mach. 3.*

multam uirtutem : & gigas non saluabitur *Ps. 32.*  
 in multitudine uirtutis suæ : fallax equus  
 ad salutem : in abundantia uirtutis suæ nō  
 saluabitur. Huc referres etiam egregium *Iob. 1. 2.*  
 exemplum fortitudinis Iob, qui contra ho-  
 mines, & Dæmones pugnādo, omnium bo-  
 norum fortunæ, & corporis iacturam, con-  
 stanti animo ferendo, illustre omnibus po-  
 steris fortitudinis, & constantiæ reliquit ex-  
 emplum. Denique, ut latissimum campum  
 breui excurram; quis non existimet eos esse  
 fortes, qui tres potētissimos inimicos, mū-  
 dum, carnem, & Dæmonem uincū? de qui-  
 bus omnibus iustus uictoriam depottat?  
 Nanque, iustus mundum, & omnia quæ  
 sunt in mundo conculcat, &, ut Paulus lo- *Col. 3.*  
 quitur, mundus crucifixus est iusto, & ia-  
 stus mundo. Carni deinde renunciat, eique  
 mortuus est; immo extra carnē est. Postre- *Rom. 8.*  
 mo Dæmonem tanquam mancipium cate-  
 nis ligatum ducit. Hinc est, quod legimus  
 uiros iustos sæpiissime Dæmoni insultasse,  
 eum ligasse, ei tanquam imbecilli creaturæ,  
 licet fortissimus sit, imperasse, eius caput  
 percussisse, abscidisse, & cōtriuisse. Et ideo  
 de uiro iusto scriptum est : Super aspidē, et *1. Reg. 17.*  
 basiliscum ambulabis, & conculcabis leo- *Judith. 13*  
 nem, & draconem. Potuit Demon uiros im- *Ps. 90.*  
 pios, cum filia Raguelis dormientes occi- *Luc. 10.*  
 dere *Iob. 6. 7.*

dere; Tobiam uirum iustum, necare nō potuit. Ex quibus omnibus colligere licet, uiros iustos fortissimos esse, & propterea omni laude dignissimos: impios uero imbecilles, debiles, infirmos, & effœminatos: Fugit enim impius nemine persequente: & timet ubi non est timor: Iustus uero, quasi leo cōfidens, absque terrore erit.

*Alibertate, qua malos reprehendit, dum nullius faciem, & potentiam timet. Cap. xxx.*

**N**on possum non uehementer admirari uiri iusti firmitudinem, atque, ut ita dixerim, animi granditatem, cum animaduerto tantum habere roboris, ac celsitudinis, ut nihil uereatur, nihil timeat, præter Deum. Siquidem iustis dictum esse nouit: Nolite timere eos, qui occidunt corpus, animam autem non possunt occidere: sed potius timere eum, qui potest, & animam, & corpus perdere in gehennam. Inquit itaque audacter Iustus: Non timeo, quid faciat mihi homo. Hinc est, quod uidemus iustos pro religione, & iustitia, & ueritate retinēda, forti atq; irreposito animo, & magistratus, & principes, & alios in honore constitutos homines, cum ratio id postulat, reprehendere, & accusare: ueritatem palam dicere,

*Psalm. 28.  
Psalm. 13.  
Pro. 28.*

*Mat. 10.*

*Psalm. 17.*

dicere, & tanquam Dei ministros, nullius  
 faciem, & potentiam timentes, acriter faci-  
 norosos redarguere. Loquebar, dixit qui-  
 dam iustus, de testimonijs tuis in cōspectu *Ps. 118.*  
 regum, & non confundebar. Huius rei, &  
 sacræ literæ, & ecclesiasticæ historiæ multa  
 nobis suppeditant exempla. Tu quidem sce-  
 lestissimus in præsentī uita nos perdis, di-  
 xit Regi secundus ex septem fratribus; sed *4. Mat. 7.*  
 rex mundi defunctōs nos pro suis legibus  
 æternæ uitæ resurrectione suscitabit. Et po-  
 stremus, ac adolescentior, eidem impiō An-  
 tiocho: Tu autem, o scelestissime, & omniū  
 hominum flagitiosissime, noli frustra extol-  
 li vanis spebus in seruos eius inflāmatu-  
 s: non dum n. omnipotentis Dei, & omnia in-  
 spicientis iudiciū effugisti: Non obedio  
 præcepto regis, sed præcepto legis, quæ da-  
 ta est nobis per Moysen: Tu uero qui inue-  
 tor omnis malitiæ factus es in Hebræos, *Dan. 3.*  
 non effugies manus Dei. Tres pueri, nullas  
 crudelissimi Regis minas timentes, constā-  
 ti animo se nolle statuam auream adorare  
 dixerunt; nec fornacem septuplum incen- *1. Mach. 1.*  
 sam timuerunt. De alijs quoque legimus,  
 potius elegisse mori, quam cibis coinqui-  
 nari immundis, & noluerunt infringere le- *1. Reg. 13*  
 gem Dei sanctam, &c. Samuel palam redar- *3. Reg. 18*  
 guit Saulē, cum ei stulte egisse dixit: Elias *Luc. 3.*

# VIR IUSTVS.

Achabum : Ioannes Herodem, & Iudæos :  
 Ambrosius Theodosium Imperatorem :  
 Apostoli nullos magistratus, nullas pœnas  
 timuerunt, ut ueritatem, & iustitiam intactam  
 conseruarent : Ibant gaudentes a conspectu  
 concilij, & aperte dicebant, obedire oportere  
 Deo, magis quam hominibus. Denique, quoties  
 sanctæ Virgines, intrepida fronte, tyrannos  
 crudelissimos reprehenderunt, & eorum minas  
 contempserunt : quarum constantiam qui cōsiderauerit,  
 Socratis, Anasarchi, Phocionis, Scæuolæ, Metelli,  
 ac aliorum, quos humana philosophia admiratur,  
 firmitudinem, parui facendam esse purabit.  
 Et sane, quid est, quod uir iustus sibi ab homine  
 mortali timeat ? qui quasi fœnum, ita arefcet : quem  
 tinea, tanquam lanam, deuorabit ; & vermis  
 tãquam vestimentum comedet : cum Deus sit in eo,  
 & per eum loquatur, eumq; defēdat ? Quid  
 inquam est, quod iusti timeant opprobriũ  
 hominum, & eorum blasphemias ; cum ipsis  
 dictum sit : Ite, & ponite pedes super colla  
 regum istorum : nolite timere, nec paueatis :  
 confortamini, & estote robusti, &c. Potest  
 itaque dicere iustus : Dominus Deus auxiliator  
 meus ; ideo non sum cōfusus : ideo posui faciem  
 meam, ut petram durissimam : & scio quoniam  
 non confundar.

Iuxta



Iuxta est, qui iustificat me : quis contradicet mihi ? Stemus simul : qui est aduersarius meus, accedat ad me. Atqui, impius, tãquam stultus, non timer Deum, qui potest occidere animam, & formidat homines, *Mat. 10.* qui possunt occidere corpus : & si ad præsentiã Iudicis uenerit, pallefcit, contremiscit, fari nequit, aspectu, & oratione consciẽtiã, qua se accusari sentit, manifestat. Hęc sancta in uiro iusto audacia, hęc fidẽtia; qua, nec malum futurum horrescit, nec præsens curat, qua nullam humanã timet personã, qua ijs formidabilis existit, quos iustitia, spoliatus timeret, mirum in modũ eius dignitatem amplificat. Vos, uos igitur, o iusti, uestra iustitia armati, Regum præsentiã non timetis, improbis quibuscunque resistitis, ueritatẽ palam defenditis, & Deo magis quam hominibus, ut par est, *Aã. 1.* obeditis.

*Vir iustus nihil timet, sed semper, &  
ubique impavidus existit.*

*Cap. XXXI.*

**N**On modo is, quem describi mus, uir, omnia suscipit, & audacter aggreditur pericula, & honesta quadã audacia nullius ueritus personã, ueritatem palam pro-

tetur

tetur, ac vitia damnat; sed etiam, quod est quid singulare, & inuicti animi, ad omnia grauissima incommoda, & impudentia mala, se intrepidum præbet: Et ideo cum nihil timeat, nihilq; reformidet, in quadam maxima securitate uiuit. Id, quam bonum, quaque desiderabile, & iucundum sit, ij norunt, qui aliquando uitam cum timore vixerunt: quæ uitæ ratio, non tam uita, quam mors quædam censenda est. Hoc, quod in præsentia affirmamus, ita certum, exploratumque est, ut etiã ethnici scriptores, id apertissime docuerint. Et, ut unus loco sit omnium, quidam hac de re, ita scripsit.

*Hor. lib. 1  
Ad. 22.*

Is, qui integer est animi, qui integram, & minime culpabilem uitam ducit, & est sceleris purus, qui castas, purasque a sanguine manus habet; cum nihil timeat, cum vbiuis terrarum omnino secure uiuat; nullo eget armorum genere: non iaculis, non arcu, non pharetra uenenatis sagittis plena: siue is per syrtes æstuosas, siue per inhospitalem caucasum, siue per alium quemuis periculofum locum iter facturus sit. Vbi vbi itaque locorum sit, uitæ suæ integritate armatus, sua recta conscientia securus, nihil malorum timeret. Et alio loco: Virum iustum, qui recti propositi est tenax, qui a suscepto rectæ uitæ cursu

non

non recedere decreuit, non animi iudicum  
 furore incensi, non tyrāni minaces vultus,  
 non maris procellæ, non fulmina commo-  
 uent, uel conturbant: immo, etiam si ip-  
 sum cœlum ruat, nō terrebitur ruinis, sed  
 impavidus permanebit. Et hac arte, uirtu-  
 te nimirum, & iustitia plerosque homi-  
 nes immortalitatem adeptos fuisse, ethnici  
 existimarunt. Horum duorum locorum,  
 quos attuli, sententiam, ego interdum ue-  
 hementer mirari soleo, cum animaduer-  
 to, hominem uero lumine orbatum, tan-  
 tum integritati uitæ, & iustitię tribuisse, ut  
 dixerit, uiros iustos, tanquam intrepidos,  
 & securos ubique uiuere, & uersari, & tan-  
 quam impavidos nulla, etiam si cœlum  
 fractum laberetur, posse ratione terri.  
 Et quis nō appellet impavidum eum, qui  
 diuino nixus auxilio, dicere audacter po-  
 test: Non timebo milia populi circundan- *Psal. 3.*  
 tis me: In Deo meo transgrediar murum: *Ps. 17.*  
 eū inquam, de quo scriptum est; in uastita-  
 te, & fame ridebis; & bestias terre non for- *Iob. 5.*  
 midabis; non timebis calamitatem cum  
 uenerit. Iustus itaque non timebit a timo-  
 re nocturno, a sagitta uolante in die, a ne-  
 gocio perambulante in tenebris, ab incur-  
 su, & demonio meridiano: cadent a latere *Psal. 90.*  
 eius mille, & decem millia a dextris eius.

# VIR IUSTVS.

*Psalm. 36.* Dominus, inquit iustus, est illuminatio mea, mea uidelicet felicitas, is per quem mihi omnia feliciter succedunt, qui mihi in periculis præluet, & salus mea, quem timebo? Dominus protector uitæ meæ, a quo trepidabo? Si insurgant aduersum me castra, non timebit cor meum. En, ut aper te uir iustus animo impauido se esse demonstrat. Causa autem prima, cur hic uir securus incedat, & impauidus uiuat, est; quoniam Deus est in ipso, & pro ipso: quia Deus sub umbra alarum suarum eum tegit, & scuto bonæ uoluntatis, & ueritatis suæ circumdat. Propterea iustis dictum esse legimus: Non enim eritis uos qui dimicabitis; sed tantummodo confidenter stete, & uidebitis auxilium Domini super uos, o Iuda, & Ierusalem: nolite timere, nec paueatis. Et alibi: Dominus pugnabit pro uobis, & uos tacebitis. Altera causa est, quoniam nihil putat sibi timendum esse præter culpam, qua cum careat, nihil est cui timeat. Cetera mala, quæ alij timent, cum nihil sibi obesse posse certo sciat; immo, cum certum omnino habeat, ea sibi utilitatem, & gloriam asserre, læta fronte excipit, & forti animo sustinet. Ecce igitur, quā bonum, & quam iucundū sit, timere Deū; quem qui timet, nihil timet, ac propterea

secure ubique uersatur, & uiuit. Qui am- *Pro. 10.*  
 bulat, inquit sapiens, simpliciter, ambulat  
 confidenter. Hic præcipuus in hac uita ius-  
 titiæ fructus, tam suauis, tam dulcis, tam  
 optabilis est, ut omnes ad iuste uiuendum  
 allicere deberet Impius autem, cum etiam *Pro. 20.*  
 nemine persequente, fugiat; cum præcipua  
 Dei cura sit destitutus, cum in protectio- *Psal. 90.*  
 ne Dei cæli non commoretur, cum malæ  
 actû uitiæ conscientia eum accuset, ad sin-  
 gulos quosque rumusculos titubat, expaue-  
 scit, labascit; nullam ubi ubi sit securita-  
 tem habet; suam timet umbram. Si quæ,  
 uel seditionis, uel belli, uel pestis, uel alie-  
 rius calamitatis tuboriatur suspicio, com-  
 mouetur, tremit, concutitur, cum suæ ini-  
 quitatis debitas expectet pœnas. Iustus ue-  
 ro, etiam si peste corrumpantur omnia,  
 uel bello cuncta flagrent, aut incendio ter-  
 ra consumenda sit, nihil timet: ad summâ,  
 etiam si, ut ille scripsit, cælum ruat, im-  
 pavidum ferient ruine. Tandem, ut hunc  
 locum luculenta scripturæ auctoritate cō-  
 cludam, non timebunt iusti, dum turbabi-  
 tur terra, & transferentur montes in cor- *Psal. 45*  
 maris, hoc est, etiam si terra ita commo-  
 ueatur, & concutiat, ut montes in pro-  
 fundum mare transferantur; dum ita tur-  
 babuntur, & fremant aquæ, ut præ nimia  
 aqua-

## VIR IUSTVS.

aquarum agitatione, & ui, concutiantur montes: nulla denique tanta malorum uis ingruet, ut uiros iustos, qui tali, ac tanta fiducia sunt armati, terrere queat: quia fluminis impetus, abundans uidelicet Spiritus sancti gratia, lætificat ciuitatē Dei, quę est uir iustus: ac proinde semper in pace dormit, ac requiescit.

*Psalm. 4.*

*In viro iusto omnipotentiam quandam esse demonstratur, Cap. XXXII.*

**V**T hæcenus uiri iusti fortitudinem, cōstantiam, fiduciam, ac securitatem, multum amplificasse mihi uideor: pariter etiam pro rei ueritate, & dignitate, me non satis dixisse, intelligo. Propterea, ut ista omnia adhuc magis illustrentur, ei omnipotentiam quandam tribui posse, demonstrare conabor, ut quantum ipsi deberur, si tamē, id a me præstari poterit, tribuatur. Dixit Paulus, & mentiri non potuit: Omnia possum in eo, qui me confortat: quam sententiam, quiuis iustus non arroganter usurparet. Si ergo diuus Paulus poterat omnia, erat sine dubio, ut quidam uir pius & doctus conclusit, omnipotens. Et quis non iudicet eum omnipotentem, qui dicere potest: Quis me separabit a caritate Christi-

*Phil. 3*

*Rom. 8.*



Christi? tribulatio, an angustia? an fames?  
 an nuditas? an periculum? an persecutio?  
 an gladius? & item: Certus sum, quia neq;  
 mors, neque uita, neque Angeli, neque for-  
 titudo, neque altitudo, neque profunditas,  
 neque creatura alia poterit nos separare a  
 caritate Dei. Agnoscamus itaque necesse  
 est omnipotentiam aliquam in eo, quem  
 nullus corporis cruciatus, nulla persecutio  
 num magnitudo, nō mors, quæ omnia uin-  
 cit, non Angeli, non Archangeli, non do-  
 minationes, non uirtutes, non denique po-  
 testates ipsæ a Christo diuellere queunt.  
 Quis nō iudicet eum omnipotentem, qui  
 ita potens est, ut non peccet? Iustus autem,  
 scriptura dicit, non peccat: quia dum ma-  
 net in iustitia, in Deo manet, cuius auxilio  
 fultus, omnia, ut paulo ante diximus, po-  
 test: erit igitur omnipotens; cum id uincat  
 & superet, ad quod tollendum, & superan-  
 dum, omnipotens Dei filius uenit, cuius  
 omnipotentia, peccati regnum superatum  
 est. Ad hæc, uir iustus, non modo mundus,  
 qui potens est, & carnem, quæ est poten-  
 tior, sed etiam Dæmonem, cuius tantæ est  
 potestas, ut nulla alia ei cōparari queat,  
 uincit: Cur igitur ipsi omnipotentiam quā-  
 dam non tribuamus? Deus autem pacis,  
 dixit Paulus cum iustis loquens, conterat

2. Cor. 12.

2. Cor. 12.

2. Cor. 12.

1. Ioan. 3.

1. Ioan. 3.

1. Ioan. 3.

1. Ioan. 3.

1. Ioan. 3.

1. Ioan. 3.

1. Ioan. 3.

# VIR IUSTVS.

- Rom. 16.* Satanam sub pedibus uestris velociter. Huc facit, quod de Samfone legimus: Irruit autem Spiritus Domini in Samson, & dilaceravit leonem, quasi hœdum in frustra decerperet, nihil omnino habens in manu. Et alibi: Irruit spiritus Domini in eum, & sicut solent ad ardorem ignis ligna consumi; ita uincula quibus ligatus erat, dissipata sunt, & soluta. Hęc, & alia, quæ ab illo uiro fortissimo facta sunt, a iustis spiritualiter fiunt. Hanc eandem, quam hoc loco docemus ueritatem, hęc demonstrant, iustorum, quæ in sacris literis leguntur, uerba.
- Rom. 8.* Si Deus pro nobis, quis contra nos? atqui Deus est pro iustis, cum scriptum sit; cum ipso sum in tribulatione, eripia, cū & glorificabo eum. Quis ergo contra iustos? qui cū omnipotentem a se esse sentiant, audacter dicunt: Si Deus pro nobis qui cōtra nos? Propterea uir quidam, cum hoc optime intelligeret, prępotenti Deo dicebat: Pone me iuxta te, & cuiusuis manus pugnet cōtra me: Deus autem, ut sacra docent eloquia, semper est prope timentibus se. Neminem igitur iustus timebit; nihil reformidabit, omnia poterit in eo, qui ipsū corroborat.
- Deu. 33.* Idcirco iustis dictum est: Nemo stabit contra uos: siquidem terribiles sunt, ueluti castrorum acies ordinata. Quis ergo uirum iustum
- Iud. 14.*
- Psalms. 40*
- Iob. 17.*
- Psalms. 24.*
- Cant. 6.*

iustum infinita Dei potentia armatum, & munitum, poterit expugnare? Quod si nulla potentia superari potest; cur in eo omnipotentiam quandam reperiri negabimus?

Ad demonstrandum, & amplificandum, quod nunc docemus, facit, quod de quodā viro iusto, legimus, nimirum de Iacob, cū Deo luctatum fuisse, nec uinci potuisse. Ecce, uir, ait scriptura, luctabatur cum eo, usque mane. Qui cum uideret, quod eum superare non posset, tetigit neruum femoris eius, & emarcuit: dixitque ad eum: Dimitte me: iam. n. accedit aurora. Respondit: Non dimittam te, nisi benedixeris mihi.

*Gen. 32.*

Ait ergo; quod est nomen tibi? Respondit, Iacob: At ille: Nequaquā, inquit, Iacob appellabitur nomē tuū, sed Israel. i. p̄ualens Deo, quoniā si contra Deū fortis fuisti, quanto magis contra homines praeualebis? Huc facit, quod in sacris scripturis legimus, uiros iustos suis orationibus interdum Deum, quadam ratione coegisse, seu impediuisse.

Propterea Moyse pro populo oranti dicebat deus: Dimitte me, ut irascatur furor meus cōtra eos: & deleam eos, & faciam te in

*Exho. 32.*

*Deut. 9.*

gentem magnam. Amplius, ad expugnandum cœlum, & ad uim in ipsum faciendā,

*Mat. 11.*

*Luc. 16.*

opus esse quadam omnipotentia negaret nemo, de qua re scriptum est: Regnum cœ-

lorum uim patitur, & uiolēti rapiunt illud; at uiri iusti, cœlum expugnant, cœlo uim inferunt, cœlum, pro iustitia pugnâdo sibi iuste acquirunt; de quo legitur: Beati qui

*Mat. 5.*

persecutiones patiuntur propter iustitiam, quoniam ipsorum est regnum cœlorû: cur ergo eos omnipotētes non appellabimus?

*Mat. 17.*

Denique, ne rem incredibilem docere uideamur, adhuc id, quod aliquibus præter opinionem uideri posset, auctoritate ipsius

*Luc. 17.*

ueritatis confirmemus. Cum Apostoli propter incredulitatem Dēmonium a lunatico expellere non potuissent a Christo reprehensi sunt: quibus, inter alia, dixit: Amen quippe dico uobis, si habueritis fidē sicut

*Genf.*

granum sinapis, dicetis monti huic, transi hinc, illuc, & transibit; & nihil impossibile erit uobis. Cur ergo uirum iustum, qui fidē habet, ob quam ei nihil est impossibile, omnipotētem, & ut cum quodā uiro pio, & docto loquar, omnipotentissimum, non appellabimus? Ceterum, cum hanc uim, uiro iusto tribuimus, nihil, Deo simpliciter omnipotenti, detrahimus: immo multum damus, quod propter benignitatem, & omnipotentiam suam, creaturæ suæ tantum uirum tribuere uoluerit. Gaudeant igitur, & lætentur iusti, agnoscant fortitudinem, constantiam, atque omnipotentiam suam, Deo

tanti

tanti boni largitori honorem, & gloriam reddant. Contra vero, agnoscant impij imbecillitatem, infirmitatem, & impotentiam suam, qui omnibus inimicis uel leniter agredientibus cedunt, in quauis procella naufragium faciunt, atque quouis leui tranfuerberantur uerbulo.

*A victoria, quam de seipso refert, dum  
omni ex parte seipsum vincit.*  
Cap. XXXI I I.

**S**ummis laudibus ea, quæ de bellicosis hostibus refertur uictoria, a grauissimis scriptoribus semper ornata, & celebrata fuit: quæ, licet sit maxima: tamen, non est tota Imperatorum; cum partem milites, partem locorum oportunitas, partem commeatus, partem denique fortuna sibi uendicer. Sed alia quædam reperitur uictoria, quæ, ut est omnium difficillima, ita est maxima, ac proinde maxime omnium commendatione digna. Hæc autem ea est, quæ quis seipsum uincendo, de seipso refert. Hanc sapientum nemo non laudauit, ac omnibus uictoriis non præferendam censuit: quam, qui adeptus est, ut fortissimus, & maxime inuictus, summis ut in cælum feratur laudibus perdignus existit. Qui

# VIR IVSTTVS.

post bellicam uictoriam, clementia, in uictos utitur, seipsum uincens, ipsam uictoriam, iram, & superbiam cohibendo, uincit: quam ob rem, summus orator, summum Imperatorem, summopere laudauit, quod seipsum in uictoria, inimicis ignoscendo, uicerit: quam uictoriam, omnibus rebus ab eo fortiter gestis sapienter præferendam existimauit, & omnino prætulit. Cogita hoc loco, quot, quantaque bella, Imperator ille, Cæsar uidelicet, confecerit, quoties cum inimicis manus conseruerit, quot hostes necauerit, quot nationes deuicerit, quot uictorias reportauerit, quoties demum gloriosus triumphauerit; & intelliges, quibus laudibus dignus fuerit. Deinde, cōfer has omnes laudes, cum una sola laude, quæ ei, ob unam, quam de seipso, iram frangendo, retulit uictoriam, debetur; & animaduerte, quod plane uerissimum est, hanc unam, alijs omnibus multo illustriorem fuisse, cum hæc sit laus, & gloria uictoriæ, de omnibus uictoriis, & tota uincens, & intelliges, quanti hæc facienda sit: ut merito sapientes omnes, uictoriarum maximam hanc esse dixerint. Ceterum, cum iste insignis Imperator, unum tantum uicerit uitium, cum unam solam animi perturbationem compresserit, unicam



cam quoque de seipso retulit uictoriam. *1. Ioan. 4.*  
 Atqui, uir iustus, cum omnia sibi subiiciat;  
 cum omnes suos hostes, mūdum, carnem,  
 & Dæmones vincat; cum omnia uitia pro-  
 sternat; cum omnes cupiditates frænet, &  
 propterea omni ex parte uictoriosus ince-  
 dat, quibus, quantisque laudibus ornan-  
 dus, & cumulandus erit? Illustres sane, &  
 eximiæ sunt hæ uiri iusti uictoriæ, quas de  
 potentissimis hostibus suis refert; sed ad-  
 huc una restat, quæ est multo aliarum ma-  
 xima. Nam, cum de tot ingentibus uicto-  
 riis, quas de inimicis internis, & externis  
 refert, non se efferat, & sibi tot uictorias  
 non adscribat, tertiam quandam supremā,  
 ac longe præstantissimam iterum de seipso  
 uictoriam deportat: dum una cum bea-  
 tis spiritibus dicit: *Apo. 7.* Benedictio, & claritas,  
 & sapientia, & gratiarum actio, honor, &  
 uirtus, & fortitudo, Deo nostro in sæcula  
 sæculorum. Quibus ergo literis, quibus  
 linguis, quibus triumphis, quibus tandē  
 monumentis uir iustus decorandus erit?  
 cum tot bella confecerit, tot inimicos su-  
 perauerit, toties seipsum omnem in mo-  
 dum uicerit? Clarus Cæsar ob tam multas  
 de inimicis relatas uictorias; multo cla-  
 rior ob unam de se uictoriam relata; sed  
 non clarissimus, neque inuictissimus, neq;

omnino gloriosissimus, cū a multis uiciis,  
& speciatim ab regnandi cupiditate cape-  
retur; cui tanquam ignauus inferniebat.

At uir iustus, cum non modo externos, sed  
etiam internos hostes uincat; cum non  
unum, uel alterum uitium; sed uitia om-  
nia superet, & cupiditates omnes frangat,  
& propterea seipsum omnino uincat, cla-  
rus, clarior, clarissimus, gloriosissimus, &  
inuisibilissimus existimandus est. Gaudete  
ergo iusti, nim iustitiæ uestre agnoscite:  
Cæsares rerum fortiter gestarum gloria,  
uere uincitis; dum uosipsum omnino supe-  
ratis, & Deo gloriam datis. De impio au-  
tem, quid dicemus? cum nec se, nec ini-  
micos uincat, sed ab omnibus uincatur, &  
captiuus ducatur; ita ut non uictor, sed ui-  
ctus, non clarus, sed obscurus, non glorio-  
sus, sed ingloriosus habendus sit.

*A virtute patientiæ, qua patiēdo  
vincit. Cap. XXXIII.*

**E**Am potissimum humana philosophia  
fortitudinis partem laudat, quæ in a-  
gendo, & vincendo posita est: Christiana  
uero schola, ei parti primum tribuit locū,  
quæ libenter patitur, & se uinci sinit; &  
dum uincitur, uincit; in quo patientiæ uir-

nus uersatur. Propterea, in laudem uirtu-  
 tis huius sancti, & illustres uiri, integros  
 scripserunt libros: cuius, quot sunt lau-  
 des, totidem etiam uiri iusti erunt, qui hac  
 una potissimum uirtute, & iustitiam acqui-  
 rit, & acquisitam conseruat, & auget, ac tā-  
 dem gloriam consequitur. Quoniam, si  
 Christus non est ingressus in gloriam suā,  
 nisi per patientiam: si Christo non fuit di-  
 ctum, sede a dextris meis, nisi quia de tor-  
 rēte in uia bibit, hoc est, nisi quia summas  
 tribulationes perpessus est; quo modo in  
 eandem gloriam intrabit alius quispiam,  
 nisi similis fiat Christo, & mēbrum Chri-  
 sti? cum non intret in cœlum, nisi qui de-  
 scendit de cœlo, filius uidelicet Dei, qui  
 uenit de cœlo, & qui ipsius sunt membra,  
 ueri Christiani. Et Pater, eos prædestina-  
 uit, & elegit, quos præuidit conformes fie-  
 ri imaginī Filij sui: quæ conformatio in  
 perpessione malorum priuatim posita est.  
 Propterea Apostoli, non tam de præclara  
 Apostolatus dignitate gaudebant, quam,  
 quod digni facti essent pro nomine Chri-  
 sti contumeliam pati. Nihil enim potest ui-  
 ro iusto optabilius, nihil honoratius, nihil  
 illustrius accidere, quam pro religione, &  
 Dei honore sanguinem profundere. Ideo  
 de Elcazaro legimus: At ille gloriosissima

*Tert.  
Cypr.*

*Act. 14.*

*Ps. 109.*

*Ioan. 3.*

*Rom. 8.*

*Act. 5.*

*2. Mach. 6.*

mortem, magis quam odibilem uitam cō-  
plectens, voluntarie præbat ad suppliciū.  
Intuens autem quemadmodum oportet  
accedere patienter sustinens, destinauit nō  
admittere illicita, propter uitæ amorem.

Quid Iob tam illustrem reddidit, nisi pa-  
tientia? Quid celebrem Antonium apud  
posteror fecit, nisi patientia? Quid innu-  
meros, ne singulos numerem, sanctos, Chri-  
sto similes reddidit, nisi patientia? Finge,  
si percipere cupis amice lector, quanta sit  
patientiæ præstantia, esse duos, quorum al-  
ter quotidie a matutino tempore ad ue-  
spertinum usque, ecstasi afficeretur maxi-  
ma, atque ad rerum præclarissimarum na-  
turas, & proprietates contemplandas rape-  
retur; ita ut omnium creaturarum corpo-  
ratarum, ac corpore expertium essentias  
intueretur, & qua ratione Deus omnia fe-  
cerit, omnia sustentet, & gubernet omnia,  
cognosceret, & amplius, Deus, ei, quidquid  
in terris sit, & fieri debet, reuelaret, & de-  
nique, ueluti Paulus, ad tertium usque cœ-  
lum raperetur, ibique arcana, quæ non li-  
cet homini loqui, audiret: alter uero, nihil  
horum uideret, & intelligeret; sed tamen  
aliquid incommodi æquo animo pro glo-  
ria Christi pateretur: huius longe melior,  
quam illius esset condicio. Quia, ni fallor,

non

*S. Alber.  
ep. Arel.*

*2. Cor. 12.*

non potest in hac uita cognosci, quanti sit ponderis, etiam minima pro honore Dei, & Christi, malorum perpeffio. Huc facit quod uir quidam, magis diuina, quam humana doctrina peritus, & in sua religione in qua uiuebat uitæ exemplo conspicuus, mihi semel dixit. Certius esse signum, quæpiam esse in hac uita iustum, siue sanctum; si patienter pro Dei gloria aduersas res sufferet, quam si miracula ederet: quod ego verissimum esse arbitror. Quandoquidem sine gratia, qua homo fit iustus, & amicus Dei, fieri miracula possunt, & idcirco, in die iudicii quibusdam, qui in nomine Christi prophetarunt, diceretur: Nunquam noui uos: at patienter pro Dei gloria calamitates ferre, sine Dei gratia, potest nemo. Ad hæc, si quis particulam ligni, in quo Christi corpus affixum fuit, haberet, præclare secum actum esse existimaret: at longe præclarius agitur cum eo, qui molestias & tribulationes pro Christo patitur, per quas similis Christo fit, & passionis Christi uim, participat, ac ueluti quidam crucifixus euadit. Quare, merito iustus ille, de quo supra mentionem fecimus, neque ætatis, neque amicitie, neque supplicij rationem habens, nullo modo legem transgredi diuinam uoluit: sed constanti animo dixit

*Romual.  
Camal.*

*Mat. 7.*

*2. Mach. 6*

dixit: Quam ob rem fortiter uita excedo, senectute quidem dignus apparebo; adoleſcentibus autem exemplum relinquam, ſi prompto animo ac fortiter pro grauiffimis, ac ſanctiſſimis legibus honeſta morte perfungar. In cuius laudem, hæc a Spiritu ſancto ſcripta fuere: Et iſte quidem hoc modo uita diſceſſit; non ſolum iuuenibus, ſed, & uniuerſæ genti memoriam mortis ſuæ ad exemplum uirtutis & fortitudinis derelinquens. Et quis eſt igitur, ut ait Apoſtolorum princeps, qui uobis noceat, ſi boni æmulatores fueritis? Sed, & ſi quid patimini propter iuſtitiam, Beati. Quare, merito quidam ſcripſit: Qui nouit pati, eſt uictor ſui, dominus mundi, amicus Chriſti, & hæres cæli. Tantum hæc uirtus Deo placet, ut ob iuſtorum patientiã ſummo opere delectetur, eamq; cumulatiffime præmiat: nec immerito. Nam, patientia omnia eius placita tuetur, omnibus mandatis eius interuenit; fidem munit, pacem gubernat, dilectionem adiuuat, humilitatẽ inſtruit, pœnitentiam expectat, ex homologẽ adſignat, carnem regit, ſpiritu ſeruat, linguam frænã, manum continet, tentationes inculcat, ſcandala pellit, martyrium conſumat, pauperem conſolatur, diuitem temperat: infirmum non extendit,

1. Pet. 3.

Tert.



dit, ualentem non consumit: fidelem delectat, gentilem inuitat, seruum domino, & dominum Deo commendat: scēminam exornat, uirum approbat: amatur in puero, laudatur in iuene, suspicitur in sene: in omni sexu, in omni ætate formosa est. Cuius formositatem ex hac ipsius descriptione melius cognoscere poteris. Vultus illi tranquillus & placidus, frons pura, nulla mœroris aut iræ rugositate contracta; remissaque in lætum modum supercilia: oculi humilitate, non infelicitate deiectioni: os taciturnitatis honore signatum: color, qualis securis & innoxii: motus frequens capitis in diabolum, & minax risus: amictus circum pectora candidus, & corpori impressus: ut qui nec inflatur, nec inclinatur: sedet in throno spiritus, quem tertio uidit Elias. Quas omnes patientiæ laudes in uirum iustum hac singulari uirtute ornatum transferre utique licebit. Sed, ut adhuc apertius huius uirtutis uim pius lector percipiat, quid sex doctores de tribulationum perpeffione aliquando dixerint, diligenter attendat. Primus: si quid melius, & conducibilis in hac vita esset, id amicis suis, filio suo, Deus dedisset. At cum his omnibus patiendi occasiones. speciatim præbuerit, nihil utique erit tribulationum patientia

*Apud Io.  
Gerspar. 4*

VIR IVSTVS.

tientia melius. Secundus: si quis sine peccati macula, uti Christus, triginta tres annos, & sine corporali cibo uiueret, & cum Angelis, uti Magdalena, sermonem haberet; non posset sic mereri, ut is, qui aliquā tribulationem pro amore Dei patitur. Tertius: si omnes sancti, & Christus oraret pro persona aliqua, ei tantum meriti non acquireret, quantum sibi ipsa per patientiā in una tribulatione acquirit. Quartus: Adoramus Crucem, quia Saluator pependit in ea per aliquot horas: sed magis adorare deberemus tribulationem, quam Dominus per totam uitam sustulit. Quintus: sancti minus eligerent dimittere minimā mercedem, quam acquisuerunt in tribulatione, quam renunciare uisioni beatificæ usque ad diem iudicij. Sextus: tres assignauit rationes, cur tribulationum patientia non delectemur, & tribulationes hilari animo non excipiamus. Prima est, quia Dominum parum amamus: altera, quoniam parum de mercede cogitamus: tertia, quia dolorem passionis Christi non sentimus. Hæc fere illi: quæ omni animaduersione digna sunt. Nemo igitur sit, qui uirum iustū tali, ac tanta uirtute ornatum non laudet, non ueneretur. Si quidem melior est uir patiens uiro forti: & qui dominatur ani-

mo

mo suo expugnatore urbium. Beati ergo iusti, qui persecutionē patiuntur propter iustitiam: quoniam ipsorum est regnum cœlorum: Gaudete, & exultate iusti; quoniā merces uestra copiosa est in cœlis. Quomobrem cum uir iustus, uelut bonus latro una cum Christo patiatur, eam uocem audiet: Hodie eris mecum in paradiso: Impius uero tanquam iniquus latro, uelit, nolit patitur; & cum pro Christo pati nolit, & patriatæ uirtute careat, & in blasphemias prorumpat, tandem propter impatientiam dānabitur.

Mat. 5.

Luc. 23.

*A virtute mansuetudinis, & humilitatis*  
Cap. xxxv.

**S**apienter mihi dixisse uidentur ij, qui patientiam, antidotum uitæ, & morum magistrā esse dixerunt: cum per eam omnes animi morbi curentur; & uirtutes omnes, presertim uero mansuetudinem, & humilitatem, ab ea homines doceantur: quas duas uirtutes Christus Dominus speciatim suos discipulos docuit, cum dixit: Discite a me, quia mitis sum, & humilis corde: Quas etiam exemplo monstrauit, cum, licet grauissimis, & indignissimis supplicijs afficeretur: tamen, tanquam agnus coram rōdē

Mat. 11.

Isa. 53.

# VIR IUSTVS.

te se gessit. Vir itaque iustus a suo magistro  
 edoctus, quamuis celso, inuictoque animo  
 præditus, & prestantissimis uirtutibus orna-  
 tus sit; tamen, mansuete, & summis se ge-  
 rit: cum nihil possit eam mentem efferre,  
 quæ semel pro Dei gloria se humiliavit.  
 Tanti itaque Dominus hanc uirtutē fecit,  
 ut hanc unam priuate suos discipulos doce-  
 re uoluerit. Discite a me, quia mitis sum, &  
 humilis corde. Finge, pie lector, te filium  
 Dei, maiestatem illam immensam in huma-  
 na carne latentem, se se tibi offerentem, ac  
 tibi speciatim dicentem: Disce a me, quia  
 mitis sum: siquidē, cum sim, gloria, æqualis  
 Patri, formam hominis, & hominis serui,  
 & serui peccatoris, accepi; & ita me depres-  
 si, ut non homo, sed uermis, & abiectio ple-  
 bis factus, & cum iniquis deputatus sim.  
 Quomodo, si humana superbia hæc anima  
 duerteret, non se comprimeret? non se fran-  
 geret? Quis tantam mansuetudinem, tan-  
 tamque abiectiōem non admiretur? Quis  
 humilitatem, cum eam Filij Dei maiestas,  
 ita illustrem, & gloriosam reddiderit, non  
 amplectatur? Et hinc est, quod tantopere  
 in diuinis literis hæc laudatur uirtus, & in-  
 ter beatos, mites nominantur: Beati mites  
 quoniā ipsi possidebunt terram. Huc facit  
 illud: Misericordiam uolo, & non sacrifici-  
 um.

*Phil. 2.*

*Psal. 21.*

*Luc. 22.*

*Mat. 5.*

*Mat. 9.*

cium. Et rursus: Non cōques hœdum in la- *Ose. 6.*  
 te matris suæ: quo præcepto omne genus *Esd. 7.*  
 crudelitatis damnari videtur. Placet itaq;  
 mirum in modum Deo hæc mansuetudinis  
 uirtus, quã etiã cumulatissime remunerat: *Ps. 146.*  
 ideo legimus: Exaltauit māsuetos in salu-  
 tem; suscipiens mansuetos Dominus; humi-  
 lians autem peccatores usque ad terram: *Psalm. 36.*  
 Mansueti hæreditabunt terram, & delecta-  
 buntur in multitudine pacis: Dispersit su-  
 perbos, & exaltauit humiles. Propterea me-  
 lius est humiliari cum mitibus, quã diu-  
 dere spolia cum superbis. Eorum, qui sunt *Pro. 16.*  
 hac uirtute ornati, Deus priuatim oratio- *Judith. 9.*  
 nes excipit: quia superbi a principio ei nō  
 placuerunt; sed humilium & māsuetorum  
 semper ei placuit deprecatio. Ad quem, n.  
 respiciam, dicit Dominus, nisi ad pauper-  
 culum, & contritum spiritu, & tementem *Isa. 56.*  
 sermones meos? Quid hoc promisso hono- *5. Eph.*  
 rabilis? quid hoc honore præclarius? Res- *Luc. 1.*  
 picit itaque Deus humilitatem, & orationē *Psalm.*  
 humilium; & deponit superbos, & exaltat  
 humiles. Ob hanc uirtutem Moyses uir iu-  
 stus ualde laudatus fuit: de quo legitur. In *Ecci. 48.*  
 fide, & lenitate ipsius sanctum fecit illum: *Nu. 12.*  
 & elegit eum ex omni carne. Fuit, n. mitissi-  
 mus super omnes homines, qui moraban- *12.*  
 tur in terra. Hac uirtute iustus Iacob iratū *Gen. 45.*

*Gen. 45.*

fratrem placauit. Hac uirtute Ioseph non modo iniuriam a fratribus acceptā non est ultus, sed eos multis officijs affecit. Hac vir-

*2. Reg.**Ps. 131.*

tute iustus Dauid uir, & iniustitiam Saulis pertulit: qua etiam uirtute nixus, aliquando hunc in modum orauit: Memento Domine Dauid, & omnis mansuetudinis eius.

*Apud.**Mar.**Marul.*

Tanta mansuetudine aliqui uiri iusti præditi fuerunt, ut belluæ ad eos confugere nō dubitauerūt. Aper a uenatorib⁹ actus ad dei colum abbatem confugit: in cuius gremio se tutum fore putauit. Quidam alius pariter ad se fugientem aprum tutatus est, & canibus insequentibus, ne eum rangerent, imperauit. Passeres de manu Remigij Remensis archiepiscopi certatim cibum sumpsisse legimus. Idem de Iudoco Regis Britanniz filio scribitur. Non solum quæ narrauimus exempla demonstrant uirum iustum esse māsuetum, & humilē; uerū etiam ipsa id ratio docet. Quoniam, si hic uir nō esset humilis, iustus esse non posset: quia ei deesset fundamētum iustitiæ humilitas: si non esset mitis, Deum ipsum non respiceret, non exaudiret, non susciperet, non exaltaret: & denique, si non esset mitis, non abundaret pace; qua, qui non abundant, impij sunt. Vir ergo iustus hac uirtute ornatus, nō minem despicit, nemini se præfert, sed po-

tius



tius omnibus se subiecit; omnes amplectitur, omnes honorat, omnes iuvat: non contendit, non clamat, uox eius non auditur in plateis, arundinem quassatam non confringit, & linum fumigans, non extinguit. Vbi itaque iustus hac uirtute se depressit, ab eo, qui humilia respicit in cælo, & in terra, de stercore erigitur, & cum principibus populi sui collocatur. Est homo marcidus, ait scriptura, egens recuperatione, plus deficiens uirtute, & abundans paupertate, & oculus Dei respicit illum in bono, & erexit eum ab humilitate ipsius, & exaltauit caput eius, & mirati sunt in illo multi, & laudauerunt Deum. Quis ergo uirum iustum tanquam mansuetum, & humilem non laudet? non commendet? Eum inquam uirum, qui gaudet contumelia, Deum in aduersis rebus laudat, iratos suauitate mitigat, in angustiis est fortis, in pugna tranquillus, sub imperio lætus; qui pacifice uiuit, summis se gerit; qui, a fraude, a luore, a detractioe & a garulitate abhorret; & denique is, quæ Deus respicit, exaudit, & suscipit. Merito igitur sapiens hanc admonitionem dabat: Fili, in mansuetudine opera tua perface, & super hominum gloriam diligeris. Posses etiam hoc loco eundem hominem a uirtute modestæ laudare: quia, cum Deum sibi ob o-

Isa. 42.

Mat. 12.

Psal. 112

Ecci. 11.

De sap.

Ecci. 9.

Ps. 115.

culos semper esse intelligat, modeste, & honeste coram divina maiestate uersatur.

*Phil. 4.* Ad quam uirtutem Philippenses hortatus est Paulus, cum dixit: Modestia uestra nota sit omnibus hominibus. Dominus. n. prope est. De impio breui dicam, esse morosū, peruicacem, petulantem, agrestem, importunum, arrogantem, seditiosum, ac denique superbum, & immodestum. Mansueti ergo, & mites possideant, & hereditent terram, & delectentur in multitudine pacis, & hic est huius uirtutis fructus sane maximus.

*Cap. xxxv. I.* *participatione omnium bonorum spirituum, quae in Ecclesia sunt.*

**B**eatissimus inter homines haberetur is, qui tam secunda uteretur fortuna, ut perpetuo de die, & de nocte aliquid pecuniarum, & externorum bonorum ab omnibus qui sunt in mundo diuitibus, sine ullo suo labore acciperet: ita ut ipsi, tanquam cuidā Regi, quos diximus omnes, aliquid census tribuerent. Hac simili fortuna, in re dissimili, uir iustus utitur. Nam, qui est ingratia constitutus, ut nos sacri doctores, & diuina scriptura docet, particeps est omnium bonorum.

bonorum, quę fiunt ab eis, qui Deum ti-  
ment; qui uere in hac uita ueris diuitijs a-  
bundant: cum gloria, & diuitiæ sint in do-  
mo timentis Deum. Hac tam prospera con-  
dizione gloriabatur is uir iustus, qui ceci-  
nit: Particeps ego sum omnium timētium  
te. Et in Symbolo articulum de sanctorum  
communione cōfitemur: hoc est: omnium  
iustorum bona opera, alijs iustis cōmuni-  
cari, eosque iuuare, conseruare, ac defende-  
re credimus: extra quam communionem,  
salutem inuenies nullam. Huc pertinet il-  
lud Pauli: Cum gaudio gratias agētes Deo  
& Patri, qui dignos nos fecit in partem sor-  
tis sanctorum in lumine. i. per fidem uiuā  
qua quisq; corporis Ecclesię membrum ui-  
uum euadit. Quamobrem, uir iustus, partē  
aliquam bonorum omnium, quę ab hac  
sanctorum communione, & quasi corpore  
ex uarijs membris conflato, fiunt, accipit;  
ita ut quotidie, immo singulis momentis, ti-  
mentes Deum, aliquid bonorum spirituali-  
um, quę ex ui caritatis, eo quo fieri potest  
modo, sunt communia, ipsi impertiant. Fin-  
ge aliquem iustum dormire, & interim ali-  
os viros pios, & religiosos bona opera exer-  
cere; ut, dare eleemosynam, peregrinari,  
orare, rem sacram facere; flagris se cedere;  
&, ut breui dicam, considera omnia bona

*Ps. 118.**Ps. 118.**Aug. opt.**25,**tra. 32. 90**1. Pet. 5.**Col. 1.**1. Cor. 12.*

# VIRI IUSTI V. S.

opera, quæ uno die in uniuersa Ecclesia fi-  
unt; & intellige aliquam eorum partem ad  
uirum iustum aliqua ratione pertinere, &  
quam sit felix piorum status plane cogno-  
sces. Sed rem hanc, hoc simili illustremus.  
Ecclesia, est veluti corpus quoddam, cuius  
uaria membra sunt Christi fideles, qui in  
hoc mystico corpore functiones uarias ex-  
ercent. Hoc corpus bonis operibus, tan-  
quam quibusdam cibis, pascitur, & nutri-  
tur. Sicuti ergo in naturali corpore sum-  
ptus cibus in omnes partes distribuitur,  
quo omnia membra aluntur, & conseruan-  
tur; ita omnia mystici corporis membra,  
aliquid spiritualis cibi, qui ab hoc corpore  
sumitur, ad se trahunt, modo calore carita-  
tis, quo nutriuntur omnia, sint affecta, &  
uita gratiæ, uiua. Hæc, uir quidam doctus,  
ac spiritualis animaduertens, de sua salute  
spem capiebat maximam: dum considera-  
bat tot uiros iustos pro se uno laborare, tot  
bonorū se participē esse, tot sactorū merita  
in se redū dare. Felicem ergo, & p beatū eū  
esse existimemus, qui huiusmodi bona, ab  
huiusmodi uiris, tā abūdāter capit; qui etiā  
si non labore, lucratur; etiam si, ex se, cibū  
nonumat, nutritur. Non secus ac sentien-  
tes animalis facultates, quæ dum animal  
quietem capit ipsis, non operantibus, alun-  
tur,

*Eph. 1.*

*Col. 1.*

*Guil. par.*

tur, instaurantur, & perficiuntur. Capit ergo uir iustus, ex omnibus peregrinationibus, orationibus, uigilijs, ieiunijs, elemosynis, oblationibus, sacrificijs, ex cunctis denique operibus, quę in Ecclesia fiunt, partē aliquam. Hic iustitię fructus, hęc iusti felicissima condicio, hoc cōionis sanctorum commercium, tantum utilitatis uiro iusto affert, ut uix animo comprehendendi possit: qua utilitate, quī caret, inæstimabili bono caret; qua uir impius, cum uitę spiritualis tanquam mortuum membrum, sit expers, plane caret. Ex quibus intelligi licet quanto studio quilibet cauere debet, ne, uel una grauiore culpa, se tanta bonorum spiritualium participatione, ut impij omnes faciūt, priuet. O te felicem, & te beatum iustum! qui uere dicere potes: Particeps ego sum Pa. 117. omnium timētiū Deum. Considera, quot in Ecclesia sint iusti, intellige quot, & quę possideant bona, & te illorum bonorum partē percipere aliquam existima, & quid tua tibi iustitia profit, haud obscure cognosces: quod, si impij intelligerent, omnino impietatem detestarentur suam, & iustitia se ornare omni contentione contenderent.

*Virtille liberalitatis, per quam omnia bona,  
tam corporalia, quam spiritualia  
cum omnibus communicat.*

*Cap. xxxvii.*

*Beatus esse dare, quam accipere, ueritas*

*Mat. 20.*

*Ecc. 4.*

*Mat. 23.*

*Mat. 5.*

**B**eatius esse dare, quam accipere, ueritas  
asseuerauit æterna. Propterea, ne hac  
maiori beatitudine uirum iustum priue-  
mus; cum, non modo beatum quia ad alijs  
accipit, quod iam docuimus; sed etiam bea-  
torem esse, quia alijs largitur, nunc demon-  
stremus oportet: ne eius manus ad accipiē-  
dum porrecta; & ad dandum collecta ui-  
deatur. Cum ergo sanctorum communio  
ex caritate proficiscatur, quæ est amor mu-  
tuus propter Deum; idcirco uir iustus, ut  
ab omnibus honeste accipit, ita omnibus  
liberaliter elargitur. Nam, cum sit uiuum  
mystici corporis membrum, uiua exer-  
cet opera, quorum fructus cum uiuentibus  
membris, quæ, ut seipsum amat, communi-  
cat. Existit itaque uir iustus certo in loco;  
& tamen uim suam omnibus ubiuis loco-  
rum existentibus, sibi nō modo sanctorum  
communione, sed quauis ratione coniun-  
ctis, impertit: notis inquam, & ignotis: suis  
& externis: amicis, & inimicis: dum, ueluti  
Deus, pluit super iustos, & iniustos: quia  
iustorum causa, ut inferius dicemus, cōser-

uantur



uantur omnia: dum pro omnibus orat, & omnes saluos esse uellet; dum flet cum fletibus, gaudet cum gaudentibus: dum omnes æque, ac se amat; ita ut nemo sit, qui se a calore eius abscondat: dum denique factus est omnia omnibus: quandoquidem eo amore qui fecit, & refecit, & conseruat omnia uehementer ardet; eo inquam amore, qui non potest non amare, & uehementer amare. O admirabilem magnificentiã, & munificentiam uiri iusti! qui ita diues, ita benignus, ita prolixus est, ut, absque ulla locorum, temporum, & personarum exceptione, omnibus omnia cupiat, de omnibus bene mereri desideret, ac quãtum in se est, bene mereatur. Est etiam uir iustus, liberalis in bonis terrenis, si quid possidet distribuendis: ideo de ipso legitur: Dispersit, & dedit pauperibus; iustitia eius manet in sæculum sæculi. Huc pertinent illa Pauli uerba, quæ diligenter considerantur a iustis. Qui autem administrat semen seminanti, & panem ad manducandum præstabit, & multiplicabit semen uestrum, & augebit incrementa frugum iustitiæ uestræ; ut in omnibus locupletati abúdetis in omnem simplicitatem, quæ operatur per nos gratiarum actionem, a Deo. Quare, dum uir iustus aliis benefacit, animæ suæ misereatur: qui autem

*Rom. 12.**Psal. 135.**1. Cor. 9.**Ps. 112.**2. Cor. 9.**Pro. 11.*

crude-

crudelis est, etiam propinquos abijcit. Impius facit opus instabile: seminanti autem iustitiam, merces fidelis. Alij diuidunt propria, & ditiores fiunt: alij rapiunt non sua, & semper in ægestate sunt. Animam quæ benedicit, impinguabitur: & qui inebriat, ipse quoque inebriabitur. Itaque iustus foeneratur Domino, dum ipsius obedit præcepto; quo iubetur. Et omnino indigens, & mendicus non erit inter uos: Non obdura- bis cor tuum, nec contrahes manum tuam; sed aperies eam pauperi: Date, & dabitur vobis. Quod si hoc loco exemplis ostende- re uellem, quatum uiri iusti in rebus exter- nis liberales fuerint longum omnino facerem: quia in re, ita multi excellere, ut nihil sibi reliquerint; illud seruantes consiliū, quod dici- tur: Si uis perfectus esse, uade, & uende omnia quæ habes, & da pauperibus. Ideo Aposto- li omnia reliquerunt: & illi primi, & perfe- cti Christiani omnia ad pedes Apostolorum proiecerunt: Idem fecerunt Domini- cus, Franciscus, Martinus, Bernardinus, Be- nedictus, & Paulinus Nolanus episcopus, qui seipsum in eleemosynam dedit, cum pro filio uiduæ cuiusdam captiuo, ut ipsum re- dimeret, se Vandalis tradidit. Quod si in- terdum iustus parum dat, tamen, cum totum quod potest, det, & ex toto animo det, ut

pau-

Dent. 15.

Luc. 6.

Mat. 19.

Luc. 18.

5.

AA.

paupercula illa mulier, quæ duo minuta in *Mar. 12.*  
 gazophilacium iniecit, plus quam alij da- *Luc. 21.*  
 re censetur. Insuper ad exercenda opera spi-  
 ritualis liberalitatis, seu misericordiæ, uir  
 iustus paratus est, ad quæ facienda nō mo-  
 do occasionem expectat, sed etiam querit,  
 & ubi inuenit, exercet. Nam imbecilles, & *Rom. 15.*  
 infirmiores sustentat: consilio dubitantem  
 & ambigentem iuuat, eiusque conscientiam  
 extricat: ignorantem, seu errantem in spiri- *Psal. 50.*  
 tu lenitatis instruit, & per ueram rectamq; *Gal. 6.*  
 salutis uiam ducit: afflictos, & mœrentes *Iac. 5.*  
 consolatur: peccantem non sinit errare, *1. Thes. 5.*  
 sed tanquam bonus frater corripit, & co- *1. Cor. 5.*  
 ram omnibus, si id ratio poscit, ut etiam *Mat. 6.*  
 ceteri timorem habeant, arguit: iniuriam  
 facienti omnem offensam condonat, cum *Col. 3.*  
 noscat Deum sibi multa donasse, & est *Mat. 18.*  
 paratus non modo septies, sed & septua- *Mat. 5.*  
 gies septies, idem efficere: denique,  
 pro uiuis & defunctis, atque pro perse-  
 quentibus & calumniantibus se, orat: & *Luc. 23.*  
 cum magistro suo inquit: Pater, dimitte *Mat. 7.*  
 illis, quia nesciunt quid faciunt: aut cum  
 condiscipulo: Domine, ne statuas illis hoc  
 peccatum. Quamobrem, uir iustus libera-  
 litatis, & misericordiæ uirtutibus ornatus  
 in omnes, omnibus modis, est beneficus:  
 & ita Christum esurientem pascit, sitientē  
 refi-

## VIR IUSTVS,

reficit, peregrinum excipit, nudum operit, infirmum uisit, in carcere detentum redimit: eiusdem Christi causa, imperfectos fert, dubios extricat, ignorantes docet, mortuos consolatur, peccantes corripit, inimicos sibi conciliat, & pro omnibus orat.

Impius uero, cum non misereatur animæ suæ, cum erga se auarus sit, quomodo in alios erit liberalis, aut aliorum miserebitur? Quis ergo uirum hunc ob tantam liberalitatem, magnificentiam, & misericordiam non laudet, & tanquam beneficium non obseruet, & colat, & ueluti parentem non amet? cum auxilia omnia corporalia, & spiritualia, notis & ignotis præbeat, & tanquam caput in cetera membra influat, eaq; moueat, & tanquam oculus dirigat, & tanquam manus defendat, & tanquam pes sustentet: ut dicere iure possit: oculus fui cæco, & pes claudo.

*Iob. 29.*

*A virtute frugalitatis, & mediocritatis, per quam omnia sua bona conseruat, & amplificat. Cap. xxxviii.*

**I**Ta vir iustus liberalitatis uirtutem exercet, ut frugalitatis laudem, quæ uirtus semper a prudentibus hominibus plurimi facta fuit, non amittat. Ut ergo in suis bonis

nis communicandis est beneficus; ita etiā in iisdem conseruandis, & amplificandis, præsertim, si de spiritualibus loquamur, frugalis, ac diligens est. Etenim, spiritualia bona sibi a Deo concessa, non modo non dilapidat, uerum etiam de illis augendis semper cogitat, & nihil ut illa amplifiet, non efficit: dum omni loco, omni tempore, in omni uitæ usu, aliquid boni meditat, uel agit: dum semper orat, & nunquā desistit: dum aliorum uirtutes imitari studet: dum cauet ne sibi solum decedat; id est, ne quid leuiter peccet: dum omnium orationibus se se commendat: dum charismata meliora æmulatur: dum pauciora dat, ut plura recipiat: dum etiam ex malo bonum colligit: dum se non multū in humanis negociis occupat: dum sibi sacculos, qui non ueterascunt, facit: dum concesso talento negociatur: dum denique ex omnibus rebus, quas uidet, audit, & alia quauis ratione percipit, aliquam spiritua- lem utilitatem haurit. Quo fit, ut ex creaturarum uarietate, ex lucis pulchritudine, ex syderum splendore, ex cœlorum motibus, ex arborum specie, ex florum & herbarū amœnitate, tanquam spiritualis, aliquid spiritualis fructus capiat. Et ideo quotidie magis, magisque suas diuitias augeat, & amplifiet,

*Luc. 18.**Psal. 1.**1. Cor. 12.**Luc. 12.**Mat. 25.*

# VIR IUSTVS.

plificat, quas, ea potissimum ratione se amplificare cognoscit, quò magis eas communicat. Quare, ceu frugi & prudens homo, id primum curat, ne quid de bonis internis minuat: deinde eadem cumulare diligenter studet: propterea semper se pauperem esse existimat, ac se egere cognoscit: ut sua egestate cognita, ab omnibus aliquid bonorum spiritualium poscat, & nihil non agat, ut diuitior fiat. Impius uero, nihil horum efficit; sed omnia alia cogitat, & facit, quam, quæ ad spiritualia bona conservanda, & augenda pertinent. Immo, tanquam filius adolescentior, in longinquam regionem proficiscitur, ubi luxuriose uiuendo substantiam suam dissipat, & incipit egere, & uni cui regionis illius seruire; a quo in uillam ad pascendos porcos mittitur, ubi fame perit, & porcorum siliquis satiari cupit, & nemo ei dat. Quam rem piorum mentibus cogitandam, & meditandam relinquo; cum sit omnino cogitatione, & meditatione digna. Est etiam uir iustus in eo laudandus, quod rebus frugaliter utatur externis, & aurea mediocritate, quæ tantopere a sapientibus semper laudata fuit, delectetur. Propterea hunc in modum Deum orat: Mendicitatem, & diuitias ne dederis mihi: sed tribue tantum uictui

*Luc. 14.*

*Prov. 30.*

meo



meo necessaria. Item : si fuerit Dominus *Gen. 28*  
 mecum, & custodierit me in uia, in qua am-  
 bulabo, & dederit mihi panem ad uescen-  
 dum, & vestitum ad induendum, &c. So-  
 lam itaque uictum, atque uestitum uir iu-  
 stus a Deo requirit. Habentes ergo, ait Pau- *1. Tim. 6.*  
 lus, alimenta, & quibus tegamur, his contē-  
 tissimus. Etenim magnus quęstus est pietas,  
 cum sufficientia : quia, melius est parum *Prov. 15.*  
 cum timore Domini, quam thesauri ma-  
 gni, & insatiabiles : & melius est modicum  
 iusto, super diuitias peccatorum multas.  
 Edificent sibi diuites domos : & uineas : *Ecc. 2.*  
 plantent, & conserant hortos : extruant pi-  
 scinas : possideant seruos & ancillas : armē-  
 ta habeant, congregent sibi undique argen-  
 tum, & aurum : faciant sibi cantatores, &  
 cantatrices : & in summa, quę desiderari  
 possunt consequantur omnia : quia, cum *Ecc. 9.*  
 in his omnibus sit vanitas, & afflictio spiri- *Ecc. 4.*  
 tus, melior erit pugillus cum requie, quam  
 vtraque manus plena cum labore, & affli-  
 ctione animi (quia saturitas diuitis non *Ecc. 5.*  
 sinit eum dormire) & paupertas cum ti-  
 more Dei : in quo timore, omnes di-  
 uitia, omnes delectationes,  
 & beatitudines omnes  
 humanę, & diuinę  
 consistunt,

# VIR IUSTVS.

*Castitate, seu munditia, qua corpus, & animam munda, & nitida conseruat. Cap. xxxix.*

**L**audarunt aliqui, & iure quidem optimo munditiam, & elegantiam corporis; ut quæ homines ingenuos, & liberaliter educatos maxime decet. At multo maioribus laudibus internam mundiciem, quæ a pudicitia, & castitate, temperantiaque ducit originem, alij laudandam esse censuerunt; quippe quæ præstantior est, & exterioris nitoris sapenumero causa existit. Quibus laudibus uirum iustum nulla ratione defraudandum esse arbitror. Nam, si de interiore munditia loquamur, certissimum est eum esse nitidum, & a maioribus maculis purum; cum sit ciuitas, domus, templum, tabernaculum, & sedes, in quibus Deus residet, qui non habitat in corpore subdito peccatis, a quibus humana mens inficitur, ac denum sacrarium, in quo Spiritus sanctus dona sua adferreat. Hanc autem internam pudicitiam conseruat, cum exteriores sensus ab omni re, quæ inficere animam possit, auocat. Namque oculos in ea, quæ ad impudicitiam excitant, non conuertit, nihil in mundum per eos intrare sinit; aures uerbis impuris non aperit: na-

*Sap. i.*

res rebus, non bene olentibus non admo-  
 uet : manibus nihil sordidum contin-  
 git, & postremo nihil gustat, quo inficia-  
 tur, immundusque euadat: ac proinde in-  
 tus, forisque, est nitidus, purus, mundus,  
 elegans, & pudicus; cum nulla turpiore  
 macula, quę oculos Dei in ipso habitantis  
 offendat, sit infectus. Etenim spiritum suū *Psal. 76.*  
 scopat, faciem suam tergit, manus inter  
 innocentes laudat, & de pedibus, inquit:  
 laui pedes meos; quomodo inquinabo *Mat.*  
 illos: Quamobrem hic uir, cor, oculos, au-  
 res, nares, os, manus, & sensus, & faculta- *Psal. Cant.*  
 tes omnes, membraque omnia, ab omni  
 macula, & impudicitia, circumcisa, & mun-  
 da habet. Quia Deus uocauit iustum non *1. Thes. 4.*  
 in immunditiam, sed in sanctificationem:  
 & molles, ac impudici regnum Dei non  
 possidebunt: cum inficiant membra Chri-  
 sti, & per impudicitiam faciant membra  
 meretricis, & templum Spiritus sancti uio- *1. Cor. 6.*  
 lent: dum per fornicationem animum, &  
 corpus fœdant. At uero innocens, & purus *Iob. 22.*  
 saluabitur, sed in munditia manuum sua-  
 rum: Quot igitur laudes, munditię, pudi-  
 citię, temperantię, & castitati debentur,  
 tot uiro iusto, his omnibus uirtutibus or-  
 nato, tribuantur: quas, cum quis ei tribue-  
 rit, etiam maximas, nō propterea eius me-

*Eccli. 26.**Ber.**Luc. 11.**2. Reg. 19.**2. Reg. 2.*

rito satisfecerit: Quia omnis ponderatio non est digna continentis animæ. Apparet etiam in uiris iustis, quædam exterior mūditiæ in corpore, atque habitu, & in iis præcipue rebus, quæ ad diuinum cultum pertinent: ut cernere licet, in locis, in quibus uiri uere religiosi, habitant. Et quidam uir uere iustus dicere solebat: Paupertas mihi semper placuit, sordes uero nunquā. Impius uero, intus forisque animo, & corpore est immundus, & spurcus. Animo quidem, quoniam est ueluti uitiorum sentina, stabulum Dæmonis, & domus, in qua septem nequissimi spiritus habitant. Impuris itaque cogitationibus delectatur, sequetotum in illis inuoluit: impudica, & quæ ad libidinem excitant assidue inspicit, atque per impudicos oculos in animum introducit: turpia, & obscœna libenter audit, ac de eisdem loquitur: odoribus lasciuis oblectatur: sordida quæque contingit, & amplectitur: cibus intemperanter sumptis corpus, & animam fœdat: in omni denique corpori, habitu, motu, gestu, & actione, se turpiter, impudice, & incontinententer gerit, & ueluti alter Miphisboferth illotis pedibus, intonsa barba, & immunda ueste, Deo occurrit, & ideo dimidia hæreditate priuatur. Impiorum immundiciam Petrus

Apostolus sic eleganter descripsit: Canis *Proh. 26.*  
 reuersus ad suum uomitum, & sus lota in  
 uolutabro luti. Solent enim impij eadem  
 peccata, quæ semel euomuerunt, iterum  
 sumere, ac in illis de nouo, tanquam sues  
 in coeno, sese inuoluere, & præsertim in  
 uitio luxuriæ, quod non modo animum,  
 sed etiam corpus inficit. Est itaque uir im- *1. Cor. 5.*  
 pius corde, corpore, & sensibus, immun-  
 dus: cuius manus sunt plenæ sanguine, & *Isa. 1. 59.*  
 opera ita sordida, ut pannus menstruatæ:  
 ut merito Deus ipsius turpitudinem dete-  
 stetur, & illam, igne, se uelle mundare per  
 Ezechielem prophetam dicat. Quam etiã  
 immunditiam in exteriori cultu, interdũ, *Eze. 59.*  
 in impio cerneret. Ex quibus colligere li-  
 cet, nihil esse in hoc mundo, præsertim co-  
 ram Deo, immundum, non pulueres, non  
 scorias, non lutum, non fæces, nõ stercora,  
 præter impium, quo nihil, præsertim ani-  
 mo, sordidius reperiri potest.

*A virtute iustitiæ: & quæ sit iustitia Chri-  
 stiana, & quis dicatur. Iustus do-  
 cetur. Cap. xxx.*

**Q**ui de moribus scripserunt, uirtutem  
 iustitiæ maximis laudibus prosecuti  
 sunt, camque præclarissimis nominibus

appellarunt. Etenim, alij hesperum, alij luciferum, alij huius mundi solem, alij totā, seu perfectam uirtutem, quod omnes amplexu suo complectatur uirtutes, & hominē omni ex parte perficiat, nominarunt. Et sane maximis laudibus digna esse uidetur, ea uirtus, quę cuiq; suū sine ulla personarū acceptione tribuit: quę Deo cultum, patrię pietatem, parentibus honorem, & ceteris omnibus, quod singulis debetur, reddit: quę inquam, superiori reuerentiam, æquali consilium, subdito custodiam, exhibet: quę magis aliis, quam sibi prodest; quę utilitatem suam negligit, & communem quærīt: quę non cognatos, non amicos, non parentes, sed unam equitatem, & æqualitatem spectat: quę non amore, nō odio, non ira, nō cupiditate, flectitur: quę pauperes uiduas, infirmos pupillos, & destitutos orphanos defendendos suscipit: quę religionem conseruat, leges tuetur, ciues in officio continet, bonis præmia largitur, improbos punit: quę coniurationes, turbas, cēdes, furta, rapinas, sacrilegia, & omnia, ut breui dicam, mala a ciuitate repellit: quę demum pacem, in qua urbis, & orbis naturalis posita est felicitas, omni cura conseruat. Quod si humana iustitia tantopere laudanda est, quanto magis



gis christiana iustitia, quæ perfecta est, ac uir iustus, qui perfectus homo est, laudandus erit? quem nos laudare conamur, licet pro dignitate, id nos efficere non posse, nobis exploratum sit. Sed tamen, ut adhuc eius præstantiam, ut possimus, melius explanemus, speciatim, quis iustus dicatur, & quæ sit christiana iustitia, paucis aperiemus. Vir ergo iustus, est is, qui nulla in re est iniquus: qui neque ad dexteram, neque ad sinistram flectit: is, quem Deus ducit per uias iustitiæ, idest per uias planas, minime tortuosas, & salebrosas: is qui utranque fortunam sapienter fert; quippe qui suis numeris absolutus, & quadratus est, ac proinde stabilis, & firmus: & ideo semper eodem se modo habet. Etenim iustitia perpetua est, & immortalis: iniustitia autem mortis acquisitio. Is est iustus, quem Deus diligit, & intuetur: quoniam iustus Dominus, & iustitias dilexit, & æquitatem uidit vultus eius: is qui, ut palma floret, ut cedrus libani multiplicatur: is postremo est iustus, qui ex Deo iusto, natus est. Namque omnis qui facit iustitiam, idest qui incorrupte, & sincere uiuit, ex ipso natus est. Hunc eundem hominem sic eleganter Bernardus descripsit. Bonâ uinea iusti, immo bona uinea iustus; cuius uirtus uitis, cu-

*Psalms. 92.**Sapient. 1.**Ps. 10.**Psalms. 91.**1. Ioan. 5.**Bern.*

*Hier. ad  
Demet.*

*Chrys. ho.  
22. in Gen.*

*1. Ioan. 5.*

*Mat. 23.*

ius actio palmes, cuius unum testimoniū  
conscientiæ, cuius lingua torcular expres-  
sionis, & lacrymæ pię contributorū vuæ  
sunt amārium. Iustitia, ut quidam scripsit,  
est uirtutis splendor maximus, ex qua uiri  
boni nominantur. Vel, ut docuit Hierony-  
mus, omnes uirtutum species, uno iustitiæ  
nomine continentur: non una, uel altera,  
sed omnes: non tantum morales, sed etiam  
Christianæ, quę non parum illas antecel-  
lunt: non tantum uiribus naturæ acquisitę,  
sed etiam diuinitus donatæ. Multum itaq;  
iustitia politica, & christiana inter se di-  
stant. Nam, illa est ciuilis, hæc cœlestis: il-  
la uiribus naturæ acquisita, hæc diuinitus  
donata: illa in his qui sunt ex diabolo esse  
potest, hæc in his tantum, qui sunt ex Deo,  
reperitur: illa honeste ex parte uiuit, hæc  
sancte, & perfecte degit: illa nemini nocet,  
hæc omnibus prodest: illa quod alterius  
est, alteri restituit: hæc etiam quod suum  
est, alijs donat: illa denique est imperfe-  
cta quædam, & inchoata: hæc uero, omni  
ex parte absoluta uirtus. Etenim Christia-  
na iustitia, idem est, ac plena omnium le-  
gum obseruantia, & uita omni ex parte le-  
gibus omnibus respondēs: per quam Deū  
super omnia, & omnia propter Deum, &  
proximum, &que ac seipsum, is qui ea or-  
natus

natus est, amat: quæ tandem, ut diximus, uirtutes complectitur omnes. Ex quibus, rursus, quis nam sit uir iustus, colligere posses. Nam is est, qui est perfecte obediens, qui leges omnes custodit, qui omnia, eo quo debet modo, diligit, & uirtutibus est ornatus omnibus. Pone hoc loco, amice lector, tibi ob oculos hominem in quo reperiuntur omnia uirtutum genera, & eo perfectiore modo, quo fieri potest; & uide, quæ laudes singulis uirtutibus tribuantur, & tribui debeant; uidelicet, fortitudini, temperantiæ, prudentiæ, modestiæ, liberalitati, patientiæ, humilitati, obedientiæ, caritati, & alijs omnibus; & intelliges; quibus laudibus uir iustus ornandus, ac cumulandus sit; qui & Deo, & hominibus, & sibi, quod iure debetur, uirtutum omnium auxilio, plene persoluit: quas laudes, cum uideam esse innumeras, & immensas, earum multitudine, & magnitudine uictus, silentio præteribo, ac uenerabor, atque ad alium locum tractandum me conferam; si prius quædam diuinæ scripturæ uerba huc pertinentia, adscripsero. Qui, inquit scriptura, continens est iustitiæ, apprehendet illam, & obuiabit illi quasi mater honorificata, & quasi mulier a uirginitate suscipiet illum. Cibabit illum pane uitæ & intellectus, &

Ecci. 15

aqua sapientiæ salutaris potabit illum, & firmabitur in illo, & non flectetur; & continebit illum, & non confundetur: & exaltabit illum ad proximos suos, & in medio ecclesiæ aperiet os eius, & implebit illum spiritu sapientiæ, & intellectus, & stola gloriæ vestiet illum. Iucunditatem, & exultationem thesaurizabit super illum, & nomine æterno hereditabit illum. Homines stulti non apprehendent illam, & homines sensati obuiabunt illi. Homines stulti non videbunt eam, longe enim abest a superbia & dolo. Hęc scriptura. De homine uero iniusto, nihil priuate dicam; sed contraria omnia, cum sit iniustitia infectus, affirmare: ac omnia diceres, si nec Deo, nec hominibus, nec sibi, quod debetur, reddere diceres: quo fit, ut, & Deo, & hominibus, & sibi iniquus, & inuisus existat.

*A diuino timore, quo præditus est: & qui sint diuini timoris effectus.*

*Cap. XXXXI.*

**C**VM uirtus iusti status in diuinis literis, non modo iustitia, sed etiam Dei timor nominetur; de quo præclara, & illustra sacra dicunt eloquia; ut quantum uirtutis laudandus, & quanti status ipsius facien-

ciendus sit adhuc melius intelligatur, aliquot ex diuina pagina de hoc sãcto timore sententias afferam: Timore ergo Dei nihil est melius: quoniã ab eo q̃ cupere quispiam posset, omnia p̃ficiscuntur commoda. Si lumen desideras; hoc tibi Dei timor afferet. Qui timetis Dominum, diligite illum, & illuminabuntur corda uestra. Si a malis liberari cupis: timor Domini te liberabit. Timenti Dominum non occurrunt mala: sed in tentatione Deus illum seruabit, & liberabit a malis. Si a peccato mundari uis: hic timor te mundabit. Timor Domini expellit peccatum: nam, qui sine timore est, non poterit iustificari. Vis, ut Deus tibi p̃stet sit; eum time. Qui timent Dominum, sperauerunt in Domino, adiutor eorum, & protector eorum est. Vis sine mundano, & molesto timore uiuere? Deum time. Qui timet Dominum, nil trepidabit, & non pauebit, quoniam ipse est spes eius. Desideras doctrinã; eã tibi timor afferet. Qui timet Dominũ excipiet doctrinã eius. Sapientiã exoptas, eã Dei timor te docebit. Initium sapientiæ, est timor Domini: immo, timor Domini ipse est sapiẽtia. Honorẽ, & gloriã assequi uelles, per timorem Domini id tibi licebit. Timor Domini gloria, & gloriatio, & lætitia, & corona exultationis. Delectationem

Ecci. 23.

Ecci. 2.

Ecci. 33.

Ecci. 2.

Ps. 113.

Ecci. 34.

Ecci. 1.

Job. 28.

Ecci. 1.

cupis:

- cupis: Timor Domini delectabit cor, & dabit lætitiā, & gaudium in longitudinē dierum: si uis Deum amare, cū timeas oportet. Timor nanque Domini, est initium dilectionis eius. Vis ut Deus præcipuam tui curam habeat, cum timeas necesse est: quia
- Ecclesi. 35.* scriptum est: Oculi Domini super timentes eum, protector potentiæ, firmamētum uirtutis, tegimen ardoris, & umbraculum meridiei, &c. Si uoti compos esse cupis, Deum time. Siquidem Deus uoluntatem timētium se faciet, & deprecationē eorum exaudiet; & saluos faciet eos; & Beneplacitum est Domino super timentes eum. Vis securus esse in morte, Deum time: quia Timenti Dominum bene erit in extremis; & in die defunctionis, suæ benedicetur. Salutem a
- Ps. 144.*  
*Ps. 146.* Deo exoptas: Prope timentes eum salutare ipsius. Vitam desideras: Timor Domini, fons uitæ; ut declinet a ruina mortis. Mercedem assequi uelles; Deum time, & assequeris: quia scriptum est: Qui timetis Dominum, credite illi, & non euacuabitur merces uestra; Qui timetis Dominum, sperate in illum; & in oblectationem ueniet uobis misericordia: Quis enim permansit in mandatis eius, & derelictus est? Denique timentis Dominum beata est anima eius, & Beatus uir qui timet Dominum: Potens



rens in terra erit semen eius: Gloria, & diuitia in domo eius. Cum ergo Dei timor tot tantaque secum bona afferat; quis timentem Deum, non laudet? quis timorē hunc, qui omnem malum pellit timorem; acquirere non studeat? quis pulcherrimis operationibus, quæ ab hoc sancto timore nascuntur, non capiatur? Nam, qui hunc timorem est adeptus, Deo credit, mandata seruat, cor suum præparat, parentes honorat, Dominum uigil expectat, nihil negligit, sed omnia quæque perpendit: nulla, ut breui dicam, in re, quæ ad salutem pertineat, torpescit. At uero impius qui timore Dei caret, his omnibus bonis priuatur. Is cui Dei timor abest, somnō indulget, desidīa uacat: uoluptates aucupatur, aduentum Domini non expectat, conseruos percutit, in omnia denique præceptis ruit uitia. Innumerabiliū ergo bonorum causam, timorem Dei, merito quidam esse dixeret: quo, cum uir iustus *2. Ephr.* sit præditus, per eum innumerabilia consequetur bona, ac innumerabilibus laudibus dignus existeret.

*A virtute obedientia, & de obedientia præstantia. Cap. xxxxi.*

**C**VM christiana iustitia omnes animi partes, quæ per inobedientiam a Deo recess-

recesserant instauret, ac perficiat: inde sit, ut uir iustus omni ex parte Deo sit subiectus, ac obediens. Siquidem, qui filij Dei sunt, ut sunt omnes iusti, Spiritu Dei aguntur, ac uirtute obedientie, qua ornati sunt, se agi sinunt. Cui uirtuti tantum diuinæ literæ tribuunt, ut meliorem eam esse dicant, quam sacrificium, & sancti patres summis eam laudibus in cælum tollant; & merito quidem. Nam, sicuti inobedientia fons peccatorum omnium exitit, & hominē, & cum homine creaturas omnes quodam modo a Deo seuocauit; ita obedientia bonorum omniū origo, hominē, & cum eo creaturas reliquas ad Deum reuocat, Deoque iterum subiicit, & coniungit. Et hanc ob causam Dei filius factus obediens, in hunc mundum uenit, ut per obedientiam usque ad mortem, inobedientiam destrueret, & omnia ad obedientiam reuocaret; & ita honorem, gloriā, & regnum Patris recuperaret. Huc facit illud: Cum exaltatus fuero, omnia ad me traham: hoc est, cum per obedientiam mortem obiuero, ac Patris uoluntati satisfecero, Dæmonis regnum destruam, & omnia ad seruendum Deo, per obedientiā reuocabo. Quod autem uir iustus hac precipua uirtute, quæ in Dei Filio singulari quadam ratione enituit, sit ornatus, facile per-

Rom. 8.

1. Reg. 15.  
Eccf. 4.

Rom. 5.

2. Cor. 5.

Phil. 2.

Ioa. 12.

petuaderi potest. In primis, impius, qui ve-  
 tus homo nominatur, ut aliqui doctē di-  
 cunt, est ipsa inobedientia, per quam pri-  
 mus homo a Deo, cui erat unitus recessit.  
 Quare cum uir iustus sit impio omnino  
 contrarius, erit ipsa obedientia; qua nouus  
 homo, ut est uir iustus, iterum Deo unitur.  
 Deinde uir iustus is est, qui omnes beatitu-  
 dines adeptus est; inter quas primū locū  
 obtinet ea, qua dicitur: Beati pauperes spi-  
 ritu. i. beati qui spiritu nihil possident: quo  
 spiritu, is non est pauper, qui aliquid uolū-  
 tatis, tanquam proprietarius habet: quam  
 uoluntatem, qui habet, & Deo, a quo acce-  
 pit totam non restituit, pauper spiritu ap-  
 pellari minime potest. Cum ergo uir iustus  
 hanc beatitudinem adeptus sit; nihil habe-  
 bit uoluntatis; & proinde totus erit obediē-  
 tia. Præterea, quid nam aliud est obediētia,  
 quam quædam humanę uoluntatis cum di-  
 uina uoluntate coniunctio? ita ut creata uo-  
 luntas ui obediētiæ, in uoluntatem diui-  
 nam, quantum fieri potest, conuertatur,  
 & diuina fiat. At iustus, ut scriptura docet,  
 vnus effectus est cum Deo spiritus, quod  
 uoluntatis unione potissimum efficitur:  
 Erit igitur eius uoluntas eadem cum uo-  
 luntate diuina: ac proinde totus erit obe-  
 dientia. Amplius, uir iustus, in se mortuus  
 est,

Mat. 5.

1. Cor. 6.

Rom. 6.

- 2. Cor. 3.* est, & Deus, & Christus in eo uiuunt; & id-  
*Phil. 1.* circo dicit: Viuo autem, iam non ego: quo  
*Gal. 2.* fit, vt cum Deus in ipso uiuat, Deus etiam  
 in ipso operetur, amet, & uelit. Si ergo  
 Deus in ipso vult, ipse uero nihil, quomo-  
 do non erit obediens? Huc omnes leges,  
 huc omnia præcepta referuntur, ut tandem  
 homo nihil velit, & solus Deus in ipso ve-  
 lit: qui si non uellet in iusto, in eo non es-  
 set, nec viueret: quandoquidem, nemo est  
 sine Deo, nisi is, in quo Deus nō vult. Ideo  
*Luc. 12.* uir iustus ab optimo obedientiæ magistro  
 edoctus, ait: Non mea, sed tua, o Pater, fiat  
 voluntas. Hinc nascitur, vt nihil sibi tribu-  
*Colos. 3.* at, nihil arroget; cum totum veterem homi-  
 nem .i. inobedientiam ipsam, exuerit. Prop-  
 terea dicere potest, ac dicit. Non ego, non  
 mei, non mihi, non me, neque a me: sed,  
 Deus, Dei, Deo, Deum, atque a Deo omnia.  
*2. Cor. 6.* Ad hæc, nouit iustus se emptum fuisse a  
 Christo, & se non habere dominium sui:  
 Siquidem audit scripturam dicentem: Non  
 estis vestri: empti estis precio magno: Ne-  
 scitis quoniā corpora vestra membra sunt  
 Christi? Et ideo tanquam deditissimus ser-  
 uus, se totum Domino suo tradit, seque ab  
 ipso, pro ipsius voluntate tractari, ac agi si-  
 nit; cui uoluntatem suam, tanquam holoca-  
 ustum litat, quod holocaustum, magis quā  
 quod-

quodcunque aliud sacrificium Deus ab homine requirit. Vt iumentum, inquit uir iustus Deo, factus sum apud te, & ego semper tecum: hoc est, tuæ uoluntatis, & imperij rationes non requiro; sed simpliciter iussa tua exequor: non secus tibi, obedi-  
 dio, ac iumentum domino suo. Denique, considerat uir iustus, hunc mundum esse quasi paradisum terrestrem, in quo sibi omnia concessa esse putat, uno excepto inobedientiæ pomo, arboris propriæ uoluntatis: a quo mortifero pomo abstinet, ne ad ueteris hominis uitam, quam semel posuit sumendam, redeat. Sed iam aliquibus exemplis, uiros iustos obedientia ornatos esse, demonstramus. Noe hac uirtute præditus, arcam non sine summo labore fabricauit, ac alimenta pro omni genere animantium comparauit. Abraham, eadem uirtute excitatus, patriam, domum, & cognationem reliquit, & se, suosque circumcidit, & unicum filium, ut occideret iussus, non detrectauit. Moyses ad conspectum crudelissimi Regis, Dei iussu multoties accessit, & difficilem de reducendo populo provinciam suscepit. Iehu uberrimum obedientiæ suæ fructum reportauit: quia, dum domum inobedientis Achab obediendo destruxit, regnum suum confirmauit. Apo-  
 stoli

Ps. 71.

Gen. 7. 12.

13. 22.

Exo. 4. 5. 6

7.

# VIR IUSTVS.

stoli simplici uerbo a Christo uocati, non dum uisis miraculis, relictis omnibus, eū secuti sunt: a quo nullis incommōdis, nulla aduersa re, nullis persecutionum procel- lis diuelli potuerunt. Ioannes Abbas siccū palum, bis in die, per annum irrigare ius- sus, non negauit. Mutius Abrahæ exem- plo edoctus, filium, quem secum in mona- sterium duxerat in fluium proiecisset; nisi obedientia, quæ ut proiiceret, iusselat, im- pediuiſſet. Gulielmus Aquitanix prouin- ciæ olim Dominus, monasterium ingres- sus, furnarij partes agere non est dedigna- tus. Et, ne plura numerem exempla, quæ creatura non excitetur ad obediendum, si considerauerit creatorem, creaturæ causa, creaturæ obedire uoluisse? Et erat subditus

*Luc. 3.* illis: creator uidelicet, creaturę. O felicis- simos parentes, qui talem filium habuistis?

*Ioan. 4. 5. 6.* cuius cibus erat, facere uoluntatem Patris: qui non suam, sed eius a quo missus fue- rat, uoluntatem quærebat: ad quam faciē- dam e cœlo descendit, seipsum exinaniuit,

*Phil. 2.* formam serui accepit, & factus est obediēs usque ad mortem, mortem autem crucis. Cur ergo uir iustus non obediat Deo, cui Christus Dominus, Beatissima Virgo, om- nes Angeli, & beati, cui cœli, & sidera cū- cta, cui elementa omnia, cui demum sin- gulæ



gulæ creature obediunt, dum a sibi impos-  
 ito non recedunt mandato. Cur uir iustus,  
 non obediat, cum ob inobedientiam, tot  
 homines grauiter puniti fuerint? Vxor, *Gen. 19.*  
 Loth uersa est in salem: Onam Iudæ filius;  
 a Domino percussus fuit: Dathan, & Abi- *1. Reg. 17*  
 ron terræ hiatu absorpti: Saul reprobatus:  
 Amasias uictus: totum denique humanum  
 genus ob unius parentis inobedientiam,  
 tam grauiter castigatum, & punitum: cum  
 ex una inobedientia, quot quot sunt in mū-  
 do labores, dolores, angustiae, morbi, mis-  
 riæ calamitates, ut summatim dicā, & mala  
 omnia, originem duxerint. Melior igitur *1. Reg. 17*  
 est obediētia, quam victimæ, & auscultare,  
 quam offerre adipem arietum. Cum ergo  
 hæc obediētiæ uirtus tam illustris, tam præ-  
 clara, torque laudibus digna sit; quis ui-  
 rum iustum hac uirtute exornatum nō lau-  
 dabit? Per quam uirtutem, egregias, & in-  
 signes operationes exercet. Nanque vir  
 obediens in ærumnis gaudet, in molestiis  
 Deo gratias agit, mandata non spernit, iu-  
 benti non auersatur, iussa non examinat, ar-  
 guēti nō irascitur; hilari semper est animo:  
 celeriter mandata exequitur, quiescere nes-  
 cit: accedit, recedit, construit, destruit, ut  
 obediētiæ placet: postremo, & parentibus  
 & prælatis, & patriæ, & Deo debitum per- *Rom. 8.*  
 L soluit,

*Pro. 31.* soluit, quæ omnia ideo præstat: quia Spiritu Dei ducitur: Quare merito scriptum est: Vir obediens loquetur victoriam: cum per obedientiam omnes difficultates superet, & omnia vincat, & voluntatem suam alijs subiiciendo, de seipso victoriam omnium maximam referat. Impius autem, est ipsa inobedientia; & ideo mandata detrectat, excusationes quærit, omnia putat difficillima, nunquam non obmurmurat, semper conqueritur, opus sine socio non aggreditur, fraudes & dolos excogitat, nunc unum nunc alterum sugillat, admonitiones iniquo animo audit, uocatus, aut non venit, aut non ad tempus, & otio marcescit: denique, simulat, indignatur, repugnat, subsannat: & est ueluti acetum dentibus, fumus oculis, scrupulus pedibus, dum sibi, & alijs omnibus est fastidio. Nemo igitur sit, qui inobedientiam naturæ humanæ inimicam, omnium malorum inuentricem, & diuinæ maiestati rebellem, non detestetur: contra vero nullus non sequatur, non amplectatur, non amet obedientiam, quæ Deo ancillatur, mala cuncta pellit, naturam reparat, mundum instaurat, regna gubernat, ciuitates conseruat, pacem tuetur, monasteria ædificat, eadem collapsa refarcit, Ecclesiam sustentat, hominis tandem voluntatem cum diuina con-

coniungit, quo nihil maius, nihil melius  
excogitari potest.

*A virtute fidei, quæ speciatim in uiro iusto  
viget: & quanta sit fidei uis.*

Cap. XXXIII.

**V**T errant ij, qui nullo supernaturali  
lumine nobis in his humanis tene-  
bris degentibus opus esse dixerunt: sic, qui  
hoc lumen nobis a Deo gratis cōcessum ita  
extulerunt, ut per ipsum solum sine operū  
iustitia salutem nos consequi posse putaue-  
rint, a veritate aberrarunt. Est ergo fidei lu-  
men necessarium; ita tamen, ut si utilitatē  
allaturum sit, debeat esse cum iustitia con-  
iunctum. Siquidē fides sine operibus mor-  
tua est; eadem operibus iuncta, uiua: illa in  
impio, hæc in iusto reperitur. Et licet in IACO. 2.  
viroque sit uera fides: tamen, quæ est in iu-  
sto, ratione iustitiæ, a qua vitam accipit, est  
multo præstantior. Laudari igitur potest iu-  
stus a præstantia fidei, quæ in ipso reperi-  
tur. Solent sæpenumero concionatores,  
dum peccatores redarguunt, hanc usurpa-  
re sententiam: Homines non credunt: vel  
non reperitur in hominibus fides: quoniā  
si crederent, aliter, ac faciunt, uiuerent. Qui  
bus verbis, nolunt asseuerare in eis, apud  
L 2 quos

quos dicunt, uel de quibus loquuntur, reuera non reperiri fidem; sed, id significare uolunt; homines ita uiuere, ac si non crederent; & in ipsis non esse quandam fidei euentiam, & energiam, quæ in ijs reperitur, qui iuste, & religiose uiuunt: qui ideo maiore cum pietate vitam degunt; quod euentius, quæ sub fidem cadunt uideant: quæ clarior euentia in peccatoribus non reperitur: uel quia lumine fidei cogitando & meditando non utuntur; uel quia peccata, hominis mentem tenebris infuscant.

*Luc. 11.*

Hanc maiorem fidei euentiam petierunt Apostoli, cum dixerunt. Domine adauge nobis fidem: quod fidei genus Christus Dominus, multoties laudauit, ut cum dixit: Fides tua te saluam fecit: Magna est fides tua: Non inueni tantam fidem in Israel.

*Luc. 8. 17.*

Contra uero modicam fidem reprehendit. Et cum aliquem sanaturus erat, quandam fidei rationem, in eo requirebat: illam uidelicet, quæ peccatores saluat, cæcos illuminat, infirmos curat, iustitiam auget, martyres coronat: quæ cum operibus dat uitam, & mundum vincit. Hæc fides, quæ maiorem euentiam, & cognitionem quandam practicam clariorem habet, attingit inaccessa, deprehendit ignota, comprehendit immania; apprehendit nouissima, ipsam

*Mat. 8.*

*Luc. 3.*

*1. Ioh. 5.*

*Ber.*

fam

sam denique æternitatem illo suo vastissi-  
 mo sinu quodam modo circumdat. Fides,  
 quæ est in impio, quia ea vii non solet, hos  
 non producit effectus. Et ideo fides in ip-  
 so, est ueluti lumen sine splendore, lucerna  
 sine oleo, pupilla sine uisione, auris sine au- *Ps. 88.*  
 ditu, & arbor sine fructibus. In viro iusto,  
 est lumen cum splendore, lucerna cum *Luc. 11.*  
 oleo, pupilla cum uisione, auris cum audi-  
 tu, arbor cum fructibus. Impius credit pa-  
 radisum, sed non uidet: credit pœnas in- *Psalm. 17*  
 ferni, sed non experitur: credit æterna bo- *Clem. lib.*  
 na, sed non gustat: credit passionem, sed *str.*  
 non tristatur vnâ cum Christo: credit De-  
 um esse, sed ita uiuit, ac si putaret non esse:  
 iactat fidem, sed eam operibus non osten-  
 dit. At vero iustus duce fide, in cœlo versa-  
 tur, inferni pœnas quadam ratione experi-  
 tur, gloriam gustat, passionem sentit, De-  
 um timet, & semper ob oculos habet, &  
 quam habet fidem, eam operibus ostendit.  
 Hac luculenta, & firma fide, Dæmones ex-  
 pelluntur, morbi curantur, mortui susci-  
 tantur, & gratiæ a Deo obtinentur. Postu-  
 let inquit Iacobus, in fide nihil hesitans: sa- *Iac. 1.*  
 pientiam uidelicet, ab eo, qui dat omni-  
 bus affluenter, & non improperat; & dabi-  
 tur ei. Hac efficaci & uiua fide, viri iusti vi-  
 cerunt regna, operati sunt iustitiam, adepti *Hebr. 11.*

# VIR IVSTVS.

*Leu. 1.*  
*Ps. 88. 4.*  
*Luc. 8.*  
*Is. 11.*  
*Luc. 11.*  
*Psalm. 77.*  
*Heb. 11.*  
 sunt repromissiones, obturarunt ora leonũ,  
 extinxerunt impetum ignis, effugarunt  
 aciem gladij, conualuerunt de infirmitate,  
 fortes facti sunt in bello, castra uerterunt  
 exterorum, & mulieres acceperunt de re-  
 surrectione viros suos. In hoc lumine, seu  
 columna ignis in nocte uitæ huius iu-  
 sti ad terram promissam pergunt: hoc oculo,  
 nouissima vident, & ideo non peccant:  
 hac aure audiunt voces illas: Surgite mor-  
 tui, uenite ad iudicium: ite maledicti in  
 ignem æternũ: qua aure cum quidã bonus  
 religiosus vteretur; audita hac voce, infer-  
 nus, in lacrymas protũpebat: hoc cingulo  
 succincti expedite abulant, & caste uiuunt:  
 hoc brachio rugienti, & deuorare uolenti leo-  
 ni, resistunt: hac lucerna inueniunt margari-  
 tam: hoc denique funiculo promissam ter-  
 ram possident. Etenim hoc lumine ambula-  
 tur, hoc oculo uidetur, hac aure auditur,  
 hoc cingulo caste uiuitur, hoc brachio pu-  
 gnatur, hac lucerna amissum queritur,  
 hoc eadem funiculo regnum æternum pos-  
 sidetur. Quamobrem, merito diuus Pau-  
 lus, nõ solam laudans, sed etiam definiens  
 hanc uirutem, dixit, esse substantiam, rem  
 uidelicet solidam, stabilem, & per se subsi-  
 stentem, non imbecillitati humanæ, sed di-  
 uinæ auctoritati inhaerentem: substantiam  
id est



id est basim, & fundamentum totius spiri-  
 tualis ædificij, uirtutum omnium, & iu-  
 stitiæ: Substantiam, quæ est exposita omni-  
 bus contrarijs, mundo, carni, & Dæmoni:  
 Substantiam, hoc est inchoationem, & prin-  
 cipium, in quo, potestate, tota iustitia con-  
 tinetur: Substantiam, quia in ea omnia bo-  
 na spiritualia, & omnis spiritualis negocia-  
 tio posita est: Substantiam rerum speran-  
 darum, diuinorū nimirum promissorum,  
 uel eorum, qui sperant quasi subsistentia  
 quædam, qua sustentantur iusti, quia beno-  
 sperant. Argumentum, hoc est, index, per-  
 spicua indicatio, indubitata certitudo, con-  
 uictio, & redargutio manifesta; qua, de re-  
 bus quæ non uidentur quisque redditur cer-  
 tissimus. Hac excelsa, & diuina uirtute qua  
 Abel, Abraham, Isaac, Iacob, Ioseph, Ge-  
 deon, Samson, & alij a Paulo laudati fue-  
 runt, quam patres summis laudibus extule-  
 runt, uir iustus, laudari, ac commendari de-  
 bet; cum in eo sit efficax, & uiua. Qua certe  
 laude impius indignus est, cum tanquam  
 mortuus, mortua contentus sit fide, & ita  
 uiuat, ac si Deum nō esse crederet, & quod  
 se credere ore fatetur, factis neget: q̃ aliqua  
 ratione Dæmone est inferior; quia Dæmon  
 credit, & contremisit, at impius licet cre-  
 dat, tamē non timet. Potest ergo uir iustus,

Zeno.  
Chrys.

Iac. 2.

Iac. 2.

1. Io. 2.

iniusto suam fidem iactanti dicere: Tu fidem habes, & ego opera habeo: ostende mihi fidem tuam sine operibus; & ego ostendam tibi ex operibus fidem meam. Caue, o miser peccator: ista fides, quam iactas, parui facienda est, cum sit, ut diximus, lumen quod non lucet: auris, quæ non audit: oculus, qui non uidet: lucerna, quæ caret oleo: brachium, uiribus destitutum: cingulum denique fractum, & funiculus, qui non cadet tibi in præclaris: quia ista fide in terra hominibus promissa, partem habebis nullam.

Ps. 27.

*Vir iustus certitudinem quandam suæ prædestinationis, & salutis, habet.*

Cap. xxxxi.

**S**olent homines interdum nimia quadam cura de sua prædestinatione inquirere; dum de ea certitudinem aliquam affectant habere: quam si nanciscerentur, præclare secum actum esse existimarent. Quod si ulla hac de re certitudo haberi potest, (euidens enim haberi non potest) eam uir iustus, ob iustitiam, & fidem suam habet: qui est unus ex iustitiæ fructibus non parui faciendus. Hunc fructum sentiebat is uir iustus, qui dicebat: Credo uidere bona Domini, id est perpetua frui felicitate  
spero

Iob. 19.

spero, in terra uiuentium. Item: Scio enim quod redemptor meus uiuit, & in nouissimo die de terra surrecturus sum: & rursus circumdabor pelle mea: & in carne mea uidebo Deum Saluatorem meum: quem uisurus sum ego ipse, & oculi mei conspecturi sunt, & non alius. reposita est hæc spes mea in sinu meo. Et alius. Scio enim cui credidi, & certus sum, quia potens est depositum meum seruare in diem illum. Licet ergo iustus nesciat, utrū amare, an odio dignus sit: tamen, & generatim, & speciatim aliqua humana certitudo ab ipso hac de re, haberi potest. Nam, si generatim loquamur, certissimum est, solos iustos saluos fore; quorum opera in manu Dei sunt. Deinde, si quis questionem de prædestinatione, quam fusc, lateq; explicare doctores solent, breuiter a Dauide propositam, & solutam animaduertet, aliquam uirum iustum de sua salute certitudinem habere posse, cognosceret.

Quis, inquit propheta, questionem hanc proponens, ascendet in montem Domini, aut quis stabit in loco sancto eius? hoc est, quis saluabitur? Et propositæ dubitationi respondens, ait: Innocens manibus, & mūdo corde; qui non accepit in uano animā suam, nec iurauit in dolo proximo suo.

1. Tim. 1.

Eccis. 9.

1. Tim. 3.

Sap. 3.

Psa. 14. 23

Hic accipiet benedictionem a Domino, & misericordiam a Deo salutari suo. Hæc est generatio quærentium eum, quærentium faciem Dei Iacob. At solum uiri iusti innocenter uiuunt, cor mundum habent, rebus inanibus non inhiant, frustra uitam non sumunt, per Deum temere non iurât, ut quempiam decipiant, uel fucum fratri faciant, aut periurio fallant. Ipsi igitur ascendent in montem Domini, & stabunt in loco sancto eius. Speciatim uero hæc cōiecturæ, & hæc signa notari possunt: ex quibus aliquam suæ salutis certitudinem iustis habere licebit. Primum, pietas, & religio, seruensque diligentia, ac cura in his, quæ ad cultum, & honorem Dei, & ad salutem pertinent; quæ cura, a sacris literis, Dei timor, uocatur: de quo timore scriptum est: Timentem Deum bene erit in extremis. Deinde, studium, ac desiderium audiendi uerbum Dei, & uersandi in diuina scriptura. Ideo legimus: Oues meæ, uocem meam audiunt; & ego cognosco eas, & sequuntur me: & ego uitam æternam do eis: & non peribunt in æternum: & qui ex Deo est, uerba Dei audit: propterea uos non auditis, quia ex Deo non estis: Beati qui audiunt uerbum Dei, & custodiunt illud: Beatus uir, cuius uoluntas est in lege Do-

Domini; & in lege eius die ac nocte meditari-  
*Psalm. 8.*  
 bitur. Præterea testimonium quoddam  
 Dei internum: de quo scriptum est: Ipse  
 enim Spiritus testimonium reddit spiritui  
*Rom. 8.*  
 nostro, quod simus filij Dei: & qui credit  
*1. Ioan. 5.*  
 in Filium habet testimonium Dei in se.  
 Ad hæc, pax quædam conscientię, & tran-  
 quillitas cordis, quę nullo modo reperitur  
 in impiis: qui, licet dicant, Pax pax: tamē  
*Isa. 48. 37*  
 non est in eis pax. Amplius, desiderium  
 abundi ex hac mortali uita: quod nasci-  
 tur ex fiducia consequēdi æternam beati-  
 tudinem. Ideo uiri iusti dicunt: Cupio dis-  
*Phil. 1.*  
 solui, & esse cum Christo: Hei mihi, quia  
 incolatus meus prolongatus est ualde.  
 Iam uero, quoddam bonum propositum  
*Psalm. 119.*  
 faciendi omnia in laudem & gloriam Dei,  
 ac proximi utilitatem. Quoniam, qui ita  
*Isa. 3.*  
 affecti sunt, tanquam filij Dei, Dei spiritu  
*Rom. 8.*  
 aguntur: & qui a Deo mouentur, ad ipsum  
 conuertuntur, & reuertuntur. Postremo,  
 optimum prædestinationis signum est, si-  
 quis ex omni aduersa re aliquid utilitatis  
*Rom. 8.*  
 capiat: quia diligētibus Deum omnia coo-  
 perantur in bonum, ijs qui secundum pro-  
 positum uocati sunt sancti. Hæc, & id ge-  
 nus alia in solis uiris iustis reperiuntur  
 prædestinationis signa, ut partim ex his,  
 quæ diximus, notum est, & partim ex his,  
 quæ

quæ dicemus, perspicuum fiet, quæ, ipsi animaduertentes, de sua salute certitudinē habere possunt, & habent magnam: cuius certitudinis beneficio, spem maiorem concipiunt; qua ad pie uiuendum diligentiores redduntur; & cum quadam animi hilaritate Deo inseruiunt, & iucunde, feliciterque uiuunt. Gaudeant igitur, & exultēt iusti; qui cum in diuino cultu diligenter versentur, diuinos sermones libenter audiant, pacifice uiuant, mori desiderent, omnia in gloriam Dei referant, ex omni re fructum percipiant, & testimonium a spiritu habeant; de sua salute, ut impij, de quibus contraria omnia diceres, dubitare non debent. Hunc maximum iustitiæ fructum, quæso, diligenter amicus perpendat lector. Et, ut quanti faciendus sit, melius intelligat, fingat esse duos, quorum uterq; grauiā perpetrauerit crimina, & ideo sciat, se esse morte dignum; & utrūq; in carcere inclusum teneri: sed alter nullam habeat remissorum criminum notitiā, nullam salutis suę certitudinem, & spem nullam: immo quotidie cū timore supplicium expectet: alter uero, contra, de condonatis sceleribus sit aliquo modo certus, de salute non timeat, & per multa indicia, & signa non leuia, secum misericorditer actum esse,



se, sciat: illius, omnino misera, huius uero felicissima esset condicio. Nil igitur timentes Deum timeant, nil uereantur; licet in hoc corporeo carcere, & in hac exilij ualle detineantur: quoniam timentī Dominum bene erit in extremis: & in die defun- Ecci. 7.  
ctionis suæ benedicetur.

*A virtute spei, qua speciatim de diuino  
auxilio, & de sua salute sperat.*

Cap. XXXV.

**M**iser omnino, ac infelix esset piorum in hac uita status, cum uariis molestiis, & aduersis rebus premantur; nisi certam, & auxiliij diuini, & beatitudinis acquirēdæ, ad quam per ignem, & aquam transeunt, spem haberent. In ipsis igitur, tribu- Psal. 65.  
latio parit patientiam, patientia probationem, probatio spem, spes eos non confundit. Quia, ut fides nullo modo credentem fallit; ita spes bonis operibus nixa, nulla ratione sperantem frustratur. At uero impiorum spes cum nullis sit fulta operibus, cum mortua sit, uanę est: quo nihil miserior, nihil calamitosius excogitari potest: quam uidelicet uane rei inniti, cui qui innititur, certissime labetur. De spe enim in Rom. 5.  
cassum præsumit, qui timere Deum in suis Greg.  
ope-

operibus renuit. Ex quo loco, quam misera impiorum, & quam felix piorum sit cōdicio apertissime cognoscere licet. Quæ res iustorum animis maximam consolationem afferre deberet: Etenim, quid homini in hac lacrymarum ualle existenti optatius accideret, quam Deo fidere, de diuino auxilio spem habere, fiducia certa, & in dubitata fulciri? Sed iam, quæ diximus, diuinarum scripturarum auctoritate, probemus. Multa flagella peccatoris, sperantes autem in Domino misericordia circundabit: Persecisti eis, qui sperant in te, in conspectu filiorum hominum: Respiciite filij nationes, & scitote, quoniam nullus sperauit in Domino, & confusus est: Etenim non est confusio cōfidentibus in Deū: Qui timetis Dominum sperate in illum; & in oblectationem ueniet uobis misericordia: Quoniam beneplacitum est Domino super timentes eum; & in eis qui sperant super misericordia eius. Sperate ergo in eo omnis congregatio populi: effundite corā illo corda uestra: Deus adiutor noster in æternum, nolite sperare in iniquitate: Paratum cor eius sperare in Domino; confirmatum est cor eius: non commouebitur donec despiciat inimicos suos: Qui cōfidunt in Domino, sicut mons sion, nō commouebitur

*Ps. 31.**Ps. 30.**Ecci. 1.**Dan 3.**Psal. 21.**Ecci. 2.**Psal. 146.**Psal. 61.**Psal. 111.**Psal. 124.*

bitur

bitur in æternū, qui habitat in Ierusalem.  
Montes in circuitu eius; & Dominus in  
circuitu populi sui, ex hoc, nunc, & usque  
in sæculum. Quia non relinquet Dominus  
uirgam peccatorum super fortem iustorū. *Psal. 3.*  
In te Domine speravi, ait iustus, non con-  
fundar in æternum. Beatus ergo uir, cuius  
est nomen Domini spes eius, & non respe-  
xit in uanitates, & insanias falsas .i. in hu- *Ps. 117.*  
mana auxilia, uana, & stulta. Est enim bo-  
num .i. melius sperare in Deo, quam confi-  
dere in hominibus. Et quis non timeat ma-  
ledictionem illam? Maledictus homo, qui *Is. 48.*  
confidit in homine, & ponit carnem .i. ho-  
minem, brachium suum; & a Domino rece- *Ier. 17.*  
dit cor eius. Nolite ergo, o homines, confi- *Ps. 145.*  
dere in principibus, in filiis hominum in  
quibus non est salus. Hi in curribus, hi in  
equis; nos autem in nomine Domini Dei  
nostri inuocabimus. Quoniam beatus uir, *Psal. 19.*  
qui confidit in Domino, & erit Dominus *Ier. 17.*  
fiducia eius: quia non deserit sperantes in *Iudith 15*  
se: & potens est uno nutu uniuersum mun- *2. Mach.*  
dum delere. Tantum spei est in iusto, ut *8.*  
dicat: Etiam si occiderit me, in ipso spera- *Ib. 13.*  
bo. Ex his itaque diuinę scripturę locis,  
quanta sit piorum spes, de auxilio diuino,  
& eterna beatitudine, & eos rebus non fi-  
dere caducis, apertissime constat. Quod

*Ps. 120.**Psal. 42.**Rom. 3.**Isa. 40.*

si interdum uir iustus se destitutum esse  
 subdubitat, dum auxilium expectat a Do-  
 mino, qui aliquādo illud differt, ut & ma-  
 ius expectantis desiderio fiat, & gratius  
 accidat, & aliqua in animo suboritur tristi-  
 tia; his se consolatur uerbis, ac secum lo-  
 quens, animum adit sibi. Quare tristis est  
 anima mea, & quare conturbas me? Spe-  
 ra in Deo; quoniam adhuc confitebor illi;  
 salutare uultus mei, & Deus meus. O illu-  
 stem piorum spem! o singulare Dei do-  
 num! quod oppressos sustentat, afflictos  
 consolatur, laborantes exhilarat, incenden-  
 tes excitat; iter ad beatitudinem expeditū  
 reddit, & ad metam perducit: nam, ut Pau-  
 lus scripsit, spes non confundit. Hæc est co-  
 lumna nubis, quæ iter ostendit & refrige-  
 rat, manus quæ deducit, baculus qui sustē-  
 tat, parma quæ defendit, ala, quæ in altum  
 subleuat, arrhabo denique, qui de futura  
 gloria, in hac vita iustis datur. Hac igitur  
 nube refrigerati, hac manu ducti, hoc ba-  
 culo sustentati, hac parma defensi, hac ala  
 sublari, hoc arrhabone donati, uiri iusti se-  
 curi, & læti ad cœlestem patriam reuertun-  
 tur. Hunc felicem piorum statum, quem  
 spei uirtus secum affert, quidam propheta  
 his uerbis eleganter descripsit. Qui autē  
 sperant in Domino mutabunt fortitudinē,  
 assu-

assument pennas sicut aquila, current, & non laborabunt, & non deficient. Quoniã spes uiua, quæ est in iusto, uiuificat, confirmat, excitat, & robur ad agendum præbet: ut merito quidam pater, eam describens, *Cle. Alex. lib. 1. Pa. da c. 6.* dixerit; spem esse fidei sanguinem, qui si effluerit, fidei facultas dissoluitur. At uero impiorum spes, est inanis, & uelut lanugo, quæ a uento tollitur: & tanquam spuma gracilis, quæ a uento dispergitur: & tanquam fumus, qui a uento diffusus *Sap. 1.* est: & tanquam memoria hospitis unius diei. Est ergo, ut sapientia diuina docet, *Sap. 3.* spes impiorum uacua, & labores, sine fructu, & inutilia opera eorum. O miseram impiorum sortem! spes uestra uelut harundo uacua est, cui qui innititur, facile labitur: labores uestri sine fructu. Et quis est ita demens, ut sine spe fructus labore? Sine spe agricola non seminat: sine spe miles non pugnat: sine spe mercator non nauigat: & uos sine ulla spe laboratis. Inutilia igitur opera uestra. Laborant pii, laborant improbi; illi certissima spe expectant infinitum præmium, hi uero, infinita supplicia.

# VIR IUSTVS.

*A virtute caritatis, & quanta sit caritatis  
excellencia. Cap. xxx xvi.*

*1. Jo. 4.*

*1. Cor. 6.*

*1. Cor. 13.*

*Rom. 13.*

**C**VM Deus sit caritas, & uir iustus sit in Deo, quocum unus spiritus est effectus: uirum iustum caritatem habere, & caritatem aliqua ratione esse, oportet. Quare, quot quot caritati laudes tribuuntur, totidem etiam uiro iusto tribuantur necesse erit. Et quis non laudet eam uirtutem, quæ patiens est, benigna est; quæ non emulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem ueritati: quæ omnia suffert, omnia credit, omnia sperat, omnia sustinet. Quare, uir quoque iustus, hac illustri uirtute ornatus, cum sustineat omnia, speret omnia, credat omnia, sufferat omnia, ueritati cōgaudeat, super iniquitate tristetur, malum non cogitet, non irritetur, sua non querat, non sit ambitiosus, non inflatur, perperam non agat, non æmuletur, benignus ac patiens sit, encomiis maximis afficiendus erit. Iustus tanta est caritate incensus, ut nesciat non amare, immo sciat ex toto corde amare: & ideo nihil cuiquam, nisi amorem, debet; & dum debitum persoluit, ne quando



do non amet, quotidie, magis ac magis,  
debitum amando, auget. Quo fit, ut ne- *2. Cor. 11.*  
mo infirmetur, quin ipse infirmus fiat; &  
nemo scandalizetur, quin ipse curatur, &  
nemo gaudeat, quin ipse gaudeat; & ne-  
mo flet, quin ipse flet: Siquidem factus *Rom. 12.*  
est omnia omnibus, ut omnes lucrificat.  
Deum uero, ita amat, ut ex toto corde suo, *Luc. 10.*  
ex tota anima sua, & ex omnibus uiribus *Mar. 12.*  
suis, & ex omni mente sua amet: ita amat, *Deu. 6.*  
ut pro amicitia Dei retinēda odio habeat, *Luc. 14.*  
non modo fratres, sorores, uxorem, & fi-  
lios; sed & matrem, & patrem, & seipsum:  
quia nouit non esse dignum amicitia diui- *Mat. 10*  
na, eum, qui & alios & se, magis quam  
Deum amat: ita amat, ut pro honore Dei, *Psam.*  
zelo exardescat maximo: & dicat: zelus  
domus tue comedit me: zelo zelatus *3. Reg. 19.*  
sum pro Domino Deo exercituum: quia  
dereliquerunt pactum Domini filij Is-  
rael. Cuius zeli si uis exempla que-  
dam, in libris Machabeorum legere, lector, *1. Mach 2*  
poteris. Innumera sunt caritatis erga De- *2. Mach. 3.*  
um, & erga proximum, iustorum uirorum  
exempla, quę si annumerare uellem, dies  
me deficeret. Tacebo igitur de Abraham,  
qui ut Deo, quem supra omnia diligebat,  
placeret, unicum filium suis manibus ma-  
ctare non recusauit. Nihil dicam de Heli, *1. Reg.*

# VIR IUSTVS.

qui ob dolorem, quem de arca capta sum-  
 pfit, cecidit, & expirauit. Quid de Dauide  
 narrem? qui ob recuperatam arcam, ita læ-  
 tatus est, ut regia maiestate posita, coram  
 ea ludere, & saltare quasi unus ex plebe nō  
 erubuerit? Silentio inuoluam tres pueros,  
 qui in fornacem ignis, ut ignem igni adde-  
 rent, ingressi sunt; & igne quo ardebant,  
 ab igne seruati fuere. Potuit enim cœlestis  
 ignis, mundanū ignem impedire, ne dum  
 ipse ardebat, ille quidquam ageret. Diuum  
 quoque Petrum præteribo, qui vbi audiuit;  
 Dominus est, caritate impatiens, iniecit se  
 in mare; licet naus non longe esset a terra:  
 nec petijt, ut alias, facultatem ambulandi  
 super aquas: & ut quidam scripsit, ex amo-  
 re, sed non dum perfectō, Dominum nega-  
 uit: quo pfecto, qui ancillæ uerba expauit,  
 crudelissimi Imperatoris supplicia nō timu-  
 it. Pauli quoque summam caritatē præteri-  
 bo, qua, ita Christo hærebat, ut nullo sup-  
 pliciorum genere, nulla creata vi, se ab eo  
 diuelli posse audacter dixerit. Omitto deni-  
 que Ioannis, Stephani, Laurentij, Paulini,  
 Bernardini, utriusque Francisci, ac cetero-  
 rum Sāctorum Illustria caritatis exempla.  
 Quamobrem, cum tantus sit amor iusti in  
 Deum: cum tantopere diuina caritate arde-  
 at; cum nihil sit præclarius, nihil laudabili-

us,

2. Reg.

Dan. 3.

Cyrl.  
Mat.

Rom.

us, nihil in humanis actionibus admirabilius, quam Deum amare, ac illi toto corde seruire; non uideo, cur uir iustus, non sit summa laude, & admiratione dignus: cui si quis, quod ipsi debetur, dare uellet, tot laudibus eum ornet, quot hanc supremam virtutem sancti patres celebrarunt. Postea proximi causa, quid non agit? In egestate ei subuenit: quia iustus nouit causam pauperum: oculos uiduæ non facit expectare: *Pro. 24. Iob 39.* non comedit buccellam solus: est oculus cæco, pes claudus: retrahit a peccato: quia *31. Pro. 25.* ut scriptum est, excogitat de domo impij, ut detrahat ipsos a malo. Si eos peccare uiderit, vehementer tristatur, & ait: Defectio tenuit me pro peccatoribus dereliquenti *Ps. 118.* bus legē tuā: Vidi prauaricantes, & tabescebam. Denique, uitam pro proximo exponere nō dubitat. Optabam dicebat Paulus, ego ipse anathema esse a Christo pro *Rom. 9.* fratribus meis. Et Moyses quadraginta diebus, & noctibus iacuit coram Domino suppliciter deprecans, ne deleret populum: & *Deut. 9.* Deo dixit: Aut dimitte eis hanc noxiam, aut si non facis, dele me de libro tuo, quem *Exho. 32.* scripsisti. Et, ut paucis multa perstringam, *Mat. 23.* iustus amplissima sua caritate, totum Deū, totis animi sui viribus complectitur; & creaturas omnes a supremis usque ad infimas

& ab infimis vsque ad supremas propter  
 Deum diligit; ut tandem hic amor, eo, un-  
 de defluxit redeat. Quamobrem, vellet iu-  
 stus omnes homines Dei nomen sanctifica-  
 re, omnibus Dei regnum aduenire, om-  
 nes uoluntatem Dei facere, ita, ut nullus  
 esset idololatra, nullus Iudæus, nullus Hæ-  
 reticus, nullus schismaticus, nullus malus  
 Christianus; & denique, nullum in mun-  
 do reperiri peccatum desiderat: & cum cō-  
 trariū uideat, pro impiorum conuersione,  
 continue Deum orat; pro ingratis Deo op-  
 timo maximo a quo quotidie in homines  
 innumera proficiscuntur beneficia, gratias  
 agit, & ad Deum laudandum omnes popu-  
 los inuitat, & dicit: Laudate Dominum  
 omnes gentes; Laudate eum omnes popu-  
 li. Quoniam confirmata est super nos mi-  
 sericordia eius: & veritas Domini manet  
 in æternum. Quis ergo uirum iustum  
 omni laudum genere non exornet?  
 quis eius uitam non æmuletur? cum sit  
 tali, ac tanta uirtute ornatus; quæ est ole-  
 um quod penetrat; symbolum, quod di-  
 stinguit; aurum, quod ditat; ignis, qui  
 inflamat; torques, qui ligat; stola, quæ  
 exornat, mater demum, quæ diligit, & nu-  
 trit. Hæc, quæ breuiter hoc capite dixi-  
 mus, si quis non tam legerit, quam medi-  
 tatus

status fuerit, maiorem viri iusti præstantiã  
 esse intelliget, quam quæ uerbis explicari,  
 aut cogitatione complecti possit. Et, ut le-  
 ctor, hanc præclarissimam operationem,  
 & omnium humanarum actionum multo  
 nobilissimam, Deum amando, exercere que-  
 at, quas breuiter amantis condiciones nu-  
 merabo, has diligenter attendat. Is ergo  
 qui amat, unum amet: eum infelicem præ-  
 tet, qui idem quod ipse, non amat: omnia,  
 etiam mortem, pro amato perpeti velit:  
 ornet se, ut illi placeat: cum eo esse, uel  
 præsentia, vel cogitatione curet: amet om-  
 nia, quæ illius sunt, laudet, & laudari ab  
 omnibus cupiat, & eum ignominia affici  
 non patiat: optet pro eo pati aliquod  
 incommodum, & illud dulce existimet: ip-  
 sius causa ploret, in præsentia ob lætitiã,  
 in absentia ob desiderium: semper eius desi-  
 derio langueat, & ardeat: denique, ei ni-  
 hil de premio cogitando, inseruiat.

*Vir iustos inimicos amat, iniuriasque a quo  
 animo fert, easdemque libenter  
 condonat. Cap. xxxxvii.*

**C**um viri iusti caritas ex ea caritate, cu-  
 ius proprium est misereri, & parcere,  
 & plueri super iustos, & iniustos, fluat;

tanquam surdus non audiebam, & sicut  
 mutus non aperiens os suum. Nouit enim  
 esse iniustitiæ genus uelle uindicare, cum  
 Deus sibi vindictam reseruauerit. Non mo- *Dent. 32.*  
 do iustus nocenti non nocet; sed nec de ip- *Rom. 12.*  
 sius ruina delectatur; immo in caput eius  
 carbones ignis congerit; hoc est, cum be-  
 neficijs afficit: dum ipsius bouem reducit, *Exo. 23.*  
 asinum lapsum subleuat; dum inimicum *Dent. 22.*  
 esurientem cibis, sitiētem potu refrigerat,  
 maledicenti benedicit, & pro persequente  
 orat; & ait: Domine, ne statuas illi hoc  
 peccatum: ignosce illi, quia nescit, quid *Act. 7.*  
 faciat. Itaque non modo vir iustus inimi-  
 co non nocet; sed, nec sibi ab eo noceri si-  
 nit: quia ex illata iniuria, occasionem su-  
 mit, ut & sibi, & inimico profit: ex quo, *De pacif.*  
 eas utilitates capit; quas alij, nec etiam ex *6. 54.*  
 amicis caperent. O igitur singularem uiri  
 iusti caritatem; quæ ex amaro dulce, ex no-  
 ctiuo utilitatem, ex ueneno medicamentum,  
 ex uitio uirtutem, ex morte uitam, educis.  
 O diuini caloris uim; quæ etiam ferrum  
 digeris, & in succum, sanguinemque con-  
 uertis, & rebus naturæ contrarijs, te pascis:  
 quæ frigidissimum inimici cor calefacis;  
 quæ stannum in aurum mutas. Sed quod  
 nunc docemus, aliquibus illustremus exē-  
 plis. Ioseph, fratres, a quibus inique tracta-  
 tus



*Gen. 37.* tus fuerat, benigne excepit, germane oscula  
*43. 45.* rus est, Eis omnem iniuriam remisit, & sum-  
 mis eisdem beneficijs ornauit. Moyses p-  
 prore, a qua iniuria affectus, & pro popu-  
 lo, a quo saepe non leuiter latus fuerat, quā  
*Num. 12.* ta cum contentione Deum orauit? & priua-  
 tim pro populo, quid a Deo precum vi, nō  
 impetrauit? Dauid, qui mille iniurias a Sa-  
 ule acceperat, non modo non uindicauit,  
 licet id sapius facere potuisset; sed potius,  
*1. Reg. 18.* nouis officijs eum cumulauit, & eius mor-  
*24. 26.* tē grauitē eluxit; & eum, qui mortem ei ac-  
*2. Reg. 16* celerauit, graui afflixit pœna. Idem, in-  
 iuriam sibi a Semei illatam, nec ultus est,  
 nec alios ulcisci fuit. Stephanus, dum lapi-  
*Act. 7.* dibus impetebatur, pro lapidantibus ora-  
 bat; & proinde cœlos apertos uidere meru-  
 it. Ioannes Damascenus, pro eo, cuius calū-  
 nijs manu priuatus fuerat, ne capite pu-  
 niretur apud Imperatorem ita egit, ut gra-  
 tiam obtinuerit. Isaac Abbas, cum, a quo-  
 colapho ictus fuerat, a dēmonio, qui eum  
 vexabat, liberauit. Agnes, hominem vio-  
 lentiam ipsi inferre uolentem, a Dēmone  
 necatum, ad uitam reuocauit. Quēdam ma-  
 trona diuo Athanasio gratias egit, quod su-  
 bi fœminam quandam alendam, & insti-  
 tuendam dedisset, a qua uariis iniuriis affi-  
 ciebatur. Iusti itaque a suo magistro uer-  
 bo,

ho & exemplo edocti, inimicis nō nocent;  
 sed profunt, eos non odio habēt, sed amāt;  
 non ulciscuntur, sed ne puniantur conten-  
 dunt; non repellunt, sed amplexantur: quę  
 res quo factu est difficilior, eo iusti laudem  
 illultriorē reddit; & cum naturam supe-  
 ret, laudibus quoque supernaturalibus ce-  
 lebranda esset. Inustus autem, non mo-  
 do non relinquit uindictam Deo, sed prę-  
 ripit: non modo non patitur iniuriam, sed  
 infert: non modo prouocatus lædit, sed  
 etiam non lacessitus offendit: non modo  
 afficientem afficit, sed etiam innocentem  
 iniuste inuadit. Circumueniamus, inqui-  
 unt impij, iustum, quoniā inutilis est nobis  
 & cōtrarius est operibus nostris, & iprope-  
 rat nobis peccata legis, & diffamat in nos  
 peccata disciplinę nostrę: grauis est nobis  
 etiam ad uidendum, &c. O iniquitatem sin-  
 gularem, & impietatem insignem! Quid  
 fecit? quid commeruit? quid in te pecca-  
 uit iustus; dic impie? quod eum uidere ne-  
 quis. Num fortasse peccat, quia pro te orat?  
 quia pro tua salute est sollicitus? quia te cor-  
 rigit? Nescis miser, nescis quantum iusti,  
 quos, non minus crudeliter, quam stul-  
 te perdere tentas, tibi utilitatis afferant.  
 En igitur quam dispares sunt bonorum, &  
 malorum mores. Illi contumelias perfe-  
 runt;

S. Nilus  
 ora. 18

Sap. 26

# VIR IVSTVS.

runt; hi ferre nequeunt: illi humaniter inimicos excipiunt, hi etiam amicos crudeliter tractant: illi bonum pro malo reddunt, hi malum pro bono rependunt: illi nulla etiam grauissima cōtumelia commouentur; hi etiam uerbulo concutiuntur: illi ob animi firmitudinem nulla ratione lædi possunt, hi ob animi mollietatem quauis paruula iniuriola offenduntur: illi iniurias memoria retinent, hi obliuione conterunt: illi mali malis, & bonis; hi boni bonis, & malis. Tanta ergo est firmitudo, ac altitudo, & ut ita dixerim, granditas animi uiri iusti, ut nullis iniurijs possit attingi, & nullis offensionibus lædi: non secus, ac is, qui in altissima turri collocatus, nullis lapidū, aut sagittarum ictibus, offendi potest: quia vir

*Psalm. 91.* iustus altum posuit refugium suum: & ideo nō accedit ad eum malum. Cur ergo hunc hominē ob tam egregium facinus, ob tam insignem caritatem non comedemus? non celebremus? Gaudeant, & exultent iusti, quidam inimicos amant, dum eis benefaciunt, christianæ perfectionis illustrem significationem præbent; Christi discipulos re ipsa se esse demonstrant; & Deum patrem suum, tanquam boni filij, in egregio facinore imitantur; cum Dei proprium sit misereri, & parcere.

*Mat. 5.*

*A fine*

*A simplicitate : & quæ sit Christiana simplicitas docetur. Cap. xxxviii.*

**I**Nter alias perfectiones, quibus Christus Dominus perfectus magister suos informare discipulos priuatim uoluit, numeratur simplicitas : ideo ab eo dictum fuisse legimus: Estote simplices, ut columbæ. Volebat enim, quantum fieri potest, eos ad similitudinem Dei, cuius proprium est esse simplicem, ac proinde perfectum, *Mat. 10* reformare. Nam, cum perfectio habeatur *D. Tho.* a forma, & Deus sit totus forma, cum nihil potentis, & imperfectionis habeat, erit utique Deus simplicissimus, & perfectissimus. Ad quam etiam perfectionem imitandam, idem Dominus suos discipulos hortatus est, cum dixit: Estote perfecti, ut Pater uester perfectus est. Et, ut qua in reposita sit Christiana simplicitas intelligatur; animaduertendum est; simplex, in primis, *Mat. 5* in his rebus, quas natura procreat, id esse, & dici, quod est ab omni multiplicitate & compositione remotum. Et ideo elementa dicuntur corpora simplicia, & Angeli substantiæ simplices, quod maiore compositione carent. Deinde, in re morali, siue in genere morum, simplex, is nominatur, qui duplicitate uacat; qua uacant, qui sunt duplici

duplicitas, quæ est graue vitium, nec Deo  
 similis, nec simplex esset. Etenim scriptum  
 est, Spiritum effugere fictum; hoc est, non *Sup. 1.*  
 simplicem, sincerumque. Et quauis in iusto,  
 leuiore interdum reperiantur culpæ: tamen  
 cum cum a summo simplici non diuellant,  
 id est cum diuina gratia, cum non priuent,  
 simplicitatis substantiam non amittit.  
 Tunc autem hanc simplicitatem aliquis  
 perfecte adeptus est, cum nihil cogitat, ni-  
 hil sapit, nihil vult, nihil gustat, præter  
 Deum. Quamobrem, cum aliquis per gra-  
 tiam unitus est Deo, ac unus spiritus est cū  
 eo, euadit simplex, & proxime accedit ad  
 naturam Dei: & idcirco, quod cogitat, quod  
 contemplatur, uel est Deus, uel refertur ad  
 Deum: omnia quæ desiderat, quæ amat,  
 quæ sperat, sunt Deus, uel Dei: quæ memo-  
 ria complectitur, sunt Deus, uel quæ ad  
 Deum pertinent: quæ phantasia fingit, pari-  
 ratione uel sunt Deus, uel Dei, ut sunt my-  
 steria fidei, & quatuor nouissima: & in  
 summa, in omnibus rebus, quæ sub sensum  
 cadunt, dum audit, uidet, olfacit, gustat, &  
 attrectat, Deum recognoscit, & ex rebus om-  
 nibus laudandi, & amandi Deum occasio-  
 nem sumit. Quo fit, ut continenter cum  
 Deo uersetur, & loquatur. Siquidem cum  
 simplicibus est sermocinatio eius. Et ne ab  
 hac

# VIR IUSTVS.

*Pro. 9.*

*Ps. 39. 118*

*Prou. 11.*

*Rom. 6.*

*1. Cor. 6.*

hac simplicitate, & similitudine a sensibus, qui offendendi occasionem præbere solent, remoueatur, oculos a uanitatibus auertit: aures detractionibus, & obscænis sermonibus claudit: nares in lasciuis odoribus non occupat: gustat ut uiuat, non uiuit ut gustet: & demum tactum ab omni impura tactione continet: ita ut in omni sua operatione, quantum per ipsum fieri potest, nihil efficiat, quod cum simplicitate pugnet. Iustitia nanque simplicis dirigit uiam eius. Quamobrẽ, omnes uiri huius facultates, sensus omnes, & membra omnia, iustitiæ inseruiunt in sanctificatione, cum quidquid facit, siue orat, siue manducet, siue bibat, in gloriam, & honorem Dei faciat: et ideo quotidie simplicitatẽ acquirit maiorem. Ex quibus nascitur uirum iustum, esse omni ex parte simplicem: tum quia est ab omni grauiore culpa alienus, & ideo ab omni duplicitate, & ab omni fictione, & fraude remotus, ita ut & re, & uerbo, et facto sit simplex: tum etiã, quod ad summum simplex, per gratiã, ita accedit, ut sit cum eo unitus, & unus spiritus effectus. Hæc Christiana simplicitas summo opere placet Deo, qui est simplicissimus, & ab omni fictione, & multiplicitate alienus: & propterea legimus: Scio Deus

meus



meus, quod probes corda, & simplicitatē diligas: unde & ego in simplicitate cordis mei lætus obtuli uniuersa hæc, &c. Et cum omne simile, diligat simile; non poterit Deus simplicissimus, non amare eum, qui simplicitate, a similitudine cum Deo, manante, erit ornatus. Quo etiam fiet, ut qui simpliciter ambulat, saluus fiat: cum Deus, ut non porrigit manus malignis, ita non proiciat simplicem. Impiis uero, cum simplices nō sint, quia a summo simplici, quā longissime distant, & neque corde, neque ore, neque opere simplicitatem colant, tanquam sibi contrariis, & dissimilibus, & a se remotissimis, Deus manus suas non porriget: & ideo in simulatione, & fictione, & impietate sua corruet impius.

1. Par. 10.

Naci. 13.

Iob. 8.

Pron. 11.

*Vir iustus est perfectus homo: & quæ ad  
Christianam perfectionem requi-  
rantur. Cap. XXXIX.*

**E**X his, quæ hætenus de uiri iusti uirtutibus disputata sunt, colligere licet, virum iustum esse hominem perfectum: ea tamen perfectione, quæ in hac uita haberi potest: quæ ex omnium uirtutum cumulo, consurgit: quas omnes in viro iusto esse, satis ex iam dictis constat. Verum, alia po-

N test

# VIR IVSTVS.

test reperiri ratio, qua quis perfectus nominetur, quam paucis hoc capite exponā. Id perfectum esse dicimus, quod omni ex parte est perfecte factum, & suis numeris vndique absolutū: ut is dicatur perfectus homo; cuius omnes animi, & corporis partes, ac uiuendi rationes completæ, & absolutæ sunt. In homine igitur futuro perfecto, hæc fere sunt, quæ requiruntur. Primum, requiritur substantia Christianæ perfectionis, & spiritualis uitæ, quæ in gratia, qua anima fit diuina, consistit. Deinde, ratione intellectus, debet homo scire ea omnia, quæ ad salutem consequendam sunt necessaria, ut sunt legis diuinæ, & Ecclesiæ præcepta, nec non etiā fidei articuli, & quæ ad statum, seu professionem suam conuenienter exercendam, pertinent. Præterea, ratione uoluntatis, debet amare Deum supra omnia, & proximum ut seipsum; & denique omnia propter Deum: ita ut omnia seruet mandata, quorum custodia ab uno pēdet dilectionis præcepto. Hæc postea recta mandatorum custodia nixus, sperare debet, cum se finem adepturū esse, ad quem creatus, factusque est; qui bene beateque uiuentes sine ulla dubitatione manet. Ratione uero sentientis partis, quæ, uel concupiscimus, uel irascimur, ita

Deut. 6.

Mat. 7

fit affectus, & ita se gerat, ut omnes huius  
partis motus rationi subiiciat, & quantum  
fieri potest, frænet, & in officio contineat:  
ut nunquam quidquam cõcupiscat, quod  
cum recta ratione pugnet: ita ut pars infe-  
rior, tanquam ancilla, superiori parti, ve-  
luti domine, sine repugnantia obediat.

Ratione corporis: ita corpus tractet, & cu-  
ret, ut ipsius causa, animæ nocere uelit nū-  
quā: in & omni corporis motione, & ope-  
ratione, modestiam, conuenientiam, pud-  
icitiam, urbanitatem, & decorum seruet;  
ut nihil efficiat, quod intuentium oculos,  
vlla ratione offendat: immo se suūpſius pu-  
deat, seque non minus, quam alios, reue-  
reatur. De actionibus vero externis, ad di-  
uinum cultū pertinētibus, omni supersti-  
tioso cultu reiecto, eo pacto externa reli-  
gione, & cæremoniis Deum colat, ut eum  
mater Ecclesia, apostolicę traditiones, &  
sancti patres docent. De bonis externis  
his, ad gloriam Dei, ad proximi utilitatē,  
ad salutem animæ, & ad uitæ sustentatio-  
nem, quantum necessitas postulat, cum ra-  
tione utatur, existimetq; data esse in usum,  
tanquam instrumēta uirtutis acquirendæ,  
& exercendę. Non secus igitur his bonis,  
ac ægrotus medicinis utetur; qui eatenus  
medicamentis utitur, quatenus, uel ad va-

letudinem recuperandam, uel conseruan-  
 dam conferunt. Denique, id, ad perfectio-  
 nem uiri Christiani pertinet, ut stabili, fir-  
 moque proposito, uelit hanc uiuendi ratio-  
 nem, & hanc perfectionem ita conseruare,  
 & retinere, ut potius uellet millies mori,  
 quam ab hac præscripta recte uitæ formū-  
 la, aliqua grauiore culpa discedere. Hæc  
 si quis tenuerit, & seruauerit, Christianus  
 erit intus, forisq; perfectus, & suis nu-  
 meris absolutus. Verum, cum hæc omnia  
 in uiro reperiantur iusto, siquidem omnia  
 credit; omnia necessaria nouit; Deum, &  
 propter Deum omnia amat; de salute pro-  
 pter bona opera sperat; sensus omnes in of-  
 ficio continet; totum corpus cum ratione  
 gubernat; pie & religiose uiuit; nulla re  
 abutitur, & nulla ratione a iustitia recede-  
 re propositum habet, proculdubio perfe-  
 ctus Christianus erit: cui, si quid ex his  
 deesset, nec perfectus, nec iustus nomina-  
 ri posset. Quis ergo tanta huius uiri perfe-  
 ctione cognita, cum non amet? non vene-  
 retur? ac tantæ perfectionis amore, ad ius-  
 te uiuendum non excitetur? Quod si con-  
 traria fere omnia de impio dixeris, quam  
 sit uituperandus, & damnandus facile co-  
 gnosces.

*Solus vir iustus vera pace fruitur.**Cap. I.*

**Q**uid mortales in hac mortali agunt uita, ea de causa agunt, ut tandem aliquando, quietem capiant, & iucunde uiuant. Huc mercatorum labores, huc nauigantium sudores, huc militum uigilie, huc demum artificum omnium curæ omnes spectare uidentur. Verum, horum om  
*Ecc. 1.*  
 nium laborum finis, est dolor, & angustia; cum nunquam sine iustitia, & timore Dei inueniant, quod tanto cum labore perquirunt. Hanc quietē, hanc animi tranquillitatem, & pacem, solus uir iustus, & quidem minore labore, inuenit, & possidet, tantoque bono, qui est maximus Christianæ iustitiæ fructus, utitur. Quantum bonum sit pax, & animi tranquillitas, atque concordia, quam quis nō modo cum aliis, sed etiam secum habet, hac pulcherrima pacis descriptione, quæ apud Augustinum legitur, cognoscere licet. Pax est serenitas mentis, tranquillitas animi, simplicitas cordis, uinculum amoris, consortium caritatis. Hæc est, quæ simultates tollit, bella compescit, iras comprimit, superbos calcit, humiles amat, discordes sedat, inimicos concordat; cunctis est placida, nescit

extolli, nescit inflari. Hanc qui accepit, teneat, qui perdidit, reperat, qui amisit, requirat: quoniam qui in eadem non erit inuentus, a Patre abdicatur, a Filio exhæredatur, a Spîritu sancto alienus efficitur.

1. The. 2.

Quanti etiam facienda sit pax, is demon-

2. The. 2.

strauit, qui ab una pace, Rex pacificus, & Deus pacis est appellatus: qui, ut eam e

1. Cor. 2.

Luc. 2.

mundo pulsam, in mundum reuocaret, de cælo descendit, & sanguinem, cum Dæmone discordiæ auctore pugnando, profudit: qui uictoriam assecutus hominum pedes per uiam pacis direxit, & ad locum pacis, unde aberrauerant, reduxit: & e mundo discessurus, eam quasi testamento discipulis suis reliquit, & ut aliis impertirent, præcepit. Nec ad hæreditatem Domini poterit peruenire, qui testamentum pacis noluerit seruare. Tale, ac tantum bonum est hæc pax, quâ Deus suis donat, ut Paulus de ea dixerit, exuperare omnem sensum: 1

1. Cor. 14. 20

Phil. 4.

Et pax Dei, quæ exuperat omnem sensum custodiat corda uestra, & intelligentias uestras, in Christo. Perpende Lector horum verborum uim: pax ista exuperat omnem sensum: hoc est, tanta est huius pacis uis, & potestas, ut omnes uoluptates, quæ sensu percipiuntur, superet: aut tanta est, quâ

Heb. 12.

iam humana mens explicaret, aut caperet.



nunquam. Quare, si ullum est in hoc mundo bonum, si ulla est felicitas; in concordia, in tranquillitate, & pace animi reperitur: cum hoc bonum, æternæ beatitudinis sit participatio quædam; cum per ipsum homines diuinam uiuendi rationem ab omni perturbatione, & commotione alienam uiuant: dum rebus secundis non intolescunt, neque aduersis deiciuntur, sed equabilitate in omni euentu utuntur: dum non modo cum aliis sunt concordēs, sed etiam secum; cum omnes sui partes inter se, & cum recta rationis regula conueniant, & unum spectent, in unumque ferantur omnes. Quod autem hoc tantum bonum in solis reperiat iustis, id primum diuinæ paginæ testimonio facile demonstrari potest. Pax multa, inquit scriptura, diligentibus legem tuam: atqui soli iusti legem Dei, dum eam custodiunt, diligunt, & ideo non est illis scandalum: soli ergo iusti, pacem, & quidem multam, possidebunt. Deinde, eadem testante scriptura, impiis non est pax: iustis igitur. Siquidem contrariis, contraria attributa tribuere oportet. Præterea, ibi erit pax, ubi Deus pacis auctor habitat: quia factus est in pace locus eius, & habitatio eius in Sion, & in Ierusalem; id est in uisione pacis, & in cælis.

*De concordi  
frat cap  
ult.*

*Psal. 112.*

*Is. 48. 12.*

*Psal. 72.*

1. Cor. 3.

At iusti anima est templum, tabernaculum  
 ciuitas, sedes, & cœlum, in quo Deus habi-  
 rat, & residet. Cur ergo uir iustus pace non  
 perfruetur maxima? cum in se Deum au-  
 ctorem pacis, & pacem ipsam habeat? qui  
 aliquando pacis fluuium super Ierusalem  
 se declinaturum esse dixit. Ad hæc Angeli;  
 rege, & instauratore pacis nato, quibus nā  
 felicem pacis nuntium attulere? nonne  
 pastoribus, uiris pacificis? nonne homini-  
 bus bonæ uoluntatis? Et qui nam sunt bo-  
 næ uoluntatis homines, nisi iusti? qui cum  
 per iustitiam sint bene affecti, bonæ uolun-  
 tatis esse dicuntur: in qua bona affectione,  
 ut quidam sapienter scripsit, posita est sub-  
 stantia boni. Amplius, instaurator pacis,  
 Christus dominus, ob quam causam pax  
 nostra dicitur, cum testamentum e uita di-  
 scessurus fecit, quibus nam hanc pacis hæ-  
 reditatem reliquit, nisi Apostolis suis, uiris  
 iustis? qui hæreditario quodam iure sem-  
 per hæctenus pacis patrimonium possede-  
 runt, & possident, ac in perpetuum posside-  
 bunt. Iustis ergo, tanquam filiis dictum est:

1. Cor. 3.

1. Cor. 3.

1. Cor. 3.

Pacem, relinquo uobis: pacem meam do  
 uobis: non quomodo mundus dat, ego do  
 uobis. Denique, iusti, non modo cum aliis  
 pacem habent, dum cum omnibus concor-  
 diter uiuunt, sed etiam secum; cum omnes

ani-

animi ipsorum partes in unum Deum au-  
 ctorem pacis ferantur, & hoc unum ipsi co-  
 gnoscant, & uelint, & huc omnia sua stu-  
 dia, & opera referant. Propterea anima iu- *Psal. 126.*  
 sti, Ierusalē uocatur; hoc est, uisio pacis :  
 quia, est ueluti ciuitas edificata in idip-  
 sum; idest, quæ sibi ipsi coniuncta est, &  
 pacatissime uiuit. Hunc uiri iusti statum,  
 his uerbis, Isaias eleganter descripsit: Et  
 erit opus iustitiæ pax, & cultus iustitiæ silē- *Isa. 32.*  
 tium, & securitas usque in sempiternum; &  
 sedebit populus meus in pulchritudine pa-  
 cis, & in tabernaculis fiduciæ, & in requie  
 opulenta. Tale, itaque, ac tantum bonum  
 est pax, ut in his rebus humanis nihil gra-  
 tius audiri, nihil delectabilius concupisci,  
 nihil utilius, & commodius possit haberi.  
 Huius boni utilitatem, & iucunditatem cū *Prov. 15.*  
 Spiritus sanctus exponere uellet, dixit, esse  
 iuge conuiuium: Secura mens, iuge conui-  
 uium. Cum ergo homines, nunquam ma-  
 gis curis uacent, quam tempore conuiuii;  
 nunquā maioribus uoluptatibus perfruan-  
 tur, quam cum conuiuiio interfunt, & nul-  
 libi libentius sint, quam ibi, ubi corpus, et  
 animum reficiunt, & exhilarant; quanta,  
 dic, oblectatio, quanta suauitas erit in eo,  
 qui mentem securam, trāquillam, et paca-  
 tam habet? cum conuiuiio suauissimis, &  
 opti-

optimis cibis instructo, & referto, ei ubi  
vis locorum accumbere semper liceat.

Et sapientes, huic paci, quæ ex recta con-  
scientia nascitur, tantum tribuerunt, ut di-  
xerint, esse mille testes: non esse miserum,  
qui bona conscientia se sustentare potest:  
conscientiam bene actæ uitæ esse iucundis-  
simā: uacare culpa esse solatium maximū:  
substantiam bonitatis in recta conscientia  
esse positam. Quis igitur uirum iustum fe-  
licem non appeller, cum tanto perfruatur  
bono, cuius magnitudo explicari nequit?  
quis ad iustitiam acquirendam non exci-  
tetur, cum id per eam solam, quod omnes,  
diu, & multum, frustra laborando, qua-  
runt, omnibus facile obtinere liceat? Beati  
ergo pacifici, quoniam filij Dei uocari pos-  
sunt, cum in hæreditatem Christi, quæ est  
pax, uenerint. Contra uero infelices impij,  
qui, cum uiam pacis ignorent, hoc tam  
grandi bono carent? Et quamuis dicant:  
Pax, pax: tamen non est pax impiis, dicit  
Dominus. Et quo modo erit pax inter eos,  
qui in seipso conuersi, mutuis se concidunt  
vulneribus? qui secum pugnant? qui semi-  
nant discordias? qui suas animi partes in-  
ter se dissidentes, ac disiunctas habent? qui  
pacis auctorem repellunt? Is scilicet fru-  
ctum gustabit pacis, quem miseria pre-  
munt,

minit, ærumnæ angunt, libidines torquent,  
cupiditates variæ distrahant, iudiciorum  
metus terret: is, qui quo se cunque uertit,  
furias sentit ultrices: is demum, quem sua  
conscientia stimulat, rodit, & excruciat.

Quod si interdum quietem quandam im-  
pius præ se fert, brevis est quies, fucata est  
pax. Et quid prodest foris pacis speciem  
ostendere, & intus ardere bello? Solus igitur  
iustus delectatur in multitudine pacis. *Psal. 36.*

O te felicem, & te beatum iustum: cum ti-  
bi dicere liceat: In pace in idipsum dor-  
miam, & requiescam. *Psal. 4.*

*Vir iustus veris gaudijs, verisque voluptati-  
bus perfruitur. Cap. L I.*

**E**Os, qui pacis ineunt cōsilia, sequitur,  
ut scriptura docet, gaudium: nec con-  
tristat iustum quidquid acciderit: impij  
autem replebuntur malo. Siquidem, lux  
orta est iusto, & rectis corde læticia. Inter  
alios igitur fructus, quos ex arbore iustitiæ  
suz decerpit iustus, est uerum gaudium, ve-  
raque læticia, qua perpetuo perfunditur,  
etiam quando re aliqua contraria premi-  
tur; ex qua, ob suam sapientiam, læticiam  
percipere nouit. Quo fit, ut vehementer qui-  
dam errent, cum uiros iustos, nullo gau-  
dio

dio recreari, nulla lætitia perfundi, sed semper in dolore, & mæstitia versari, putent: quam ob causam in viam iustitiæ ingredi nolunt: quæ existimatio est omnino falsa, & a recta ratione prorsus aliena. Etenim, quid est, quod hominem uera lætitia magis priuet, quam peccatum? cum mentem cæcet, omnibus spiritualibus bonis priuet; Deum inimicum reddat, ad æternas penas obliget, cōscientiā excruciet, & ut uno verbo dicam, omnis doloris, omnem causam afferat. At, cum vir iustus immunis sit ab omni peccato; cur non etiam erit ab omni mæstitia liber? Insuper, unde uerum oritur gaudium, nisi ex uera pace, & animi tranquillitate? hæc ubi nam reperiuntur, nisi in iusto? Quid igitur eum gaudio, &

*a. Cor. 1.* lætitia priuare uolunt? Præterea, Deus qui est totius cōsolationis auctor, in viro iusto habitat. Si ergo, & pacis, & cōsolationis auctorem in se habet; cur ueris gaudijs eum spoliare contendunt? Et hoc est regnū

*Gal. 5.* Dei, quod in iustis reperitur, pax uidelicet,

*Isa. 58.* & gaudium. Consolatur itaque Deus Siō, idest animam iustam, & eam quasi delicias & hortos suos efficit. Et ideo gaudium, &

*Isa. 68.* lætitia reperiuntur in ea, & gratiarum actio, & vox laudis: gaudium, & lætitiā tenet; fugiet dolor, & gemitus. Ego ego ipse



ipse consolabor vos, ait Dominus. Dat er- *Ps. 50. 34*  
 go Deus gaudium iustis, & letitiam saluta-  
 ris sui, & ideo exultant ossa humiliata, &  
 abstergit omnem lachrymam ab oculis eo- *Ap. 3.*  
 rum. Iam vero, quid est, quod hæc humana  
 gaudia non satiant? An quia, non sunt per-  
 fecta? &, quod nam est perfectum gaudi-  
 um? illud sane, quod cum habetur ho-  
 minis appetitio satiatur; torrens nimirum *Psalm. 35.*  
 ille uoluptatis, ex quo Deus potum dabit  
 suis. Et qui nam hoc gaudium in hac vita  
 prægustant? nisi ij, qui gustabunt in alia?  
 iusti videlicet. Viri igitur iusti ueris afficiū-  
 tur gaudijs. Prægustauit hoc gaudium Moy- *Exo. 33.*  
 ses, cum uidit Deum: & qui ad exploran-  
 dam terram promissionis profecti sunt: &  
 Petrus, qui Dominum transfiguratum vi- *Iudic. 18.*  
 dit: quo gaudio perfusus, dixit: Domine *Mat. 16.*  
 faciamus hic tria tabernacula: & Paulus *2. Cor. 12*  
 qui raptus fuit ad tertium cælum. Prægu-  
 stât etiam, qui cum feruore inserviunt Deo,  
 & uoluptates cœlestes meditantur: & ubi  
 gustarunt, ob summam, qua perfunduntur  
 delectationem, alios inuitantes, dicunt: *Psalm. 33.*  
 Gustate, & videte quam suavis est Domi- *Can. 1.*  
 nus: cuius ubera sunt meliora uino: volup-  
 tates uidelicet diuinæ, humanis sunt longe  
 maiores. Et dulcedinis magnitudine, exci-  
 tati, & impulsî, exclamant: Quam magna *Ps. 30.*  
 multitu-

- Cant. 15.* multitudo dulcedinis tuæ Domine; quam abscondisti timentibus te: Ad has dulcedines spirituales gustandas, suos amicos
- Cant. 1.* inuitat sponsus, ubi eos in cellam uinariâ introduxit, cum dicit: Bibite, & inebriamini carissimi. Ad eadem gaudia percipiēda, Paulus, Philippenses, his uerbis hortabatur: Gaudete in Domino semper: iterum dico gaudete: Et Dauid. Latamini in Domino, & exultate iusti, & gloriamini omnes recti corde. Ad quod faciendum etiam exemplo excitauit, cum cœlesti, & uero gaudio plenus, ante arcam Domini saltauit, & alibi cum cecinit: cantabiles mihi erant iustificationes tuæ in loco peregrinationis mee: Cor meum, & caro mea exultauerunt in Deum uiuum. Postremo, cum uir iustus ex uirtute uiuat, & omnes uirtutum omnium pro opportunitate operationes exerceat, quæ, ex se, ut docti scribunt, sunt delectabiles; cur uitam quandam uoluptatis plenam, cum semper honeste agat, non uiuet? præsertim cum, ut (uiri spirituales scribunt) pluris ualeat uel minima uiri iusti delectatio, quam uoluptates omnes, quas impij capere in hac uita possunt. Et hinc est, quod cernimus uiros iustos semper esse hilari fronte, & lætitiā quandam præ se ferre: ut uidere licet in ijs religionibus, in quibus

quibus, diligenter seruitur Deo, qui hilares  
 seruos diligit. De qua vera, & honesta ani-  
 mi hilaritate, non defuerunt, qui tractatio-  
 nes integras confecerint. Quare, bonus  
 Christianus eam beatitudinem in hac uita  
 nanciscitur, dum nulla re angitur, dum  
 semper hilari est animo, & perpetuo ueris  
 gaudijs perfunditur, quam in falsa uolup-  
 tate querebat Epicurus. Siquidē, quidqd  
 acciderit, non contristat iustum. At uero  
 uir impius, cum peccatis sit infectus, cum  
 pacis, & consolationis auctorem a se repel-  
 lat, cum inhoneste uiuat, quas delectatio-  
 nes percipiet? quod si quas capit, parum ab  
 illis afficitur, cum sint externæ, breues, &  
 fucatæ. Et quæ potest esse uera in impio læ-  
 titia, cum tunc lætetur, ubi male fecerit?  
 Quare, merito uir iustus diceret: Gaudēs  
 gaudebo in Domino, & exultabit anima  
 mea in Deo meo: quia uestimentis salutis,  
 & indumento iustitiæ circū dabit me. Quis  
 ergo ueras delectationes capit? uir iustus:  
 quis suaues gustat uoluptates? uir iustus;  
 quis maximis perfunditur gaudijs? uir ius-  
 tus. Valeant igitur, qui iustos ueris delecta-  
 tionibus priuant: gustent prius, deinde sen-  
 tentiam ferant: quam ferre nequit, qui rem  
 non dum gustauit ipsam. Valeant etiam mo-  
 mentaneæ lætitiæ, exiguæ delectationes, uæ

2. Cor. 9.  
 De interio-  
 re hom.  
 Cap. 62.

Pro. 14

Pro. 2.

Isa. 61.

3. 1. 1.

# VIR IUSTVS.

*Pr. 13.* na, & inania impiorum solatia, quę tandē  
semper extremus luctus occupat. Lætabi-  
tur itaque iustus in Domino, & sperabit in  
eo, & laudabuntur omnes recti corde.

*Vir iustus sine ulla grauiore cura, & sollicitu-  
dine uiuit. Cap. LII.*

*1. Pet. 1.* **E**A sæpe de causa homines in hac uita,  
nec pace perfruuntur, nec gaudijs affi-  
ciuntur, quod uarijs occupātur, ac distra-  
huntur curis. Verum, cum vir iustus nulla  
maiore de rebus ad uitam traducendā per-  
tinentibus distineatur cura, nullaque gra-  
uiore sollicitudine laboret, nihil est, quod  
ipsius pacem, & gaudium multum impe-  
diat, minuatue. Viuit ergo hic homo, cum  
*1. Pet. 1.* totus a procuratione cœlestis Patris pende-  
at, sine ulla maiore, ac grauiore cura: quæ-  
res, ipsius condicionem multum felicem,  
ac illustrem reddit. Quod si huic Patri se  
totum non traderet, ac nimiam de rebus  
externis sollicitudinem habere uellet; iam,  
*Mat. 6.* nō iustorum, sed ethnicorum more uitam  
degeret. Hoc in primis mandatum, siue cō-  
siliū, a suo præceptore accepit Christo;  
qui dixit: Nolite solliciti esse, dicentes.  
Quid manducabimus, aut quid bibemus,

aut

aut quo operiemur? hæc. n. omnia gentes  
 inquirunt Scit. n. Pater uester, quia his om-  
 nibus indigetis. Et, ut id facilius persuade-  
 ret, exemplo a floribus, & animalibus, quæ  
 Deus uestit, & pascit, sumpto, confirmavit.  
 Quin etiam, nec de his, quæ locuturi sunt,  
 vult Christus suos esse sollicitos: quia ipse  
 suggerit, quod dicendum est: cum Spiritus  
 in ipsis loquatur. Paulus quoque volebat  
 Corinthios sine sollicitudine esse: idem etiã  
 Petrus Apostolus, his uerbis monebat: Om-  
 nem sollicitudinem uestram proijciētes in  
 eum: quoniam ipsi cura est de uobis. Vnã  
 ergo uir iustus curam habet, de probitate,  
 & perfectione, ac regno acquirendo; cetera  
 prouidenti, atque benigno Patri curan-  
 da relinquit. Et quis sanæ mētis filius, sub  
 tali, ac tanto Patre constitutus, ob indigen-  
 tiæ timorem sollicitus esse uolet? sub Pa-  
 tre, inquam, ditissimo, optimo sapientissi-  
 mo, qui nouit bona dare filiis suis, qui pas-  
 cit pullos coruorum, qui implet omne ani-  
 mal benedictione, qui lilia ita elegantissi-  
 me uestit, ut Salomonis gloriam superent,  
 qui filiorum miseretur, nec secundum pec-  
 cata eorum facit eis, qui tãdem filiis suis  
 antequam essent, ab omni æternitate om-  
 nia necessaria parauit. Hic hic Pater, filios  
 Israel, iustorum typum, in deserto cœle-

*Exo. 16.* sibi cibo pauid; aquam eis ex petra eduxit;  
*Deu. 9.* uestes integras per quadraginta annos con-  
*Esdr. 9.* seruauit; & tandem eos in terram, lacte, &  
*Ex. 3.* melle fluentem introduxit. Huius Patris  
*2. Reg. 19.* cura; Eliæ panis; Danieli cibus; Ionæ vm-  
*Dhn. 14.* bra sub qua quiesceret; non defuit. Hanc  
*Ion. 4.* curam se suscepturum filijs Israel pollici-  
*Leu. 26.* tus est, si mandata seruassent, cum dixit;  
 Dabo uobis pluuiam temporibus suis, &  
 terra gignet semen suum, & pomis arbores  
 replebuntur. Apprehender messium tritu-  
 ra uindemiã, & uindemia occupabit semen  
 tem, & comedetis panem uestrum in sati-  
 tate, & absque pauore habitabitis in ter-  
*Deu. 2.* ra uestra, &c. Quis ergo post talem, ac tan-  
 tam tanti Patris promissionem nimiam de  
 rebus externis curam, quæ multum secum  
 laboris, & molestiæ affert; non reiiciat?  
 cum præsertim id a nobis ipse omnino re-  
 quirat; & quodam honesto ocio, a curis hu-  
 manis seiuncto, non perfruatur? Reuelat  
*Ps. 39.* itaque iustus Domino uiam suam, & spe-  
*Psaln.* rat in eo, & sinit eum facere; lætat cogi-  
*Mat. 1.* tatum suum in Dominum, a quo enutri-  
 tur: Scit se pluris esse passeribus: scit ante  
*Mat. 8.* lucem surgere, & tarde ire cubitum, uanū  
 esse: hoc est, intelligit omnem humanam  
*Psaln.* prouidentiam sine Dei auxilio esse inanē,  
 & Deum dare somnum, idest quietam, &



tranquillam uitam, statumque solitudinis expertem dilectis suis, qui magis prouidentia paterna, quam sua nituntur. Et ita, *Ps. 36.* dum hæc uir iustus cogitat, dum hospitatem facit, pascitur in diuitiis Dei. Quamobrem, animaduertens se esse Dei filium, totum se huic Patri tradit; omnem de se curam Patri suo relinquit; quod facere bonorum filiorum esse nouimus. Vnam tamen habet curam, in quam diligenter incumbit, ut Patri obediat, & placeat; & non secus se habet oculis suis ad Patrem suum, ac ancilla ad manus dominæ suæ. Præterea, cum uir iustus, quæ ad se proxime, & maxime pertineant, cogitet, bona nimirum uera, solida, & æterna, de fugacis inanibus, & momentaneis bonis maiorem curam habere, suo statu indignum esse existimat: cum his de rebus, filij huius sæculi, & ethnici solliciti sint. Non possum hoc loco, non vehementer uiri iusti felicitatem admirari, cum videam Deum opt. max. eum, a terrenarum & infimarum rerum cura liberare, eamque in se suscipere: quæ res, est diligenti meditatione digna. Hanc uiuendi uiri iusti rationem omnino felicissimam iudico, cum ab innumeris molestiis, curis, & laboribus, per eam liberetur: quibus omnibus malis, impius, dum solum sua industria

# VIR IVSTVS.

*Eno. 1.*  
*Mat. 8.*  
*Eccl. 9.*  
*Mat. 6.*

fidit; dum prudentia carnis utitur; dum  
 Deo non expectat auxilium sibi, mirum in  
 modum grauat. Angitur itaque, ac va-  
 rijs curis premitur impius, dum in operi-  
 bus duris, luti, & lateris, omnique famula-  
 tu in terræ operibus in Aegypto sub crude-  
 lissimo rege opprimitur. Et quamuis sua  
 humana prouidentia, & sollicitudine impius  
 mundum lucraretur, quod ei proderit, cū  
 animæ suæ detrimentum patitur? Viuite  
 igitur læti, & felices iusti, qui dum de cra-  
 stino non estis solliciti, dum curam rerum  
 infimarum Patri vestro relinquitis, vos ip-  
 sos maximis curis liberatis, & in opera præ-  
 clara, & eternæ vitæ digna, dum regnum  
 Dei queritis, toto pectore incumbitis.

*Vir iustus est omni honorum genere  
 dignus. Cap. LIII.*

**Q**uantum pro honore acquirendo, ac  
 retinendo mortales in hac vita labo-  
 rent, qui quotidie non videat, est nemo.  
 Cuius causa, lites excitantur, turbæ eduntur,  
 inimicitia nascuntur, & sæpenumero do-  
 mus, ciuitates, & regna euertuntur. Pluri-  
 mi igitur æstimatur honor, & homines ho-  
 nore digni, magni fiunt: & ideo, qui pluri-  
 bus de causis honorandi sunt, plurimi fieri  
 & ma-

& maximis honoribus affici debent; in quorum numero viros iustos ponendos esse omnino arbitror. Primum, si honor, qui nihil aliud est, quam signum reuerentiæ, quæ cuiuspiam ob cognitam in eo excellentiam exhibetur, vera virtute ornatis, ut sapientes docent, potissime debetur; cur uir iustus, qui omni uirtutum genere est expolitus, ut ex iam dictis constat, omni quoque honorum ratione afficiendus non erit? Deinde, quos nam honoribus prosequuntur homines? nonne eos, quorum præclara & illustria extant facinora? At non uideo, ut, præter dicta, paulo post docebimus, qui pluribus & maioribus rebus fortiter, & sapienter factis eniteat, quam uir iustus; qui tanquam Dux fortissimus de suis potentissimis hostibus, & de seipso amplissimas uictorias refert: qui scientia, & sapientia sua ignaros docet: qui prudentia & consilio, sibi & alijs uidet: qui pudicitia, & moderatione omnes animi cupiditates, frangit, & bene agendi exempla alijs præbet: qui perfecta indutus iustitia Deo, & hominibus, quod debet hilari animo persoluit: qui in omnes homines beneficentiam cumulatissime exercet; cui uirtuti potissimum honor exhiberi solet. Quis ergo non ueneretur eum, qui liberalitate, ij apud homines, pl

*De pacifica  
cap. 11.*

*De pacifica*

ne apud Deum est notus; iustitia conspicuus, prudentia, & sapientia clarus, rebus denique multis fortiter & honeste gestis illustis? Præterea, quos nam homines honorare mundus consuevit, nisi eos, qui aliquo illustri titulo insigniti sunt? qui titulus quo maior est, eo maiore etiam honore hominem dignum reddit. At, quis pluribus, & amplioribus titulis viro iusto est ornatus? cum sit Doctor & sapiens egregius, Dux inuictus, Rex quidam, Dei templi, Spiritus sancti, sacrarium, seruator mundi, eiusdem Monarcha, filius Dei, & tandem, participatione Deus. Ad hæc, quis non honoret eum, quem Deus multum honorat? Honorauit Deus olim antiquos patres viros iustos, Abraham, Iacob, Ioseph, Moysen, Aaron, Gedeonem, Dauidem, Iob, & multos alios, quos recensere longum esset. Honorauit postea, omni honorum genere eam, quæ ob insignes honores, quibus affecta fuit, uere dicere potuit: Beatam me dicent omnes generationes: in cuius honorem ubique locorum, tabulæ, signa, monumenta, aræ, sacella, & templa innumera edificata sunt: quam nemo est, qui non laudet, non celebret, non inuocet, non colat, ac colere debeat. Et quis non honoret eam, quam ita Deus honorauit, ut eam eundem

Luc. 2.

dem Filium habere uoluerit, quem ipse  
 habuit: ita ut eum, quem Deus Filium  
 vocat, ipsa quoque uocare possit: quam,  
 inquam, ita honore affecit, ut ex ea nasci,  
 eique tanquam matri subiectus esse uolue-  
 rit. Honorauit insuper omnes Apostolos,  
 quos regendi potestate, absoluedi, & li-  
 gandi facultate, consecrandi, ui, donauit:  
 quos à piscatu piscium ad piscatum homi-  
 num traduxit: quos principes super omnē  
 terram constituit: quos denique tot super-  
 naturalibus donis muniuit, ut omnia mira-  
 cula, & maiora ijs, quæ Christus fecit, pos-  
 sent efficere. Et ne longius quam uel-  
 lem excurrat oratio, ita Deus, diuos, diuas  
 que omnes honorauit, ut non solum eos in  
 uita summis honoribus affecerit, sed etiam  
 ipsorum corpora, membra, ossa, capillos,  
 pulueres, uestes, & uestium minimas parti-  
 culas, & quæ ista aliqua ratione tetigerūt,  
 post mortem honorari uoluerit: immo, ut  
 quotidie, cernimus, his rebus maxima mi-  
 racula fiunt: ut etiam earum tactu, Dæmo-  
 nes fugentur, & sanctorum pulueribus,  
 is superetur, qui ob suam potentiam, &  
 magnitudinem Deo se æquare ausus fuit.  
 Mirabilis ergo Deus in Sanctis suis: sed mi-  
 rabilior in ipsorum reliquijs. Nam licet  
 Deus sic magnus in magnis, non est tamē

Luc.

10. 20.

Mat. 4

Ps. 44.

10. 14.

Berengol.

parvus in minimis: cui non satis fuit san-  
 ctorum animas in cœlis collocare; sed &  
 eorum reliquias in mundo summopere uo-  
 luit honorare. Et quid nā sunt sanctorum  
 reliquiae? Sunt piorum arma; ciuitatū pro-  
 pugnacula, gentium solatia, perpetua san-  
 ctorum laus, æternæ retributionis signa;  
 resurrectionis pignora, sanctitatis instru-  
 menta, preciosa aromata, pomæ odorifera,  
 & locorum lumina. Et quid efficiunt iusto-  
 rum reliquiae? ægrotos sanant, leprosos mū-  
 dant, cœcos illuminant, surdis auditum re-  
 stituunt, claudos dirigunt, mortuos excitāt,  
 Dæmones tandem fugant. De iniustis uero  
 legimus: Iniusti autem disperibunt: simul  
 reliquiae impiorum interibunt. Mirabilis  
 ergo Deus in sanctis suis: qui in mortuis  
 facit mirabilia: quæ etiam in tenebris co-  
 gnoscuntur: quia uoluit, eos mundum ho-  
 norare, quos aliquando despexerat: eos  
 pro sapientibus habere, quos stultos nomi-  
 nauit: eos complecti, quos tanquam perip-  
 sema cecit: eos reuocare, & quærere mor-  
 tuos, quos uiuos fuerat persecutus: eos in-  
 uocare, & ab eis gratias petere, in quos fuit  
 ingratus. Contemplare quæso, Christiane  
 lector, & mentis oculis æterne, Diuum Fran-  
 ciscum olim à suo parente pulsum, uesti-  
 bus exurum, & à plebe uarijs modis irri-



sum : nunc uero , ( ne de honoribus quib.  
 et dum uixit ab inimicis longeque remo-  
 tissimis nationibus honoratus fuit, dicam )  
 animaduerte, quot templis , quot signis,  
 quot tabulis , quot locis, honoretur, & ad  
 finem mundi usque, ut credere par est, ho-  
 norabitur , & qua ratione Deus sanctos  
 suos honoret , intelliges. Non modo Deus  
 viros iustos honorat ; sed etiam ipsorum  
 honorem , cum sui honoris iactura defen-  
 dit. Nanque cum primus homo honorem ;  
 in quo constitutus fuit, amisset ; pro eore  
 cuperando, Dei filius ; exinanivit semetip-  
 sum , formam serui accepit, & fabri filius ;  
 immo, non homo, sed vermis , non iustus,  
 ut erat, sed iniquus haberi passus est. Ut  
 materno consuleret honori, matrem, virum du-  
 cere voluit. Ioannem plusquam prophetam  
 appellauit : Magdalenam a calumnijs de-  
 fendit : iniurias suis illatas, sibi inferri affir-  
 mauit, cum dixit : Saule Saule, cur me per-  
 sequeris ? Qui vos spernit, me spernit : No-  
 lite tangere Christos meos ; iustos nimirum ;  
 qui sunt gratia Dei inuncti : Qui vos tan-  
 git, pupillam oculi mei tangit . Non solum  
 a Deo , sed etiam ab hominibus uiri iusti  
 honorari solent . Ioseph honoratus fuit a  
 Pharaone, Mardocheus ab Assuero, David  
 ab Achis, Ionathas ab Alexandro, Daniel

Ps. 48.

Mar. 6.

Ps. 21.

Isa 53.

Mar. 15.

Lu. 7.

Mt. 9.

Luc. 10.

Zac. 2.

Gen.

Esther 9.

1 Reg. 29.

1 Mas. 10.

conuiuia Regis Babylonis erat, & honoratus super omnes amicos eius. Quamobrem, cum tot de causis uiri iusti sint honore digni, cum Deus tantum eos honorauerit, ut eis suam deitatem largitus fuerit; omni honore, semper, & ubique ab omnibus afficiantur, omni obseruantia colantur; omni denique reuerentia obseruentur: & ut quisque in eos hæc exerceat officia, diligenter eos inuestiget, & inueniat: ut cum Dauide dicere quisque possit: Mihi autem nimis honorificati sunt amici tui Deus: nimis confortatus est principatus eorum.

*Psal. 138.*

*Vir iustus ob maiestatem, quam præ se fert, est omni reuerentia, & veneratione dignus. Cap. LIII.*

**E**A etiam viri iusti condicio me mirum in modum afficit, ac in magnam admirationem rapit; cum uideo, id uirum iustum uitæ suæ integritate atque iustitia assecutum fuisse, quod homines opibus abundantes, dignitatum gradibus illustres, & potestate armati, sua auctoritate, sua dominandi facultate, suis minis & pœnis, cum id tamen magnopere desiderant, & student, non assequuntur; id nempe, ut ab aliis & maxime ab iis, quibus præsumunt, timeantur

tur, reuerentia quadam colantur, ac in ueneratione habeantur. Hoc igitur honoris genus, quod maximi fieri ab hominibus solet; quoniam nescio quid diuini redoleret, sine ulla arte, sine ulla cura, sine ullis opibus, & uiribus uir iustus adipiscitur. Hoc priuilegio uiros iustos gaudere, quotidiana experientia docet. Etenim, passim videre licet homines fortunæ bonis abundantes, dignitatum splendore illustres, & uiribus potentes uiros bonos timere, reuereri, coram eis nil minus honestum dicere, aut facere audere, ac eis assurgere: istos uero, si facinorosi sint a nemine, nisi fortasse ab improbis ob suspicionem pœnæ timeri; immo potius contemni cernimus. Id, quod hoc loco docemus, nemo est homo, si recte meminerit, qui in seipso aliquando non sit expertus, dum cum aliquo viro iusto, aut uersatus est, aut sermonem habuit: cum quo agens, si omnino improbus non erat, quadam reuerentia, ac timore, afficiebatur. Neque, quod dicimus cuipiam mirum uideri debet; cum uir iustus quodam modo Dei personam referat, & Deus in ipso habitet, & sit quasi numen quoddam. Ideo in sacris literis legimus: & timuit Saul David; eo quod Dominus esset cum eo, & a se recessisset. Sed rem ma-

1. Cor. 3.

1. Reg. 18.

gnam

gnā cōsideratione digna aliis illustremus  
 exemplis. De censoribus apud Romanos,  
 ut hanc ueritatem etiam ethnicorum ge-  
 stis demonstremus, legitur, eos tanta reue-  
 rentia, ac ueneratione fuisse a populo affe-  
 ctos, ut ceteri, coram eis, nihil turpe agere,  
 aut dicere ob opinionem uirtutis, & inte-  
 gritatis uitæ, quam de eis habebant, aude-  
 rent. Ob eandem causam Romani graui  
 pœna puniebant iuuenes, qui cano capiti  
 non assurgerent. Prædones quidam, Scipio-  
 nis Africani maiestatem ita reueriti sunt,  
 ac si numen quoddam spectassent. Sederit  
 te Porcio Catone in theatro, populus ut  
 mime nudarentur postulare erubuit: quo  
 abeunte, (recessit enim ne ludos impedi-  
 ret) Inelorum mos seruatus fuit. Qua re,  
 populus plus maiestati unius Catonis, quā  
 sibi uniuerso se tribuere indicauit, ut meri-  
 to quidam, hoc factum admiratus, scrip-  
 serit. Quibus opibus, quibus imperiis,  
 quibus triumphis hoc datum est, nisi om-  
 nibus numeris perfectæ uirtuti? Philoso-  
 phus quidam interrogatus a suis discipu-  
 lis, qua ratione possent se a peccato absti-  
 nere: respondit: Si existimaueritis me sem-  
 per coram uobis esse: En quantum poterat  
 præiudicata de magistri integritate opinio.  
 Et de muliere quadam impudica legitur,

S. Max.

Greg. Naz.

Syn. 7.

ab

ab ingressu domus impudici iuuenis, a quo  
 vocata fuerat, abstinuisse, quod Palæmonis  
 grauißimi Philosophi signum supra ianua  
 positum conspexerit. Quod si mulier im-  
 pudica, ad libidinem prouocata, philoso-  
 phi signum reuerita est; quantum homi-  
 nes non omnino improbos, eundem uiuū  
 reueritos fuisse censendum est? Possem ex  
 sacris literis, & ecclesiasticis historiis plu-  
 ra ex nostris afferre exempla, quæ breuita-  
 tis studio missa facio: sed, id tantum uni-  
 uerse dixerim, ideo bonos Christianos ho-  
 mines sacros, & religiosos ut plurimum re-  
 uereri solere, quod quandam maiorem de  
 eorum integritate, & iustitia opinionem  
 habent. Immo, non solum homines iusto-  
 rum maiestatem reuerentur, sed etiam bru-  
 ta animalia, & quæ sensu carent eosdem  
 reuerentia affecisse, & eorum præsentia  
 timuisse legimus. Possumus itaque de iu-  
 ris iustis dicere, quod de Iudæorum popu-  
 lo reperimus scriptum: Grâdis enim cun-  
 ctos populos Iudaici nominis terror inua-  
 serat; nullusq; ausus est resistere, eo quod  
 omnes populos magnitudinis eorum for-  
 mido penetrauerat. O magnam iustitiæ, &  
 probitatis uim! o efficaciam! quia, quod  
 opibus, quod honoribus, quod meru, uix  
 impius assequi non potest, ipsa iusto, dum  
 hono-

2liber. 3.9

# VIR IUSTVS.

honore, timore, reuerentia, & ueneratione dignum apud omnes efficit, præstat.

*Vir iustus est omni laude, atque gloria dignus.* Cap. LV.

*Mat. 5.*

*De pacif.  
6. 13.*

**V**bi alicuius hominis per honestas actiones cognita est virtus; eam qui norunt quodam honestatis iure, non modo uirtute ornatum honorare, ac reuereri, sed etiam laudibus celebrare debent: & ut quod uirtuti debent, persoluant, & uirtus laudata crescat, & alij ad uirtutem excitentur, ac tandem, ut Pater, qui est in cælis, laudetur. Est autem nil aliud laus, quam manifestatio uirtutis, & præstatiæ alicuius per uerba, ex uoluntatis studio proficiens. Quo fit, ut semper laus maxime facta fuerit, & præsertim ea, quæ a laudato tribuitur uiro. Siquidem, laudati uiri, uirtutem ipsam, & causas omnes, ob quas quispiam laudandus est, optime norunt: & idcirco in laudando non errant. Cum autem, uiros iustos non modo a laudatis uiris, sed etiam a Deo ipso laudari animaduerto, in eam opinionem deuenio, ut nihil uiris iustis laudabilius esse, putem. Finge aliquam tantum gratiæ apud homines adeptum fuisse, ut ab uniuerso hominum genere, summis laudi-



laudibus celebraretur, immo ab omnibus  
 Angelorum choris, & ordinibus; ut de eo  
 nullus locus, nulla ætas conticesceret: quis  
 tantam gloriâ, tantumq; splendorem nō  
 admiraretur? nemo sane homo. Verum;  
 tota hæc laus, si cum ea, qua Deus viros iu-  
 stos amicos suos laudat, conferatur, mini-  
 ma, uel nulla existimanda erit. Quod autē  
 Deus viros iustos laudet, non uno in loco  
 sacra testantur oracula. De Dauide dixit, *1. Reg.*  
 se inuenisse hominē iuxta cor suum: qui-  
 bus uerbis, si quis ea animo tractaret, ma-  
 ximam quandam contineri laudem facile  
 cognosceret: quæ uerba, de quolibet uiro  
 iusto, dicere Deus posset. Et alibi: Et non  
 fecisti (loquitur cum Ieroboam) sicut ser- *3. Reg. 14.*  
 uus meus Dauid, qui custodiuit mandata  
 mea, & secutus est me in toto corde suo,  
 faciens quod est placitum in conspectu  
 meo. Laudauit etiā Iob coram beatis spi-  
 ritibus, & eius aduersario Satan, cum eum  
 his præclarissimis uerbis descripsit: Nun-  
 quid cōsiderasti seruum meum Iob, quod *Iob. 1.*  
 non sit ei similis in terra, homo simplex,  
 & rectus, ac timens Deum, & recedens a  
 malo? Christus etiam suos laudare solitus  
 fuit: & Ioannem Baptistam summopere  
 commendauit, cum dixit: Inter natos mu-  
 lierum non surrexit maior Ioāne Baptista. *Mat. 11.*

Idem

# VIR IVSTVS.

Idem, sponsi persona indutus, animam iu-  
sti, sponsam suam, summis laudibus pro-  
secutus est; quæ res piorum mentes in ma-  
ximam admirationem adducere deberet:  
quas laudes, paucis hoc loco complectar.  
Statura tua assimilata est palmæ: caput tuum  
ut Carmelus: comæ, ut purpura regis iun-  
cta canalibus: capilli tui, ut greges capra-  
rum: facies tua decora: oculi tui colum-  
barum, & sicut piscinæ in Hesebon: nasus  
tuus, ut turris Libani, quæ respicit contra  
Damascum: genæ tuæ pulchræ, sicut tur-  
ritis; & ut fragmen mali punici: dentes,  
ut tonsarum, quæ ascenderunt de lauacro.  
labia tua, sicut vitta coccinea: eloquium  
tuum dulce: collum tuum sicut turris ebur-  
nea: guttur tuum, sicut vinum optimum:  
vbera tua, ut hinnuli capræ gemelli, &  
pulchriora uino: manus stillant myrrhâ:  
digiti pleni sunt myrrha probatissima: uen-  
ter aceruus tritici uallatus liliis: umbili-  
cus ut crater tornatilis, non indigens po-  
culis: iuncturæ sicut monilia, quæ fabrica-  
ta sunt per manum artificis: gressus pul-  
chri in calceamentis: odor vestimentorum,  
sicut odor thuris: & ne singula confecer,  
pulchram inter mulieres, & totam pulchrâ  
esse affirmat; & tandem exclamat: Quam  
pulchra es, & quam decora carissima in  
deli-

*Cant. 1. 4.*

*6. 7.*

*Cant. 7.*

*Cant. 5.*

*Cant. 7.*

*Cant. 4.*

delicijs. Et, quod est omnino admiratione dignum; Deus, non modo uiros iustos laudat, sed etiam de eis quodam modo gloriatur: vt ex uerbis, quibus laudauit Iob, aperte colligere licet: Nunquid, ait Deus Sathan, *Iob. 1.* consideraſti ſeruum meum Iob, quod non ſit ei ſimilis in terra? &c. Reperies præterea uiros iustos paſſim laudatos fuiſſe in ſcriptura. De Noe legitur: Noe uir iuſtus atque perfectus fuit in generationibus ſuis, cum Deo ambulauit. De Moyſe: Fuit itaque uir magnus ualde in terra Ægypti coram ſeruis Pharaonis, & omni populo: *Gen. 6.* De Saule, dū iuſtus fuit: Electus & bonus, *Exo. 11.* & non erat de filiis Iſrael melior illo. Suis etiā laudibus fortiffima illa mulier Iudith celebrata fuit. Nec Tobias ſilentio inuolutus eſt; ſed maximo encomio, ſicuti etiam Onias celebratus fuit. Poſtremo, ſpiritus diuinus ex profeſſo multorum iuſtorum laudes in Eccleſiaſtico proſecutus eſt; quo etiā ſpiritu excitatus Paulus, epiſtola ad Hebræos multos uiros iuſtos prædicauit. Cur autem iuſti laudandi ſint, quid eſt quod pluribus in præſentiarum probem? Cum in eis omnes uirtutes, quibus laus priuate debetur reperiri, & eos, vt paulo poſt planius exponetur, præclara edere facinora exploratum ſit. Quare, potius dubitandum

est, ne pro dignitate laudentur, quam quod  
 vel non iure, aut plus æquo laudentur, id-  
 quæ ego dubito: Etenim, quamuis omnia,  
 quæ tota hac tractatione dicuntur, ad lau-  
 des iusti referantur, nullo tamen pacto, vel  
 scriptione, vel dictione, uel cogitatione iu-  
 storum laudes me assequi posse fateor: sed  
 id fortasse hoc meo conatu efficiã, vt alijs  
 de laudibus bonorum, ornatius, ac fufius  
 differendi occasionem præbeam. Quare,  
 nemo id sibi arroget, se eos pro dignitate  
 laudare posse, quos, ut censeo, uix Angelo-  
 rum lingua plene laudaret. Itaque, si mi-  
 hi hominem humili loco natum, sordidũ,  
 & abiectum, quem mundus, sæcem, appel-  
 laret, ac proinde pedibus conculcarer, an-  
 te oculos sifteres, de eo si esset in gratia cõ-  
 stitutus, si iustus esset, dicerem: Is, quem  
 nullius esse precij stultus mundus putat,  
 ita excellit, ita præstat, talis, &ac tantus est,  
 vt in eo laudando, in eius dignitate ampli-  
 ficanda, angelica facultas initium inuenire  
 possit, finem vero nequaquam. Etenim, quæ  
 tanta vis ingenij, tanta dicendi copia, tan-  
 tumque eloquentiæ flumen eum pro digni-  
 tate laudet, qui omnibus virtutibus est præ-  
 ditus, qui operationes exercet diuinas; qui  
 tanti a Deo factus est, vt pro ipso Filium su-  
 um dederit, & Filius humanam carnem uo-  
 luerit

luerit assumere, & mori, qui tandem Filius Dei factus, & diuinitate donatus est? *Tamen, ut cunque possumus, una cum Deo, & sanctis viris, viros iustos laudemus: quorum memoria erit cum laudibus: & nomen impiorum putrescet. Quapropter verum est illud, quod in sacris legimus literis: A finibus terræ laudes audiuius, gloriam iusti. Quod si pii homines debitis laudibus ornari non possunt; homines quoque impii pro merito vituperari minime poterunt.* *Eccl. 44. Pro. 10. Isa. 24.*

*Vir iustus fama celebris, atque gloriosus existit.* *Cap. LVI.*

**S**olent ij, qui famæ, & gloriæ desiderio flagrant, quātum per ipsos fieri potest, id vehementer curare, ut suum ipsorum nomen ad externas, longeque remotas nationes penetret, & apud omnem posteritatem viuat: & ideo nihil non agūt, ut, quod summopere desiderant, assequantur. Quare tabulis, signis, literis, alijsque monumētis, suam famam, ac memoriam immortalem reddere contendunt: ut hac ratione apud posteros æterna recordatione uigēat. Cæteri uero, qui hoc famæ, & gloriæ splendore istos illustres esse uident, per beatos

- eos uocāt, & tantā eis felicitatem inuident.  
*Ps. 9.* Verū, totus hic humanus rumor, tota hæc  
 gloria, uel gloriæ umbra, una cum ipsis sta-  
 tim euanescent. *Gloria qd.* Quare, solū iuri iusti hoc  
 tam magno potiuntur bono; cum ipsorum  
 clara notitia; cum laude per uaria tempo-  
 ra, & loca sit diffusa; & quæ de ipsorum  
 probitate habetur opinio, diuersis sit mani-  
 festata signis. *Laus qd.* Nanque, ut diuinus cecinit  
 uates, in memoria æterna erit iustus, ab au-  
 ditione mala non timebit: quia nemo, qui  
 buscunque cum prosequatur maledictis,  
 ipsius unquam infuscabit nomen. De quo  
 uate, cum uir iustus esset, legimus. *Ps. 121.* Diuulga-  
 rumque est nomen Dauid in uniuersis re-  
 gionibus, & Dominus dedit pauorem eius  
 super omnes gentes. Et mulier illa, quæ cō-  
 fusionē fecit in domo Regis Nabuchodo-  
 nosor, quantam gloriam apud omnes po-  
 steros adepta est? de qua totus populus u-  
 na uoce dixit: Tu gloria Ierusalem: tu læti-  
 tia Israel: tu honorificentia populi nostri:  
 quia fecisti uiriliter, & confortatum est cor  
 tuum, &c. *Judith 15.* Quæ mulier fuit figura alterius  
 mulieris, Beatissimæ nimirum Virginis, cu-  
 ius fama ad omnes promanauit nationes,  
 quæ eam beatam dicunt, cuius nullo tem-  
 pore emoriatur gloria. Et qui fieri potest,  
 ut memoria iusti pereat, cum eius fama, &  
 gloria



gloria in Dei memoria conseruetur æterna? & a uera oriantur uirtute, quæ cadere minime potest? Quid memorem famam, & gloriam, quam Tobias cum tota sua cognatione est adeptus? De quo legitur: Omnis autem cognatio eius, & omnis generatio eius in uita bonâ, & in sancta conuersatione permanfit; ita ut accepti essent, tam Deo, quam hominibus, & cunctis habitantibus in terra. Quid de Iosue dicam cuius nomen uulgatum fuit in omni terra? Quid de omnibus Apostolis, quorum sonus in omnem terram exiuit? Omnes, ut breui dicam, iusti in generationibus gentis suæ gloriam adepti sunt, & in diebus suis habentur in laudibus. Corpora ipsorum in pace sepulta sunt, & nomen eorum uiuit in generatione, & generationem. Sapientiam ipsorum narrent populi, & laudem eorum nunciet Ecclesia. Sed, ut quanta sit iustorum laus, & gloria facilius percipi possit, conferamus gloriosum quendam Imperatorem, cum uno uiro iusto, Cæsaris nomen, cum Diui Francisci gloria. Ille, nunc uix notus est; hic ualde celebris, & famosus: ille in quibusdam locis, & a quibusdam cognitus; hic in regnis, in ciuitatibus, in oppidis, in uillis, in singulis familijs, etiâ in ijs mundi partibus, ad quas nunquam Cæsa-

*Ps. 115.**Tob. 14.**Ios. 6.**Ecc. 44.*

ris penetrauit fama clarus. Vbi nunc sunt  
 Cæsaris tabulæ? ubi signa? ubi trophæa?  
 Omnia rerum edax consumpsit tempus: ut  
 non sit uerum illud, quod de Cæsaris glo-  
 ria quidam dixit: Cuius laudes nulla dele-  
 bit obliuio. At uero, iam per tot annos ubi  
 non fuerunt, & nunc non sunt, & post hac  
 ad finem mundi, usque, ut credere par est,  
 non erunt tabulæ, simulacra, aræ, ædes, &  
 ingentia, ornatissimaque ædificia in gloriâ  
 Diui Francisci extructa? Vbi terrarum nō  
 reperies Diuum Franciscum pictum, scul-  
 ptum, & uarijs monumentis ornatum?  
 Cuius sane gloriam nulla unquam delebit  
 obliuio. Cæsarem uiuentem milites secu-  
 ti sunt: Franciscum non modo uiuum, sed  
 etiam mortuū uiri nobiles, primarij, prin-  
 cipes, duces, & reges, eum amando, laudan-  
 do, honorando, colendo, sectantur. At pu-  
 det me uirum iustum cum Cæsare compa-  
 rare. Finge, si uis amplius iustorum gloriâ,  
 & famam intelligere, te uidere Petrum pau-  
 perem, ignobilem, abiectum, & omnino  
 ignotum, piscatu sibi uictum querentem:  
 eundem postea cerne Apostolum, & Apo-  
 stolorum principem, reipublicæ christia-  
 næ caput, Christi uicarium, & totius Eccle-  
 siæ summum, & uniuersalem pastorem. Idē  
 de Maria semper uirgine cogita. Contem-  
 plare

plare prius puellam, pauperem, & incognitam: uide postea eandem, tot titulis illustratam, tot monumentis exornatam, tot insignibus insignitam, & supra Angelorū Choros euectam. Et ne longum faciam, idē de alijs innumeris iustis cogitare poteris. Quod si in omnibus tantam famam, gloriamque externam non reperiēs; remoue mentis oculos ab hac rerum caligine, atq; eos ad eam famam, & gloriam conuerte, qua, quiuis iustus apud Deum gloriosus existit: quæ fama, quæ gloria pluris faciēda est, quam quidquid potest esse nominis, gloriæ, & splendoris in hac mortali uita. Quandoquidem tantī faciēda est, ut huic gloriæ tribuenda sint omnia, quæ dicuntur; & fiunt in omnium iustorum gloria: cum hæc notitia, & gloria sit origo, *D. Thom. p. 2. q. 2.* & fons omnium perfectionum, quæ in quouis reperiuntur iusto. Erit igitur uiri iusti memoria perpetua. At impiorum gloria *Iac. 1.* est ueluti quidam uapor, qui statim euanescit, & ueluti flos, qui cito arefcit, & decidit. Clama igitur ait scriptura: & quid? Omnis caro fœnum, & omnis gloria eius quasi flos agri: exiccatum est fœnum, & cecidit flos agri: exiccatum est fœnum, & cecidit flos, quia spiritus Domini sufflauit in eo. *Ps. 36.* Vidi, inquit psalmographus, impiū su-

*Iob. 18.**Gen. 18.**Isa. 3.**Iob. 34.**Luc. 8.*

perexaltatum, & eleuatum sicut cedros Libani, & transiui, & ecce non erat: quæsiui eum, & non est inuentus locus eius. Nonne lux impij extinguetur, nec splendet flamma ignis eius? Lux obtenebretur in tabernaculo eius, & lucerna, quæ super eum est extinguetur. Memoria illius pereat de terra, & non celebretur nomen eius in plateis. Expellet eum de luce in tenebras, & de orbe transferet eum. Impij igitur cōtra omnem naturæ propensionem, dum peruerse agunt, suæ famæ, & gloriæ non consulunt: se ipsos uituperant; sua pudenda ostendunt: dum ueluti sodomitæ publice peccant, & quasi aquam, peccatum bibūt; & lætantur cum male fecerint, & de sua ignominia, & infamia gloriāntur; dum sua peccata, cum quadam ostentatione coram alijs recensent. At uero iusti, dum famam & gloriam fugiunt, gloria & fama eos sequuntur, ueluti umbra corpus, & quasi crocodilus, qui se fugientes sequitur, & sequentes fugit. Iusti, dum se humiliant, à Deo exaltantur: dum se occultant, à Deo in claram lucem educuntur: dum bene agunt, licet gloriam propositam non habeant, gloriæ suæ maxime consulunt: dum denique solam Dei gloriā quærunt, Deus illos summopere glorificat. Sed quoniam

plura

plura de iustorum gloria inferius dicemus, hæc in præsentia dixisse sufficiat.

*A magnitudine rerum gestarum, dum demonstratur quantus sit, etiam minimi operis viri iusti, ualor. Cap. LVII.*

**C**VM honor, laus, fama, & gloria tribuantur ijs, qui rebus præclare gestis, & operibus illustribus enitent; placet ad confirmanda ea, quæ de honore & gloria iustorum dicta sunt, quantum, vel minimum huius viri opus valeat, paucis exponere: ex quo aperte intelligetur, cur quæ dixi omnia, viro iusto, quasi suæ virtutis præmia, iuste tribuantur. Laude igitur, & gloria ij censentur digni, qui multas res fortiter, ac sapienter gesserunt; qui summos census, amplissimos titulos, præcipuos dignitatis gradus, suis laboribus suæque sapientia sibi acquisiuerunt: & denique, qui rerum bene gestarum. exempla posteris reliquerunt. Et ideo Alexandri, Annibales, Marcellis, Crassus, Pompei, & Cæsares gloria celebres fuere; quorum tamen opes iam euenerunt, monumenta non amplius extant, nomen uix remanet. At vero vir iustus non terrenas opes, non vanos honores, non la bentia regna rebus a

# VIR IUSTVS.

rebus a se constāter, ac religiose gestis, sed æternas diuitias, diuinos honores, gloriam eam, quam nulla vnquam absumeret, vel obscurabit ætas, acquirit. Et totus hic honor, tota hæc gloria, totum hoc præmiū, ex vi atque pondere, meritoque suorum operum ipsi debetur. Itaque, si quispiā vellet, pro ope vel minimo, quidquid est diuitiarum, honorum, dignitatum, & præmiorum in hoc mundo viro iusto retribuere, ei pro dignitate minime satisfaceret. Non secus ac si Duci pro innumeris laboribus, & partis uictoriis, numulum Imperator daret. Etenim, quid valet totus hic mundus, comparatus cum minimo gradu gratiæ, & gloriæ, quæ vel vna operatione vir

3. Cor. 4. iustus sibi acquirit? Hanc operum viri iusti uim, & efficaciam Paulus apostolus exprimere conatus est, cum dixit, opus ex iustitia factū, æternum gloriæ pondus operari. Pondera hæc verba, & quid ponderis viri iusti opera habeant, melius intelliges. Gloriæ, æternæ, pondus, operatur. Ac si diceres, ingentem quandam felicitatem, & bonorum omnium cumulum, nunquam cessaturum bene agendo vir iustus promeretur: quæ bona, ex ui operum ipsi debentur. Hanc bonorum operum mercedem, & hoc præmium, alibi idem apostolus

lus

3. Cor. 4.

2. Zini. 4.



lus, coronam iustitiæ, nominauit, quam reddet Dominus in illa die iustus iudex. Ex quibus verbis, quæ sunt omni confidèratione digna, clare cognoscitur, illū bonorum cumulum, & illa præmia, ex iustitia, vere operibus deberi iustis: quia, ea coronam iustitiæ vocat; quam reddet iustus iudex. Ex iustitia igitur, ex merito, & ex cōdigno. Quid itaque iustis efficit, cum aliquid boni agit? supernaturale & diuinum opus operatur. Et quibus nam hoc opus gratum, carumque existit? beatis spiritibus, & sanctissimæ Trinitati, quæ eum bene agentem spectat, & cum delectatione obse ruat, vt ei digna præmia persoluat. Et quod nam bonum vir iustus sua operatione promeretur? tale bonum, cuiusmodi nec oculus unquā vidit, nec auris audiuit, aut humana mens excogitauit, aut excogitare potest; id videlicet in quo æterna beatitudo posita est. Et quid est beatitudo? Status omnium bonorum aggregatione perfectus. Non ergo, vnum vel alterum bonum; non has, vel illas diuitias; non hunc, vel illum honorem; non has, vel illas delectationes, non hoc, vel illud regnū, vir iustus bene agendo acquirit; sed diuitias omnes, honores omnes, gaudia, & regna omnia. Et quamdiu duraturus est hic status

*Isa 64.  
1. Cor. 2.*

# VIR IUSTVS.

status? in perpetuum. Perpende, amice lector, omnia bona; perpende statum perfectum: perpende eternitatem: et tunc quam tam vim, & quantam efficientiam, viri iusti opera habeant aliqua ex parte cognosces; & eis, omnem honorem, omnem laudem, omnem gloriam iure deberi intelliges. Animaduerte obsecro: Cedo mihi egregium quendam Imperatorem, non Alexandrum, non Anibalem, non Pompeium, non Cæsarem, sed alium quempiam, qui plura & maiora ediderit facinora: immo confer in hunc unum omnia illustra, & egregia, quæ cēsentur facta ab omnibus hominibus totius mūdi, q̄ si ex iustitia nō fluxerunt, non sunt ita præclara & illustra, ut est unum, uel minimum iusti opus, ex iustitia factum, & tantum illa omnia, ab hoc uno distant, ut illa nullius, hoc infiniti ualoris esse existimandum sit. Quoniā,

*Isaia 41.*

ut ea docet scriptura, quæ mentiri non potest, impiorum vana sunt opera: at uero uiri iusti opus æternum gloriæ pondus operatur. Et, ut paucis multa complectar, omnes uiri iusti operationes, & uita omnis miraculosa existit. Quare, sicuti non potest cogitatione percipi, quid sit æterna uita; ita non potest cognosci, quanti ualoris, quantæq; dignitatis, sit opus illud, quod

æter-

æternam gloriam, iure promeretur. Viri itaque iusti opus maximi est ponderis, efficitque maxima. Siquidem, culpam delet, debita persoluit, portas inferni claudit, paradisi ianuam aperit, cœlis uim infert, uirtutes auget, beatos lætificat, amicitiam Dei conciliat, & denique, ut cum Aposto- 2. Cor. 4.  
lo breui complectar omnia, æternum gloriae pondus operatur. Bonorum igitur la- Sap. 3.  
borum gloriosus est fructus. At vero impiorum labores, sunt sine fructu, & inutilia opera eorum. Ut merito in sacris literis, labor, dolor, uanitas, afflictio, contritio, infelicitas, uastitas, inquietudo, & uiæ difficiles, nominentur. Opus ergo iusti ad Prou. 10.  
vitam, fructus autem impiorum ad præmium.

*Ad recta, altaque statura, ac præstanti  
figura. Cap. LVIII.*

**N**ihil est, quod aliqua ratione ad homines pertineat, ex quo laudem non De Int. lib. cap. 33.  
quærant, ac ob id ab omnibus laudari non sint. Inter alia autem, sunt corporis bonæ, quæ cum sint nature dona, nullâ ex se laudem hominibus deberent afferre. Verum tanta est hominum leuitas, ut ob bonam corporis constitutionem, & elegantem staturam

turam, pulchramque figuram, non parum  
 gloriantur, ac etiam ab alijs laudentur. Pro  
 pterea solēt quadam summa sollicitudine,  
 & affectata cura capillos tingere, cutem per  
 polire, nitorem cōseruare, & fucis augere,  
 & ne corpus inflectatur, recti incedere: &  
 si fortasse breue fuerit, illud ( o rem ridicu  
 lam ) altius, subiecto altiore ligno, effice  
 re conantur: cum tamen, ut Christus do  
 cuit, tāta sit, humana imbecillitas, ut nec di  
 gitum stature addere, nec capillum albedi  
 ne efficere possit. Gloriaris, o humana uani  
 tas, de alta statura: sed cum hęc gloria non  
 sit tua, eam ligno, uel crepidis redde. Glo  
 riaris de flauo crispateque capillo; Sed glo  
 ria hęc, coloribus & calami stro restituen  
 da est. Gloriaris de pictis genis: Fucata est  
 gloria, & fucō unde sumitur te eam red  
 dere oportet. Fecit quidem Deus, tanquam  
 optimus artifex hominem altum, & rectū,  
 altitudine & rectitudine corporis, & animi  
 propositi, & operis, sed de rectitudine, &  
 altitudine, recta animi constitutione nos  
 priuāte, hoc loco, uerba facturi, & ab ea, ho  
 minem iustum laudaturi sumus. Hominis  
 ergo rectitudo, & statura, est eclutū statu  
 ra palmæ; quā, eo maior & firmior existit,  
 quo altius crescit, & nullo finit se ponde  
 re flecti. Nanque, quo quis in iustitia maio

Luc. 13.

Zec. 7.

res facit progressus, eo solidior, & firmior  
 euadit. Hanc rectitudinem cum David ob *Cant. 7.*  
 peccatum, a quo deflexus fuerat, se amisit-  
 se sentiret, a Deo huius rectitudinis aucto- *Psal. 50.*  
 re repetebat, cum dixit: Spiritum rectum  
 innoua in uisceribus meis. Hanc eandem  
 rectitudinem primus homo, quem Deus  
 rectissimum formauit, ita ut ad cœlos ocu- *Gen. 2.*  
 los conuertere, & celestia diuinaque specta  
 re posset, amisit; cum ad terrarum pomum  
 manus porrexerat: quo facto, totam naturam  
 humanam deflexit, & incuruauit. Propte- *Gen. 3.*  
 rea legimus sensus, & cogitatio humani  
 cordis in malum prona sunt ab adolescen-  
 tia sua: Ad hanc rectitudinem instauran-  
 dam, Filius Dei se deflexit, & naturam hu-  
 manam sibi ipsi uniuit, ut ab eodem, a quo  
 recta creata fuerat, ad rectitudinem redige-  
 retur pristina. Placet itaque Deo, qui rectif-  
 simus est, hæc animi rectitudo, & qui ea *Ps. 91.*  
 ornati sunt, recti: & proinde legimus: *Ps. 72.*  
 Quam bonus Deus his, qui recto sunt *Ps. 114.*  
 corde; lux orta est iusto. & rectis corde *96. 111.*  
 lætitia: Exortum est in tenebris lumen  
 rectis: Generatio rectorum benedicetur.  
 Viro ergo iusto, tanquam homini recto, ob  
 suam rectitudinem, rectamque staturam  
 sua debetur laus: cū sit procerus, rectus,  
 elegans, integer, & omni ex parte perfe-  
 ctus:

# VIR IUSTVS.

*Job. 1.* Deus: cum nulla curuitate, nulla distortio-  
 ne, membrorumque prauitate, vitioſe la-  
 bore: cuius ſpiritualia membra concinne  
 compacta, & ſuis locis collocata, atque  
 ſuaui roſeoque colore ſunt tinſta. Hanc ſta-  
 turam, & rectitudinem laudabat ſponſus  
*1. Reg. 16.* in ſponſa: & hanc reſpicit Deus, eaſque de-  
 lectatur: non autem eam, quę in corpore  
*Cant. 7.* cernitur. Ideo dixit Samueli, quem ad ui-  
 rum iuſtum, & rectum in regem inungen-  
 dum mittebat: Non reſpicias vultū eius,  
 neque altitudinem ſtaturę eius: quoniam  
 abieci eum, nec iuxta intuitum hominis  
 ego iudico. Homo enim uidet ea, quę pa-  
 tent: Deus autem intuetur cor. Eſt vir iu-  
 ſtus rectus, quia iuſtitia ipſa rectitudo quę  
 dam eſt: eſt vir iuſtus rectus, quia recedit  
*Prou. 3.* a malo, & per viam rectam incedens, bonū  
 operatur: eſt vir iuſtus rectus, quia ad ter-  
*Pſalm.* ram non flectit ſe, ſed oculos, & vultum in  
 cælum tollit: eſt vir iuſtus rectus, quia a  
 nulla lege diuina, uel humana recedit, nec  
*Prou. 4.* declinat ad dexteram, uel ſiniſtram, ſed via  
 vitur, qua recta ad cælum tenditur, nec ſe  
 immiſcet quæſtionib. multis: eſt uir iuſtus  
 rectus, quia omnia dirigit in Deum, om-  
 nia recta intentione facit, & veluti erecta  
 palma, nulla re graui ſe deprimi ſinit, &  
 quotidie magis, magisque firmus euadit.

Quæ



que rectitudo, si oculis cerneretur, mirū in modum delectatione afficeret. Eiusdē hominis figura, ut de ea quoque aliquid dicamus, est rotunda, siue teres, & perpolitā; globosa inquam, & perfecte rotundata. ideo, quidam, uirum bonum, per hanc figuram, quæ est omnium perfectissima, describentes, dixerunt; Totus est teres, atque rotundus: nulla uidelicet asperitate iniquus. Quo fit, ut quam minime potest, mundo hæreat, sed totus sit sibi unitus atque in se collectus, & ueluti globus, a rebus terrenis segregatus. Etenim manus Dei fecerunt eū, *Iob. 30.* & plasinauerunt eum torum in circuitu. At impius peccando, a recta constitutione recedit, se se inflectit, & iniquum, ac incōcinnum reddit. Est itaque claudus, gibber, plancus, labeo, balbus, lusciosus; & ulceribus, uermibusq; undiq; scatet; atq; ex omni parte sordes fundit; cuius nulla pars alteri cohæret: & denique, a planta pedis usque ad uerticem capitis non est in eo sanitas: ita ut si seipsum uideret, seipsum fugeret, sibi que ipsi odio esset. *Is. 58.*

*A supernaturali pulchritudine.*

*Cap. LIX.*

**V**T ex recta membrorum corporis cōstitutione, & ex quadam colorum suauitate,

Q

*De inter.  
homine ca.  
38.*

*Deer.*

uitate, pulchritudo corporalis confurgit;  
ita, ex concinnitate partium animi, quæ ex  
concurſu, & efficientia uirtutum omnium  
oritur, ſpiritualis naſcitur decor: qui ſi ocu-  
lis cerneretur, mirifice nos amore inflam-  
maret. Hanc uiri ſapientes pulchritudinẽ  
laudauerunt, hanc amandam, & excolendam  
eſſe dixerunt, hanc petebat ille, qui hunc in  
modum orabat: O numen da, obſecro, ut  
intus pulcher ſiam. Quare, ſi corporis ſpe-  
cies, quæ cum animi pulchritudine compa-  
rata, nihil eſt, & ab ijs, qui ea ſunt orna-  
ti tantum ſit, ut in ea conſeruanda, & augenda  
totos ipſos dies conſumant, & ab alijs, qui  
ea capiuntur, tantum laudatur; quanti fieri,  
& quantum laudari animi pulchritudo,  
quæ in ſolis reperitur iuſtis, debet? Etenim  
ſi quæ exiſtat fœmina, quæ uulgo pulchri-  
tudinis fama nota ſit, eam huius ſæculi ho-  
mines hymnis, odis, epigrammatis, inte-  
grisque uoluminibus laudant, & tabulis pi-  
ctam circumferunt, & uelut quoddam nu-  
men adorant: & interdum, ita perditæ amant,  
ut nimio amore inſaniant, ſequæ ipſos peri-  
mant. Et tamen, hæc extrinſeca corporis  
ſpecies, et ſi quidquid vnquam fuit uenu-  
ſtatis in mundo, in unam conferres, & cum  
minima uenustate animæ iuſtæ comparā-  
res, eſſet umbra quædam. Siquidem, quid  
habet

habet caro cum anima? quid color in cute,  
 cum virtutibus? quem colorem, non modo  
 ægritudo, & ætas, sed & levis timor delere  
 potest. Quid igitur corporis decor, cum  
 animi formositate habebit? Quare, meri-  
 to a sapientibus ista corporis forma, ob  
 ea, quæ solet parere incommoda, parum  
 probata, & parui facta; immo apud eisdẽ  
 semper suspecta fuit. Si ergo tanta laude,  
 tanto honore, tot encomijs ornari solet in-  
 iusta interdum fœmina, ob eum pulchritu-  
 dinis florem, qui statim deflorescet, & mar-  
 cescet, ob eam speciem, quàm ex se non  
 acquisivit, sed a natura accepit; ob eam in-  
 quam rem, quæ sæpe maximorum malo-  
 rum causa exitit; quibus laudibus exor-  
 nanda erit anima iusti, ob eam formam,  
 quæ, si quis velit, nunquam delebitur, quæ  
 oïum bonorum est origo, quam & ipsa per  
 se acquisivit, & ipsum pulchrum ei dona-  
 vit, qua, ita eam excoluit, & expoliuit, ut  
 sibi similem reddiderit, eiq; dicere potue-  
 rit: Tota pulchra es amica mea. Pulchrum  
 est corpus animæ hospitium; sed longe pul-  
 chrior debet esse hospes. Pulchram do-  
 mum Deus paravit animo; sed multo pul-  
 chriorem fecisse inquilinum censendum  
 est. Deus, est ipsum pulchrum: anima iu-  
 sta est ipsius pulchri similitudo: cogita quã

# VIR IVSTVS.

*1. Ioan.*

*Gen. 1.*

*Ex. 16.*

*Gen. 1.*

*Ps. 103.*

*A. 411*

ta sit per se pulchri, species, & quantus sit animæ ipsius pulchri similis decor, aliqua ex parte intelliges. Et cum hæc pulchritudo potissimum nascatur ex caritate, per quam anima iusta est in Deo pulchro, & pulcher Deus in ipsa, quam pulchra erit, quæ est in ipso pulchro, & ipsum pulchrû in ipsa? Quare, merito sponsus hanc animam pulchram inter mulieres appellauit: & Deus per Ezechielem dixit: Decora facta es uehemēter nimis: Item, perfecta eras in decore meo, quē posueram super te. Hęc pulchritudo, in eo speciatim corporis pulchritudinem superat, quod non modo, ut illa, ætate non decreuit, sed quotidie, magis magisque augetur; dum anima iusta cū ipso pulchro tractat, uersatur, loquitur, & unitur: ut sit magis pulchra uesper, quam erat mane. Hic est decor ille, per quem anima est Dei similis: hęc est pulchritudo illa, per quā anima est deiformis: hoc est illud spiraculum uitæ, quod Deus in Adam inspirauit: hic est ille spiritus, quem Deus emittens, recreat omnia, & innouat faciem terræ. Cur igitur non erit pulchra ea anima, quæ supernaturalem pulchritudinem a summo pulchro accipit, & cum summo pulchro est coniuncta? quam ipsum pulchrum quotidie pulchriorem reddit? Ita-  
que,

que, cum non solū hęc anima seipsam quotidie bene agendo, ueluti Iudith exornet, sed etiam Deus eam decoret, eique splendorem cōferat, multo pulcherrima procul dubio erit. Cui etiam, inquit scriptura de Iudith, Dominus contulit splendore: quoniam omnis ista compositio, non ex libidine, sed ex uirtute pendeat: Et ideo Dominus hanc in illa pulchritudinem ampliavit, ut in comparabili decore omnium oculis appareret. Quod si Deus tantum corporis pulchritudinem in illa sancta fœmina ad decipiendos & vincendos hostes corporales auxit; quantum eundem Deum animæ pulchritudinem, modo ipsa una cum Deo se exornare studeat, ad uincendos spirituales hostes augere existimandum est? Pulchri flores, pulchræ arbores, pulchra prata, pulcherrima sidera: at uiri iusti anima multo pulcherrima: cum sit floribus uirtutum ornata, supernaturalibus coloribus picta, & diuino splendore illustrata. Tanta denique est hęc pulchritudo, ut Rex, Deus uidelicet, & pulchrum ipsum, eam (o rem admiratione dignam!) concupiscat, ab eaque capiatur: scriptura id docet. Audi filia, & uide, & inclina aurem tuam; & obliuiscere populum tuum, & domum patris tui: & concupiscet rex decorē

tum. Profer nūc mihi ſœminam pulcher  
 rimam, Helenam, aut uenerem aliquā, in  
 qua formanda, & pingenda omnes uires  
 natura & ars poſuerint, quæ tamen iuſti-  
 tia careat. Et ego tibi proferam uetulam ali-  
 quam, ætate conſectam, & detritam, rugis  
 deformatam, & ut uno uerbo dicā, Æthyō-  
 pia oriundam, ſed iuſtam, & gratia ornātā.  
 Cōferamus nunc inter ſe ambas hæce mu-  
 lieres, & uideamus, utra ſit ſpecioſior, &  
 pulchritudine admirabilior, ac proinde  
 laudibus dignior: quod facile intelligetur,  
 ſi unius pulchritudo, cum alterius forma  
 cōparabitur. Illa pulchritudo eſt in carne,  
 hæc in anima: illa à natura naturaliter; hæc  
 ab auctore naturæ ſupranaturaliter: illa ſi-  
 ne uirtute & labore habetur; hæc non ſi-  
 ne uirtute, & labore acquiritur: illa corru-  
 ptibilis, & momentanea; hæc ex ſe incorru-  
 ptibilis, & perpetua: illa ſepe peccandi oc-  
 caſionem præbet: hæc a peccato præſeruat,  
 & ad bene agendum iuuat: illa eſt quedam  
 umbra pulchritudinis: hæc eſt pulchritu-  
 do uera: illa homines delectat, & capit; hæc  
 etiam ipſum Deū afficit. Quare, ut quidā,  
 & recte quidem, ſcripſerunt, Deus animæ  
 iuſtę pulchritudinem latere uoluit; ne tan-  
 ta formoſitate homo captus, ſuperbia, ut  
 Lucifer fecit, peccaret. Licet ergo interdū,



sol iustum decoloreret : tamen intus semper est formosus. Iniustus uero quamuis exterius niteſcat; intus tamē sordet. Et ideo de anima iusta dicitur : Tota pulchra es amica mea : at de iniusta : Denigrata est super carbones facies eius ; & non est cognita in plateis . Et quid est aliud illa pulchritudo, quæ in corpore peccato subiecto cernitur, si quid facienda est, quam circulus aureus in naribus suis ? Laudemus ergo , ac amemus pulchritudinem eam, quam Deus laudat, & uehementer amat : & cum animam iustam cognouerimus , ei dicamus : Tota pulchra es amica mea.

Can. 4.  
Thy. 4.

Pro. 11.

Can. 4.

*A vestimentorum spiritualium pulchritudine* Cap. Lx.

**N**on mediocrem laudem indumentorum precio, ac splendore, vani homines sibi acquirere posse putant, ac acquirere student; dum magna cura, magnoque studio preciosis vestibus, ac uariis ornamentis alios superare cōtendunt. Quantum uero in hoc genere uanitatis sit, non est huius loci latius exponere. Hoc unum ergo affirmabo, atque contendam, uiri iusti uestimenta multo preciosiora, & ornatiora esse, quā cuiusuis impij ornatissimas & elaboratissi-

221  
 mas uestes; immo, impiorum vestes nullius  
 esse precij; iustorum uero, maximi: nec de  
 extrinsecis uestimentis, me sermonem ha-  
 bere existimes uelim. Nam, si externas ho-  
 minis uestes spectes; quid quæso præclari  
 habent, unde homines gloriari possint?  
 cum quidquid in eis reperitur, uel naturæ,  
 uel artis sit. Siquidem, totum quod in eis  
 222  
 est, uel ab animalibus sumitur, uel ab arte  
 additur: ut, si quæ laus ex uestibus nascitur,  
 partim naturæ, partim arti tribuenda sit. Is  
 qui uestimentorum splendore gloriatur, ui-  
 deat obsecro; an dum uestibus est exutus,  
 aliqua ratione, ob eas gloriari possit, aut  
 aliquid ab eis capiat: nihil profecto: Sicuti  
 non poterat, cum lana erat in pecude, & se-  
 ricum in bombyce. Deinde, perpēdat, quid  
 sibi addatur cum vestes propius accedunt,  
 & corpus contingunt, & intelliget, se ni-  
 hil de nouo acquirere: cum is prorsus sit,  
 iam uestibus indutus, ac prius erat. Mit-  
 tamus igitur externa uestimenta, & conside-  
 remus interna; ac de uestimentis impiorū  
 prius uerba faciamus. Impius, in primis, in  
 223  
 conspectu Dei, & Angelorum, cum iustitia  
 exutus sit, nudus apparet; & omnia sua pu-  
 denda ostendit: & ideo si seipsum cerne-  
 ret, suimet mirum in modum puderet; &  
 se omnino miserum, ac infelicem appella-  
 ret.

ret. Hoc, cum intelligeret David, beatos nominavit eos (eo modo, quo patres intelligunt) quorum tecta sunt peccata. Deinde, si quid uestimenti habet, id est imperfectū & fragile. Etenim impius, folijs ficus, hoc est peccatorum excusationibus, quæ facile franguntur tegere se conatur. Præterea, impij indumentum, est tunica pellicea, quæ ueluti pecus, uestitus incedit. Habet etiam nescio quæ uestimenta, sed sordida, lacerata, pannosa, dissuta, & vetustate corrosa; opera videlicet quædam imperfecta, quæ nudū corpus cooperire nō queunt: q̄ coram Deo sunt ueluti pānus mēstruatæ. At uero, uir iustus, p̄ciosissimis uestibus est indutus, & omni ex parte exornatus: tunica nempe lineæ puritatis, torace fortitudinis, ueste nuptiali caritatis, stola innocentia, femoralibus continentia, cingulo iustitiæ, calceis humilitatis, pallio diuini timoris, talari tunica perfectionis, & denique polymita ueste iustitiæ & uirtutum omnium. Cedo mihi rusticum quendam laceris, & sordidis, crassisque uestibus indutum, iustum tamen, & uestibus spiritualibus tectum; is, in quem uix oculos conuerteres, coram Deo, & Angelis speciosissimus, & ornatissimus apparebit, & eos ad amorem sui, suo decore, & uestimentorum splendore, uestitu, inquam,

Ps. 11.

Isa. 11.

Ecc. 27.

Ps. 44.

Mat. 6.

Isa. 61.

caritate deaurato, & uirtutum uarietate exornato, excitabit: Quoniam multo ornatio-  
rior is est, quam non fuit Salomō, quando  
omni gloria sua erat circumdatus. At uero,  
si impium, auro, ostro, & preciosissimis gē-  
mis ornatum proferas; is Deo, & Angelis  
ita turpis, & sordidus uidebitur, ut ab eo  
oculos omnino sint auersuri. Quamobrē,  
cum uir iustus preciosis & splendidis ue-  
stimētis decoratus sit, iure gloriari, ac gau-  
dere, dicereque potest: Gaudens gaudebo  
in Domino, & exultabit anima mea in Deo  
meo: quia induit me uestimentis salutis:  
& indumento iustitiæ circumdedit me: qua-  
si sponsum decoratum corona, & quasi  
sponsam ornatam monilibus suis.

*Iustitia, magis quam omnia dona gratis data,  
hominem perfectum, ac maioribus  
laudibus dignum reddit.*

Cap. LXI.

**D**iuinam bonitatem decebat, ut homi-  
nem, quem ad ostendendas diuitias  
gloriæ suæ creauerat, uariis donis, & do-  
tibus ornaret, ac illustrem redderet. Inter  
alia autem dona homini a Deo concessa,  
sunt ea, quas gratias gratis datas, sacri scri-  
ptores appellant: quæ sunt: Fides, scien-  
tia

tia, sapientia, prophetia, miraculorum facultas, gratia sanitatis, discretio spirituum, 1. Cor. 12.  
 donum linguarum, interpretatio sermonum: quæ dona in utilitatem aliorum, ad ædificandam Ecclesiam potissimum data fuere. Finge nunc esse quempiam omnibus his donis summopere ornatum; ita ut omnes, in omni facultate scriptos libros interpretari sciat: ut Aristotelis, Galeni, Euclidis, Ptolomæi, & denique omnium scriptorum, tum humanorum, tum diuinorum sensa, statim, sine ullo studio optime explanet: qui noscat omnem linguarum varietatem, ut omnibus linguis loqui, et omne sermonum genus, ut olim Apostoli, 1. Cor. 12.  
 intelligere valeat: qui omnium hominum tacitas, & intimas cogitationes intueri, & aperire queat: ut non minus cuiuspiam mens, quam facies sit ei nota: qui omnia morborum genera solo uerbo, uel sola umbra sanet: qui omnia miracula, etiam quæ Christus fecit, & maiora, sine ullo negotio patret: qui præterita, instantia, & futura inspicat, & aperiat: qui fide certissime, & indubitanter omnia teneat: qui sapientia sua omnium quæ credit causas noscat, penitusque uideat: qui demum omnia quæ nouit elegantissime, & clarissime exponat. Si quis ergo hominem his dotibus, non dico

dico omnibus, sed aliquibus, aut una vel  
 altera, non dico perfecte, sed aliqua ratio  
 ne ornatum uideret; non ne admiraretur?  
 nonne ob stupesceret? sane quidem. Ut, si  
 aliquem ita eloquentem audires, qui sua  
 dicendi vi, atque copia angelicam supera-  
 ret eloquentiam. Fingamus nunc ista om-  
 nia perfectissime in aliquo gratia expolia-  
 to reperiri, & istum, cum viro iusto, om-  
 nibus illis donis orbat, conferamus: au-  
 debo una cum Paulo dicere, istum, quem  
 tot præstantissimis donis ornatum esse fin-  
 ximus, cum viro iusto comparatum, esse  
 1. Cor. 13. nihil. Hoc Paulus expresse significasse ui-  
 detur, cum dixit: Si linguis hominum lo-  
 quar, & Angelorum, si habuero prophetiã,  
 & nouerim mysteria omnia, & omnem  
 scientiam; & si habuero omnem fidem, ita  
 ut montes transferam, caritatem autem  
 non habuero, factus sum sicut æs sonans,  
 aut cymbalum tinniens, nihil sum. Siste  
 quæso pedem hoc loco, christiane lector,  
 & diligenter animo considera, quanta sit  
 viri iusti dignitas, excellentia, atque præ-  
 stantia; cum is, qui tot præstantissimis, &  
 maximis donis est excultus, cum viro iu-  
 sto comparatus, nihil sit. Ratio autem, cur  
 illa dona non sunt tanti momenti, quanti  
 est iustitia, hæc est: quia, nec singula, nec  
 om-



omnia simul copulata efficiunt hominem Deo gratum; cum ex se peccatum non solant: & hinc est, quod in peccatoribus interdum reperiuntur: quorum aliqui in die iudicii Christo dicent: Domine, Domine, nonne in nomine tuo prophetauimus? & in nomine tuo Dæmonia eiecimus? & in nomine tuo multas virtutes fecimus? Et tunc Christus confitebitur illis: Quia nunquam nouit illos. Si nunquam nouit, nunquam approbauit: & ideo nunquam ei grati, carique fuerunt; licet miracula, & uirtutes fecerint. Quis igitur ex his non intelligat, atque apertissime non uideat, quanta sit uis iustitiæ? Quandoquidem, septem dona, quorum singula sunt per se maxima, ita superat, ut cum iustitia cōparata, uocentur, nihil. Gauderet, ac gloriaretur is, qui angelica esset eloquentia præditus: qui montes ab uno in alium locum transferret: qui sibi Dæmonia subiceret; & alia id genus faceret miracula: verum, nihil esset cur lætari, & gloriari deberet; quia solum esset, æs sonans, cymbalum tinniens, & demum nihil. Iustus igitur gaudet, iustus gloriatur, cum sit caritate, & iustitia ornatus, qua, ex homine, fit Deus. Propterea dicebat Dominus: Veruntamen in hoc nolite gaudere, quia spiritus uobis subii-

Mat. 7.

Mat. 23.

Luc. 10.

# VIR IVSTVS.

subiiciuntur : gaudete autem, quod nomina vestra scripta sunt in cœlis.

*Laudatur vir iustus a veris diuitiis, & vere diuitem esse demonstratur.*

Cap. LXII.

**Q**Vamuis ij potissimum laudandi sint, qui uerâ sunt uirtute præditi, cui priuate uera debetur laus : tamen, iam usu cōparatum est, ut ij quoque laudentur, qui diuitiis & opibus abundant. Quod si quispiam hac de causa laudibus afficiendus est, is sane est homo, in quo prædicando, versamur : cum scriptum sit : Gloria, & diuitiæ, in domo eius. Neque de iis nunc loquimur diuitiis, quibus, quo aliquis plus abundat, eo magis eget : quæ non sunt per se bona, & proinde non uere bona : sed de bonis, per se delectabilibus, utilibus, & honestis ; quæ sunt omni ex parte bona ; de diuitiis inquam, quibus animus ditatur, quæ sunt ueræ, & perfectæ diuitiæ. Nam, iis rebus ueræ diuitiæ constant, quæ maximi fiunt, quæ plurimi ualent, quæ raræ sunt, & a paucis habentur, quæ suis se uiribus sustentant : iis inquam rebus, quibus noceri minus potest. Et quæ nam sunt res istæ, nisi uirtutes ? Quoniam nul-

la

la possessio, nulla uis auri pluris quam uirtus æstimanda est: qua nihil rarius: rari quippe boni: quæ sola suis uiribus, & rebus se sustentat, nec multa ad se tuendam poscit: quæ, nec eripi, nec surripi potest: quæ nunquam, vel incendio, uel naufragio amittitur: quæ nec tempestatum, nec temporum permutatione mutatur. Veræ igitur diuitiæ in sola uirtute consistunt: quæ, cum uir iustus sit præditus, erit profecto uere diues. Sed quæ nam sint in domo huius uiri diuitiæ, adhuc planius exponam. Sunt ergo in iusto, diuitiæ cœlestes, diuina munera, spirituales dotes, gratia, caritas, uirtutes, septem Spiritus sancti dona, eiusdemque fructus duodecim: caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas: quæ bona, sunt uere maxima & preciosa, uiro iusto a Deo donata. Erit igitur uir iustus, cum domus suæ tot habeat diuitias, uere diues. Præterea, eos uocamus diuites, qui amplissimam hæreditatem habent: cuiusmodi iusti habent. Et quæ nam est hæreditas hæc? scriptura id ipsa dicat: Dominus enim ipse est hæreditas eorum: & in hæreditate Domini morantur: & Dominus est pars eorum. Quamobrem, cum uiri iusti diuitiæ in uirtuti-

Gal. 5.

2. Pet. 1.

Deu. 18.

Ecc. 24.

Ps. 137.

rutibus, & cœlestibus donis positæ sint, diues erit bonis iucundis, vtilibus, honestis, & æternis: bonis, quæ secum portat: bonis, quibus Deus huius mundi diuites dimisit inanes, cum esurientes iustitia impleuit.

- Luc. 1.* Sed vt apertius, qui nam sit vere diues, iustus, an impius videamus, utriusque conferamus diuitias. Diuitiæ impiorum sunt stercora: diuitiæ iustorum sunt bona preciosa: illæ sunt in arca, hæ sunt in animo: illæ corrumpuntur; hæ sunt incorruptibiles: illæ vsu decrescunt, hæ vsu augentur: illæ habentem cruciant, hæ possidentem lætificant: illæ relinquuntur in mundo,
- 1. Tim. 6.* hæ transferuntur in cœlum: Impius dum diues fieri vult, incidit in laqueos diaboli, iustus dum diuitias acquirit, euadit manus diaboli, & fit amicior Deo: impius quo di-  
 tior est, eo difficilius in cœlum ingredi potest; iustus quo pluribus bonis incedit onustus, eo facilius intrat: impius suis opibus opprimitur; iustus suis diuitiis eleuatur: impius thesaurizat sibi iram Dei; iustus Dei sibi misericordiam conciliat: impius denique, ubi multum laborauerit, nihil inueniet in manibus suis, iustus uero labores manuum suarum manducabit. Iustus ergo diues, & vere diues. Et quis non appellet diuitem eum, cuius pater, est Deus; cuius
- Psa. 75.*
- Psalms.*
- hæro-

hæreditas est beatitudo; quæ est status om-  
 nium bonorum aggregatione perfectus; cu-  
 ius domus est paradysus; cuius prata, & câ-  
 pi, sunt amœna cœlorum loca; cuius opes  
 sunt æterna bona; cuius cibus est de cœlo; *Ps. 77.*  
 cuius potus est sanguis Filij Dei; cuius ue-  
 stis est iustitia, & Christus ipse; cuius tan-  
 dem diuitiæ; tot tantæque sunt, quot, quan-  
 tasque comprehenderet nemo. Possumus  
 etiam dicere, & uere dicere, uirum iustum  
 esse diuitem bonorū externorum: qđ facile  
 hunc in modū demonstrare licet. Is censen-  
 dus est diues, quæ non sermo, nō possessio,  
 sed ratio diuitem iudicat; vř omnes sapien-  
 tes docent: id, si spectes, solum iustum diui-  
 tem appellabis: quia eo est cōtentus, quod  
 ad tuendam vitam, & honestè agendū suf-  
 ficit: qui nihil quærit, nihil appetit, nihil  
 optat amplius: impius autem nunquā est  
 contentus, cum naturæ terminum semel  
 trāsuerit. Id autem, quo natura contenta  
 est, & ad honestè uiuendum sufficit, nemo  
 est qui non possideat. Quare si homines  
 prudentes ex eo metiuntur diuitiarum mo-  
 dum, quantum cuique satis est, eoque quis-  
 quam contentus est, iustus, qui hunc modū  
 adeptus est, diues censendus erit. Ad hæc,  
 is existimatur diues, qui nihil sibi deesse pu-  
 tat, qui iam satiatuſ est: cum non arca, sed

# VIR IUSTVS

animus hominis diues appelletur : & ideo diues dici non potest , qui uacuum habet animum; licet arcam ostendet plenam . At quis est, qui satiatur, nisi iustus ? qui, ut diximus, paruo est contentus: qui etiam si nihil habeat: tamen omnia possidet: quia cōtemnendo omnia, possidet omnia: quo fit, ut ei non sit opus quęsito: erit igitur diues. Impius uero, cum semper se egere sentiat,, cum, nunquam id habeat, quod possidet; cum bonis iam partis non utatur, cum plura appetat, a diuitum numero reiiciendus erit. Quocirca, cum diuitiarum fructus sit in cōpia, qua is caret, qui se egere sentit, nemo qui satiatus non dum est, existet diues. Quamobrem, si huius mūdi diuites ob rerum mundanarum, ac caducarum copiam laudantur, ac honorantur; cur uir iustus ob cōlestes, & perpetuas, uerasque diuitias honore, & laude afficiendus non erit ? Bēatos appellat mundus eos, qui hisce fortunę bonis abundant; quorum filię pulchrę, boues crassę, oues fętosę, & promptuaria redundant: at nos cum Dauide dicamus : Beatus populus, cuius Dominus Deus eius. Inquis cum ostentatione, o peccator: Diues sum: nullius egeo : At nescis, quia tu es miser miterabilis, & pauper, & cęcus, & nudus: quid tibi prodest habere diui-

*a. Chr. 6.*

*Ps.*

*Apo. 3.*



diuitias, cum sapientiam emere non possis. *Pro. 17.*  
 Agite nunc diuites, plorate ululantes in mi- *Iac. 5.*  
 ferijs uestris, quæ adueniēt uobis: quia the-  
 saurizatis uobis irā in nouissimis diebus.  
 Quod si quis iustus interdum aliqua re se *Tob. 4.*  
 indigere sentit, his se Tobiae uerbis, qui-  
 bus filium suum consolabatur, consolatio-  
 nem capiat. Noli timere fili mi: pauperem  
 quidē vitā gerimus, sed multa bona habebi- *Ecc. 12.*  
 mus, si timuerimus Deū, & recesserimus ab  
 omni peccato, & fecerimus bene. Siqui-  
 dem omnia sunt uanissima, præterquā ti-  
 mere Deum. Sed me iustitiæ uiam ingressu-  
 rus egestatem timeat, uirum iustū nunquā  
 egere, ac proinde uere diuitem esse, se-  
 quenti capite demonstrabimus.

*Viro iusto nihil unquam deesse demonstra-*  
*tur Cap. LXIII.*

**V**irum iustum egestatem timere non de-  
 bere, eique nihil unquam deesse, is om-  
 nino certum habebit, qui hæc potissimū,  
 quæ nunc diuinarum scripturarum testi-  
 monia afferam, animaduertet. Deus, ce *Ps. 22.*  
 cinuit propheta, regit, hoc est, pascit me, ni-  
 hil mihi deerit: in loco pascuæ, hoc est, her-  
 boso, ibi me collocauit: Et alibi: Time *Ps. 35.*  
 Dominum omnes sancti eius: quoniā non  
 est inopia timentibus eum. Quid clarius?

R 2 quid

*Ps. 10.**Ps. 146.**Ps. 144.**Gen. 1.**Mat.**Ps. 103.**Ecc. 3.**Deut. 32.**Dan. 14.**Eccl. 3.*

Quid apertius dici potuit? Item: Non affli-  
get Dominus fame animam iusti. Pascet  
Deus pullos coruorum a matribus dereli-  
ctos; & iustos filios suos non pascet? Imple-  
bit omne animal benedictione; hominem  
iustum, imaginem, & similitudinem suam,  
uacuum relinquet? Prouidebit Deus passer-  
ibus, qui non seminant: iusto, qui pluri-  
est passeribus, non prouidebit? Vestiet lilia,  
& fœnum agri. mox recidendum: uirum  
iustum filium suum, nudum sinet abire?  
Quærent catuli leonum a Deo escam sibi,  
iustus, quasi despectus, non quæret? Expe-  
ctabunt tandem omnia a Deo bonitatem,  
iustus non expectabit? & si expectabit, cū  
expectatio frustrabit? cum nemo speraue-  
rit in Deum, & confusus fuerit. Ad hanc  
ueritatem demonstrandam non pauca di-  
uine literæ nobis suppeditant exēpla. Per  
quadraginta annos in deserto populo Ho-  
braeo iustorum typo nec cibus, nec potus,  
nec uestimenta, Deo per miraculum pro-  
uidente, defuerunt. Eliæ uiro iusto cibus ab  
Angelo subministratus fuit: Danieli, Haba-  
cuc ex Iudæa prandium Babylonem attu-  
lit. Sarephthæ uiduæ oleum, & farina in  
maxima rerum omnium caritate non de-  
fuerunt. Apostolis nihil defuisse, apertissi-  
me veritas docuit æterna, cum dixit: Quā-  
do

domisi uos sine sacculo, & pera, & calceamentis, nunquid aliquid defuit uobis? Nūquid Antonio tot annos in eremo degenti? num tot religiosis uiris? qui licet nihil possideant; tamen nihil eis deest? immo uero, plura interdum habent, qui nihil habent, quam qui multa possident. Ioseph premissus fuit in Ægyptū, ut ipsius pater, & fratres reseruarentur super terram, & *Gen. 43.* escas ad uiuendum haberent: Propterea Iacob uere dicere potuit: Deus qui pascit me ab adolescentia mea, usque in presentem diem. Itaque regius propheta cū hanc ueritatem indubitaram haberet, cecinit: Iunior fui, etenim senui, & non uidi iustū derelictum, nec semen eius querens panē. *Psal. 36.* Concludamus ergo cum eodem propheta: Diuites eguerunt, & esurierunt: inquirentes autem Dominum non minuentur omni bono: hoc est: nullo deficientur bono; omnibus abundabunt rebus. Impii igitur *Ps. 33.* famem patiuntur ut canes, & fame pereūt: & si quid manducant, porcorum siliquas manducant: dum serui Dei panibus abundant. Etenim Deus esuriētes implet bonis, *Lm. 19.* & diuites dimittit inanes. *Lm. 2.* Quamobrem, si quis semel uideret quanta cura, quantaq; prouidentia Deus, omnia quæ iustis necessaria sunt eis, suppeditet, omnino obstupe-

Ps 72.

sceret. Quod si interdum uidemus peccatores abundantes in sæculo, & obtinere diuitias, iustos uero quasi derelictos, & egen-  
 tes; nihil est quod miremur; quia iustus, quod sibi pro eo tempore est necessarium, proculdubio habet: ijs rebus abundat, pro Dei prouidentia, quibus eget: Impius uero statim peribit; & eius felicitas ueluti somnium euanesceat: at iustus non sine causa iustificabit cor suum, & inter innocentes lauabit manus suas: quia Deus illi manum porriget, eumq; suscipiet. Quare Deo adherere, & in eo spem suam ponere, bonum est. Et quis dicat uiro iusto aliquid deesse, cum id totum a Deo obtineat, quod petit? Et quid nam iustus à Deo, siue in terra, siue in cælo uult, nisi ipsum Deum? Etenim ait: Defecit caro mea, & cor meum; Deus cordis mei, & pars mea Deus in æternum: ac si diceret; unum Deum uolo: hoc unum desidero, ut Deus sit portio mea. Quærit ergo uir iustus regnum Dei, & Deum ipsum, quem proculdubio inuenit, cum Deus præsto sit omnibus quærentibus eum; & quin cætera omnia sibi adjiciantur, nihil dubitat. Quandoquidem scriptum esse nouit. Primum querite regnum Dei, & hæc omnia adjicientur uobis. Quid igitur uiro iusto deerit, cum veritas ipsa dixerit fore, ut

Mat. 6.

ei ( ubi regnum Dei quæsiuerit ) quasi ad- *Mat. 6.*  
 ditamēta, & corollaria, reliqua omnia adij-  
 ciantur bona. Timete igitur Deum omnes  
 sancti eius: quoniam non est inopia timen-  
 tibus eum. Hæc, quæ breuiter hoc loco do- *Ps. 33.*  
 cuimus, piorum mentes maximo gaudio  
 perfundere, atque omnes ad iustitiam  
 acquirendam, & conseruandam excitare  
 oïo deberent. Audiant igitur hæc mansue-  
 ti, & lætentur: quia beatus est, qui sperat in  
 Deo.

*Deus viri iusti causa omnium rerum  
 copiam vrbi, & orbi præbet.*

*Cap. LXIIII.*

**Q**uemadmodum ij, qui abscondunt *Pro. 11.*  
 frumenta, ut ex diuinis literis disci-  
 tur, & experiētia quotidiana confirmatur,  
 maledicuntur in populis: ita qui abundan-  
 tiæ sunt auctores, & pauperum indigentia  
 consulunt, laudari, commendarique solēt.  
 Quo laudis genere, si quis cumulandus  
 est, is sane est homo, quem laudare cona- *1. Cor. 13.*  
 mur: qui gratia sua, ab eo, a quo in nos  
 omnia proficiuntur commoda, impetrat  
 omnia. Hoc, quod maximum quid est, hæc  
 quæ nunc afferam, clare demonstrabunt  
 exempla, quibus planum fiet uirorum iu-

*Iac. 1.**Ge. 30.39.**Gen. 47.**3.Re. 16.**4.Re. 3.*

storum causa, quidquid est in hac uita commoditatis, & utilitatis, felicitatisque a Deo omnium bonorum, largitore hominibus concedi. Iustitia Iacob, rem auxit Laban. Iustitia Ioseph in causa fuit, ut Deus omnem substantiam Eunuchi domini sui multiplicauerit. Idem Ioseph, iustitia sua amplificauit regnum Pharaonis, cui cunctos populos, & omnem terram Aegypti subiecit. Male actum esset cum Aegypto, nisi tempore famis Ioseph uirum iustum habuisset. Eliæ iustitia, oleum, & farinam uiduae auxit. Elisei iustitia panem multiplicauit, aquas, & terram sanauit. Ob iustitiam Iosaphat, idem Eliseus terram repleuit aquis. Nimis longum facerem, si omnia exempla quæ possem, numerare uellem; per quæ demonstrarem, Deum iustorum causa, omnium rerum copiam dare, atque uarias calamitates ab urbe, & ab orbe quotidie remouere. Siquidem Deus ipsorum merito dat bonos principes, bonos prælatos, bonos magistratos, bonos medicos, bonos seruos, & ut breui dicam, omnes rectores, & artifices bonos. Itaque, si quis locus bonis præsidibus, alijsque hominibus, qui ad tuendam hominum communitatem sunt necessarij utitur, id uiris iustis acceptum referat. Et quæ alia fuit causa, ut quædam ciuitates optimos pastores



res diu habuerint, nisi ciuium iustitia? cur aliquot urbes diu Episcopos per miraculū habuerūt, nisi quia in eis uiri iusti reperiabantur? Cur Deus in sacris literis minatur interdum se daturum præsides malos, nisi ob iniusticiam? Quoties iusti uiri pluias impetrarunt? quoties grandines, & alias celi iniurias auerterunt? quoties bella extinxerunt? Iusto Sodome commorante, non est exusta ciuitas: eodem abeunre tota igne conflagrauit. Quo fit, ut omnia quæ in mūdo sunt incommoda, impiorum causa accedant. Verum est ergo, quod scriptum reliquit sapiens: Benedictione iustorum exaltabitur ciuitas: & ore impiorum subuertetur. Et, ut rem hanc adhuc apertius demonstramus, luculentum ex diuina scriptura locum afferamus: ex quo luce meridiana clarius cognoscere licebit, iusticiam, seu uiros iustos, omnium rerum in urbem, & orbem importare copiā. Ait ergo Deus: Si in præceptis meis ambulaueritis, & mandata mea custodieritis, & facietis ea, dabo uobis pluuiam temporibus suis, & terra gignet germen suum, & pomis arbores replebuntur. Apprehendet messium tritura, uindemiam; & uindemia occupabit semētem: & comedetis panem uestrum in saturitate. Dabo panem in sinibus uestris, dormie-

Ge. 19.

Pro. 11.

Leu. 26.

tis,

tis, & nō erit qui exterreat. Auferam malas bestias, & gladius non transibit terminos nostros. Comedētis vetustissima veterum, & vetera nouis superuenientibus proijciētur. Quid pōt dici apertius? quid clarius? quid magnificentius? Contra vero, omnia incommoda iniustitiam, & iniustos in mūdum inuehere, eodem in loco his uerbis declarauit Deus. Quod si non audieritis me, nec feceritis omnia mandata mea, &c. visita bo uos velociter in ægestate, & ardore, qui conficiat oculos uestros, & consumat animas uestras. Frustra seretis se mentem, quæ ab hostib. deuorabitur, &c. Alibi, ait Deus, se clausurum cœlum, ne pluuiæ descendāt, & ne terra det germen suū. Benedicit Deus alio loco seruantes legem suam; iustos uidelicet. Benedictus in ciuitate, benedictus in agro, benedictus fructus uentris tui, & fructus terræ tuæ, iumentorum, gregum, ouium; benedicta horrea, benedictæ reliquiae; benedictus eris ingrediēs, & egrediēs. Quod si audire nolueris vocem Dei tui: Maledictus eris in ciuitate, in agro: maledictum horreum, & reliquiae tuæ, &c. Quare, si uir iustus causa existit, ut rebus omnibus, ciuitas, & totus mundus abundant; si propter iustos mūdus tot diuinis benedictionibus repletur; si ne dum, non abscondit frumen-

ta, verumetiam omnium replet horrea, si  
commoditates, & vtilitates omnes affert,  
& incommoda omnia remouet; si demum  
miseretur, & commodat, dispergit, & dat  
pauperibus, cur non laudabitur? cur non *Ps. 111.*  
plurimi fiet? cur in maxima admiratione  
apud omnes non erit? In multiplicatione *Pro. 20.*  
ergo iustorum lætabitur vulgus: cum im-  
pij sumpserint principatum, gemit popu-  
lus.

*Viro iusto nulla creatura nocet.*

*Cap. L X V.*

**I**D etiam laudabilem, atque felicem vi-  
ri iusti statum reddere videtur; quod a  
nulla creatura, nisi quantum Deus permi-  
serit, læditur: quin potius, ut postea de-  
monstrabo, eum tanquam dominum om-  
nes creaturæ audiunt, ac reuerentur: quæ  
res, ut quisque, vel mediocri ingenio  
ornatus, intelligeret, ad amplificandam  
iustitiæ vim, atque præstantiam, magno-  
pere pertinet. Et primum, si Adam in iu-  
stitia perseverasset, nulla uel minima læ-  
sione, ut Theologi non indocti tradide-  
runt, ab ulla creatura fuisset affectus. Sed,  
ubi iustitiam amisit, & a Deo recessit, ei  
creaturæ omnes ab ipso recedentes, nec

# VIR IUSTVS.

ut prius eum reuerentes, nocere ceperunt.  
*Apoc. 13.* Postea, iustitia, per agnum, qui occisus  
 est ab origine mundi recuperata; aut ius-  
 tis non nocent, uel, si Deo permittente  
 nocent, id, ad maiorem iustorum gloriam  
 eis permittitur. Quod autem ex se nocere  
 non possint, paucis demonstrabo. Satan,  
*Iob. 1.* Iob uiro iusto non obsuit nisi cum Deus ei  
 facultatem dedit: & eatenus nocuit, (si no-  
 cumentum uocari potest, quod maximam  
 peperit gloriam) quatenus ei concessum  
 fuit. Balaam, & si maledictione sua popu-  
*Num. 23. 24* lo Dei nocere conatus fuerit: tamen eius  
 conatus uani fuere, cum non modo male-  
 dictione nocumentum non attulerit; sed  
 potius, benedictione profuerit. Saulis lan-  
 cea Dauidem iustum & innocentem attingere non potuit: nec mirum, quia Deus  
*1. Reg. 19* erat clypeus eius. Leo, ut in libris Regum  
 legitur, qui permittente Deo uirum ius-  
*3. Reg. 13* tum necauerat, eundem mortuum, & asinum eius, non modo non uorauit, sed do-  
 nec uenirent, qui Dei uirum sepulture  
*Dan. 3.* traderent, custodiuir. Fornax etiã si plus  
*Dan. 14.* solito esset incensa tres pueros urere nõ po-  
*Act. 5.* tuit. Daniel intactus in lacu a leonum mor-  
 tibus permanfit. Apostoli uesperis in car-  
 cere in conijciebantur, sed mane extra car-  
 cerem concionantes inueniebantur. Huc

per-

pertinent, quæ, ad consolandos quosdam  
 viros iustos, qui pro iustitia retinenda uin-  
 cti in carcere detinebantur quidam reli-  
 giose his fere uerbis scripsit: Benedicti,  
 nolite contristare Spiritum Sanctum,  
 qui uobiscum introijt in carcerem: quia,  
 si non introisset, nec uos illic essetis.  
 Domus diaboli est carcer, in qua fami-  
 liam suam continet; sed ideo uos in car-  
 cerem peruenistis, ut illum in domo  
 sua conculceris Fugiat cōspectum uestrū;  
 & in ima sua delitescat, tanquam coluber  
 excantatus & fumigatus. Si cogitaueritis  
 mundum carcerem esse, potius ex carcere  
 exisse intelligetis. Maiores tenebras habet  
 mundus, quæ præcordia excæcant: grauior-  
 res catenas, quæ animas constringunt: pe-  
 iores immundicias expirant, hominum  
 libidines: plures postremo reos mundus  
 continet, uidelicet vniuersum hominum  
 genus: iudicia non Proconsulis, sed Dei  
 sustinet. Carcer habet tenebras, sed lumē  
 estis ipsi: habet uincula; sed vos soluti Deo  
 estis: triste illic expirat; sed vos odor estis:  
 iudex expectatur; sed uos estis de iudici-  
 bus iudicaturi: nihil interest ubi sitis in sæ-  
 culo, quia extra sæculū estis: quoties spiritu  
 ambulaueritis; toties in carcere nō eritis: ni-  
 hil crux sentit in neruo, cum animus est in  
 cælo

cælo: Totum hominem animus circūfert,  
& quo uelit transfert. En, vt egregie uiris  
iustis nihil nocere, uir doctus docuit . Ad  
hec, de eis , qui credituri erāt, scriptum  
legimus : Et si quid mortiferum biberint,  
*Mat. 23.* non eis nocebit. Paulus a vipera veneni ple  
na lædi non potuit: immo ipsius merito, ut  
dicitur, ab eodem animali ceteri liberātur.

*Act. 28.* In primā Ecclesia uiri illi uere iusti, a ferro,  
a flammis, & a bestijs intacti euadebāt: &  
ut in Ecclesiasticis legitur historiis, bestię,  
ad quas iusti proijciebantur, in eos sœuire  
non audebant; sed cum eos timerent, ac re  
uererentur, pedem referebant: & si periculi  
faciendi causa impij ad eas proijciebātur,  
statim dilaniabantur, ac uorabantur . Ignis  
Polycarpum ambiebat, sed sua ui uiri iusti  
corpus attingere non ualebat: quod etiam  
de Lucia legitur. Ignis qui Anconam inua  
serant, Marcellini episcopi autoritate com  
motus, & præsentiā reueritus, sœuire de  
sijt, & euauit . Margarita a Dæmone sub  
serpentis formā deglutita , integra euomi  
tur. Serpentes non, Christinam, sed eos qui  
in Christinam eas irritabant , occiderunt.  
Et hec, ad id, quod demonstrare uoluimus  
satis sit attulisse exempla . Hoc priuilegiū,  
*Isa. 43.* uiro iusto aliquando tribuendum esse, per  
Isaiam, his uerbis, prænuntiarum fuit: Noli  
timere,



timere, quia redemi te, & uocaui te nomine tuo: meus es tu. Cum trāsieris per aquas tecum ero, & flumina non operiēt te: cum ambulaueris in igne, non combureris a flāma, & flamma non ardebit te. Et alibi: & delectabitur infans ab hūbere super foramina aspidis, & in cauerna reguli, qui ablaetatus fuerit, manum suam mittet. Non nocēbunt, non occident in uniuerso monte sancto meo. Quod si interdum, ignis iustos combussit, aqua obruit, ferrum penetrauit, & alię creaturę aliquo modo lēserunt, id uolente, & permittente Deo, ad maiorem suam gloriam, & iustorum meritum, & ut Filio suo magis essent similes, factum est. Et ideo regimus, Dēmones, qui desiderio nocendi hominibus ardent, non potuisse intrare in porcos, nisi facultate petita, & ipsis, a Christo concessa. Ex his igitur concludere licet, nullas creaturas lædere iustum, uel quia illum attingere non solent; aut si attingunt maximam illi utilitatem afferūt. Agnoscunt enim in eo diuinitatem quandam; ac proinde eum non offendunt, sed tanquam dominum reuerentur. At uero, quot quot sunt in hoc terrarum orbe creaturę ad nocendum impijs, si Deus permetteret, paratę essent. Terra eos absorberet, aqua obrueret, aer inficeret, cælum oppri-

*Isa. 11.**Tob. 2.**Luc. 8.**2. Pet. 3.*

meret

*Exho.**4. Re. 2.**4. Re. 5.**4. Re. 22.**Iob. 5.*

meret, ac demum ceteræ omnes, ei, tanquam Dei inimico, contrariæ essent: qđ ex historia plagarum Aegypti satis aperte colligere licet. Et leones ad uorandos pueros uirum iustum despicientes, parati fuerunt: & ignis ad cremandos Regis quinquagenarium, ac etiam Dēmon ad decipiendum Achabum. In uastitate igitur, ac fame ridebit iustus, & bestias terrę, cum nihil ipse nocere possit, non formidabit.

*Viro iusto omnes creaturæ seruiunt. Cap. LXV 1.*

*Exb.**2. 113.*

**N**on satis suo creaturæ sūgeretur munere, si solum ei homini, qui iustitiā recuperauit, & ad Deum, a quo peccando recesserat religiose uiuendo, reuersus est, non nocerent; nisi etiam (honore quem amiserat recuperato) eidem tanquam domino inseruirent, ac parerent: id cum faciant, maximam esse iustitiæ uim, atque iustorum dignitatem, excellentiamque satis aperte declarant. Paruerunt uolente Deo. Moyse seruo eius in Aegypto, dum uariis plagis illos impios affecit, elementa omnia: & in transitu maris rubri, & Iordanis fluminis speciatim, aqua. Ideo scriptum est. Mare uidit, & fugit: Iordanis conuersus

sus est retrorsum. Paruerūt etiam montes,  
 qui loco suo moti, exultauerunt ut arie-  
 tes. Sol, dux siderum, paruit Iosue, & stetit  
 in medio cœli, & non festinauit occumbe-  
 re spatio unius diei, obediēte Domino *Ios. 10.*  
 voci hominis. Samsoni ex asini maxilla, si *Ecc. 46.*  
 cuti populo in deserto versanti ex petra, ef-  
 fluxit aqua. Eliæ inserviuit coruus. Elisei  
 pallio aquæ diuisæ sunt huc, atque illuc; *4. Re. 2.*  
 eadem eundem sustentarunt. Idem, secu- *4. Reg. 6.*  
 rim enatare fecit. Piscis paratus fuit ad ex- *10. 2.*  
 cipiendum Ionam, vt eum euomeret in ari- *10. 4.*  
 dam: nec non etiam hedera, vt ei esset um-  
 braculum. Alius piscis, ut Tobie uiro iusto *Tob. 6.*  
 lucem. qua alia creatura ad amplificandā  
 mirum in modum ipsius gloriā priuauit  
 rat, restitueret, vt a filio caperetur ad ripā  
 accessit. Et quid mirum, si animal rationis  
 expers, uiro iusto seruire uoluit, cum An-  
 gelus præcinctus, & quasi paratus ad am-  
 bulandum, vt ipsius filium deduceret, præ-  
 sto fuerit? Sed iam aliquot, ex nostra lege  
 afferamus exempla. Paulo primo eremita *M. Marn.*  
 coruus quotidie dimidiatum panem affe-  
 rebat: Et cum Antonius ad eum uenisset, vt  
 quod daret hospiti haberet, integrum de-  
 tulit. Idem de Blasio Sebastæ episcopo legi-  
 tur; cui siluestres auiculæ cibum suppedita-  
 runt. Leo, vt scribitur, Diuo Hieronymo

*Gregor.*

inseruiebat, agasonis officio fungens. Colum-  
 bano abbati urbi obtemperarunt. Vir-  
 sus, qui Marini asinum in uia peremerat,  
 asini vicem gerens, uirum iustum ad cellam  
 usque, iussus portauit. Cum maxima labe  
 Placentinum agrum padus deuastaret, epi-  
 scopus ei, per schedulam, siue dicam, præ-  
 cipi iussit, ut ad alueum suum rediret; cu-  
 ius mandato obediuit fluuius. Hirundines  
 Diuo Francisco imperanti ut tacerent, &  
 Lupa, ne populo Eugubino noceret, parue-  
 runt. Cicada ab eodem vocata aduolauit;  
 eique canere iubenti, tanquam domino o-  
 bediuit. Eadmundus Cantuariensis episco-  
 pus, nubibus, ne super audientes uerbum  
 Dei pluerent, imperauit, & obediuerunt:  
 licet maxima aquarum vis circa populum  
 audientem defluerit. Brigida uirgo apulum,  
 qui in pecudum gregem irruerat, eiusdem  
 gregis pastorem constituit; & qui gregem  
 uorare tentauerat, eundem gregem ne ab  
 aliis feris lederetur, custodiuit. Sexcenta, ad  
 hanc rem, quam hoc loco tractamus, de-  
 monstrandam possemus afferre exempla;  
 sed hæc attulisse sufficiat. Cogita nunc, ami-  
 ce lector, quanta sit iustitiæ uis, cui non tan-  
 tum homines rationis capaces, sed etiam  
 animalia rationis expertia, immo etiam  
 creaturæ omni sensu carentes obediunt,  
 cum-

cumque tanquam numen quoddam reuerentur : cui inquam , non solum homines ad officia nati , sed etiam feræ , nullius curationis capaces obtemperant ; & quæ naturæ impulsu feruntur contra naturæ propensionem , iustitiæ cedunt . Si intelligendi uim creaturis ea carentibus dares , se ad inferuendum seruis Dei prôptissimas exhiberent : quibus seruis non modo Angeli , ut paulo ante diximus , & multa exempla docentes , sed etiam , o rem omni admiratione dignam ! ipse Dei Filius , cum formam serui accepit tres & triginta ânos seruauit : Seruauit aut speciatim parētibus suis ; quia , ut legimus , erat subditus illis . Huc faciunt etiâ uerba ex Iosue superius citata : quibus dicitur . Obediente domino uoci eius : Obediuit ergo Deus homini . Quid igitur mirum , si creaturæ creatoris exemplo excitæ , ei inseruiunt , cui ipse creator seruire uoluit ? Veruntamen , ipse Deus loquitur , seruire me fecisti in peccatis tuis . Si Deus peccatorum causa , seruauit , quanto magis iustitiæ ergo , seruaret ? At uero , uiro impio nullæ creaturæ , si possent , seruire uellent : quia dum id faciunt conditoris sui inimico , ac læsæ maiestatis criminis reo se famulari quodam modo sentiunt ; Et ideo terra si posset , impium non susten-

*Phil. 2.**Ios. 10.**Isa. 43.*

taret, aer non refrigeraret, ignis non cale-  
 faceret, sidera denique ei lumen non præ-  
 beret. Itaque singulæ creaturæ, quasi gemē-  
 tes, expectant manifestationem filiorum  
 Dei, ut ab hac inani seruitute, qua impiis,  
 qui ex earum usu, magnitudine, & ordi-  
 ne colēdi Deum occasionem non sumunt-  
 frustra inserviunt, liberentur.

*Omnia viri iusti causa facta fuisse, de-  
 monstratur. Cap. LXVII*

*Pro. 6.*

**Q**uamuis Deus ea omnia, quæ sua præ-  
 potenti manu fabricauit, in suam glo-  
 riam tanquam in ultimum finem fecerit,  
 & ea sit rerum omnium consummata per-  
 fectio, ut tandem eo, quo possunt modo,  
 illuc reuertantur, unde defluerunt : tamē  
 si de eo fine, quem Deus extra se spectat, lo-  
 qui uelimus, cuncta, quæ in hac rerum uni-  
 uersitate continentur, propter ipsum homi-  
 nem facta a Deo fuisse, cum uiris non uul-  
 gari eruditione præditis, asseuerare possu-  
 mus. At propter quem hominem? Num  
 propter impium, in cuius muscipulam, ut  
 ipsa testatur scriptura, creaturæ factæ di-  
 cuntur? non equidem: propter iustum  
 igitur. Quid enim Deus propter impios  
 creaturas fabricauerit, cum ipsi, creaturis,  
 ad

*Sap.*



ad offendendum omnium conditorem, & proinde creaturas etiam ipsas, abutantur? contra quos, suam, & creatoris sui iniuriā vindicantes, aliquando pugnabunt. Cōtra *Sap.* uero, cum uiri iusti eo modo creaturis utantur, quo debent ipsorum causa, factas esse, dicamus oportet. Præterea, quis non inteligeret creaturas omnes factas esse propter hominem, si animaduerneret, quæ in hac rerum vniuersitate continentur, omnia ei inseruire? Siquidem, terra eum sustinet, herbæ & arbores suis fructibus eum pascunt: animalia ei potum, & cibum, aque multa aliam commoda suppeditant: aqua eum reficit, & ad multos usus inuat: aer recreat, & nutrit: ignis calefacit, & fouet: sidera lumen præbent: cælum sua uim motuque conseruat: Angeli demum dum iugiter cælorum orbem uersant, eidem famulantur. Quare, cum omnia homini inseruire cernamus; hominis, & boni hoīs causa facta fuisse, fateri, necesse erit. Quoniam, cum impij in hoc mundo uiuant, vel ut corrigantur, vel ut per eos, id quod quotidie uidemus, boni exerceantur, ipsi quoque iustorum causa in hac uita seruantur, & ad ipsos, ut creaturæ rationis expertes, referuntur: quæ res, iustorum condicionem felicem; impiorum uero statum miserum esse, om-

Ps. 139.

nino demonstrat. Hanc hominis dignitatē cum regius propheta animaduerneret, admiratione affectus maxima, cum Deo loquens, in hac prorupit uerba: Quid est homo, quod memor es eius? aut filius hominis, quoniam uisitas eum? Minuisti eum paulominus ab Angelis: gloria & honore coronasti eum, & cōstituiisti eum super opera manuum tuarum. Omnia subiecisti sub pedibus eius: oues, & hōes uniuersas, in super & pecora campi: uolucres cœli, & pisces maris, qui perambulant semitas maris. Et cum cerneret, se non posse huic totū locum, rei magnitudine superatus, prosequi, tandem eadem admiratione, qua cœperat, his uerbis conclusit: Domine Dominus noster, quam admirabile est nomen tuum in uniuersa terra? At multo magis, quod in præsentiā docemus, uerum esse lector cognosceret, & admiratione longe maiore afficeretur, si altiore quandam sententiam in hoc epiphonemate comprehensam esse intelligeret. Cur, o Dauid, tā toperē admiraris? cur ex abrupto in hanc admirationem prorumpis; eademque concludis? An fortasse hanc ob causam? quoniam eleuata est magnificentia Domini super cœlos: hoc est, quia natura humana, magnificum Dei opus, in persona Filiij Dei,

Dei, eleuata fuit supra omnes cœlos, cum ad consortium Sanctissimæ Trinitatis uenit? qua re, apertissime indicatum fuit, omnia facta fuisse propter hominem, cum Deus uoluerit fieri homo, ut in Deo homine omnia tandem redirent ad Deum, qui fecit omnia, & propter nostram salutem descendit de cœlo. Lætare lêtare, hoc loco, uir iuste; exili gaudio: non modo propter te creaturæ factæ sunt omnes; sed etiã Deus te propter hominem se fecit; ut tu tandem, propter Deum, fieres Deus. Vere igitur dicimus, hominem iustum esse creaturarum finem. Quamobrem si creaturis ratione carentibus mentem tribueres, ita ut iustos ab improbis secernere possent, eis speciatim inseruirent, eis obtemperare omnino contenderent, eos tanquam dominos agnoscerent; impios uero detestarentur, fugerent, & ad eos cruciandos paratissimi essent. Et ideo, ut etiam supra ex apostolo scripsimus, omnis creatura ingemiscit, expectans manifestationem filiorum Dei, id est iustorum, & iudicii tempus; ut liberentur a uanitate, id est a uana seruitute, cui ob primi parentis peccatum subiecta fuit: in qua uana seruitute perseverat, dum improbis seruit: quia cum ipsorum uita uana sit, cum Deo non seruiant, & ad

Rom. 10.

# VIR IVSTVS.

Rom. I.

felicitatē non properent, creaturæ etiā uanis hominib. inseruiētes, uane laborant: cū non id assequantur seruiendo, ad quod factæ sunt; ut uidelicet ex ipsarum seruitute, omnium rerū fabricator cognoscatur, ac colatur Deus. Propterea uehementer desiderant, & quasi gementes, & instar parturientis cum dolore expectant, ut aliquando boni secernantur a malis: quod, die iudicij fiet; & tunc mundus pugnabit contra insensatos. Cum itaq; uir iustus sit rerum omnium finis, cum omnes creaturæ ei famulentur: quis tanti uiri tantam excellentiam, & maiestatem tantam satis mirari queat? Quare cum admiratione concludere licet: Quam admirabilis est uir iustus super terram!

*Mundus, & omnia quæ in mundo sunt,  
uiri iusti causa conseruantur. Cap. LXVIII.*

Cum omnia ob eas conseruentur causas, propter quas facta fuere; nemo, qui mundum propter uiros iustos factum fuisse nouerit, ob eosdem etiam conseruari non intelliget: quæ res ad ipsorum laudem amplificandam plurimum confert. Quare, cum mundus iustorum causa, ut  
de

demonstratū est, fabricatus fuerit, eorundē quoque causa conseruabitur; & ideo si iusti non essent in mundo, non conseruaretur mundus. Propterea in diuinis literis, legimus, per Noe uirum iustum, genus hu- *Gen. 9.*  
manum fuisse seruatum, cum totus terrarū orbis, ob impiorum scelera, aquis cooper- *Gen. 9.*  
tus fuit. Cū eodem iusto uiro statuit Deus pactum de non interficienda iterum car- *Gen. 18.*  
ne, aquis diluuij. Sodomæ, ac Gomorrhæ pepercisset Deus, si saltem decem uiros i- *Gen. 19.*  
stos in eis inuenisset. Dixit enim Deus: Nō *1. Pe. 3.*  
delebo propter decem: quæ res est omni- *Apo. 7.*  
no consideratione digna. Et dum unus, *Deu. 18.*  
qui Sodomæ inuentus est iustus, ibi permā-  
sit, non descendit ignis, donec ipse cum sua  
familia, Angelorum opera, egrederetur.  
Et Angelus, ut in sacra legitur apocalypsi,  
voce magna clamauit quatuor Angelis,  
quibus datum est noscere terræ, & mari; &  
dixit: Nolite nocere terræ, & mari, neque  
arboribus, quoadusque signemus seruos  
Dei nostri in fratribus eorum. Et dies illi,  
in quibus Antichristi seruebit persecutio,  
propter electos, abbreviabuntur. In Deute-  
ronomio, Deus legem seruare nolentibus,  
multa minatur mala: Augebit Dominus  
plagas tuas, & plagas seminis tui; plagas  
magnas, & perseuerantes, infirmitates pes-  
simas,

# VIR IUSTVS.

firmas, & perpetuas: & conuertet in te omnes afflictiones Aegypti, quas timuisti, &c. Quem locum ad hanc rem quam docemus, melius cognoscendam, omnino consulendum puto. Ex quo facile intelligere licet, nihil mali esse, quo Deus homines ob ipsorum scelera non affligat: a quibus malis, si iustitiam colerent, proculdubio essent liberi. Grauiſſimis pœnis Aegyptij impiorum typus cruciabatur, quibus Hebræi iustorum figura minime grauabatur. Quoties Moyses uir iustus, duræ cervicis populum, ab iusta Dei ira liberauit? Quoties Deus ob seruum suum David posteros suos a maximis calamitatibus, & inimicorum manibus seruauit? Quoties Deus ob iustitiam ueterum patriarcharum populum Hebræum a maximis angustiis uēdicaui? quis Aegyptum in longa, atque grauissima rerum omnium caritate, nisi uir iustus, seruauit? quam ob causam, populi illi, uerso eius nomine, Saluatorē mundi appellarunt. Orante Eliseo uiro iusto, ingens inimicorum exercitus, a quo Israel sibi timebat, cœcitate percussus est, ac populus liberatus. Diui Pauli iustitia, qui cum ipso nauigabant, a naufragio seruati fuerunt. Quæ exempla, licet priuata sint: tantē rem uniuerse demonstrant: hoc est, iustorum causa,

*Deut. 9.*

*1. Re. 3. 19  
20.*

*Gen. 48.*

*1. Reg. 6.*



causa, conseruari omnia. Quapropter salubre fuit id consilium, quod Achior Holo-  
pherni populo Dei bellum inferre uolenti dedit; ut prius intelligeret, an Deum offendisset; hoc est an ibi essent iusti: quibus inuentis loco, quem expugnaturus uenerat, ut exitus declarauit, nihil damni afferri posse dixit. Et Sophonias cum diem iræ, *Judith: 5.*  
tribulationis, angustię, calamitatis, miserie, *Soph. 12.*  
tenebrarum, caliginis, nebulę, & turbinis, descripsisset, hæc adiecit uerba: Quęrite Dominum omnes mansueti terrę, qui iudicium eius estis operati: quęrite iustū, quęrite mansuetum; si quo modo abscondamini in die furoris Domini. Quid illustrius? quid præclarius in laudem uiri iusti dici potest? & quid ad id, quod in præsentiarum docemus, demonstrandum apertius? Cum igitur impendent mala, cū extrema imminet ruina, cū Deus contra impios omnes creaturas armat, quis liberabit? quis iram Dei placabit? quis mundum conseruabit, nisi uir iustus? Ad eum igitur, si mundus conseruari uult, confugiat necesse est. Huc facit uox illa, quę Alexio Romę defuncto, audita est. Quęrite uirum, qui oret pro Romā. Ex quibus intelligi licet, quam stulte, stultus faciat mundus, dum iustos odit, persequitur, &

occidit : cum eos vehementer amare , atq;  
diligenter conseruare deberet , propter  
quos , & factus est , & conseruatur , atque  
ab omni malorum genere , & interi tu libe-  
ratur . Quamobrem ob ea , quæ dicta sunt ,  
his præclarissimis appellationibus uiri iu-  
sti nominari possent . Proceres , Heroes , Ma-  
lorum auerruncatores , Pacis auctores ,  
Patres patriæ , mundi conseruatores , & cū  
Hebræis , Raphaim ; hoc est , Saluatores .  
Et , ut huic loco finem faciamus , multa quæ  
ad ipsum amplificandum dicere potuif-  
sem , piorum mentibus cogitanda relinquo .  
Siquidem , in hoc loco , maxima quædam  
uiri iusti laus latet ; quam , & si oculis men-  
tis aliqua ratione cerno : tamen , me uerbis  
assequi non posse , optime intelligo .

*Vir iustus est velut quidam totius mundi  
Monarcha. Cap. LXIX.*

**M**Agnum quid dicam ; sed vere dicā :  
Vir iustus , est veluti quidam totius  
mundi Monarcha . Non male , immo rectif-  
sime diceret quispiam , si Christum , mun-  
di Monarcham nominaret . Quia , cum sit  
naturalis Dei Filius , hæreditario iure to-  
tius mundi Imperium obtinuit . Domi-  
nus , Filius loquitur , dixit ad me : Filius  
meus

meus es tu, ego hodie genui te. Postula a  
 me, & dabo tibi gentes hæreditatem tuam,  
 & possessionem tuam terminos terræ, &c.  
 Dedit itaque Pater omnem potestatem fi-  
 lio: qui sanguine suo totum mundum re-  
 cuperauit, & emit. Regnavit igitur Domi- *Psalms.*  
 nus. Verum, si quis animadverteret etiã  
 virum iustum esse Dei filium, non natura,  
 sed gratia; intelligeret quoque, eundem  
 per adoptionem esse mundi Monarcham.  
 Et ideo, vna cum Christo in die iudicii *Psalms.*  
 mundum iudicabit. Christum ergo natura,  
 virum iustum adoptione, mundi monar- *Rom. 8.*  
 cham, tanquam cohæredem, vere nomi-  
 nare possumus: ad quem titulum, & digni-  
 tatem consequendam, tunc facultatem a  
 Deo recepit, cum hominibus, ut filij Dei  
 fierent, Deus potestatem dedit. Præterea, *Iean. 8.*  
 vir iustus, ut inferius latius demonstrabo,  
 est amicus, & domesticus Dei. At amici-  
 tiæ lege, amicorum sunt omnia commu-  
 nia: quam legē Deum noscere, & servare,  
 cum eam ipse fecerit, existimandum est.  
 Ergo, ut Deus est rerum omnium dominus  
 & Monarcha (siquidem Domini est terra, *Psalms.*  
 & plenitudo eius) vir etiam iustus eodem  
 titulo gaudebit. Sed rem paradoxo similē,  
 veram tamen, apertissimo scripturæ testi-  
 monio comprobemus. Diuus Paulus epi- *1o. Ger. ser.*  
 stola *de can.*

Rom. 8.

stola ad Romanos, capite octauo, hæc ad hunc locum pertinentia uerba, scripta reliquit. Qui proprio Filio suo nō pepercit, sed pro nobis omnibus (pondera uerbum, omnibus) tradidit illum: quomodo non etiam cum illo omnia (pondera, omnia) nobis donauit? Verba lego; sed vim pondusque uerborum me non satis intelligere confiteor: hoc unum scio maximū quid sonare, ac profundam quandam sententiam continere; quam ego ob ingenij, & spiritus mei imbecillitatem, non capio, nō gusto. Tu amice lector, melius perpendere poteris. Quæ sane uerba, omnibus animi uiribus diligenter pensanda, & sæpenumero cogitatione accurate essent tractanda. Deus. Proprio. Filio. Suo. Non pepercit. Sed pro nobis. Omnibus. Tradidit. Illum. Quomodo non etiam cum illo. Omnia. Nobis. Donauit? Considera largitorem: perpende rem donatam: animaduerte eū, cui donatur: intellige largitionis modum. Talis ac tantus: talem ac tantam, talibus & tantillis, ex summa caritate omnia, omnibus, adhuc inimicis existentibus, donauit. Cuius animus ad horum uerborum considerationem non exiliat gaudio? cuius spes ad beatitudinem certissime sperandam ad tantam largitionem, non erigatur?

cuius

cuius uoluntas ad tantum ignem tota, amore, non deflagret? cuius cor non elique-  
 scat? Quis ad cogitationem tantæ munifi-  
 centiæ erga se unum attonitus, ac stupore  
 defixus non remaneat? Quis tandem, cum  
 Deum sibi dedisse omnia intelliget, sua om-  
 nia, & se totum, cum se, & omnia Deo de-  
 beat, ne ingratus existat, non restituet? &  
 cum uideat se non posse nisi accepta resti-  
 tuere, cur non ex cruciabitur animi? Com-  
 mendat itaque Deus caritatem suam in no-  
 bis: quoniam, si cum adhuc peccatores es-  
 semus, secundum tempus Christus pro no-  
 bis mortuus est: multo igitur magis, nūc *Rom. 5.*  
 iustificati in sanguine ipsius, salui erimus  
 ab ira per ipsum. Si cum inimici essemus,  
 reconciliati sumus Deo per mortem Filij  
 eius: multo magis reconciliati, salui eri-  
 mus in uita ipsius. Sed, ut eo reuertamur,  
 unde digressi sumus; ideo Christus est mū-  
 di monarcha, quia mundum, & inimicos  
 omnes uincendo, omnia sibi subiecit: Con-  
 fidite, dicebat Dominus: ego uici mūdum.  
 At idem, Christo tamen adiuuante, facit  
 uir iustus; ut ex his, quæ supra scripta sunt,  
 satis constat: erit ergo ipse quoque mundi  
 monarcha uocandus. Quare, iure optimo  
 uir quidam doctus, & pius hanc ueritatē  
 spiritu suo contemplans, & gustans, in hæc  
 uer-

uerba admirationis plena, prorupit. Quid admirabilius? quid ad audiendum iucundius? quam ut unusquisque fidelium, instar Christi, Monarcha sit omnium, si placeat, & hoc triplici iure. Ius unum dat filialis adoptatio: ius alterum triumphalis debellatio: ius tertium, redamationis vicissitudo. Exurgite omnes dilectissimi, hilarescat facies, serenentur oculi, omnis exurgat affectio, gratiarum resonent actiones: & rursus: quæ tanta nouitas gaudiorum? magna ualde; præclara, insignis, nil supra: quia, iam iam, non uno, sed triplici titulo Christianus Monarcha est. Christiano Deo omnia dedit in manus. Et quidam alius uir uere iustus, cuius ego spiritum ualde mirari soleo, cum hunc uiri iusti titulum, ut arbitror, consideraret, omnia dicebat esse sua; & omnium prouinciarum totius mundi, quas etiam quadam admirabili, & sapientissima simplicitate numerabat, se dominum esse gloriabatur. Possemus etiam, hoc, quod nunc docemus, confirmare ex his, quæ supra scripta sunt, cum uiri iusti causa mundum fuisse factum, eiusdemque causa conseruari, demonstrauimus. Cum itaque mundus pro iusto conditus sit, & pro eodem conseruetur, & Deus, ut scriptura docet, sub pedibus eius subiecerit omnia;

*Heb. 9.  
Fra. Jacob*



omnia; cum Deus hominem ad imaginē,  
& similitudinem suā fecerit, ut sicuti Deus  
omnium rerum supremum habet domi-  
nium, ita homo praeesset omnibus; cū Pau-  
lus iustis dicat omnia uestra sunt, non ui-  
deo, cur hominem iustum, rerum omnium  
dominum, & Monarcham appellare non  
liceat.

1. Cor. 3.

*Laudatur uir iustus a regno Dei, quod intra  
se habet, & regem esse ostenditur.*

Cap. LXX.

**M**AGnum sane quid de uiro iusto pro-  
ximo capite asseruimus; cū eū totius  
mundi monarcham esse diximus: sed quid  
dā maius profecto esset, si quis, quidquid  
est ualoris, precij, & splendoris, in omni-  
bus mundi regnis, & in toto hoc terrarū  
orbe, in unum regnum conferret; in quo  
nobilissimo, ac perfectissimo modo regna,  
& bona continerentur omnia. Longe maxi-  
mum, & multo praestantissimum esset, si  
quis hoc regnum ita in manu sua haberet,  
ita possideret; ut nullus hostis, nulla belli-  
ca uis, nulla potentia modo possessor uel-  
let, posset ab eo auferre. Quid? si hoc re-  
gnum esset huiusmodi, ut in eo defenden-  
do, & possidendo nulla humana opus es-

T set

set potentia à nullo creato præsidio? Maximum profecto quid, & summa admiratio ne dignum, id censeretur. Tale quiddam de viro iusto affirmare nos posse, arbitror.

*1. Pe. 2.*

Cum itaque vir iustus in sacris literis rex nominetur, aliquod regnum habeat necesse est: quod, cuiusmodi sit, breui explanare

*Pro. 8.*

*Apo. 19.*

tentabo: Omnia huius mundi regna sunt participationes, vel potius vmbra quædã regni illius regis, per quem omnes reges regnât, qui Rex regum nominatur: in quo summi regis regno, quidquid iucunditatis, utilitatis, dignitatis, & honestatis est, aut esse potest, reperitur, ac tanquam in fonte continetur: sicuti in diuina natura omnium creaturarum perfectiones eminentissimo modo, non secus ac in sole quidquid est in mûdo splendoris, reperiuntur. Hoc Dei regnum, quod, quale quantumque sit, nemo explicabit vnquam, in viro iusto, ut scriptura docet, inuenitur: ad quod querendũ,

*Lu. 17.*

suos hortabatur Christus, cum dicebat: Primum quærite regnum Dei: & petere et docuit, cum hanc orandi formam tradidit:

*Mat. 6.*

Adueniat regnum tuum. Ait ergo scriptura: Ecce enim regnum Dei intra uos est. Hoc regnum, quod Christus quærere, & petere homines docuit, in impijs, in quibus Deus minime regnat; esse non potest.

Erit

Erit igitur in iustis; siue illud sit una, vel altera, uel utraque piorum Ecclesia, siue verbi diuini prædicatio, siue sacræ scripturæ intelligentia, siue id quod est præcipuum in uita, et religione Christiana, caritas, & iustitia, siue æternæ beatitudinis præmiū, siue communio sanctorum, in quibus regnat Deus, siue Christus, & Deus: quoniā omnia hæc regna, in uiris reperiuntur iustis: cum Deus in ipsis inhabitet, in cōiōne sanctorum sint, præmia æterna expectent, & iam gustent, iustitia & caritate sint ornati, intelligentiam scripturarū habeant, diuinum uerbum libenter audiant, & in corde seruent, & denique sint Ecclesiæ mēbra, & sanctorum ciues. Regnāt ergo iusti, & regnum intra se habent: regnum quod omnia regna continet: regnum non terrarum, sed cœlorū; nō humanū, sed diuinū: non externū, sed internum, non momentaneum, sed æternum: regnum, quod nulla ēt djabolica ui, si quis velit, potest expugnari: regnum sine quo alia regna nullius sunt momenti: regnum, quo, q̄ potitus est, uere regnat, & uere rex nuncupatur. Capere igitur quispiam huius regis causa posset. Domine in uirtute tua lætabitur rex, & super salutare tuum exultabit uehementer. Desiderium cordis eius tribuisti ei, & vo-

Lu. 17.

Mat. 5.

Rom. 4.

1. Cor. 4.

Ps. 54.

luntate labiorum eius non fraudasti eum.  
 Quoniam præuenisti eum in benedictioni-  
 bus dulcedinis: posuisti in capite eius co-  
 ronam de lapide precioso, &c. Regnum in-  
 tra uos est, o iusti: quia regnum Dei nō est  
 esca, & potus, sed iustitia, & pax, & gaudiū  
 in Spiritu sancto; q̄ omnia in uobis sunt.  
 Regnum Dei intra uos est: sonum uerborū  
 audio: uim & pondus non percipio, perci-  
 pite uos, o iusti: uos ipsos intra uos ipsos  
 quærite: omnia bona uestra, omnia quæ  
 potestis cōcupiscere regna, intra uos sunt.  
 Adhibeatur considerationis trutina, & sin-  
 gula pensentur uerba. Regnum. Dei. Intra.  
 Vos. Est. Ego illud unum dixerim, regno  
 Dei nihil maius esse, & nihil optabilius, ni-  
 hil suauius, nihil tutius, quam intra se il-  
 lud habere, reperiri posse. Petamus ergo a  
 Christo Domino edocti, a Rege regum;  
 hoc regnorum regnum; & dicamus: Ad-  
 ueniat regnum tuum. De impio autē quid  
 dicemus? Impius cum Deo non seruiat,  
 cui seruire regnare est, cum Deum in se nō  
 habeat, quia Deus in peccatore non habi-  
 tat; nec rex erit, nec regnum habebit ullū:  
 sed cum in eo Dæmon regnet, & ipse pec-  
 cato inseruiat, Diaboli regnum, siue tyran-  
 nidem in se habebit, & seruitutem quan-  
 dam miseram, & calamitosissimam, &

Rom. 14.

 Apoc. 19.  
 Mat. 5.

creatura ratione, & libertate donata indignissimam uiuet. Age ergo, o miser peccator excute regnū Diaboli, a durissima Pharaonis seruitute te libera: regnum Dei quære, quod si uolueris facile inuenies, si non extra te, sed in te quæres. Quid igitur mortales extra uos terrena regna quæritis, cum intra uos cœleste regnum uobis inuenire liceat? Quid extra uos, intra uos positam felicitatem perquiritis? Quid, o miser homo, in hoc mundo teipso est preciosius, & tibi carius? Igitur teipsum quære, teipsum posside, & ita posside, ut te nūquā amittas: quod si feceris, regno Dei utiq; poteris.

*Viro iusto omnia feliciter succedunt.*

*Cap. LXXI.*

**Q**uo me cunque uerto, tam patens se mihi ad laudandam felicissimam piorum condicionem, campus offert ut, si ad finem peruenire uoluerō, non tam perlustrandus, quam percurrendus mihi sit: quod & hactenus feci, cum multos penitus intactos reliquerim locos, alios uero leuiter attigerim; quod, ob rei amplitudinem posthac etiam mihi faciendum erit. Et quis hanc materiam propemodum infinitam esse non iudicet? cum nihil omnino

T 3 sit,

fit, ex quo, hic piorum status laudari non  
 queat? cum eis omnia feliciter succedant.  
 O fortunatum! o beatum eum! diceret  
 mundus, cui omnia sub manu succedunt,  
 cui omnia ex uoto contingunt, cui semper  
 fortuna arridet; eum inquam, qui de nume-  
 ro est eorum, quos regius propheta his se-  
 re uerbis descripsit: Filii eorum sicut nouel-  
 lę plantatę: filię ornataę quasi templa quę-  
 dam: promptuaria ita plena, ut unum in  
 aliud diffundatur: oues ita fęcundę, ut  
 multos pariant fętus: boues crassę, & ro-  
 bustę, ac ad omnes labores sustinendos  
 aptę: macerię nullum uitium faciunt: per  
 eorum agros, nemo transit: tanta demum  
 felicitate, & quiete fruuntur, ut ex platea  
 rumorem exaudiant nullum. O igitur bea-  
 tum eum, cui hęc contingunt! exclamat  
 mundus. Verum, ut in omni alia re, ita in  
 hac stultus errat uulgus: cum nemo sit infe-  
 licior eo, cui omnia, quę ad hanc morta-  
 lem uitam degendam pertinent, prospere  
 succedunt. A ias, felicem, immo felicissi-  
 mum Turcarum regem appellemus, cui  
 per tot iam annos feliciter multa contige-  
 runt: cum tot populos debellauerit: cum  
 summo potiatur imperio: cum multis po-  
 pulis formidabilis existat: cumque omni  
 deliciarum genere affluat: quo tamen ho-  
 mine,



mine, si recte iudicare uolumus, neminem infeliciorem, neminem miserabiliorem facile inuenies. Propterea sancti uiri, nullo unquam tempore, ita timent, atque cum humanæ res eis omnino prospere succedunt. Ideo legimus, uirum sanctum noluisse ingredi in domum quandam, quæ semper prospera usa fuerat fortuna. Non est ergo in eo secunda fortuna posita, ut humana pro uoto semper eueniant negocia; sed in hoc, ut tam ex aduersis, quam ex secundis rebus, honestus aliquis colligatur fructus: quod impijs contingere minime solet. Solus ergo iustus hac felici utitur cōdictione, ut ei omnia feliciter cadant; quod, non uno in loco ea docet scriptura, quæ mentiri nequit. Diligentibus Deum, inquit Apostolus, omnia cooperantur in bonum; & qui hunc locum declarando, dixit; etiam ipse casus, id est error, & lapsus in aliquam culpam, non male dixit. Quandoquidem, uiri iusti, non solum ex malo pœnæ, sed etiam ex malo culpæ utilitatem aliquam percipiunt: qua in re, quod est omnino animaduertendum, similes sunt Deo, qui ex quouis malo bonum aliquod colligit: & ideo mala fieri patitur, ut inde maiora, sapientia sua, colligat bona. Idcirco, doctissime Angelicus doctor scripsit, le

*Ambr. o.**Rom. 8.**D. Tb. a.*

iores in uiris probis imperfectiones, non esse dānandas, neque eis obesse; cum ex illis, prudentia, & sapientia sua, maximos fructus hauriant; & plus per illos fortiter, ac prudenter se corrigendo; acquirant, quam per easdem, ob naturæ cōdicionem, amiserint. Huc facit ea viri iusti descriptio, quam psalmo primo attulit propheta; ubi de finibus bonorum, & malorum disputat. Et erit tanquam lignum, quod plātatum est secus decursus aquarū, quod fructum suum dabit in tempore suo; & folium eius non defluet, & oīa quæcunq; faciet, prosperabuntur. Quid sibi uult illud; folium eius non defluere? nisi, nihil agere, unde aliquid peccetur, aut detrimēti capiatur: nisi tam in prosperis, quam in aduersis ita se gerere, ut nihil præter rationem agatur, & ita in utraque fortuna uersari, ut nec prospera efferat, nec aduersa frangat. Quid etiam significat illud; omnia prosperabuntur? nisi omnia quæ euenerint, aliquid utilitatis allatura? Et quid mirum, si uir iustus semper secunda utitur fortuna? cum Deus sit cum ipso in cūctis, quæ facit: ex quo nascitur, ut cuncta prospere, & sapienter agat. Ideo Ioseph uir iustus Fratribus suis dixit: Vos cogitastis de me malum; sed Deus uertit illud in bonū;

Gen. 21.

Gen. 30.

Gen. 50.

vt exaltaret me, sicuti impresentiarum cer-  
 nitis. Bene cessit iusto Iob tantus calamita- *Iob. ult.*  
 tum cumulus; cum ipsi reddita fuerint du-  
 plicia: Bene ceciderunt omnia Samueli ui-  
 ro iusto; quia Dominus erat cum eo, & nō  
 cecidit, ut ait scriptura, ex omnibus uer- *I. Reg. 3.*  
 bis eius, in terram. Huc facit luculenta illa  
 sacrę pagine sententia, qua dicitur: Melior *Ecl. 4.*  
 est enim iniquitas uiri, quam mulier bene-  
 faciens. quia, uir, sua prudentia ex perpe-  
 trato delicto, dum ab eo surgit, & in poste-  
 rum cautior fit, utilitatem magnam perci-  
 pit: at uero mulier, hoc est, uir impius, qui  
 tanquam mulier, est stultus, & mollis, in  
 ipsis etiam actionibus, quas bene excere vi-  
 detur, offendit. Huc denique spectat il-  
 lud: quidquid acciderit, non contristabit *Pro. 12.*  
 iustum. quia nihil unquam ab honesta, bea-  
 taque uiuendi ratione, eum remouere po-  
 test. Siquidem, cum certam habeat de di-  
 uina rerum creaturarum procuratione sen-  
 tentiam, omnia sibi Dei uoluntate euenire  
 putat: ac proinde, ex omni re, sibi utilita-  
 tem capiendam censet. Quamobrem uir  
 iustus, ex quacunque re, siue bona, siue  
 mala, siue prospera, siue aduersa, quocū-  
 que tempore, & loco, cum neque sol per  
 diem, neque luna per noctem eum urat,  
 maximos fructus capit. Denique, propte- *Ps. 130. 12.*

rea uiro iusto oīa cooperari dicūtur in bonum; quia ex omni re, quam, aut uidet, aut audit, aut contingit, aut quouis alio sensu percipit, rationeue attingit, laudandi Deum, ac proficiendi in spiritu, occasione sumit; & tanquam spiritualis, omnia ad spiritum traducit, Laudemus ergo uiros iustos; quia cum sint boni, non minus ex malis, quam ex bonis norunt colligere bona.

*Aduersas res uiri iusti statum felicissimum reddere ostenditur.*

Cap. LXXII.

**D**iceret fortasse quispiam, nos huius hominis felicitatem hactenus nimium amplificasse, nec omni ex parte uerax dixisse; cum uiros iustos uarijs angustijs oppressos, impios uero ab omni molestiarum genere liberos, & secundis rebus florentes sepe numero uidere contingat. Queres, aliquando, sapientissimorum hominum animos aliqua ratione turbauit: cum impios florere, & pios in sordibus iacere viderent. Demonstrabimus ergo, ne quid esse uideatur, quod hunc felicem uiri iusti statum minus beatum reddat, ijs ipsis rebus feliciores esse iustos, quibus, mundus

eos miseros esse putat; & impios, ijs rebus esse miseros, ob quas felicissimi habentur. Id autem faciemus demonstrando huius vitæ misérias, & angustias, nullam in partem virorum iustorum obscurare fortunam. Angustia igitur, & miseria, non modo piorum statum non obscurant, sed illustriorem, & feliciorem reddunt: quod, & si in schola mundi paradoxum esse videtur: tamen, in Christiana disciplina res est exploratissima. Id si uerum non esset, nunquam diuus Iacobus dixisset: Omne, id est perfectum gaudium, existimate fratres mei, cum in uarias tentationes incideritis, scientes, quod probatio fidei vestrae patientiam operatur: patientia autem opus perfectum habet: ut sitis perfecti, & integri in nullo deficientes. Quis ergo cum statum, qui secum omne gaudium affert, qui homines probat, qui patientiam operatur, qui perfectum opus habet, qui homines perfectos, & integros, & in nulla re deficientes reddit, imperfectum, & miserum esse putabit? Id si uerum non esset, nunquam Apostoli iussent gaudentes a conspectu concilij, quod digni facti essent pro nomine Christi contumeliam pati. Si hic status prudentes homines gaudio perfundit; cur miser appellatur? & qui in eo

*Iac. 1.**Rom. 5.**Ad. 5.*

versantur miseri? Si ad tãtam dignitatem  
euehit, ut pro gloria Christi homines li-  
benter patiantur, quo nihil melius, nihil  
maius in hac uita reperiri potest; cur am-  
plissimus, & felicissimus non reputatur?  
*Rom. 5.* Id si uerum non esset, nunquam Paulus di-  
xisset: sed & gloriamur in tribulationibus  
scientes quod tribulatio patientiam opera-  
tur, patientia autem probationem; proba-  
tio uero spem; spes autem non confundit.  
Capiemus scilicet ignominiam ex eo, ex  
quo Paulus gloriam capit: eam rem appel-  
labimus miseriam, quæ maximos fructus  
affert: in desperationem nos is status ad-  
ducet; qui spem reddit certissimam; is sta-  
tus calamitosus censebitur, qui homines  
per miseriarum perpeffionem Dei Filio si-  
mitem reddit; cui, quos præuidit Deus fo-  
re conformes, eos prædestinat, uocat, ius-  
tificat, & tandem æterna gloria coronat.  
*Rom. 8.* Id si uerum non esset, nunquam Aposto-  
lorum princeps dixisset: sed, & si quid pa-  
timini propter iustitiam, Beati: Efficiet  
*1. Pet. 3.* hic status homines beatos, gloriam affe-  
ret æternam, & negligendus erit & miser  
appellabitur? Id si uerum non esset, quo  
modo Deus amicos suos domesticos suos  
filios suos; bonos uidelicet & iustos viros,  
uarijs, ac grauissimis angustijs agitari, &  
premi



premi uoluisset, & de hac suorum perfectione aliquando gauisus, ac gloriatus fuisset? Nunquid bonus Pater ignorauit, aut non potuit, aut noluit bona dona dare filiis suis? cum patres mali non dent dona mala suis. *Mat. 7.*  
 Merito igitur beatificamus eos qui sustinuerunt; Abraham, Iosephum, Dauidem, Tobiam, Iob, Ioannem, Paulum, & ceteros sanctos, sanctasque omnes; qui ad summum virtutis gradum, ad diuinos honores, ad æternam beatitudinem hac una uia peruenerunt: & Christo domino non est dictum; sede a dextris meis; nisi quia, *Iac. 5.*  
 De torrēte in uia bibit: hoc est, nisi quia varias, grauissimasque perpeffus est miseras. *Ps. 108.*  
 Quis igitur non existimet eum statum esse felicem, in quo Deus optimus maximus Filiū suum uiuere uoluit? qui uerbis irrisus, probis despectus, colaphis percussus, sputis fœdatus, uirgis cæsus, cruci affixus, & toto denique corpore ita affectus fuit; ut eius ossa numerari potuerint, & nulla in eo inueniretur forma? *Mat.*  
 Quamobrem, cum in hoc uocati sint iusti, ut sequantur uestigia, Christi, qui eis huius felicissimi status reliquit exemplum; quis eos, quod, *Ps. 31.*  
 in miserijs, & angustijs interdum uersentur, miseros esse dicat? quis infelices eos appellare audeat, qui Christi uitam uiuunt? *1. Pet. 2.*  
 qui

qui Christi vestigia imitantur? qui sumpra  
 cruce, crucifixum sequuntur? quem qui  
 non sequitur ambulat in tenebris. Qui  
 hanc uiuendi piorum condicionem reiici  
 unt, qui miseram appellant, id etiam vi  
 ræ genus, quod sancti uiri, beati Apostoli,  
 & Christus Dominus Dei filius uixit, mi  
 serum iudicent, & reiiciant. Quis eos ærū  
 nosos, & miseros existimet, qui eam vitā  
 degunt, per quam Deum secum habent?  
 per quam gloriam cōsequuntur æternam?  
*Ps. 90.* Cum ipso sum, (Deus loquitur) in tribula  
 tione, eripiam eum, & glorificabo eum.  
 Est igitur Deus cum ijs, qui in miserijs  
 versantur: quos fortiter pugnantes non si  
 ne delectatione spectat, eosq; eripit, & glo  
 ria afficit. Qui ergo fieri potest, ut hic  
 status calamitosus sit, cum Deus totius cō  
 solationis auctorem secum habeat, et uicto  
 riæ palmam secum afferat? Existimemus  
 igitur esse perfectum gaudium, in uariis  
 uersari miserijs: quia ubi abundat tribula  
 tionum perpressio, uera quoque abundat  
 consolatio. Si aurum sensum haberet, nō  
 conquereretur de igne, a quo purgatur,  
 nec lignum de ferro, a quo rotundatur,  
 nec lapis de scalpello, a quo perpolitur.  
 Perpoliet, rotundabit, purgabit, tribu  
 latio hominem, & lamentabitur? tribu  
 la-

latio quæ faciem remouet, quæ superflua resecat, quæ aspera equat, quæ dat intellectum, quæ secum innumera bona affert, lamentationis causa existet? Et quid quæso sunt aliud huius uitæ miseræ, quæ via ad patriam, uehiculum ad beatitudinem, eximia Dei dona, amoris diuini signa, æternæ felicitatis pignora, lapilli de cœlo delapsi, nuncij, quibus Deus sibi caros inuist, crux denique Christi omni ueneratione colenda? O igitur felicem, ac felicissimum illum seruum, quem Dominus rã amice inuist, tabulis donis afficit, & Filio suo similem reddit: quem eripit, & coronat. O rem admirabilem! Dominus, dum eripit uictoriam acquirit, & seruus coronatur. Cum ipso sum in tribulatione, eripiam eum, & glorificabo eum. Quis ergo nolit in tribulatione uersari, ut Deum secum habeat, & palmam acquirat? Quid ergo stulti homines, uariis miserijs (si miserie vocari possunt, quæ homines illustant, perficiunt, & per beatos reddunt) non dicam oppressos, sed erectos, non obscuratos, sed illustratos, non sordidatos, sed purgatos miseros appellant? cum tribulationes a peccatis præseruent, in bono confirmant, virtutes augeant, certitudinē quandam sanctitatis præbeant, & spem æ-

1/a 28.

Heb. 12.

Ps. 90.

Rom. 5.

ternæ

ternæ felicitatis afferant. At uero, prosperitas, uel ut rectius loquar, miseria impij, quid ei emolumenti; quid gloriæ affert? Intellectu priuat, a uia uirtutis reuocat, ad peccandum allicit, merita extinguit, irâ Dei thesaurizat, uiam ad beatitudinem intercludit, iter ad infernum patefacit, atque sternit. Impiorum prosperitas non liberat a curis, sed curis obruit; non explicat, sed implicat; non leuat, sed deprimi; non delectat, sed contristat; non beat, sed damnat. Quapropter, si uir iustus uiderit impium secundis rebus utentem, & omni ex parte florentem, & tanquam cedrum libani exaltatum, nihil commoueatur; quia, adhuc pusillum, & non erit; quæret locum eius, & non inueniet: nanque iniusti punientur, & semen eorum peribit: & reliquæ eorû exterminabuntur: at mansueti, & humiles hæreditabunt terram, delectabuntur in multitudine pacis; non confundentur in tempora malo sed eorum hæreditas erit æterna. Expectet ergo iustus Dominum, & custodiat uias eius; & exaltabit eum, ut hæreditate capiat terram: & cū perierint peccatores, uidebit non æmuletur in malignantibus, neque zelet facientes iniquitatem; quoniam tanquam scænum uelociter arescent, &c. Videbunt iusti, & timebut,

&amp;

& super eum ridebunt, & dicent. Ecce homo, qui non posuit Deum adiutorem suum. Non igitur, o miseri homines miseriarum spectanda est cutis, sed sedulo introspicere, & meditari rem oportet: quia, licet anima iusti tribulationum calore decoloretur: dicere tamē potest, Nigra sum, sed formosa. Concludamus ergo: Beatus uir, qui suffert tentationem; quoniam cū probatus fuerit, accipiet coronam uitæ, quam repromisit Deus diligentibus se.

Can. 8.

Iac. 1.

*Deus est protector, custos, & vindex*

*virii iusti.*

Cap. LXXIIII.

**I**Nficias non eo, immo ingenue fateor, multas esse tribulationes iustorum: sed illud etiam audacter affirmo, quo plures sunt, eo illustriorem, ac feliciorem uirum iustum reddere: sicuti maior ignis, aurum magis purgatum reddit; & plures ictus politiorem efficiunt lapidem. Præterea, licet tribulationes iustorum multæ sint: tamen de his omnibus eos liberabit Dominus. Ex quo maxima quædam uiri iusti exoritur laus, & gloria; cum Deum liberatorem, & uindicem habeat: quoniam non relinquet Dominus virgā impiorum super sortem iustorum. Quantum gloriaretur is

Ps. 33.

Ps. 124.

V

qui,

qui, vel principem vel ducem, uel regem;  
pro patrono, & uindice haberet; qui ipsi-  
us ab alijs acceptas diligenter ulcisceretur  
iniurias, qui ipsum præcipua quadam cu-  
ra perpetuo custodiret, ac defenderet; qui  
tandem in omni re aduersa, ei præsto esset?

Talis est Deus, Rex regum, & Dominus  
dominantium erga uirum iustum; cui in-  
quit: Mihi uindictam, & ego retribuam:

*Rom. 12.* Id; cum regius propheta optime intellige-  
*Ps. 139.* ret, cecinit: Cognoui, quia faciet Domi-  
nus iudicium in opis, & uindictam paupe-

rum; ac proinde, experientia edoctus, sæ-  
*Psal. 17.* pissime Deum, fortitudinem, salutem, sus-  
ceptorem, protectorem, liberatorem, ad-  
iutorem, salutare, clypeum, refugium, fir-  
mamentum, cornu denique salutis suæ ap-  
pellabat: cum Deo loquens, dicebat: Deus

qui das uindictas mihi, & subdis popu-  
los subtus me, liberator meus de inimicis  
meis ir. cundis: Respice in me, & misere-  
*psalm. 14.* re mei: quia unicus, & pauper sum ego,  
&c. Huc pertinet etiam illud: Et factus est

*Psalms. 9.* Dominus refugium pauperi, adiutor in  
opportunitatibus in tribulatione. Hinc est,  
quod, uir iustus, cum tanto auxiliatore,  
& vindice, se fulctum esse intelligat; li-  
cet vnde quaque inimicis se septum vi-  
deat, qui dicunt, non est salus ei in Deo  
eius,



eius, audacter dicit: Non timebo millia populi circundantis me: Et scitote, quoniam mirificauit Dominus sanctum suum; Dominus exaudiet me, cum clamauero ad eum. Et alibi: In Domino confido: quomodo dicitis animæ meæ; Transmigre in montem sicut passer? Et ab insurgentibus in me, exaltabis me; a viro iniquo eripies me: & comminuam eos ut puluerem ante faciem uentri: ut lutum platearum delebo eos. Quod autem Deus sit iustorum uindex, innumera ex scriptura sumpta demonstrare possunt exempla. Vindicauit Deus iniuriam Abel, contra Cain: Eliæ & Naboth, contra Iezabel: cuius sanguinem linxerunt canes; de qua prætereuntes dixerunt: Hæcine est illa Iezabel: Micheę, contra Achabum; ita, ut de domo eius reliquię non remanserint: & qui minister huius vindictę fuit, præmium a Deo, maximum accepit: Mardochei, contra Aman, qui in patibulo Mardocheo parato suspensus fuit: Iudæorum, contra Antiochum; qui insanabili, & inuisibili plaga percussus est: Ioannis contra Herodem, & Christi, atq; iusti Iacobi contra Iudæos: Et denique, ne omnia diuinę scripturę nimmer exempla; quoties Christus Ecclesię sponsę suę iniurias contra iniquos homines vindicauit? contra Neronem, con-

*Psal. 3.**Psal. 4.**Psal.**Gen. 4.**4. Reg. 9.**2. Par. 24.**3. Reg. 22.**4. Reg. 10.**Esther. 7.**2. Mach. 9.*

# VIR IVSTVS

tra Decium, contra Dioclitianum, contra Iulianum apostatam, contra Arrium, & alios hereticos, qui omnes miserabiliter extincti sunt. Quod si qui iustorum offensores, in hac vita non puniuntur: ijs in futurum grauius iudicium reseruatur. No-  
 uit ergo Dominus pios de tentatione eripe-  
 re, iniquos uero in diem iudicij reseruare  
 iudicandos. Liberauit Deus Ioseph a fra-  
 tribus, & adomina, atque ex obscuro car-  
 cere in claram lucem eduxit, & per eum  
 Aegyptum a fame: Liberauit populum Is-  
 rael a crudelissima Pharaonis seruitute,  
 quem uarijs affecit plagis: Liberauit Da-  
 uidem ab insidijs Saulis, & a coniuratio-  
 ne filij: Liberauit Susannam a falsa accu-  
 satione: Liberauit Daniele a morsibus  
 Leonum: Liberauit Oniam ab Heliodoro;  
 liberauit Machabeos auxilio illorum quin-  
 que, qui e caelo delapsi sunt: Iidem ma-  
 nu pugnantes, sed Deum corde orantes,  
 licet essent pauci numero, uim hostiu ma-  
 ximam prostrarunt. Est igitur Deus iusto-  
 rum liberator, & uindex. Iudex ille, qui  
 non timebat Deum, & hominem non reue-  
 rebatur, instigante uidua uindicanit: Deus  
 electos suos ad se die ac nocte clamantes,  
 non uindicabit? & patientiam in illis ha-  
 bebis? Immittet utique Angelus Domi-  
 ni

2. Pet. 2.

Gen.

Exo.

2. Reg. 18.

Dan. 13.

Dan. 14.

2. Mach. 3.

2. Mach.

10. 11. 12

13.

Luc. 18.

Apo. 6.

ni in circuitu timentium eum, & eripiet  
 eos: hoc est, circum eos castrametabitur,  
 acie, ualloque cinget. Dicat ergo iu- *Psal. 33.*  
 stus: Ipse pauper clamaui, & Dominus ex-  
 audiuit me, & de omnibus tribulationibus  
 meis saluauit me: & tanto beneficio affe-  
 ctus, ad alios se conuertat, eosque ad gra-  
 tias secum Deo agendas, his uerbis horte-  
 tur. Magnificate Dominū mecum, & exul-  
 temus nomen eius in idipsum; hoc est, una-  
 nimiter. Quod si interdum Deus auxilio  
 suo non statim adest, nec statim uindicat:  
 iustus uiriliter agit, & expectat Dominum:  
 qui non moram faciet, non tardabit: ete- *Psal.*  
 nim est bonus, & confortans in die tribula- *Habach. 2.*  
 tionis: & sciens sperantes in se. Quod si, *Nahum. 1.*  
 ne ab inimicis uincatur, timet, ad precatio-  
 nem confugiat, & Deo dicat: Iudica, seu  
 uindica nocentes me: expugna impugnan- *Psal. 34.*  
 tes me: apprehende arma & scutū, & exur-  
 ge in adiutorium mihi, &c. Nec quidquā  
 est, cur iustus de diuino auxilio dubitet:  
 quia oculi Domini super iustos: & aures *Psal. 35.*  
 eius in preces eorum. Itaque statim ade-  
 rit, & anima eius delectabitur super salu-  
 tari suo: & omnia ossa sua dicent: Domi-  
 ne Domine, quis similis tibi? Licet ergo  
 multæ sint iustorum tribulationes; de om-  
 nibus tamen liberabit eos Dominus. Quo

*Zach. 2.*

fit, ut cauere quisq; debeat, ne uiros iustos lædat; quoniam eos uindictabit Deus: siquidem, qui eos tangit, pupillam oculorū Dei tangit: & ne quis tangat, aliquando præmonuit, cum dixit: Nolite tangere Christos meos: & qui sunt Christi Dei, nisi iusti diuina gratia inuncti? Et cum quis iustum persequitur; non secus ac si ipse iniuria afficeretur, inquit: Saule Saule, cur me persequeris? O egregiam, & singularem uiri iusti conditionem, cum Deum sui defensorem, liberatorem, ac uindicē habeat: cum Deus ipsi semper præsto sit: cum Deus iniurias ipsi illatas, sibi inferri dicat, & ne quis eum tangat, præcaueat, & denique eū tanquam oculi sui pupillam custodiat, carumque habeat. Quis erit tam impudēs, tam perditus, qui pupillam oculorum Dei uel minimum lædere uel tangere audeat? Estote igitur securi, o iusti, nullum uos periculi genus terreat, uiuite læti, quandoquidem defensorem, ac uindicem, præpotentem habetis Deum. Ut merito uir iustus cinerit: Lætabitur iustus cum uiderit uindictam, manus suas lauabit in sanguine peccatoris, & dicet homo: si utique est fructus iusto: utique est Deus iudicans eos in terra.

*Ps. 133.*

*Deum priuatam, ac præcipuam uiri iusti  
curam habere demonstratur.*

*Cap. LXXIIII.*

**S**I quispiam illustrem, ac potentem natus esset patronum, qui eius singularem curam, & protectionem haberet, is se felicem esse arbitraretur, ac pro felici ab omnibus haberetur. Verum, cum ex sacris literis Deum, qui licet rerum omnium procuracionem habeat, singulari tamē prouidentia uiros iustos regere, eosque priuata ratione, dirigere, & ipsorum utilitatibus consulere, intelligo: infelicem, aliorum omnium, qui sub hac præcipua gubernatione, in quorum numero sunt omnes impij, non continentur, uitam iudico: Deus igitur non solum iustum contra impugnantes defendit, & vindicat: sed etiam singulari, & priuata cura perpetuo regit, eique, tamquam optimus pater filio, consulit, & prouidet. Hoc egregio uiros iustos gaudere Ps. 33. priuilegio, nullibi apertissime nos sacra non docent eloquia. Huc pertinent hæ sententiæ: Oculi Domini super iustos, & aures eius in preces eorum; oculi Domini ad timentes eum: apud Dominum gressus hominis dirigitur, & uiam eius uolet, cum ceciderit, non collidetur, quia Dominus Pro. 11. Ps. 36.

supponit manus suas, non det in commotionem pedem tuum, neque dormitet, qui

*Psal. 120.* custodit Israel: Dominus custodit te: Dominus protectio tua super manum dexteram tuam: Dominus custodit aduenas, pupillum, & viduam suscipiet, & uiam peccatorum disperdet: qui sanat contritos corde, & alligat contritiones eorum: quæ omnes auctoritates speciatim de uiro iusto intelligendæ sunt. Hanc præcipuam Dei erga pios uiros curam, totus psalmus nonagesimus eleganter demonstrat: ex quo loco, hic, adscribam aliqua. Iustus in protectione, seu umbra Dei, commoratur: Deus iustum liberat a laqueo uenantium: & scapulis suis ei umbram facit: & ideo sub pennis eius sperat: sua ueritate, quasi scuto, circumdat, & propterea non timet a sagitta uolante, a negotio perambulante in tenebris, & a Dæmonio meridiano: quia nō accedit malum ad eum: flagellum non appropinquat tabernaculo eius. Rursus, ut

*Psal. 145.*

*Psal. 90.*

*Psal. 110.*



versat: Dominus iustum dormientem cu- *Can. 3.*  
 stodit; & ne quis eum susciter, præcauet.  
 Singularis, ac luculentus de hac Dei erga  
 iustos cura locus est in ecclesiastico, vbi *Ecc. 4.*  
 hæc leguntur: Oculi Domini super timen-  
 tes eum, protector potentie, firmamentum  
 virtutis, tegimen ardoris, & umbraculum  
 meridiani, deprecatio offensionis, & adiu-  
 torium, exaltans animam, & illuminans o-  
 culos, dans sanitatem & uitam, & benedi-  
 ctionem. Perficit itaque Deus eis, qui spe- *Psal. 30.*  
 rant in eo, in conspectu filiorum hominum:  
 abscondit eos in abscondito faciei suæ a  
 conturbatione hominum: protegit eos in  
 tabernaculo suo a contradictione linguarum.  
 Tantam denique Deus suorum curam ha- *Mat.*  
 bet, vt omnes ipsorum capillos numeratos *Luc. 12.*  
 habeat. Et ne quis de hac priuata Dei pro-  
 uidentia unquam dubitet, quid ipse Deus  
 dicat, diligenter attendat. Nunquid obli- *Isa. 49.*  
 uisci potest mulier infantem suum, ut non  
 misereatur filio uteri sui? & si illa oblita  
 fuerit, ego tamen non obliuiscar tui: ecce  
 in manibus meis descripsi te. Sed iam ali-  
 quot huius singularis prouidentie afferam-  
 us exempla. Quanta cura Deus Noe,  
 Loth, Abraham, gubernauit, & rexit? Noli *Gen. 15.*  
 timere, dixit Abraham; ego protector tuus *Exho.*  
 sum, & merces tua magna nimis. Qua-  
 li,

- li, ac quanta prouidentia populum, e  
*Ex. 16.* manibus Pharaonis liberauit, & per de-  
*Nu. 20.* fertum quadraginta annos duxit, & su-  
*Deu. 29.* stentauit? dando de cœlo manna, de pe-  
*1. Reg. 8.* tra aquam, uestimenta conseruâdo, de die  
*3. Reg. 17.* nubis, de nocte ignis columna, iter indicâ-  
*Mat. 21.* do. Quanta procuratione Eliam, Eliseum,  
 & Danielem paut? Qua ratione Susa-  
 nam liberauit, Hamam sanauit, Magos ad  
 Christum duxit, & in patriâ reduxi? Cor-  
 nelium, Centurionem, & Eunuchum bap-  
 tizauit, & denique gētes omnes ad veram  
 cognitionem traduxit? Quare ita Deus  
*Deu. 33.* iustos regit, & dirigit, vt in manibus ipsi-  
 us existere, & scripti esse dicantur. Non  
 solum Deus per seipsum iustos uiros pri-  
 uatim curat, sed etiam per Angelos, qui  
*Heb. 1.* sunt in ministerium missi propter eos qui  
*Ps. 90.* hæreditatem capiunt salutis: quibus man-  
 dauit de uiro iusto, ut custodiant eum in  
 omnibus uijs suis; & portent eum in mani-  
 bus suis; ne forte offendat ad lapidem pe-  
 dem suum. Huc pertinet tota Tobix histo-  
 ria: qui cum socium itineris inuenire vel-  
*Tob. 5.* let, Angelum Dei paratum ad ambulan-  
*Tob. 12.* dum inuenit: a quo quibus officijs To-  
 bias filius, in suo itinere affectus fuerit, his  
 verbis testatum reliquit. Pater, quam mer-  
 cedem dabimus ei? aut quid dignum po-  
 terit

terit esse beneficijs eius? Me duxit, & redi-  
xit sanum, pecuniam a Gabelo ipse rece-  
pit, uxorem ipse me habere fecit, & Dæ-  
monium ab ea ipse compescuit, gaudium  
parentibus eius fecit, meipsum a deuora-  
tione piscis eripuit, te quoque videre fecit  
lumen cœli, & bonis omnibus per eum re-  
pleti sumus. In qua historia, illud priua-  
tim animaduersione dignum mihi uide-  
tur, quod puer ille, vsus fuerit Angelo tan-  
quam suo famulo, vel negotiorum acto-  
re; cum eum ad exigendas pecunias mi-  
sit: ubi & pro videntia erga pios homines,  
& ipsorū dignitatē admirari oportet. Alius  
Angelus, una cum tribus pueris in arden-  
tem fornacem ingressus est, & eos ab incen-  
dio liberauit. Illa quoque iustissima fē-  
mina Iudith, huius rei fidem fecit, cum di-  
xit: Angelus eius, & hinc euntem, & ibi  
commorantem, & inde huc reuertentem  
me custodiuit. Quamobrem, si quis eam  
curam, quā perpetuo beati illi spiritus de  
uiris iustis habent semel corporis oculis  
cerneret, omnino obstupesceret; ac quodā  
modo cum a tāto custode se tueri videret,  
erubesceret, eique quas posset maximas,  
gratias ageret. Denique, vt hunc latissimū  
campum breui excurram, uiri iusti priua-  
tam curam, ac tutelam, tanquam mater,  
habet

Dan. 3.

Iudith.  
13.

# VIR I V S T V S.

habet beatissima semper uirgo Maria: cuius in nos miseros mortales protectio tanta est, ut dixerit Anselmus, Non posse perire eum, quem ipsa receperit. Et, ut arbitror, neminem inter Fideles reperiēs, qui aliquādo hanc beatæ Virginis custodiam, non sit expertus, & aliquam singularem gratiam a matre pulchræ dilectionis, & timoris, & agnitionis, & sanctæ spei, non acceperit: quinimo etiam aliqui infideles ab ea se inuari posse putant, & ad eam confugiunt. Testantur hanc Deiparæ in homines curam, in numeræ vbique locorum affixæ tabulæ: testatur magnifica passim in eius honorē extracta sacella: testatur ingentia tēpla testatur in toto orbe terrarum singulares erga eā cultus: testatur denique omnium hominū voces, qui ubi aliquo auxilio se egere sentiunt, statim, Mariā, inuocant; qui cum patrem iratum timāt, ad matrem confugiunt. Quare, merito dicere ipsa potest: Beatus homo, qui audit me, qui vigilat ad fores meas quotidie, & obseruat ad postes ostij mei: qui me iuenerit inueniet vitā, & hauriet salutem a Domino. O felices eos qui sub tali, ac tāta tutela, talis ac tāte matris uiuunt! Impij autem a Deo (licet nihil eorum quæ fecit oderit, & velit omnes saluos fieri) hac singulari, & præcipua cura

*Ecc. 24.*

*Pro. 8.*

*Isa. 11.*

cura non custodiuntur ; sed interdum so-  
 lum iustorum causa in vita conseruantur.  
 Ideo in sacra pagina legimus, Deum ab eis  
 oculos auertere , ab eis recedere , eos non  
 exaudire , & tanquam non suos a se reijce-  
 re. Quare, si in tempore afflictionis impij  
 Deo dicent, surge, & libera nos ; responde-  
 bit Deus: Vbi sunt Dij vestri, quos fecistis  
 nobis? surgant, & liberent uos in tempore  
 afflictionis uestræ. Ab Angelis quoq; Deo  
 permittente, non ita diligenter custodiun-  
 tur, vt iusti : & ea quæ est peccatorum re-  
 fugium, ait : Qui in me peccauerint, læ-  
 dent animam suam : omnes qui me ode-  
 runt diligunt mortem. Latentur igitur, &  
 exultet iusti; quoniã in manu Dei existunt  
 & scripti sunt: Deus eos dormientes custo-  
 dit, eorum capillos numerat, uniuersum  
 stratum versat, læuam sub capite ponit,  
 & omnipotenti dextera sua amplexatur: vt  
 dicere uere possint: In ipso viuimus, mo-  
 uemur, & sumus.

Iere. 8.

Pro. 8.

Aa. 17.

*Laudatur a rep. Christiana in qua natus, &  
 educatus est, atque præ alijs excellit.*

*Cap. LXXV.*

**I**S etiam locus ab ijs, qui aliorum pro-  
 sequuntur laudes diligenter tractari so-  
 let; qui a patria, & repub. in qua oriuntur,  
 sumitur,

*Ps. 86.**Buse lib. 1.  
hist. c. 2.**Ps. 95.*

sumitur : cum patria , sit uelut altem quædam mater. Qua propter , cum uir iustus in ea republica , & ciuitate natus sit , qua nulla clarior , nulla magnificentior , nulla illustrior unquam fuit , aut esse potest, in Ecclesia uidelicet catholica, de qua dictum est : Gloriosa dicta sunt de te ciuitas Dei ; & in rep. Christiana omnium rerum. præstantissima , maximis ex hoc è loco laudibus cumulandus erit. Res igitur Christianorum publica, multis rationibus omnes alias, quam longissime antecellit. Nanque, si eius antiquitatem spectes , ad quæ nam tempora referes ? num ad Christum natum ? num ad urbem conditam ? nû ad Olympiades ? num ad euersam Troiam ? minime : sed ad Abel iustum , & ad mundum conditum. Si huius reip. auctore perquires, non ad mortalem Iouem , non ad iniustum Martem, non ad fictam Mineruam, non ad iracundam Iunonem, non ad impudicam Venerem, non denique ad aliquem eorum Deorum, quæ sunt Dæmonia ; sed ad Deum Deorum , ad uerum præpotentem, & æternum Deum : quia ipse Altissimus fundauit eam . Aliæ ergo resp. ab hominibus, uel a falsis Diis, & post mundi exordium institutæ sunt, & cessarunt , aut certe aliquando cessabunt; hæc a Deo cum ipso



ipso mundo initium habuit, & nunquam  
desitura est: immo, mundus huius reipu.  
causa factus est, & conseruatur: & ideo por  
te inferi non praeualebunt aduersus eam. *Mat. 16.*

Ad hæc, aliæ resp. certis in locis regnarunt,  
præfinitum dominium habuerunt: hæc ve  
ro in omnibus mundi partibus uiguit; In  
Asia, in Africa, in Europa, & nostris tempo  
ribus in nouo mundo floret. Quod si qui  
busdam in locis cessauit, id eorum culpa fa  
ctum est, qui ex ipsius legibus sanctissimis  
uiuere noluerunt. Est itaque certissimum,  
nullam remp. tandiu durasse, ac in tot re  
gionibus regnasse, sicuti resp. Christiana,  
quæ ad omnes etiam remotissimas, & ha  
ctenus incognitas promanauit nationes; ut  
verum sit illud: In omnem terram exiuit *Ps. 18.*  
sonus eorum, & in fines orbis terræ uerba  
eorum; illorum nimirum, qui hanc remp.  
propagarunt, eiusque leges promulgarunt.  
Habet præterea hæc resp. optimam guberna  
tionis formam, per monarchiam, & opti  
mum monarcham; qui, in hac rep. guber  
nanda, errare nequit: cum nihil contra fi  
dem, quæ est huius reip. fundamentum, &  
contra bonos mores, quibus perficitur, &  
sustinetur, statuere queat. Proferant, si  
quid tale habent aliæ resp. Amplius, supe  
rat Christiana resp. ceteras omnes, uirorū,  
toga,

roga, & armis illustrium multitudine. Si de doctrina loquamur, innumeros habet, quorum singuli singulos, & omnes simul aliarum rerump. doctos viros superarunt: Moyſes, Salomones, Eſdras, Paulos, Clementes, Iuſtinos, Origenes, Tertullianos, Cyrillos, Athanaſios, Eufebios, Maximos, Gregorios, Baſilios, Ambroſios, Hieronymos, Auguſtinos, & denique, cum innumeros numerare nequeam, innumeros alios. Si de fortibus viris loquamur, ut miſſos faciamus eos, qui bellicis rebus fuerunt illuſtres, Gedeones, Samſones, Dauides, Iudas, Conſtantinos, & Carolos; qui animi fortitudine excelluerunt, nullo numero continentur. Dicam igitur generatim, viros Chriſtianos mundum, carnem, & Dæmonē ipſum vincere: equiſſimo animo vtranque fortunam pati, illatas iniurias patienter ferre, & condonare, ac demum ſeipſos vincere. Quid dicam de duodecim alijs ignobilibus, & pauperibus hominibus, qui ſine armis, ſine humana eloquentia, totum mundum a voluptuoſo, & proſtigato viuendi genere, per ſtultam prædicationem, ad vitam cum ratione degendam, & ad veram religionem, ſpretis voluptatibus, relictis diuitiis, conculcatis honoribus, traduxerunt? Quid dicā de innumeris martyribus, qui  
il-

ilhari, & erecto animo pro huius reipub:  
 constitutione, & conseruatione atrocissi- Ps. 135.  
 mos cruciatus perpeffi sunt? Quid de in-  
 numeris uirginibus, & scemellis, quas nul- Ps. 136.  
 læ propositæ uoluptates, nulla imminen-  
 tia pericula, non carceres, non lamine, nō  
 enses, non ignes vincere aut perterrere po-  
 tuerunt? Cōrtescant igitur aliæ resp. nec Ps. 137.  
 aplius suorum ciuium deuotiones iactent.  
 Quid enim habent Decij, Curtij, Coclites,  
 Scæuolæ, Codri, Lysæ, cum infinita no-  
 strorum martyrum multitudine? cum Pau-  
 lis inquā Ignatijs, Polycarpis, Dionysijs,  
 Laurentijs, Venantijs, & alijs innumeris;  
 ex quibus vel minimus, ita singulos illos,  
 & omnes simul superat, ut omnes nostri,  
 simul ynumquemque ex illis. De homini-  
 bus autem, qui sanctitate & integritate vi-  
 tæ floruerunt, nihil prorsus dicam; cum  
 extra hanc remp. nulla sit vera sanctitas,  
 aut perfecta virtus. Iactent nunc alij suam  
 remp. & patriam: Athenas, Spartam, Car-  
 thaginem, Romam, & Venetias; & vir iu-  
 stus quodque iactabit suam: eam uidelicet,  
 de qua gloriosa dicta sunt, quæ fundata est Ps. 138.  
 in montibus sanctis, quam Deus diligit  
 super omnes alias, in qua homo & homo,  
 idest Filius Dei, vel perfecti homines nati Ps. 139.  
 sunt; quæ pace fruitur maxima, cuius se-

*Ps. 147.* *Mat. 18.* *Ps. 125.* *re* corroborata sunt, quæ abundantiam optimi frumenti habet; in qua uerus Deus uera religione colitur, in qua sedent iudices, potestatem dimittendi peccata, & largiendi diuina dona, habentes, in qua caro filij Dei ad manducandum, & sanguis ad bibendum proponitur, quam Angeli defendunt, & Dominus custodit: quia elegit eam in habitationem sibi. Quamobrem, cum nulla unquam fuerit resp. nobilior, magnificentior, atque illustrior, quam Christiana, in qua natus est uir iustus, non mediocris laus, ei, ex hoc loco tribuenda erit: cum nobiles, magnifici, ac illustres habeantur, qui ex aliqua illustriore patria oriundi sunt: inter quos, ij nobiliores censentur, qui amplissimos dignitatis gradus adepti sunt, & ex legibus illius reip. uiuunt, & ij sunt, quos legislator esse uoluit: cuius modi in rep. Christiana sunt omnes uiri iusti; qui non modo nomine, & signo, sed etiam re, & operibus sunt Christiani.

Quare, uiri iusti, in nobilissima

& præstantissima republica

erunt omnium nobilissi-

mi, & præstan-

tissimi.

Ab institutoribus, & præceptoribus,  
quibus institutus, edoctusque  
fuit. Cap. LXXV. I.

**N**on parvam laudem ex ea re homi-  
nes se capere posse putant, quod do-  
ctos, ac probos viros pro institutoribus,  
& magistris, aliquando habuerint. Ete-  
nim, ad reliquam vitam cum honestate,  
& probitate degendam, recta a pueritia in-  
stitutio, ualet plurimū: quo fit, ut sæpenu-  
mero homines, de suis præceptoribus se ia-  
ctare soleant. Quod si quis unquam, ex  
hoc loco laudari debuit, ac potuit, is certe,  
est uir iustus; qui Deo, & Christo, tan-  
quam alumno, & pedagogo, præceptore-  
que unitur. Id uerum esse, sacra nobis satis  
aperte non uno in loco scriptura demon-  
strat; in qua, Deus ipse, hunc in modum  
loquitur: Audite me domus Iacob, & om-  
ne residuum domus Israel: qui portamini  
a meo utero, qui gestamini a mea uulua:  
usque ad senectam ego ipse, & usque ad  
canos ego portabo: ego feci, & ego feram:  
ego portabo, & saluabo. Et alibi: Ad vbe-  
ra portabimini, & super genua blandietur  
uobis. Quomodo si cui mater blanditur,  
ita ego consolabor uos. Et rursus: Ego quia  
si nutritus Ephraim portabam eos in bra-

*Clem. Ale.  
lib. ped.*

*Isa. 46.*

*Isa. 66.*

*Ose. 11.*

chijſ meis. Item: Portauit te Dominus Deus tuus, ut ſolet homo geſtare paruulum filium ſuum in omni uia per quam ambulatiſ, donec ueniretiſ ad locũ iſtum. Hęc eũram, & educationem uir iuſtus agno-

*Ps. 70.* ſcens, ait: In te confirmatus ſum ex utero: de uentre matris meę, tu eſ protector me-

*Cant.* uſ: Læua eiſ ſub capite meo, & dextera illiſ amplexabitur me. Et tandem, huc fa-

*Ps. 76. 79.* cit etiam illud: Deduxiſti ſicut oueſ popu- lum tuum: qui deduciſ uelut ouẽ Ioſeph,

Hęc ſi quiſ loca diligenter animaduertet; id probare, quod uolumuſ, facile cogno-

ſcet: quod, cum cognouerit, quin admir- retur, facere non poterit; cum uiderit De-

um erga hominem, & alumni, & pedagogi & paſtoris munera exercentem, dum ei

blanditur, dum eum portat, dum defendit,

*Ps. 85.* dum deducit, dum ambulare docet, dum tandem ueluti aquila, cum ad uolandum

*Deut. 32.* prouocat, & ſuper eum volitans expandit alas ſuaſ, aſſumitque eum in humeriſ ſuiſ.

Hinc eſt, quod uir iuſtus Deo inquit: De-

*Ps. 85.* duc me Domine in uia tua, & ingrediar in ueritate tua: Spirituſ tuuſ bonuſ deducet me in terram rectam: Notam fac mihi uia

*Ps. 130.* in qua ambulem: Dirige greſſuſ meoſ: libera eoſ a lapſu. Erraui ſicut ouis quę pe-

riiſt, quære ſeruũ tuũ. Deus uero tan-

quam



quam bonus alumnus, & magister, uirum *Ps. 118.*  
 iustum ducit, & docet: quod se facturum  
 per Ieremiam pollicitus est, cum dixit, Da  
 bo legem meam in uisceribus eorum, & in *Jer. 31.*  
 corde eorum scribam eam: Et ero eis in  
 Deum, & ipsi erunt mihi in populum, &  
 non docebit ultra uir proximum suum, *Jer. 31.*  
 &c. Huc facit illud: Et erunt omnes doci  
 biles Dei: Et illud: Ecce ego lactabo eam,  
 & ducam eam in solitudinem: & loquar *Ion. 6.*  
 ad cor eius. Docet itaque Deus uiros iu-  
 stos speciatim per legem naturæ, per crea- *Os. 2.*  
 turas, per fidei lumen, per reuelationes,  
 & insonnia, per suos doctores, & per inter *Ioan. 1.*  
 nam locutionem. Audiatur, dicebat bonus  
 discipulus, quid loquatur in me Dominus, *Ro. 2.*  
 Bonus es tu, & in bonitate tua doce me iu- *Psal. 34.*  
 stificationes tuas: Deus docuisti me a iu- *Psal. 118.*  
 uentute mea; & usque nunc pronūciabo mi- *Psal. 79.*  
 rabilia tua: Deus docuisti me a iuuentute  
 mea, & usque in senectam, & senium. Et  
 alibi, dixit sibi bonum esse huic præcepto- *Ps. 72.*  
 ri adherere, ut ab eo edoctus, eius laudes *Ps. 93.*  
 celebrare posset. Beatus ergo, quem tu etu-  
 diueris Domine, & de lege tua edocueris  
 eum. Dei autem cognitionem assequi ni-  
 mo potest, nisi fuerit ab eodem tanquam a  
 præceptore edoctus: quod intelligens Da-  
 uid, alibi cecinit: Mirabilis facta est scien *Psal. 138.*

.11. 18 tia tua ex me, id est supra vires meas; & non  
 potero ad eam: hoc est, eam viribus me  
 is solis assequi non valebo. Et cum hic ma  
 .Heb. 1. gister multifarie, multisque modis homi  
 .12. 19 nes olim docuisset, nouissime docuit per  
 .Io 14. 15 filium suum; qui cum non omnia suis di  
 .16. 20 scipulis aperuisset, quia non omnia tunc  
 .Act. 1. portare poterant; paracletum misit, qui  
 eos doceret omnia: quos ita docet; ut, cum  
 aliquid dicturi sunt, quid dicere debeant,  
 eis cogitare non sit necesse. Iactent nunc  
 alij suos preceptores Aristoteles, Theo  
 .2. 21 phrastos, Cicerones, Senecas, Plinius &  
 .10. 22 alios, quia, hi non sunt conferendi cum  
 .12. 23 ijs, quos potest iactare iustus, hoc est,  
 .14. 24 cum Angelis cum Christo, & cum Spiritu  
 .16. 25 Sancto. O igitur felicem hominem,  
 qui talem, ac tantum institutorem, &  
 .18. 26 alumnum nactus es: qui tibi super ge  
 .20. 27 nua blanditur, qui te ad ubera portat, qui  
 .22. 28 te humeris gestat, qui te laua sustentat, &  
 .24. 29 dextera amplexatur, qui te errantem reuo  
 .26. 30 cat, qui te per vias rectas, & planas ducit;  
 .28. 31 qui te incedendi rationem docet; qui te per  
 .30. 32 lumen naturæ fidei, & reuelationis, per  
 se, & per alios, & denique per creaturas om  
 .32. 33 nes docet. O singularem preceptorē, qui  
 .34. 34 sine mercede erudit, qui intus forisque in  
 .36. 35 struit, qui vbique, & semper instituit, qui  
 sine

sine uerborum strepitu, & sine mora docet.  
 Et quos nam libros suis legendos proponit? librum in primis huius mundi, quem creatione aperuit, & literis quibusdam maximis conscripsit; elementis uidelicet, alijsque rebus, quæ in eis continentur, cælorum magnitudine, siderum uarietate, ac splendore: quas literas, nemo est ita sensibus obtusus, quin percipiat: quæ literæ non sunt mutæ, sed uocales: & ideo de cælis dictum est: Non sunt loquelæ, neque sermones, quorum non audiantur uoces eorum. In *Psalm. 18.*  
 omnem terram exiuit sonus eorum, & in fines orbis terræ uerba eorum: Quia spiritus Domini repleuit orbem terrarum, & hoc quod continet omnia, scientiam habet uocis, hoc est scientiam quandam uocalē. *Sap. 1.*  
 Hunc librum diuus Antonius interrogatus, cur in sua cellula nullum haberet, quæ legeret libellum, se lectitare, respondit. Præterea, hic magister librum conscientiæ, in quo legem naturæ scripsit, legendum omnibus proponit; quem, lege diuinitus data cum peccatorum tenebris infuscatus esset, iterum illustrauit. Hunc librum nemo est, qui legere non possit; quæ qui legit, statim doctus euadit. Lege hanc lectionem: Quod tibi non uis, alteri ne feceris: Et quod tibi uis, alteri ne feceris, quæ lectio facillima est; & ita

tim doctus, & bonus fies; si ex hac doctrina uixeris: quoniam Deum coles, parentes honorabis, non furtum facies, non concupisces. Seipsum præterea tanquam librum sanguine conscriptum, & flagellis rigatum, in cruce legendum proposuit: in quo libro ueluti in uerbo abbreviato, tota sacrarum scripturarum doctrina, totaque diuina sapientia continetur: In quo libro, nemo est tam ignarus, nemo est tam stupidus, modo velit, qui legere non possit. Liber est omnino apertus, & a planta pedis, usque ad uerticem capitis totus exaratus: literæ sunt magnæ, magnæ uidelicet plagæ: puncta discernuntur omnia, quia cuncta dinumerantur ossa: præceptor ad legendum in cathedra constitutus auditores his uerbis conuocat: O vos omnes, qui transitis per uiam, attendite, & uidete, si est dolor, sicut dolor meus. Et hic est ille liber, quem solum se scire gloriabatur Apostolus. Denique, hunc eundem librum, quasi in quodam epilogo, in quo omnis doctrina continetur, Deus quotidie in sacrificio missæ nobis legendum, et gustandum proposuit; cum memoriam fecit mirabilium suorum, & escam dedit timementibus se: ut tandem eos, qui hos libros legerint, ad legendum librum æternæ uitæ, in quo iusti scripti sunt, traducat. At impius

*Psalm. 111.*

*Eccl. 12.*

*Thy. 1.*

*1. Cor. 2.*

*Ps. 111.*

*Apo. 21.*

*Exo. 32.*

pius, cum scientiam Dei reiiciat, vocemq;  
 non audiat; serpentem, Dēmonem nimirū  
 ipsum, alumnum, & praeceptorem habet:  
 a quo non sustentatur, sed deprimitur; non  
 defenditur, sed offenditur; non illumina-  
 tur, sed tenebris inuoluitur; non docetur,  
 sed dedocetur: & si quid is magister docet,  
 errores, uitia, & excusationes docet: a quo  
 demum non nutritur, sed necatur: quia, si *Mat. 7.*  
 quid edendum præbet, dat pro panibus la-  
 pides, pro piscibus scorpiones, pro uino ve-  
 nenum. Hanc instituendi, & docendi ratio *Gen. 3.*  
 nem pessimus magister, cum pomum pri-  
 mis parentibus edendum porrexit, & ut e-  
 derent suavit, exercere cepit, ac semper re-  
 tinuit, & retinet. Habet etiam vir impius  
 maximum quendam, & corruptum magi-  
 strum, mundum uidelicet; cuius errata si  
 quis numerare uellet, omnino longum fa-  
 ceret. Utuntur ergo impij, cum Deum au-  
 dire nolint, magistris pessimis. Ideo de eis  
 legitur: Abalienati sunt peccatores a vul-  
 ua, errauerunt ab utero, locuti sunt falsa.  
 Furor, idest obstinatio illis, sicut similitu- *Ps. 58.*  
 dinem serpentis, sicut aspidis surdæ, & ob-  
 turantis aures suas; quæ non exaudiet uo-  
 ces incantantium, & uenefici incantantis  
 sapienter.

*Ab honesta consuetudine, vsuque, quem  
cum Deo, & cum bonis habet.*

*Cap. LXXVII.*

**N**on parua sibi laudem homines ij,  
qui bonorum consuetudine, & con-  
dictu vtuntur acquirere solent: quod hæc  
viuendi ratio, vitam emendat, integritatē  
conseruat, bonos mores arguit, & virtutes  
auget: quia, qui cum sanctis versatur quo-  
tidie fit sanctior; ut is, qui cū perditis vsum  
habet, quotidie fit perditior. Ex quo etiā  
loco maximam sibi laudem iustus compa-  
rauit. Etenim, videre licet viros iustos, cū  
hominibus, qui bene audiunt, qui integre  
sunt vitæ, cum hominibus, inquam, religio-  
sis, & piis versari; cum eis colloqui; cum  
eis de rebus ad iusticiam pertinentibus age-  
re, atque eorum consiliis uti. Siquidem,  
& in via peccatorum non stat; Sed ab om-  
ni via mala prohibet gressus suos: dum, cū  
superbo, & infatiabili corde non edit; & de-  
clinantem a se malignum non cognoscit;  
& facientes preuaricationes odit, & inquit:  
Discedite a me maligni, & scrutabor man-  
data Dei mei. Oculi ergo eius ad fideles ter-  
ræ; id est ad eos, qui fideliter in hac habita-  
tione terrena, Deo seruiunt, ut sedeant cū



eo, & ambulantes in uia immaculata ei ministrant. Quo fit, ut Deum hac de causa opteret, & dicat: *Conuertantur mihi timentes* *Psal. 118.*  
*te, & qui nouerunt testimonia tua.* Versatur præterea cum amicis optimis; idest, cum bonis libris, cum piis scriptoribus, cum diuinis oraculis; ex quorum amicorum consuetudine, fructus percipit maximos; voluptates haurit ingentes. Etenim, hi libri sunt veluti nuntij, & legati diuini ad nos missi; qui nobiscum de uitæ nostræ statu, de progressu in spirituali via, de salute, & æterno regno acquirendo agunt. Hi nuntij, & amici, voluntatem diuinam nobis aperiunt, occulta manifestant, mysteria pandunt. Hi nuntij, & amici, nos instruunt, hortantur, corrigunt, & ad bene beateque viuendum excitant. Hi amici nos in mœnore consolantur, in læticia nobis congratulantur, & in quauis fortuna, nobis præsto sunt: quorum denique amicitia, est delectabilis, utilis, & honesta. Cum his bonis amicis uersabatur is, qui hunc in modum cecinit: *Cantabiles* *Ps. 118.*  
*erant mihi iustificationes tuæ in loco peregrinationis meæ: Lex tua meditatio mea est; In labiis meis pronunciaui omnia iudicia oris tui: consilium meum iustificationes tuæ: Quam dulcia faucibus meis eloquia tua? Super mel ori meo; Iniquos odio*

# VIR IUSTVS

dio habui, legem tuam dilexi: Letabor ego  
 super eloquia tua, sicut qui inuenit spolia  
 multa. Vide delectationem, vide utilitatem,  
 vide honestatem, quam secum horum ami-  
 corum consuetudo affert. Solatium ergo  
 capit uir iustus ex sanctis libris, quos ha-  
 bet in manibus suis. O beatos illos homi-  
 nes, qui huiusmodi amicos, veraces, fide-  
 les, & iucundos, nacti sunt, cum quibus de  
 die, ac de nocte versari, possunt. Habet rur-  
 sus uir iustus alios amicos, quibus cum sa-  
 pissime est, beatos nimirum, & cœlestes spi-  
 ritus: quia, cum sit ciuis sanctorum, oportet  
 ut in cœlis cum sui similibus uersetur,  
 non cum habitantibus edar; hoc est, cum  
 hominibus exulibus, ac barbaris, corpore  
 & animo nigris, tristitiæque plenis. Habet  
 autem priuatim consuetudinem cum An-  
 gelo suo custode, cui se se commendat, &  
 totum tuendum tradit; a quo consilium  
 petit, cui gratias de acceptis beneficiis a-  
 git. Quam fidelis, quam carus, quam bo-  
 nus sit hic amicus, ex historia Tobiae plane  
 cognoscere licet. Omitto usum, qui et cum  
 beata Virgine est; dum eam quotidie ter  
 saltem salutat, dum ad eam tanquam ad  
 matrem confugit, dum ad fores eius uigi-  
 lat, dum beatissima Mater cum eo tanquā  
 cum deliciis suis uersatur. De consuetudi-  
 ne,

ne, quam cum domino amico, & fratre suo Christo haber, quid est quod dicam? Abiturus e mundo, hic fidelissimus amicus, *Mat. ult.* suis dixit. Vobiscū sum usque ad consummationem sæculi. Est igitur semper hic amicus cum suis, & sui cum ipso. Suorum amicorum causa, ut semper cum illis esset, in mundo, sub speciebus panis, & vini remanere uoluit. Quare, non solum se exhibuit socium, sed etiam cibum. O singularem beneuolentiam! o inauditam caritatem! o illustrem amicitiam! Ornant officiis, iuuant fauoribus, dona largiuntur, uocant ad conuiuium ceteri amici; sed seipsos in cibum non præbent. Siste gradum hoc loco, Christiane lector, & amicitiae huius uires diligenter cogitatione perpende. Cum Christus a iusto in conuiuium sumitur, & apud eum commoratur, quæ dona ei non præbet? quibus consiliis non iuuat? quibus gaudiis non explet? In hoc dulcissimo conuictu, Christus cum anima, & anima cum Christo loquitur: & gratissimis inter se hi duo amici complexibus amplexantur. In hoc commercio, & conuiuiio iustus Domini passionem meditatione recolit; Dominus ei nouam largitur gratiam; & futuræ beatitudinis spem donat. Denique, cum inter Deum, & uirum iustum, ut paulo infra de-

VIRIVSTVS.

demonstrabitur, sit uera amicitia, quæ sine quotidiana consuetudine, & usu non facile conseruatur, dicendum est, uirum iustū uersari etiam cum Deo, cum Patre uidelicet, Filio, & Spiritu sancto: de qua consuetudine nil speciatim dicam: sed qualis, quantaque sit, quantum utilitaris, & delectationis secum afferat, piorum mentibus cogitandum relinquo. Exemplo esse potest usus ille, quem cum Deo Moyses habuit: qui cum ex consortio sermonis Domini reuertebatur, cornutam habebat faciem, ob splendorem, quem emittebat: quod cum Aaron, & Israel viderent, timebant prope accedere. Versatur uir iustus cum Deo, dum orat, dum contemplatur, dum Deum semper sibi ob oculos esse cogitat, dum aliquid auxilij ab eo petit, & dicit: Deus in adiutorium meum intende: Docce me facere voluntatem tuam; quia Deus meus es tu: faciem tuam illumina super seruum tuum: Aspice in me, & misere-re mei. Deus etiam uicissim cum eo sermonem habet, cum in solitudinem eum ducit, & ad cor eius loquitur, & ait: Fili, præbe mihi cor tuum: Fili mi, ausculta sermones meos, & ad eloquia mea inclina aurem tuam: & ideo iustus ait: Audiam quid loquatur in me Deus: Loquere Domine, quo-

quoniam seruus tuus audit. Cum ergo ut *1. Reg.*  
iustus, & sanctorum hominum, & Angelo-  
rum, & Christi, & Dei consuetudine tam utili,  
tam delectabili, tam honesta, per quam om-  
nia vitia remouentur, omnes virtutes ac-  
quiruntur, & bene beateque viuitur, perpe-  
tuo utatur, quibus laudibus, ex hoc loco,  
exornandus erit? Contra vero, impius,  
qui in consilio impiorum abit, in via pecca- *Psalm. 1.*  
torum stat, in cathedra pestilentiae sedet,  
& cum diabolo commercium habet, qua  
non erit vituperatione dignus?

*Auera libertate, quae in solis iustis re-  
peritur. Cap. LXXVIII.*

**M**isera semper, ac calamitosa eorum  
hominum habita est condicio, qui  
miseræ seruitutis iugo sunt subiecti; cum  
libertate, quæ semper plurimi facta fuit,  
spoliati esse videantur: quo fit, ut infelices  
iudicentur, & sæpe male audiant. Ideo ser-  
uo cuidam dictum fuisse legimus: Es ser-  
uus, & rationis expertus natus es. Contra ve-  
ro, qui libera condicione vtuntur, laudibus  
ornantur, & beati existimantur: cum liber-  
tas, ut quidam scripsit, sit fons felicitatum  
cunctarum. Hæc autem libertatis dignitas,  
hoc tam grande bonum in solis iustis inue-  
nitur

nitur. Impij vero, licet ingenuitatem, dominium, ac libertatem iactent, cum suis cupiditatibus inseruiant, cum variis vitiis se se dedant, liberi non sunt: quod nō modo religio nostra, sed etiam ethnica philosophia docet. Quare, & si ineptis hominibus paradoxum esse uideatur, solos sapientes, & bonos esse liberos, insipientes & malos esse seruos: tamen id omnino pro certo habendum est. Neque hoc loco tam de corporis, quam de animi libertate, quæ uera est libertas, loquimur. Etenim, quid aliud est uera libertas, quam facultas faciendi, cum ratione quidquid curque libuerit, uel potestas uiuendi ut uelis? At quis est, qui hac facultate utitur? num malus? qui non ratione, non honesto, sed sensu, & cupiditate, tanquam animal brutum, ducitur, qui improbiſſimis dominis, Dæmoni, peccato, & cupiditatibus inseruit. Iustus igitur liber: qui uiuendi uiam consideratam atque prouisam habet: qui sensus omnes in officio continet: qui libidines refrenat, voluptates spernit, iracundiam tenet, auaritiā coercet, ac ceteras omnes animi libidines comprimit: qui tandem, in quo perfecta sita est libertas, sibi ipsi dominatur. Seruitus, ut quidam uolunt, est obedientia fracti animi, & abiecti, & arbitrio



trio carentis suo. At quis arbitrio magis caret, quis magis fracto & abiecto est animo, quam impius? qui a quavis leui cupiditate trahitur, a uariis animi perturbationibus in diuersas partes pellitur, a quouis timore perculsus concutitur, & a quacunque aura, uel leuiter spirante, frangitur. Iustus autem, cum sit cello, alto, & uirtutibus exaggerato animo, nihil timet, nihil pauet, nulla re labefactatur: quia apud ipsum nihil magis pollet, quam uoluntas, & recta ratio: & ideo nihil dicit, nihil facit, nihil cogitat, nisi libenter, ac libere: cum consilia omnia, resque omnes, quas gerit, ab ipso proficiantur, in ipsumque redeant, & totus a se pendeat, ac nullas extrinsecus suspensas utendi rationes habeat. Da mihi hominem condicione seruum, sed iustum, & ipsius dominum, sed impium. Videamus modo, uter seruus, uel liber sit. Dominus liber est corpore, sed seruit animo: Seruus est liber animo, quamuis seruiat corpore: Dominus corpori seruit, seruus animo suo dominatur: domino, tanquam homini iniusto, lex posita est; Seruus, cum iustus sit, a lege est liber; cum non timore, sed amore operetur: dominus seruit mundo, carni, & Dæmoni; seruus a Dæmone, a carne, & a mundo liber est: domi-

nus multos habet dominos, uitia uidelicet, & cupiditates suas, quibus animo inseruit; seruus etiam si sexcenti essent, qui ipsius possessionem se habere dicerent, nemini eorum seruit, cum soli rationi seruiat: & ideo dicere potest: Deus mi princeps non ullus mortalium; quem, qui pro domino habet, est uere liber: dominus omnia etiā leuissima timet, & ideo seruit; seruus nihil sibi timendum putat, & ideo liber: dominus durissimis peccatorum uinculis est obstrictus; seruus fragili tantum charta domino est obligatus: domini animus inclusus est, vel in olla, uel in scrinio, uel in corpore amicæ, uel in ambitionis carcere; at serui animus ab omni re caduca segregatus, liber ad cœlos euolat, & in cœlis uersatur: dominus, tanquam captiuus in Aegypto ollas, & lateres sub dura Pharaonis seruitute fingit; seruus ab hac seruitute liber ad terram promissionis pergit. Quamobrem, seruus, ueluti quidam immortalis Regis Vicarius, totius mundi imperium obtinet: & licet ab homine homini uenundatus sit, non propterea est inferior domino, qui rebus ipso uilioribus (si tamen aliquid homine improbo uilius reperiri potest) mi fere seipsum uendidit, & subiecit. Quis ergo liber? quis seruus? an dominus, qui  
cum

cum nec rerum suarum, nec sui dominiū  
 habeat, rebus inseruit omnibus? an seruus,  
 qui cum omnibus dominetur, rebus seruit  
 nullis? Itaque, ubi spiritus Domini, ibi li-  
 bertas: hic autem spiritus in iustis est: quos  
 Filius liberauit, & ideo liberi sunt: eo tamē  
 modo, quo sancta & Romana docet eccle-  
 sia. Quis inquam liber: nonne is, qui cum  
 sit amicus Dei, iure amicitiae non modo li-  
 bertate, sed etiam imperij dignitate poti-  
 tur; quo fit, ut ipsi etiam poetæ, viros bo-  
 nos, Reges, & rerum Dominos sapienter  
 appellauerint. Quis, dic, liber? nonne is,  
 qui lege non ab homine imposita uiuit? is  
 sane: At, cum solus iustus ab humana le-  
 ge sit immunis; cum lex, eo, quo diximus  
 modo, non sit imposita iusto, ipse solus erit  
 liber. Quis, dic, liber? num is, cui expediret  
 seruire; an uero is, qui si dominaretur, do-  
 minanti prodesset? hic proculdubio. Expe-  
 daret autem improbis omnibus, etiā si sum-  
 mo loco nati essent, uiro iusto obtempera-  
 re. Vir igitur iustus liber habendus erit.  
 Quis denique liber? nonne is, qui a nemi-  
 ne reprehenditur, a nemine cogitur, & a ne-  
 mine compescitur? Huiusmodi est uir ius-  
 tus, qui, cum ex se agat, & recte agat, nec  
 reprehendendus, neque impellendus, neq;  
 cogendus est. Legitur Diogenem uenditio

1. Cor. 3.

Ioh. 8

## VIR IVSTVS.

ni expositum, interrogatum, quam artem  
 calleret, respondisse : gubernandi homi-  
 nes: & cum licitatorē quendam effœmina-  
 rum uidisset, ei dixisse: Tu me emito: nam  
 viro opus habere ostendis. Quo dicto, ille  
 admiratus, dominio dignum iudicauit.  
 Quamobrem, missō imperio, missa uendi-  
 tione, missa corporis seruitute, missis nata-  
 libus, veram libertatē, & seruitutem ex  
 animo pendamus: ac uiros iustos liberos,  
 & impios seruos iure appellemus.

*A seruitute, qua Deo, & Christo inseruit.*

Cap. LXXIX.

**E**T si vir iustus, vt demonstratum est, ve-  
 ra libertate gaudet: tamen, cum intel-  
 ligat se esse creaturam, aliquem Dominum  
 cui fideliter inseruiat, agnoscit; Deum ni-  
 mirum: & quia Deo seruire regnare est;  
 ideo ob hanc seruitutem, nihil de libertate  
 amittit sua. Ad quam seruitutem a Filio  
 Dei, Domino suo, qui non sine summa glo-  
 ria, seruilem formam accepit, inuitatur.  
 Quare, & ut suæ naturæ condicionem re-  
 tineat, & ut Dominum suum imitetur, nec  
 non etiam, vt Dei seruis proposita conse-  
 quatur præmia, seruus fieri, & esse vult.  
 Est igitur uir iustus, seruus Dei creatoris  
 sui

*Phil. 1.*

sui : & cum Christi sanguine emptus sit ,  
 est etiam seruus Christi: Ideo Paulus dice-  
 bat iustis : Non estis uestri . Gloriantur hu- 1. Cor. 6.  
 ius mundi homines , si quem illustrem na-  
 cti fuerint principem , cui misera , & homi-  
 ne ingenuo indigna seruitute , seruiant :  
 Ad quod uitæ genus ut perueniant , quibus  
 officiis , quibus muneribus , quibus artibus  
 non utuntur ? Vt tandem , ubi multum , rei  
 familiaris , & existimationis iacturæ fece-  
 rint ; ad miserabilius inseruiendum , post-  
 quam dominorum gratiam sibi compara-  
 runt , perueniant . Huc miseriæ ubi perue-  
 nerunt ; quantum gloriantur ? quantum se  
 iactant ? quanti fiant ? Quis eis non inui-  
 det ? quis eos beatos non appellat ? quis ad  
 eos , ut gratiam a Principe obtineat , non  
 confugit , & muneribus eos non corrup-  
 pit ? Sed quid aliud est istorum uita , nisi , ut  
 quidam luculenter dixit , quam honorata  
 quædam miseria ? O cogitationes hominū  
 fallaces ! o spes vanæ ! quandiu ista uige-  
 bit gloria ? quandiu homo homini erit ca-  
 rus ? quandiu flos iste virescet ? quandiu  
 bulla ista durabit ? Cras domini mens mu-  
 tabitur , aut aulicus aliquid peccabit , aut  
 inuidia eum sepeliet ; & ille fortunę flos  
 deflorescet , atque marcescet . Quanto igi-  
 tur prudentius , quantoque melius uir iu-

# VIR IVSTVS

stus facit ; qui postquam homini omnino seruiendum, & seruitute gloria quærenda est, non hominem, non carnem, non fœnum, non umbram, cui inseruiat, sed Deū immortalem omnipotentem, opt. max. Regem regum, & Dominum dominantium eligit : cui seruire regnare est : cui qui inseruiunt, omnibus creaturis satisfaciunt.

*Apo. 19*

*Ps. 118.*

Hunc Dominum uir iustus agnoscens, eū hunc in modum alloquitur : Seruus tuus sum ego; da mihi intellectum, ut sciam m̃a data tua : suscipe seruum tuum in bonum : hoc est, da mihi seruo tuo opem, ad bonū peragendum : Faciem tuam illumina super seruum tuum : & doce me iustificationes tuas. Confer nunc dominum Domino, si creatura cum creatore, homo cum Deo, seruus cum Domino, mortalis cum immortali, imbecillus cum omnipotente, umbra & uanitas cum eo, qui solus est, conferri potest, & ubi dominos inter se comparaueris, quid inter seruos, & seruitutes sit discriminis, intelliges. Vter ergo maiore gloria dignus, famulus Dei, an seruus hominis ?

*Pro. 8.*

Vter apud dominum magis graciosus ? an iustus, qui Domino suo est familiarissimus, cum sit deliciæ eius, & sit in Domino, & Dominus in ipso ? an mundanus aulicus, qui vix cum domino suo fari audet ? qui, quo magis



magis domino existit gratus, eo magis ad  
 cadendum properat. Vter maiora bona, &  
 ampliora beneficia supplicibus impetrare  
 potest? uter facilius, & quocunque loco,  
 & tempore cum suo Domino sermonem  
 habet? An iustus, qui ubiuis locorum, &  
 temporum, sine ulla repulsa, absque mora  
 ulla, cum Domino suo loqui, & quidquid *10a. 13.*  
 petit obtinere valet? Illa seruitus est, ut di-  
 ximus honorata, uel, ut sæpe cōtingere so-  
 let, parum honorata miseria; hæc honorifi-  
 ca felicitas: illa, ad digna non nisi per in di-  
 gna ducit; hæc ad amplissima per dignissi-  
 ma transfert: illa, homine ingenuo uix est  
 digna: quia, ut quidam scripsit, seruus est  
 femiur; hæc Principibus, Regibus, Impē-  
 ratoribus, Pōtificibus, & Angelis ita digna  
 existit; ut hi omnes se indignos hac serui tu-  
 te uocare possint: ideo merito quidam scri-  
 psit: Seruum Christi fieri, esse quandam su-  
 peruenientem mundo dignitatem: & pro  
 summo titulo, summus Pontifex, hunc sibi  
 sumpsit: Seruus seruorum Dei: In qua sen-  
 tentia, non modo summissio, sed etiam ma-  
 iestas quædam continetur. Hunc eundem *Ro. 1.*  
 titulum olim Apostoli, & sancti patres, tan-  
 quam illustrem notam suis epistolis præfi-  
 gebant; eoque gloriabantur, dum se Chri-  
 sti seruos nominabant. Quis ergo non ap-

pellet beatos eos seruos, qui non homini,  
 sed Deo inseruiunt? qui non creaturæ,  
 sed creatoris uoluntatem faciunt? quo  
 quid obsecro illustrius? quid maius? quid  
 homine dignius, ab homine fieri potest?  
 ad quam faciendam cœlestes spiritus sunt  
 paratissimi: ad quam exequendam Filius  
 Dei de cœlo in hunc mundum uenit. Quis  
 ergo eos non laudet seruos, qui immortalī  
 Deo tam diligenter inseruiunt, eique caris-  
 simi sunt? quis eos cognoscere, & eorum  
 sibi amicitiam conciliare nō studeat? quis  
 ad eos, cum aliquam gratiam obtinere a  
 Deo cupit, non confugiat? cum quidquid  
 uolunt facile obtineant. Siquidem eis a Do-  
 mino dictum est: Petite, & accipietis;  
 quos etiam petendi formulam docuit: im-  
 mo ipse Deus per Spiritū suum in ipsis po-  
 stulat. Tantam dignitatem, tantumque splē-  
 dorem ex hac seruitute uir iustus acquirit;  
 ut omnes rationis expertes creaturæ, om-  
 nes beati, & Angeli omnes ad inseruiendū  
 ei sint parati. Et ideo Angelū noluisse a vi-  
 ro iusto adorari, & se ipsius, conseruum ap-  
 pellasse legimus. Sed quid solas creaturas,  
 uiro iusto inseruire dixi? parū dixi: quiddā  
 maius restat: audebo cum scriptura, illud  
 exprimere, Deus ipse huic homini seruit:  
 Veruntamen, (Deus loquitur) seruire me  
 feci-

Ps. 103.

Ioa. 1.

Ioa. 15.

Rom. 8.

Ap. 19.

fecisti in peccatis tuis: præbuiſti mihi labo-  
 rem in iniquitatibus tuis: & nō veni mini-  
 ſtrari, ſed miniſtrare. Huc etiā facit, quod *Iſa. 43.*  
 legimus: Obediente Domino voci homi- *Mat. 20.*  
 nis. Itaque, non modo hic ſeruus eſt gra- *Ios. 10.*  
 tus Domino, & de eius ſeruitute Dominus *Iob. 1.*  
 gloriatur, ſed etiam Dominus ipſe ſeruire  
 voluit. Quod ſi huius ſeruitutis priuatim  
 vis exemplum; contemplare Filij Dei ma-  
 ieſtatem, diſcipulorum pedes lauantes;  
 quæ actio fieri non poteſt, ſine aliqua ge- *Ioa. 13.*  
 nuflexione. Vides ergo creatorem, curua-  
 tum, & genibus flexum coram creatura. Di-  
 ſcant hic ſerui a Domino optimam ſeruiē-  
 di formulam; qua nulla melior, nulla faci-  
 lior, nulla Domino gratior exiſtit. Eſt igitur,  
 cur uir iuſtus, de hac ſua tam illuſtri,  
 tanque honorifica ſeruitute una cum ſan-  
 ctis, & illuſtribus uiris gloriatur. Impius  
 autem nil tale habet: cum non Deo, non  
 Chriſto, ſed Dæmoni, & Antichriſto miſe-  
 ra, & indigna, atque nefanda ſeruitute in-  
 ſeruiat. Conſer tu hic iſtos dominos: con-  
 ſer ſeruitutis rationem, & cauſas, quas le-  
 ctori cogitandas relinquo; & quam ſit diſ-  
 par ſeruorum iſtorum condicio, facile co-  
 gnoſces. Dic miſer, ac miſerabilis peccator  
 cur, ſi a Chriſto non es, ſi Chriſto non ſer-  
 uis, ſi ſub Antichriſto militas Chriſtianū  
 nomen

nomen iactas? Si quis te infidelem appellaret, non ne ei succenseret? non ne cum redargueres, & tuum quacunque ratione posses, honorem defenderes? cur pro contumelia non habes, pro malo haberi Christiano? cur stultitiam tuam non animaduertis? cum pro solo nomine pugnes? cur tantę infamię te non pudet? Isto nomine, ni Christo seruias, damnaberis; & quidem grauius: & erit tibi in pœnam, quod nunc tibi gloriam asserre putas: audies, ni caues, hanc grauem sententiam: Nescio te, i maledicte in ignem æternum. Vtinam hæc saperent, & intelligerent, qui solo Christiani nomine contenti sunt.

Mat. 23.

*A vera amicitia, quam cum Deo habet.*

Cap. LXXX.

**Q**Vanti humana amicitia, ac beneuolentia facienda sint, ij optime norunt qui, uel de amicitia scripserunt, uel hac de re scriptos libros legerunt. Dixerunt enim omnibus rebus humanis anteponendam esse: ab immortali Deo nihil homini melius fuisse datum: nihil esse dulcius, quam habere aliquem quocum omnia audeas sic loqui, ut tecum: amicitiam, res secundas illustriores facere, aduersas leuiore:

animos

animos debilitari, aut cadere non pati: so-  
 lem e mundo tollere, qui amicitia tollunt:  
 amicos esse pulcherrimam uitæ supelle-  
 ctilem : in amicitia esse omnia , quæ ex-  
 petenda sunt; honestatem, gloriam, tran-  
 quillitatem animi, ac iucunditatem; & id  
 genus alia. Cum ergo amicitia suauissima  
 sit, & uita sine amicitia insuavis, & natura  
 nihil solitariū amet, sed semper ad aliquod  
 adminiculum adnitatur, iure optimo scrip-  
 tura dixit: Beatus qui inuenit amicum ue- *Ecc. 11.*  
 rum: amicus fidelis protectio fortis : qui  
 autem inuenit illum, inuenit thesaurum.  
 Amico fidei nulla est comparatio: & non *Ecc. 6.*  
 est digna ponderatio auri, & argenti, con-  
 tra bonitatem fidei illius: Amicus fidelis  
 medicamentum uitæ, & immortalitatis: &  
 qui metuunt Dominum, inuenient illum.  
 Cum autem vir iustus Deum timeat, bonos  
 profecto amicos inueniet; in quibus, in  
 primis, est ipse Deus, & Christus Domi-  
 nus, quod demonstrare, haud difficile erit;  
 cum in hac amicitia, quæ ad uerā amicitia  
 constituendā requiruntur, reperiuntur omnia.  
 Primum, in hac amicitia, intercedit amor  
 cum beniuolentia. Siquidem, Deus uult  
 aliquod bonum iusto, & iustus, Deo: &  
 hæc dicitur beneuolentia, per quam alicui  
 bonum uolumus. Deus uiro iusto bonum  
 cupit

- Exo. 33.* cupit illud videlicet ipsum, quo fruitur, ipse, uitam nimirum æternam; quo bono nullum maius excogitari potest. Vir etiam iustus, eo quo potest modo, cupit bonum Deo: dum de ipsius bonitate, maiestate, sapientia, alijsque attributis gaudet, ac etiam desiderat, ut omnes eū cognoscant, ament, & venerentur. Deinde, hic amor non est mercenarius, sed honestus, cum non sit utilitatis causa sumptus: quia Deus nihil ab homine utilitatis expectat, cum bonorū nostrorum nō egeat. Quod si uirum iustum, Deus propter se, amat; id, in ipsius iusti utilitatem cedit: cum ea sit creatæ rei pfectio, & beatiudo, ut tandem ad Deum creatorē suum reuertatur. Iustus quoque ita Deum amat, ut etiam amaret, licet ab eo nihil premij ob suum in eum amorem expectaret: Præterea inter Deum & uirum iustum, est amoris reciprocatio: quia certissimum est iustum amari a Deo, cum ipse Deum amet; qui non potest non amare eum, a quo amatur. Ideo legimus: diligentes me diligo; & qui diligit me, diligitur a Patre meo. Postea, hic amor est vtrunque cognitus; quæ condicio necessaria est: quoniam eos maxime amare solemus, a quibus nos amari scimus. Quod autem Deus se a iusto amari sciat, manifestum est: iustos quoque amari

*Pr. 15.**Pro. 8.**Ier. 14.**Eccl. 8.*



amari a Deo certissima fide tenendum est: quamuis eadem fidei certitudine nemo sci *Ps. 127.* re possit, an iustus sit. Inuenitur etiam in hac amicitia quoddam benevolentia vinculum, seu fundamentum, uel similitudo quædam, ratione cuius Deus, & vir iustus inter se amant: quæ similitudo ad fundan- *Ps. 128.* dam omnem amicitiam necessaria est.

Hæc autem, est gratia, seu beatitudinis participatio: quia sicuti studiorum similitudo, ita gratia participatio benevolentiam gignit. Cum ergo uir iustus per gratiam confors diuinæ sit factus naturæ, dignus est, qui a Deo supernaturali amore ametur. Postremo, amicitia ad suam conseruationem eger quotidiana consuetudine, quæ etiam in hac amicitia reperitur. Siquidem iustus orando, meditando, & colendo Deum, cū eo uersatur, & tractat. Similiter Deus iustorum precibus aures præbendo, eos illuminando, docendo, curando, cum ipsis uersatur, ac dicit: Deliciæ meæ esse cum filiis hominum. Quis igitur non confitebitur inter Deum & virum iustum esse ueram amicitiam; cum in ea benevolentia, quæ inter ipsos intercedit omnes reperiuntur veræ amicitiaë condiciones, & causæ? Sed iterum rem hæc per suos demonstremus effectus. Primus, ilque præcipuus amicitiaë effectus est,

est, vt amicorum sint omnia communia, Deus, ita omnia sua communicauit iusto, *Rom. 8.* vt pro ipso Filium suum, & cum eo, ut illustribus Pauli docet auctoritas, omnia dederit: cui inquit omnia mea tua sunt. Et Christus pro suis amicis, immo etiam pro inimicis, se totum in passione dedit in precium, & in sacramento in cibum: ut cum *Mat. ult.* eis maneret vsque ad consumationem sæculi. Vir etiam iustus pro Dei gloria mille exponeret uitas: & quæ habet omnia pro Dei honore dare est paratus. Secundus effectus est, ut amicus sit alter ipse: qui proculdubio in hac amicitia reperitur. Nam *Ioa. 1.* ita Deus dilexit hominem, ut pro ipso factus sit homo; ut homo fieret Deus. Et ideo *2. Pet. 1.* in Christo, idem erat, Deus & homo. Insuper, cum quilibet iustus, sit naturæ diuinæ particeps, quilibet etiam erit Deus, & homo, cum iustis dicatur: Vos Dij estis. Vterque igitur est alter ipse. Tertius effectus ut amicus sit dimidium animæ, idest, ut vnus spiritus sit in duobus corporibus. Vt autem id explicemus, animaduertendum est, anima ibi esse censetur, ubi operatur: quia operatio rei alicuius, eius demonstrat præsentiam. Quare, si Deus operabitur in homine, & homo cooperabitur cum Deo, ita ut eadem operatio ab utroque

nascatur, unam animam, siue unum spiritum, a quo una proficiatur operatio eos esse necesse erit: & ideo dixit Apostolus, cum qui per caritatem adheret Deo unum cum ipso spiritum fieri. Cum autem Deus i iusto, & iustus i Deo sit, uiuat, & operetur, *1. Cor. 6.*  
 quia qui manet in caritate, in qua iustus manet, in Deo manet, & Deus est in eo; unum esse in utroque spiritum fatendum erit. Ideo dicebat Paulus: Viuo autem, iam non ego: uiuit uero in me Christus. Itaque *1. Ioan. Gal. 2.*  
 dum Deus uiuit in iusto, omnia facit quæ uult iustus: & dum iustus uiuit in Deo, omnia facit, quæ uult Deus: & ideo ait: Fiat *Mat. 6.*  
 uoluntas tua. Partim ergo Deus in iusto operatur, & partim iustus: quia iustus in se omnia fieri a Deo uult, quæ Deus facit: & partim iustus in Deo existens, in Deo agit, & partim Deus: quoniam Deus ea facit, quæ iustus cupit. Ex his quartus nascitur *Mat. 5.*  
 amicitia effectus; qui est, ut amici idem uelint, & idem nolint: qui in hac amicitia uere reperitur. Nam iustus Deo dicit: Fiat uoluntas tua: Doce me facere uoluntatem tuam: Et Deus, ut scriptura docet, uoluntatem timentium se facit. Deus uult gloriam suam, *Psal. 144.*  
 & hanc iustus uult: iustus suam desiderat salutem, & hanc Deus sitit: iustus non uult suam perditionem, nec Deus eam cupit.

Postremo

# VIR IVSTVS.

*Psal. 50.* Postremo, inter hos amicos, non seruat  
secretum: quia Deus incerta, & occulta sa-  
pientiæ suæ manifestat iusto: quem propte-  
rea non amplius seruum, sed amicum uo-  
cat: quia ei omnia nota fecit: & iustus om-  
*Ier. 17.* nes suas cogitationes cum Deo communi-  
cat, cui omnino cor suum aperit. Quis er-  
go negabit inter Deum, & uirum iustum  
ueram intercedere amicitiam? cum sibi  
mutuo omnia communicent: cum uterq;  
sit alter ipse: cum alter in altero uiuat, cum  
idem velit, & idem nolit, cum tandem hi  
amici sua secum secreta communicent.  
Ex natura igitur, & ex effectibus amicitiae,  
inter Deum & uirum iustum, ueram esse  
amicitiam, ex dictis apertissime constat.  
Postea, quid aliud esse dicitur amicitia, quā  
voluntatum, studiorum, & sententiarū cum  
caritate summa coniunctio? At Deus, &  
iustus idem sentiunt, idē amant, idemque  
summa cum caritate volunt: erit igitur  
inter eos amicitia uera. Quos Christus  
amicos suos esse dixit, nisi eos, qui ipsius  
præcepta seruant? Vos amici mei estis, si  
*Ioh. 14.* feceritis, quæ ego præcipio uobis: Hæc, quis  
facit, nisi iustus? Erit ergo ipse iustus amicus  
*Ioh. 15.* Christi, cui qui amicus est, est etiā amicus  
Dei: quia, qui Christum diligit, diligit etiā  
Patrem, a quo vicissim, diligitur. Hæc uera,  
quæ

quę inter Deum & virum iustum est amici-  
tia, variis similitudinibus in scriptura ex-  
plicari solet. Ob summam familiaritatem  
comparatur domesticorum usui ob: sum-  
mam suauitatem, spirituali coniunctio-  
ni, quę est inter sponsum & sponsam: ob  
perfectiorem delectationis, conuictui inui-  
tantis, & inuitati ad conuiuium: ob excel-  
lentiam amoris, & caritatis; quę in habi-  
tatione inuenitur, societati: quia, licet De-  
us infinite distet ab homine: tamē, ratione  
huius amicitie Deus, iustum, in socium ad-  
sciscit: denique ratione formę, seu modi,  
comparatur amicitie, quę est inter patrem  
& filium. Nam, sic iustus est domesticus, &  
socius Dei, vt eum tanquam patrem, sem-  
per amet, reueretur, ac timeat: & Deus  
ita virum iustum domesticę tractat, ut ve-  
luti pater semper de eo sit sollicitus. Erit er-  
go vir iustus, huius amicitie vi, socius Dei,  
amicus Dei, filius Dei, sponsa Dei, & inuita-  
tus a Deo. Concludere igitur licet, Deum;  
nō solum esse viri iusti amicum, sed etiam  
verum amicum: quia nō querit occasio-  
nes ad dissoluendam amicitiam; sed quan-  
tum potest eam conseruat, & auget, & ne  
vnquā dissoluatur, nihil nō efficit. Quid  
est, quod vltra debui facere vineę meę, *Isa. 5.*  
& non feci? ipse dicit. Nunquam conuer-

*Eph. 4.*  
*Can. 3.*

*10a. 1.*

*Pro. 18.*

*Isa. 5.*

# VIR I V S T V S.

*Icci. 6.* titur ad rixas; quia cogitat cogitationes pa-  
*Pre. 17.* cis, & non afflictionis: ipse dicit: Et ideo  
*Psal. 90.* semper diligit. Non recedit tempore tribu-  
 lationis: quia cum ipso est in tribulatione  
 eripit eum, & glorificat eum: ipse dicit.  
*Mal. 3.* Stat etiam promissis: Ego Deus, & non  
*Heb. 12.* mutator: ipse dicit. Non assentatur, nec ve-  
*Apo. 3.* riratem cælat, sed corrigit, & castigat: quos  
*Mat. 19.* diligo castigo: ipse dicit. Et denique, non  
 sinit se officijs vinci; sed centuplum resti-  
 tuit: ipse dicit. Qua propter, si bonus ami-  
 cus est thesaurus, si bono amico nihil po-  
 test comparari, si beatus est, qui bonum a-  
 micum inuenit; quam diues, quam beatus  
 censendus erit, qui talem, ac tantum ami-  
 cum, cuiusmodi est Deus, nactus est! Qui  
 vere est medicamentum vitæ, & immortali-  
 tatis auctor: qui leges amicitiae bene nouit,  
 easdemque optime seruat. Si amicitia hu-  
 mana est omnibus rebus anteponenda, quā-  
 to magis diuina? si humana amicitia dili-  
 genter conseruanda est; quanto magis diui-  
 na, sanctissime colenda erit? Hæc hæc, est  
 vera amicitia in uera uirtute, & summa vir-  
 tute, hoc est in caritate, quæ nunquam exci-  
 dit, fundata. Hæc amicitia, est quæ maxi-  
 mos fructos affert, voluptatem nimirum,  
 & honestatem. Quid enim iu-  
 cundius? quid utilius? quid honestius? quā-  
 cum



cum Deo uersari, & ab eodem mutuo amari? Hæc amicitia vere res lætas illustrat, ad uersas leuat, & labi non patitur: hæc reuera est optima, & maxima suppellex: denique omnia quæ desiderari possunt bona, secum afferat; quam qui tollunt, ut omnes impij, qui inhoneste, inutiliter, & misero cum demone uersantur, eiusque amici sunt, uere solem e mundo tollunt. Beatus ergo iustus, qui talem, ac tantum nactus est amicum.

*A familiari, & domestico usu, quem iustus cum Deo habet, Cap. LXXXI.*

**Q**Uoniam uir iustus, ut proximo capite demonstratum est, cum Deo amicitiam habet, quæ ad sui conseruationem quotidianum requirit usum; ideo, quantum fieri per ipsum potest, quia hanc amicitiam sanctissime sibi colendam putat, semper cum Deo uersari, ac agere conatur: quod per orationem speciatim facit: quæ est præcipua humanæ naturæ operatio; cum ceteras hominis actiones ita superet, ac uidendi sensus, alios sensus nobilitate vincit: a qua operatione is, quem laudamus homo mirifice laudari potest. Et licet tota uiri iusti uita sit oratio quædam; quia qui semper bene uiuit, ut iustus facit, semper orat: tamen,

fuis temporibus ad hanc præclarissimam  
 functionem exercendam, totum se compa-  
 rat, atque tradit. Suo itaque loco, & tem-  
 pore uir iustus seipsum colligens, sensum  
 a rebus externis reuocat, mentem a sensi-  
 bus, & corpore seiungit, & cogitationem  
 ab omni humana cura purgat: postea, per  
 creaturas, quasi per gradus quosdam, con-  
 templationis passibus cælum versus, usq;  
 ad Angelorum Choros peruenit, & in eorū  
 consortium admitti petit; seque tandem  
 coram, amico, socio, familiare, & patre suo  
 cum fiducia, & reuerentia, cum eo verba fa-  
 cturus, ac tractaturus, sistit. Considera, a-  
 mice lector, uirum iustum in hoc statu con-  
 stitutum: uide eum ab hac rerum caligine,  
 quasi spiritum quendam, seiunctum: uide  
 eum ad consortium Angelorum euectum:  
 uide eum coram diuina maiestate stantem,  
 & cum eadem familiariter loquentem. Hoc  
 statu, nihil optabilius, nihil præclarius, ni-  
 hil beatius homini contingere in hac vita  
 potest. Huius status splendorem, ac digni-  
 tatem aliquo modo intelligeres, si infimæ  
 condicionis hominem cum Cæsarea, & sa-  
 cra maiestate familiarissime versantem, &  
 de rebus grauissimis summa cum uolupta-  
 te agentem, cerneres. Nec te decipiat cor-  
 pus, quod cernis in terra manere: quoniā  
 homo,

homo, quocūque uult, animo, sese trās fert.  
 Quare, hic uiri iusti status, si operationis  
 genus, si locj, & personarum adiuncta spe  
 ctes, illustris omnino uidebitur. Quod si  
 res ipsas de quibus hi amici inter se agunt  
 animaduertes, adhuc longe illustrior appa  
 rebit. Nam, uir iustus coram diuina maie  
 state constitutus, partim diuinas perfectio  
 nes cōtemplans, in Dei laudes prorumpit,  
 ac dicit: Benedic anima mea Domino: Do  
 mine Deus magnificatus es vehementer:  
 Confessionem & decorem induisti: ami  
 ctus lumine, sicut uestimento: partim po  
 tentiam, & dominium Dei cognoscens, ei  
 quidquid habet, & potest, offert, omniaq;  
 accepta refert: partim, cum diuinam libe  
 ralitatem, & misericordiam videat, & mul  
 tis se egere sentiat, auxilium, & fauorem  
 petit, ut ipsum omnium bonorum largi  
 torem magis cognoscere, amare, ac lauda  
 re queat. Deus uicissim ad cor amici sui lo  
 quitur, eumque consolatur, & illuminat, ei  
 que petita largitur. O igitur præclarum cō  
 mercium! in quo de Dei gloria, & honore,  
 de hominis salute & uita, atque beatitudi  
 ne agitur. Dixerunt, & recte quidem, sapiē  
 tiores philosophi, hominis in hac uita feli  
 citatem in nobilissima naturę humanę ope  
 ratione, hoc est, in rerum sublimium con

Ps. 103.

Of. 2.

# VIR IVSTVS.

templatione, & amore positam esse: quam beatitudinē uir iustus adipiscitur, cum in oratione maiestatem diuinam contemplatur, & contemplando amat, & amoris vi, in eam illabitur, eique vnitur. Quo amoris impetu, interdum, ita extra se in amatum fertur, ut magis extra se, quam in se, & magis mortuus, quam uiuus esse videatur: & aliquando tanto spiritali gustu, ac voluptate repletur, ut gestiat, & stare loco nesciat, ac ne deficiat, timeat: & proinde petit: Fulcite me floribus, stipate me malis: quia amore langueo: Dilectus meus mihi, & ego illi. Nullis itaque antiqui serpentis illecebris, nullis veteris impostoris ludificationibus, nullis horrendi hostis horrificis formis, nulla denique ui ab hoc colloquio remoueri potest: etiam si leo unguibus adoriatur; etiam si draco magno impetu inuadat; etiam si serpentes per corpus gradiantur. Refert Sanctus Nilus Demones quemdā virum iustum orantem per duas hebdomadas in storea sublatum, per aerem, ueluti pilam, uersasse; neque tamen ullo modo ab ardenti oratione eum abducere potuisse. Verum cum non sit mihi in animo de orationis dignitate latius disputare, illud unum speciatim hoc loco; breuiter tamen, demonstrabo; uidelicet, quam familiar-

*Can. 1.*

*S. Nilus  
de orat.*

*S. Nilus.*

liariter per orationem iustus cum Deo, & Deus cum iusto uersetur; quæ res uiri iusti splendorem mirum in modum amplificat. Quod autem priuate Deus cum suis amicis familiariter loqui soleat, hæc luculenta sacræ scripturæ docet auctoritas : Si quis *NUM. 12.* fuerit, ait Dominus, inter uos propheta Domini in uisione apparebo ei, uel per sô nium loquar ad illum. At non talis seruus meus Moyses, qui in omni domo mea fidelissimus est. Ore. n. ad os loquor ei: & palâ nō p ænigmata & figuras Dominū uidet. Idem declarauit Dominus, cum dixit: Ego sum ostium : Per me si quis intrauerit, sal *IOAN. 10.* uabitur; & ingredietur, & egredietur, & pascua inueniet. Quid aliud ingredi, & egredi significant, quam familiaritatem quandam maximam? Qualem ij habere solent, famuli, qui quodcumque uolunt ad suos dominos ingrediuntur. Verum, nullus seruus est ita familiaris Domino suo ac iustus Deo, ad cuius conspectum, quocumque tempore, quocumque loco, absque vlla mora ingredi potest: & non solum uir iustus ad Deum, ut cum eo loquatur, accedit; sed etiam Deus ad hominem iustum (o infinitam Dei bonitatem) se conferre solet. Ideo legimus, Deum de nocte *1. REG. 3.* semel, iterum, & tertium Samuelem familia

rem suum uocasse, ipsumque respondisse:

Loquere Domine, quia audit seruus tuus.

*Psa. 84*

Et alius dixit. Audiam quid loquatur in

*Ose. 2.*

me Deus. Huc ē pertinet illud: Ecce ego

lactabo eā, & ducā eā ī solitudinē. & loquat

ad cor eius. Quod autem Deus statim uo-

*Psa. 4.*

ces suorum excipiat, indicauit propheta,

*Psa. 33*

cum cecinit. Cum inuocarem, exaudiuit

me Deus, &c. Siquidem oculi Domini su-

per iustos: & aures eius in preces eorum.

Placet tandem hunc domesticū inter Deū,

& virum iustum loquendi, & agendi vsum

quibusdam sentētiis ex scriptura collectis,

quibus hi amici, cum inter se loquuntur,

vti solent, planius explanare. Deus his mo-

*Pro. 3. 13.*

dis iustum alloqui consuevit: Fili mi, non

obliuiscaris legis meæ. Fili præbe mihi cor

*Psa. 88*

tuum: Inueni David seruum meum, oleo

sancto meo unxi eum: Ipse inuocabit me:

*Ier. 3.*

Pater meus es tu: Deus meus, & susceptor

salutis meæ tu es. Ergo saltem amodo uo-

ca me; Pater mi, dux virginitalis meæ tu

*Can. 2.*

es. Surge, propera amica mea, columba

mea, formosa mea, & veni: Sonet uox tua

in auribus meis. Vir iustus Deum hoc mo-

*Uia 131*

do: Propter David seruum tuum, non auer-

tas faciem Christi tui. Memento Domine

David, & omnis mansuetudinis eius:

*Psa. 34*

Doce me facere uoluntatem tuam; quia

Deus



Deus meus es tu : Apprehende arma & scutum, & exurge in adiutorium meum. Domine quando respicies ? Neque ista maxima viri iusti cum Deo familiaritas, ut quidam stulte dicunt, contemptum parit : quia, cum uir iustus per hunc domesticum usum, & Deum & seipsum magis cognoscat, diuinam maiestatem magis reueretur, & ueneratur, & se magis deprimat ; & dicit : Domine non sum dignus, ut tecum loquar, & ut tuo conspectu fruatur. Quid ego pulvis, & cinis cum tanta maiestate tractem ? Exi a me, quia homo peccator sum Domine : Domine non sum dignus, vel ut tu intres in domum meam, uel ut ego accedam ad atria tua. At cum Deus uirum iustum ita se humiliantem, & deprimentem cernit, eo magis se se in eum insinuat, & familiarius cum eo tractat, ac dicit : Ad quem respiciam, nisi ad pauperculum, & contritum spiritum, & trementem sermones meos ? Quod autem uiri iusti hoc diuino colloquio delectentur, eoque saepe fruuntur, quid est, quod pluribus demonstrem ? cum sancti patres nulla alia in re diligentius, & frequentius se se occupauerint, quam in hoc cum Deo, per orationem commercio ? cuius rei præclara, & illustria nobis reliquerunt exempla. Siquidem si temporis spatium

quo

*Gen. 18**Luc. 3**Mat. 8**Isa. 66**Chrys.*

*Dan. 6**Dent. 9**Luc. 6**Mat. 4*

quo orare solebant, spectes; alij integras horas, alij integros dies, alij dies noctesq; alij integras hebdomadas, alij integros annos, alij etiam plures annos, alij denique per totā uitam orabant. Si frequentiā consideres, alij cum diu orare non possent, ter in die orarunt, alij septies, alij centies in die, & centies in nocte, alij tercenties.

In alijs præterea alia orādi studia animaduertes. In Moyse, & Antonio perseuerantiam; In Dauide, & Bartholomæo frequentiam; In Anna, & Elisabeth feruorem; In Tobia, & Petro affectum, quem lacrymis indicarunt; In Bernardo, & Francisco diligentiam. Denique, ut hunc concludam locum, id magnopere huius actionis dignitatem demonstrat, quod Christus Dominus in oratione pernoctabat, & per quadraginta dies, dum ieiunauit, soli orationi vacasse censendum est: immo, totum uitæ tempus in hanc unam rem contulisse affirmare possumus, cum per tres solos annos, & hoc temporis spacio, non semper, actusæ uitæ operam dederit. Et quis non putet esse multo præstantissimam eam operationem, quæ animam mundat a peccatis, peccatas delet, negligentias sarcit, gratias impetrat, concupiscentias extinguit, animi motus comprimit, tentationes superat, hostes proster-

prosternit, calamitates lenit, mœrorem repellit, lætitiā affert, pacem conciliat, hominem in cœlum transfert, Angelorū choris immiscet, & tandem cum Deo iungit? Valeant igitur humani congressus, humanæ familiaritates, & humana colloquia: quia, si cum hoc comparentur, nihil valēt: quo colloquio, domesticoque cum summo rege vſu, miseri peccatores seipſos priuant, dum diuina spreta amicitia, cum seruis etiam vilissimis uersantur, & eorū consuetudine delectantur; dum vel, de diuitiis cogitat, uel auctas contemplantur in arca, & saccis inhiant, vel dum eorum animus est in patinis, vel quouis alio pacto humana cogitatio circa infimas creaturas fordescit.

*Vir iustus est graciosus apud Deum, a quo quidquid petit, obtinet. Cap. LXXXII.*

**C**Um vir iustus sit amicus, & familiaris Dei, atq; domestice, ut diximus, cum eo tractet, & omni obseruantia, ac cultus genere Deum veneretur; inde nascitur, ut apud Deum, gratia multum valeat, eique maxime grātus existat. Propterea Deus, nihil viri iusti causa non faceret, nihilque ei non concederet. Ideo, & petendi rationē, *Mat. 6*  
 &

*Rom. 8**Joan. 16**Joan. 14**Jacob. 1**1. Joan. 3*

& quid petere deberet, cum docuit: quia etiam, in ipso, per Spiritum suum, ipse petiit: et ad petendum excitat; & Dei Filius, non petentibus dixit: Usque modo non petistis quicquam in nomine meo: petite, & accipietis. Et ut sperarent, quod peterent, se consecuturos esse, rem iureiurando confirmavit. Amen amen dico vobis: si quid petieritis Patrem in nomine meo, dabit vobis. Quæ amplior potest esse promissio? cum dicat: quidquid: quæ certior, & securior, cum ipsa veritas promittat, & iureiurando confirmet? quæ gratior, cum tam efficaciter, tam amice ad petendum prouocet?

Alibi scriptura dicit: Si quis autem vestrum indiget sapientia, postulet a Deo, qui dat omnibus affluenter, & non impropere, & dabitur ei. Pondera verba. dat. omnibus. affluenter. non impropere. dabitur. At, quid potest esse iucundius? quid illustrius? quam ita gratia apud Deum valere, ut quidquid ab eo obtinere velis, si recte postules, consecuturus sis: qua felici condicione, speciatim, vir iustus vitur. Sed rem egregiam, & quæ virum hunc maximopere commendat, adhuc aliis diuinæ scripturæ confirmemus sententiis. Carissimi, ait Ioannes, si cor nostrum non reprehenderit nos, fiduciam habemus ad Deum: & quidquid peti-

tieri.

tuerimus, accipiemus ab eo: quoniam man-  
 data eius custodimus, & ea quæ sunt pla-  
 cita coram eo, facimus. Ex quo loco colli-  
 gere licet, viros iustos priuatim hanc spem  
 habere obtinendi a Deo, quidquid pete-  
 rint: quia ait: si cor non reprehendit: &  
 quoniam mandata seruamus: quæ verba  
 in solos viros iustos cadunt. Delectare in  
 Domino, & dabit tibi petitiones cordis tui.  
 Et quis est is, qui delectatur in Domino,  
 nisi vir iustus? Reuēla Domino viam tuā, *Psal. 16*  
 & spera in eo, & ipse faciet: Qui replet in  
 bonis desiderium tuum: hoc est, quodcun- *Psal. 102.*  
 que desideras, tibi impertit bonum: Quo-  
 niam tu benedices iusto: idest gratias &  
 dona iusto concedes: Voluntatem timen-  
 tium se faciet; & deprecationem eorum  
 exaudiet, & saluos faciet eos. O miram Dei *Psa. 144.*  
 erga homines iustos bonitatem! Dominus,  
 seruorum uoluntatem exequitur! Domi-  
 nus seruis obedit! Quam desiderarem hu-  
 ius loci uim, a legentibus considerari, atq;  
 perpendi; in quo, maximum quid, latere  
 videtur. Agnosce hic, pie lector, amicitiam,  
 & familiaritatem inter Deum, & hominē.  
 Quam felix cēseretur is, qui ita apud prin-  
 cipem, gratia, ualeret, ut quidquid ipse  
 vellet, quidquid peteret Princeps faceret.  
 Sed iam rem hanc aliquibus demonstramus  
 exem-

*Gen. 19**Gen. 20**Exo. 17**Jud. 15**1 Reg. 12.**3. Reg. 17.**18.**1. Reg. 1.**Joan. 16*

exemplis. Petiit Loth, & non est subuersa  
 ciuitas: petiit Abraham, & Deus sanauit  
 Abimelech, & uxorem, ancillasque eius:  
 petente Moyse vincebat Israel, eodem non  
 petente uincebatur: petiit Samson, & ex  
 afini maxilla fluxit aqua: petiit Samuel, &  
 facta est pluuia: petiit Elias, & excitatus est  
 puer: eodem petente cecidit ignis, qui ob  
 impiorum preces non ceciderat: Petiit ami  
 cissimus ille Dei Iob pro stultitia amicorū  
 suorum, & Dominus faciem eius suscepit.  
 Petentibus uiris iustis, Deus ut eorum uo  
 luntatem faciat, dat claudis gressum, sur  
 dis auditum, cæcis uisum, ægrotis sanitatē,  
 mortuis vitam, & peccatoribus veniam.  
 Obtinent denique quidquid uolunt uiri iu  
 sti a Deo: alias enim nō esset uerum illud:  
 Petite, & accipietis. Ita iustorū preces Deo  
 existunt gratæ: ita eas libenter excipit, ut  
 nolit iustos pro eis preces facere, quos gra  
 tia, quam iusti petunt, indignos esse nouit;  
 ne eorum petitiones in uanum factæ uideā  
 tur. Ideo cuidam Prophetæ, ne pro populo  
 sua gratia indigno preces funderet, iussit.  
 En igitur, quantum, uiri iusti, gratia, apud  
 Deum ualeant, Sed, ut huius rei singulare  
 exemplum ob oculos legentium ponam,  
 breuiter historiam Ruth & Booz explana  
 bo, si illud prius monuero, Booz personā  
 bene-



beneficentissimi Dei, & Ruth personam uiri iusti, qui a Deo gratiis ornatur, representare. Ruth itaque proficiscitur in agrum spicas collectura: Booz, primum, quænam sit inuestigat: deinde, ei inquit: Audi filia, ne in alienum agrum vadas ad colligendum: ut puellis suis se iungere uelit hortatur: & ne quis ei molestus sit, monet: iubet, ut si sitierit ad sarcinas accedat, & bibat aquas, de quibus pueri bibunt: atque sibi nuntiata fuisse, quæ socri fecisset, & reliquisse parentes, & terram, ut ueniret ad populum quem nesciebat: eique bene precatur: quæ ait: Inueni gratiam apud oculos tuos Domine mi, qui consolatus es me, & locutus es ad cor ancillæ tuæ, quæ non sum similis unius puellarum tuarum. Postea inuitat ad comedendum panem cum messoribus: comedit, saturata est, reliquias tulit. Præterea, messoribus præcepit, ne eam cum ipsis metere uolentem prohiberent, & ut de manipulis suis de industria remanere sinerent, ut sine rubore colligeret, & colligentem nemo corripere. Insuper, Booz huic feminæ iussit, ut tãdiu cum messoribus iungeretur, donec omnes segetes meterentur: quod iussum executæ est. Iam uero, cum Ruth se lauasset, & unxisset, uestibusque ornasset, ad Booz dormientem accessit.

Ruth. 2.

accessit: quam ipse benedixit, & quid eam  
 facere oporteret, ut sibi eam in matrimo-  
 nium copulare posset, docuit; iussitque ut  
 pallium panderet, & mensus sex ordei mo-  
 dios, posuit super eam. Et denique, non ces-  
 savit, donec eam in matrimonio habuit:  
 ex qua filios suscepit: ex quibus Saluator  
 mundi Christus dominus originem duxit.  
 En igitur illustrem figuram, in qua aper-  
 tissime cernitur, quatum Deus amicis suis  
 gratificari soleat, & qua providentia, ac li-  
 beralitate erga eos utatur, & quibus mune-  
 ribus cumulet, & ornet. Et ne quis, ullo mo-  
 do dubitare possit, quin quod petet, obten-  
 turus sit, quid hac de re diuus Iacobus scri-  
 pserit, diligenter attendat. Multum valet  
 deprecatio iusti assidua. Elias homo erat  
 similis nobis passibilis, & oratione oravit,  
 ut non plueret super terram, & non pluit  
 annos tres, & menses sex. Et rursus ora-  
 vit, & cælum dedit pluuiam, & terra fru-  
 ctum. Cum itaque Deus non sit personarum  
 acceptator, omnes iustorum omnium pre-  
 ces, proculdubio exaudit, & omnes apud se  
 gratia valere vult, omnibusque se gratio-  
 sum ostendit. Pulsate igitur iusti, & vobis  
 aperietur: petite, & vobis dabitur: orate,  
 & quidquid volueritis obtinebitis: quia lō-  
 ge est Dominus ab impiis, & orationes iu-  
 storum

storum exaudit. O Domine, quantum debet lætari in te iustus? cum desiderium cordis eius tribuas ei, & voluntate labiorum eius non defraudes eum, sed præuenias eum in benedictionibus dulcedinis. Benedicat igitur iustus Deum, qui replet in bonis desiderium suum. De homine autem impio, quid dicemus? qui, cum gratia careat, qua homines Deo grati sunt, quo modo apud Deum gratia ualere poterit? Quo fit, ut Deus ei dicat: Si multiplicaueris orationem, non exaudiam.

2. Mach. 9  
Pro. 10.

Psa. 20.

Pf. 102

Isa. 1.

*Vir iusti dona sunt Deo gratissima.*

Cap. LXXXIII.

**S**I huius mundi homines aliquem dominum cui inserviant nacti fuerint, non modo accurato famulatu, sed etiã magnis muneribus, eius gratiam sibi comparare contendunt, & nihil sibi commodius, & optatius accidere posse putant, quam si sua munera, iis, quibus seruiunt, fuerint pergrata: quod, si adepti fuerint, gaudent, gestunt, gloriãtur, ac secum præclare actum esse existimant. Et reuera, id est quid magnum, cum donans donante uideatur maior, & beatius sit dare, quam accipere; præsertim, cum datum accipienti pergratum existit.

Act. 20

# VIR IUSTVS.

existit. Quo fit, ut cum viri iusti dona sine  
 Deo gratissima, maximam inde lætitiā, &  
 gloriam iustus referat. Contemplare pri-  
 mum, Deum esse eum, qui bonorum no-  
 strorum non eget: deinde, uide hominis  
 imbecillitatem, humilitatem, mendicitatē,  
 & ut ita dixerim, nihilitatem; cum Deo,  
 nisi id, quod ab ipso accepit, dare nihil pos-  
 sit: postremo, cogita omnia, quæ in hac  
 rerum vniuersitate continentur, esse ipsius  
 Dei: Quia Domini est terra, & plenitudo  
 eius, orbis terrarum, & uniuersi qui habi-  
 tant in eo. His diligenter cognitis atque  
 perspectis; non miraberis, si uidebis homi-  
 nem immortalī, ac præpotēti Deo aliquid  
 offerre, quod ei sit apprime gratum, atque  
 iucundum? Hoc tanto bono solus uir iu-  
 stus gaudet; impius uero minime. Quod  
 autem iustorum dona Deo sint grata, im-  
 piorum uero non item, ab ipso mundi e-  
 xordio declaratum est. Si quidem legimus,  
 Dominum respexisse ad Abel iustum, & ad  
 munera eius: ad Cain impium, & ad ipsius  
 munera non respexisse. Quæ res, tanta est,  
 ut hanc ob causam impius frater vehemē-  
 ter tristatus fuerit, & tanto odio in fratrem  
 a quo se hac re superari uidebat, exarsit,  
 ut cum neci tradere non dubitauerit. Huc  
 facit etiam, quod cum Noe uir iustus sacri-  
 ficiū

*Ps. 11*

*Ps. 19.*

*Gen. 4*

*Gen. 8.*

ficium Domino obtulisset; Dominus odoratus est odorem suauitatis. Qua re apertissime indicauit Dominus, quam sibi grata fuerint, quæ uir iustus obtulerat holocausta. Quoties uiri illi iusti, sacrificiis, & oblationibus suis, Dei iram erga nefarios homines placarunt? quoties suis donis maxima a Deo beneficia obtinuerunt? Tantum, quæ a iustis offeruntur, Deo placent, ut herbarum decimas, pilos caprarum, potum aquæ frigidæ libenter accipiat. Ad hæc, quæ uiri iusti dona sint Deo cara, vel ex eo intelligeres, quod non modo minima quæque accipit, uerum etiam cumulatissime remunerat; dum centuplum iis, qui aliquid pauperibus sua causa largiuntur, retribuit: quod, si quis diligenter animaduertet, quod uolumus, apertissime demonstrare cognosceret. Quoniã, quanta fuerit accepti beneficii magnitudo, satis euidenter retributio declarat. Propterea, dicebat sapiens: *Mat. 19.*  
 fœneratur Domino, qui miseretur pauperis: atque etiam monebat, ne quis ante Dominum uacuus appareret. Da Altissimo secundum datum eius, & in bono oculo adinventionem facito manuum tuarum: *Pro. 10.*  
 quoniam Dominus retribuens est, & septies tantum reddet tibi. Tantum Deo, quæ *Ecc. 35.*  
 ipsi bono oculo, id est recta intentione dan- *Can. 4.*  
 tur,

Ecc. 39

tur, placent; ut aliquando sponsæ suæ dix-  
 rit: Vulnerasti me in uno oculorum tuo-  
 rum: quando uidelicet recta intentione  
 tuum mihi obtulisti munus. Sunt ergo ui-  
 ri iusti dona ita Deo grata, ut cor eius vul-  
 nerent: quæ res est omnino cogitatione di-  
 gna. Qui adorat Deum, inquit scriptura,  
 in oblatione, suscipietur, & deprecatio il-  
 lius usque ad nubes penetrabit, & donec  
 appropinquet non consolabitur, & non di-  
 scedet donec Altissimus aspiciat. Oblatio  
 itaque iusti impingat altare, & odor sua-  
 uitatis est in conspectu Altissimi. Sacrificiū  
 iusti acceptum est, & memoriam eius non  
 obliuiscetur Dominus. Ratio autem cur ui-  
 ri iusti dona ita grata Deo accidant, ea est,  
 quia, non tam quod donatur, quam ani-  
 mum donantis respicit: qui, etiam in quo-  
 uis minimo potest esse maximus: cū quis-  
 que, quod dat minimum, studio id maxi-  
 mo offerre possit. Auget etiam munus suū  
 uir iustus, dum uel se nihil dare intelligit,  
 quia omnia quæ dat, eius, cui dat, esse co-  
 gnoscit; uel quod eo animi impetu, quo da-  
 re deberet, se non dare animaduertit; an-  
 gitque se, molestiamque capit maximam;  
 cū ei a quo se omnia accepisse sentit, om-  
 nia, & de suis, & ea, qua uellet ratione, sered-  
 dere non posse videat: & ait. Quid retri-  
 buam



buam Domino, pro omnibus quæ retribuit mihi? Si totum me debeo Deo, quia me, & omnia pro me fecit; quid eidem retribuam, quia me refecit, & sic refecit? Cum me, & omnia fecit, dixit, & facta sunt: at ut me reficeret, multa dixit, & fecit, & tulit: indigna uerba, duriora verbera, durissima supplicia. Et cum nihil aliud se habere sentiat, quod retribuatur, nisi hoc, ut aliquid pro Dei gloria sufferat, Deūque laudibus celebret: ideo ait: Calicem salutaris accipiam, & nomen domini inuocabo: quæ duæ potissimum oblationes, Deo placere solent: calix uidelicet tribulationum, & laudum sacrificium. Placet itaque speciatim Deo laudum munus, quo a uiro iusto exornatur. Laudat uir iustus Deum; & ad idem faciendum etiam alios excitat, dum dicit: Laudate pueri dominum, laudate nomen Domini: Sit nomen Domini benedictum, ex hoc nunc, & usque in sæculum. Conuocat etiam interdum creaturas omnes ad laudes diuinas celebrandas, & inquit: Benedicite omnia opera Domini Domino, laudate, & superexaltate eum in sæcula. Aliquando etiam seipsum ad hoc munus præstandum excitat; dum dicit: Benedic anima mea Dominum, & omnia quæ intra me sunt nomini sancto eius. Benedic

*Psalm. 113.**Dan. 3**Psalm. 103*

anima mea Dominū, & noli obliuisci omnes retributiones eius, idest nullum Dei beneficium tibi e memoria effluat. Gratissima igitur iustorum munera, tanquam ab amicis, & familiaribus, & filiis oblata, Deo existunt: quæ aliquando immenso beatitudinis præmio liberalissime remunerabit. At vero, impiorum dona Deo non placent: ideo legimus: Dona iniquorum non probat Altissimus, nec respicit in oblationes iniquorum: nec in multitudine sacrificiorum eorū propitiabitur peccatis: Et propterea impio offerenti dicit: Quis quæsiuit hæc de manibus tuis sanguine plenis? cum extenderis manus tuas auertam oculos a te: & cum multiplicaueris orationem non exaudiam: lauare, mundus esto: quiesce agere peruerse; disce benefacere: & alibi dicitur impijs: Odi, proieci festiuitates vestras; & non capiam odorem cæturum vestrorum. Quod si obtuleritis mihi holocaustomata & munera vestra, non suscipiā, &c. Quod etiam laudes impiorum Deo nō placeant, hac graui redargutione indicauit Deus, cum peccatori dixit: Quare tu enarras iustitias meas, & assumis testamentum meum per os tuum? Cur autem Deus impiorum oblationes renuat, hæc est prima causa; quia sunt eius inimici: inimico-

rum

rum autem dona nō solent accidere grāta,  
 cum dantis animus, ab eo cui datur sit alie-  
 nus. Altera causa est; quoniam solent, ut *Psa. 65*  
 plurimum res imperfectas, & uitiatas Deo  
 offerre: quod tamē ipse sua lege prohibuit.  
 Iustus, contra, holocausta medullata cum  
 incenso, & boues cum hircis offert. Itaque  
 se totum per holocaustum corporis & ani-  
 mę, intellectus & voluntatis, bonorum in-  
 quam omnium internorum & externorū,  
 Deo uouet, & ei reddit omnia, a quo om-  
 nia se accepisse intelligit: ut cum omnia in  
 hac uita reddiderit, in alia, non modo om-  
 nia, sed & factorem omnium in æternum  
 possideat. Quamobrem, si quis naturę hu-  
 manę imbecillitatem, & humilitatem, Dei  
 uero potentiam, & maiestatem contempla-  
 retur, non posset non uehementer admira-  
 ri, cum uideret tantam maiestatem, tanti  
 facere minima quęque dona, quę a uiro iu-  
 sto ipsi offeruntur. Quia, licet Deus is sit, *Psalma.*  
 qui bonorum nostrorum non eget: tamen,  
 dona sibi a iustis offerri ita desiderat, & o-  
 blata, ita accipit, ac si egeret. Victimę igitur *Pro. 80.*  
 impiorum abominabiles Domino: uo-  
 ta iustorum placabilia.

*Vir iustus est Sanctorum ciuis, cum sit  
caelesti ciuitate donatus.*

Cap. LXXXIV.

**L**audamus superius hunc hominē a  
rep. & ciuitate in qua natus, educatus  
que est: sed, cum alia ciuitate longe nobi-  
liore donatus fuerit, ut ex hac noua digni-  
tate eum laudemus, ratio a nobis exposce-  
re uidetur. Magnum quid homines esse ar-  
bitrantur, si cuiquam dicere liceat: Nobi-  
lis Venetus sum: Patritius Romanus sum.  
Præclare sane uoces, magnificæ appellatio-  
nes, & illustres tituli. Maximas liquidem  
prærogatiuas & egregia priuilegia secum  
afferunt. Quos titulos, qui priuilegia &  
immunitates iustorum uirorum ignorant,  
maximis sumptibus, & laboribus sibi, ac  
posteris acquirere, ac conseruare conan-  
tur; & sæpenumero iactant, superbeque  
ostentant. O hominum inanitatem admi-  
rabilem! Nonne omnes homines ex hu-  
mo humani, ex terra terreni, ex luto lutu-  
lenti, ex puluere puluerulenti, & ex muni-  
do mundani? Cur nō omnes hoc aurum,  
& antiquum, ac uere nostrum ostentamus  
genus? sed uideamus qua nam ciuitate uir  
iustus sit donatus, ut demonstramus quan-  
tum homo iustus ex uilla oriundus, supe-

ret impium in magnifica ciuitate natum :  
 Impius qui se ciuem , uel patritium nobi  
 lis urbis esse gloriatur , si intelligeret se tan *1. Cor. 6.*  
 quam exulem in ualle lacrymarum uersa-  
 ri , & se a patria cœlesti ob uaria læsæ maio-  
 statis crimina esse depulsum , ac proinde se  
 ad ciuitatem Babylonis , quæ est ciuitas De-  
 monis pertinere , hanc suam profecto ostē-  
 tationem deponeret . At uero uir iustus ,  
 cum a captiuitate Babylonica reuocatus , &  
 cœlesti ciuitate donatus sit , merito gloria-  
 ri potest , ac dicere : Ciuis sanctorum sum :  
 Patritius cœlestis sum : cum iam sit de cœ-  
 lo cœlestis , & in cœlo proximos suos , & *Eph. 2.*  
 fratres suos habeat . Ad hanc ciuitatem pro-  
 perat ; cum hic non habeat ciuitatem ma- *Psal. 131.*  
 nentem : ad quam conuersus , dicit : Pro- *Neb. 13.*  
 pter fratres meos , & proximos meos loque- *Clem. Ale-*  
 bar pacem de te : Fundamenta eius in mon- *xandr.*  
 tibus sanctis : diligit Dominus portas Sion *Libr. 6.*  
 super omnia tabernacula Iacob . Gloriosa *str.*  
 dicta sunt de te ciuitas Dei . In hac ciuitate *Psal. 86.*  
 habet hereditatem suam , & patrem suum ;  
 quem orando una cum fratribus suis sic al-  
 loquitur . Pater noster qui es in cœlis : san-  
 ctificetur nomen tuum : adueniat regnum  
 tuum : da , uidelicet nobis hereditatē , quam  
 filijs tuis promissisti . In hac ciuitate fuit ab  
 æterno conceptus : ad quam ab exilio re-  
 uoca-

vocatus, remeat: cuius rei, cum sibi allatus  
*Psal. 111.* fuit nuntius, in has prorupit voces: Læ-  
 tatus sum in his, quæ dicta sunt mihi: in  
 domum Domini ibimus. Stantes erant pe-  
 des nostri in atrijs tuis Ierusalem, &c. O  
 quam vera sunt hæc! o quanta piorum  
 mentes uoluptate perfunderent, si diligen-  
 tius considerarentur! Loquatur itaque se-  
 cum hunc in modum iustus. Ego oriūdus  
 sum ex cælo: Pater meus, & fratres mei  
 sunt in cælo: hereditas mea est in cælo:  
 mundus, & terrestris ciuitas nihil ad me  
 pertinet: quid mea interest, ubi sim in mū-  
 do, cum non sim de mundo? Sed iam aper-  
 tum sacrae scripturæ huc pertinentem pro-  
*Eph. 2.* feramus locum. Cum dixisset Paulus Ephe-  
 sijs, eos prius fuisse filios iræ, & alienos a cō-  
 uersatione Israel, & hospites testamentorū,  
 promissionis spem non habentes, & sine  
 Deo in hoc mundo, & fuisse longe; & po-  
 stea per Christum accessum habuisse ad  
 Patrem, tandem sic conclusit. Ergo iam nō  
 estis hospites, & aduenæ; sed estis ciues san-  
 ctorum, & Domestici Dei. Præclaræ uoces:  
 illustres tituli. Ciues sanctorum; Domesti-  
 ci Dei. Siste hic mihi baiulum quendam,  
 sordidum terræ filium, Christiane tamen  
 uiuentem, & iustum; & hominem, utraque  
 familia nobilem, & conspicuum; sed tamē  
 impro-



improbum : & hosce ambos conferamus. Hic, gratia exempli, ciuis Romanus; ille cœlestis: hic nobilis in urbe terrena; ille in paradiso; hic ciuitate Babylonis donatus, ille Ierusalem cœlesti: hic in concilio hominum; ille in cœtu sanctorum numeratus est: hic priuilegijs humanis vititur, ille immunitatibus, & prærogatiuis cœlestibus gaudet: huius nomen scriptum est in fragili charta, illius uero in mente diuina in libro uitæ. Confer itaque ciuitates, confer ciues, cōfer priuilegia, & uidebis, num baiulus bonus, an improbus patritius magis gloriari possit, ac laudari debeat. Hæc non solum sunt in ipsa cogitatione, sed in re: nō solum mente comprehensa, sed in resita: non solū pie excogitata, sed vere acta. Vere uere uir iustus, est Sanctorum ciuis, & domesticus Dei: vere ipsius ciuitas est sancta Ierusalem, quæ sursum est; quæ libera est; quæ est iustorum mater. Sed videamus quæso, uter an baiulus, an is, qui se ciuem esse ait, sit uere ciuis, fingentes ambos in eadem ciuitate natos. Ciuis is est, ut a quibusdam recte dicitur, qui est uir bonus, & reip. utilis. Primum, si bonitatem spectemus, cum uir iniustus bonus non sit (nec hoc loco, rem humanis legibus perpendo) ciuis utique non erit. Deinde, si utili-

Gal. 4.

utilitatem consideremus, neminem in ciuitate inuenies, qui maiorem utilitatē quā uir iustus ciuitati afferat. Etenim, ipse impetrat a Deo, quę ad pacem ciuitatis pertinent, nemini nocet, iustitiam defendit, leges seruat, quoscumque potest iuuat, vitę exemplo alios arguit, & docet, & denique pessime cum ciuitate ageretur, si uiris iustis esset orbata. Ad hæc, ciuitas ea est, in qua est ciuium unitas: vnitas non est nisi inter bonos: boni igitur ciuitatem conficiunt, & ciues erunt. Postremo, si nobilis is in aliqua urbē censetur, qui eam conseruauerit, adiuuerit, auxerit, factis illustrauerit, qui tandem de ea valde benemeritus fuerit, magis, mea quidem sententia, uir iustus humili loco natus, quam qui uis alius improbus ciuis, appellandus erit. Ponamus, ut quod sentio melius explicem, eo tempore, quo Sodoma libidine ardebat, fuisse in ea urbe multos patritios, & nobiles uiros, improbos tamen, & vnum Loth uirum iustum, fuisse ex plebe natum. Fuerunt ne illi boni ciues, & ciuitati utiles, propter quos ciuitas destructa est, an Loth & cuius similes, si plures inuenti fuissent, utique incendio non fuisset exusta. Sunt ergo uiri iusti uere ciues, cum sint boni, & rei publicę utiles. Nobiles autem, & iniusti, sua

sua auctoritate nixi suis operibus fulti,  
 quas turbas in ciuitate non excitant? quas  
 iniurias non inferunt? quos pauperes non  
 opprimunt? quos improbos non defen-  
 dunt? Qui sunt ergo qui ciuitatem turbant?  
 nobiles: Qui plebem concitant? nobiles:  
 qui capitales inimicitias exercent? nobiles:  
 Qui iustitiam peruertunt? improbi inquā  
 nobiles. O nobilitatem ignobilem, ciuilita-  
 tem non ciuilem, & urbanitatem inurba-  
 nam! Nobilis Venetus sum: Patritius Ro-  
 manus sum: si tamen bonus, & ciuitati uti-  
 lis. At quanto præclarior atque illustrior  
 est uox ista: Ciuis cœlestis sum: quam, ue-  
 re uir iustus usurpare potest. Huic cœlesti  
 ciui terrestres cedāt ciues: huic inquā bea-  
 torū ciui, mortalium ciues. Gaudete ergo  
 & exultate iusti, ciues Sāctorū estis; Domi-  
 nici, Francisci, Hieronymi, Augustini, Am-  
 brosiij, Gregorij, patriarcharum, propheta-  
 rum, Apostolorū, & denique innumerorū  
 martyrum, uirginum, & Angelorum omni-  
 um, quibus omnibus cari, gratique estis.

*A militia Christiana, in qua quotidie for-  
 titer, & honeste versatur*

Cap. LXXXV.

**S**emper apud nationes omnes armo-  
 rum tractatio honoratissima habita-  
 est.

Iob.

est. & qui sub aliquo illustri duce stipēdia fecerunt, semper plurimi facti sunt: præsertim, cum suorum ducum vestigia sunt secuti. Ideo uir iustus, qui nouit uitam hominis esse militiam super terram, optimo, & inuictissimo Imperatori Christo, nō ad bella carnalia, sed spiritalia, quæ sunt longe difficiliora gerenda, statim atque natus est, in baptismo, ne ullum sibi gloriæ genus deesset, nomen dedit, insignia Christianæ militiæ accepit, & sacramento se suo Imperatori obligauit: & in confirmatione, vbi speciatim gratia ad pugnandum datur, fidem confirmauit. Quare, in hac militia, constitutus, strenue contra potentissimos hostes dies, noctesque ubique depugnat; atque has præclarissimas voces usurpare potest. Miles Christianus sum: Bella Dei gero. Iustus itaque vir, maximū Imperatorem sequens, difficilem pugnam pugnans, maximas victorias referens, maximas etiam meretur laudes: præsertim, cū nullam sibi uictoriam adscribat, sed omnem suam gloriam Deo acceptam referat, & a Deo se armatum, & bellandi rationem edoctum fuisse fateatur, cum ait: Benedictus Dominus Deus meus, qui docet manus meas ad prælium, & digitos meos ad bellum: præcinxisti me virtute: posuisti ut

Psal. 17.

arcum

arcum & arcum brachia mea: disciplina tua  
 ipsa me docebit: perfecisti pedes meos tā-  
 quam ceruorum: dilatasti gressus meos  
 subtus me, & non sunt infirmata vestigia  
 mea: dedisti mihi protectionem saluus  
 tuus, & dextera tua suscepit me. Viuit Do-  
 minus, & benedictus Deus meus, & exal- *Psal. 7.*  
 tetur Deus salutis mee. Deus qui das mihi  
 uindictas, & subdis populos sub me, libe-  
 rator meus de inimicis meis iracundis. &c.  
 Arma autem quibus armatur, sunt fere *1. Thes. 5.*  
 ista. Lorica fidei & caritatis, galea salutis,  
 gladius spiritus & uerbi, & scutum ueri-  
 tatis: Quibus armis cum se munitum esse  
 sentit; cum se a Deo instructum esse ani-  
 maduertit, cum Deum sibi adstare cogno-  
 scit; audacter dicit: Prosequar inimicos  
 meos, & comprehendam illos; & non cō- *Psal. 57.*  
 uertar donec deficient: confringam illos,  
 nec poterunt stare; cadent subtus pedes  
 meos. Quod si interdum ab inimicis se  
 uergeri uidet, ac de uictoria timeret, ad su-  
 um Imperatorem confugit, auxiliumque  
 petit, & dicit: Domine, quid multipli-  
 cati sunt qui tribulant me? multi insurgūt *Psal. 3.*  
 aduersus me: Multi dicunt animæ meæ,  
 non est salus ipsi in Deo eius: Tu autem  
 Domineceptor meus es, gloria mea, &  
 exaltans caput meum, Apprehende arma *Psal. 34.*  
 &

# VIR IVSTVS.

*Pfal. 3.* & scutum, & exurge in adiutorium mihi,  
 &c. & denique, cum diuino auxilio se ful-  
 tum esse cognoscit, ait: Non timebo millia  
 populi circundantis me. Sequitur itaque  
 hic gloriosus miles gloriosum ducem; &  
 in militia Christiana, qua nulla unquam  
 exitit præstantior, non uerbo tantum, sed  
 re, & operibus, honeste, fortiterque uer-  
 satur. Audit, Imperatorem suum, ipsum  
*Lac. 9.* ad bellum, hisce uerbis, uocantem? Siquis  
 uult uenire post me, abneget semetipsum,  
 & tollat crucem suam, & sequatur me: &  
 ideo, tollit crucem suam cum Christo; por-  
 tat eam cum Christo; cum Christo orat,  
 cum Christo ieiunat; cum Christo maledi-  
 citur, cum Christo moritur, & cum eodẽ  
*Rea. 6.* resurgit, ac de mundo, de carne, de Dẽ-  
 mone, & de morte triumphat; & tandem,  
*Phil. 1.* cum eodem, mundum iudicabit. Impius  
 uero sub imbecillo, & impotente duce, qui  
 etiam a minima fœmella uincitur, meret;  
 & dum meret, nil meretur; & si quid me-  
 retur æternas pœnas suorũ laborum præ-  
 mia, meretur. Conspice mentis oculis,  
 & una parte, Christum Imperatorem sce-  
 ptrum crucis humeris suis gestantem, &  
 iustum sua cruce, eum sequentem: ex alte-  
 ra vero Dẽmonem Imperij mundani, ac  
 uanę uoluptatis spe, impium ad se uocan-  
 tem



tem, & impium sequentem: & ubi hæc mente uideris; confer bellandi causas: unus pro honore Dei contra diabolum; alter pro honore diaboli contra Deum pugnat: unus pro uirtutibus contra uitia; alter pro uitijs contra uirtutem: unus pro honore, gloria, & uita; alter contra honorem, gloriam, & uitam. Confer euentus: unus pugnando vincit omnia; alter pugnando uincitur ab omnibus: unus pugnando æterna bona acquirit; alter æternas sibi pœnas comparat, alter dum pugnat, se, suaque omnia bona seruat; alter se suaque omnia bona perdit. O singularem impiorum dementiam! siquidem pro inimico, contra amicos & benemeritos pugnant; & aduersus ipsum parentem Deum, tanquam theomachi, arma capiunt: spicula in seipsos conuertunt, seque confodiunt ipsos: in misera, & calamitosa pugna summis laboribus seipsos expugnant; perennem hostem summa lætitia afficiunt, dum pro illius regno, contra Dei regnum, seipsos perimunt. Concludamus igitur felicem, immo felicissimam esse uiri iusti conditionem, & gloriosissimam prouinciam, honoratissimamq; militiam, omni laude, gloria, & monumentis dignam: quia, in 2. Cor. 6.

bet, in multa patientia, in tribulationibus, in necessitatibus, in angustijs, in plagis, in carceribus, in seditionibus, in laboribus, in vigilijs, in ieiunijs, in castitate, in scientia, in longanimitate, in suauitate, in Spiritu Santo, in caritate non ficta, in verbo veritatis, in virtute Dei per arma iustitiæ a dextris, & a sinistris, &c. Posses etiam, hoc loco, eundem hominem, tanquam Christi discipulum, a genere doctrinæ, a modo quo docetur, a præceptore, & a schola in qua docetur, laudare; & impium ex locis contrarijs, vituperare, in qua re explicanda immorari nolo.

*Vir iustus est Dei filius, & æterni regni  
heres. Cap. LXXXVI.*

*Reg. 12.*

**N**Vm parum videtur vobis, dixit aliquando David, generum esse Regis? si id parum videri non debet; nec etiam parum videri deberet, si quis filius Regis esset; & multo minus, si quis Regis regum fieri posset, aut iam esset filius: quorum, primum, proponitur omnibus; quia Deus omnibus hominibus hanc potestatem dedit; alterum uero, solum iustis concessum est. Itaque, vir iustus, non modo miles Christi, ciuis sanctorum; amicus, ac domesti-

*1. Ion. 1.*

mesticus Dei est, sed etiam per adoptionē,  
 filius Dei euasit : quo nihil maius ab im-  
 mortali Deo, viris iustis dari sane potuit,  
 quam, ut filij ipsius nominentur, & sint. *1. 10. 3.*

Quis arrogantiam eius quem Cæsar in fi-  
 lium adoptasset, ferret? quis ei non in-  
 uideret? quis eius fortunam non admira-  
 retur? quis eum non obseruaret? quis eius  
 gratiam inire non contenderet? Vir iustus  
 Regis regum filius factus, tantamque celi-  
 tudinem nactus, honesta quadā superbia  
 non se effert? suam dignitatē nō agnoscere  
 & qui id nouerint, non mirabuntur? hanc  
 ei dignitatem, bona quadam inuidia, non  
 inuidebunt? eum non obseruabunt ac in  
 eius gratiam, se non insinuabunt? cum pa-  
 ter huic filio dicat; Fili, tu semper mecum  
 es, & omnia mea tua sunt: de quo Deus pri-  
 uata quadam ratione dicere potest: Hic est  
 filius meus dilectus, in quo mihi bene cō-  
 placui. Satue mihi, hoc loco, aliquem  
 iustum, & ex me interroga, quis nam ipse  
 sit; & tibi respondebo. Interroga igitur:  
 Quis est iste? Filius Dei. Cuius est cohæ-  
 res? Christi. Quæ est eius hereditas? æter-  
 na uita. Quid est æterna uita? omne bo-  
 num; Deus ipse. Habebit ergo ius ad pos-  
 sidendum omne bonum, & Deum ipsum?  
 Ita sane, Deus enim est hereditas eius, & *Exo. 35.*

Heb. 9.

pars eius. Quo tendit? ad capiendam hæreditatem æternam, sibi ab æterno Patre, ab omni æternitate paratam. Ergo iste, quem nunc sordidum, infirmum, egentem, miserum, & iacentem uideo, aliquando cum Christo regnabit? ergo ad Dei dexteram aliquando sedebit? ita profecto. Quis hoc loco admiratione non afficiatur maxima? quis non exclamet? o magnam præpotentis Dei erga homines benignitatem! o clementiam! Tantus tantillum, tanti fecit, ut in filium sibi adsciuerit, & regno donauerit. Quid? quod non satis fuit Deo hominem in filium adoptare; sed, ut id ipse efficere posset, facultatem ei tribuit. Dedit enim potestatem filios Dei fieri his, qui credunt in nomine eius: quæ res est omnino consideratione digna. Quid non facerent homines, ut Cæsaris filii euaderent, si qua ad id efficiendum eius data esset facultas? quanti ab eis ista potestas fieret? quis ea non uteretur? Habebunt, potestatem, qua Dei filij fieri poterunt, & ea non urentur? & flocci facient? Est ne hoc quippiam inane, aut fictum? nequaquam: sed, est ita magnum, quam quod maximum; & ita certum, quam quod certissimum. Res est diuina: assertor est ipse Deus, qui est ueritas ipsa. Nostra nostra est culpa; quia rem

non

non perpendimus, ut ille, qui hoc considerans, in has prorupit voces: Videte qualē caritatem dedit nobis Pater, ut filij Dei nō minemur, & simus: Carissimi, nunc filij Dei sumus. Verum, cum tantæ rei magnitudine uincar; cum qua ratione rem tantam explicem, ignorem, concludo, uirum iustum esse Dei filium, atque ad hæreditatem æternam vere ius habere: impios autem esse Diaboli filios, de quibus legitur: Vos ex diabolo estis; cum eo careant spiritu in quo clamatur, Abba, Pater: quo, qui agitur, filius Dei est; eodemque testimonium redditur, quempiam Dei filium esse. 1. Ioan. 3.  
1. Ioan. 5.  
Rom. 8.

*Vir iustus est in Deo, & in Christo, & Deus, & Christus, in viro iusto.*

*Cap. LXXXVII.*

**S**I quis interdū secum illa diuinæ scripturæ verba animo tractaret, ac diligenter perpenderet, quibus dicitur: Deus caritas est, & qui manet in caritate, in Deo manet, & Deus in eo; nihil maius, nihil admirabilius, nihil diuinius, viro iusto, in hoc mundo esse, existimaret. Etenim, quid maius esse potest, quam hominem esse in Deo? quid admirabilius, quam Deum esse in homine? quid diuinius, quam

1. Cor. 6.

10. 4.

1a. 3.

10. 17.

quod Deus & homo efficiantur unus spiri-  
tus? qui autem adheret Domino, inquit  
scriptura, vnus spiritus est: & Deus spiri-  
tus est: & qui natus est ex spiritu, spiritus  
est. Huc pertinent illa Domini verba: Ego  
in eis, & tu in me. Si igitur Filius est in iu-  
stis, & Pater est in Filio; vterque erit in iu-  
stis: quod clare his uerbis exposuit Ioānes.  
Vos, & in Filio & in Patre manebitis: At  
ubi est Pater & Filius, est etiā Spiritus san-  
ctus. Itaque omnes tres diuinæ personæ,  
& tota Trinitas, in iustis erit. Pater per potē-  
tiam, Filius per sapientiam, Spiritus san-  
ctus per bonitatem. Pater memoriam fœ-  
cundat; Filius intellectum illuminat; Spi-  
ritus sanctus voluntatem recte disponit.  
Quo fit, vt per tres diuinas personas, tres  
animi viri iusti partes recte constituentur,  
& Trinitatis imago, & similitudo in ipso  
instaurentur: quibus instauratis, vir iustus,  
memoria, Deum recolit; intellectu, con-  
templatur, voluntate, amat: & ita recolendo,  
cognoscendo, & amando in Deo, &  
in diuinis personis, per memoriam, co-  
gnitionem, & amorem existit: Tota igitur  
Trinitas erit in toto iusto, & totus iustus  
in tota trinitate erit: & cum omnes iusti  
sint in vno, ipsi quoq; inter se erunt vnum.  
Claritatem, dicebat Filius Patri, quam tu  
dedisti

10a. 17.



dedisti mihi, dedi eis; vt sint vnum, sicut  
& nos vnum sumus. Ego in eis, & tu in me;  
vt sint consummati in vnum. Solet, inquit, *Cyril.*  
quidam sanctus pater, Saluator noster, bo-  
na, quæ sibi naturaliter insunt, proponere,  
& ad similitudinem hortari nos; vt ad di-  
uinam sic imaginem, ad quam facti sumus,  
nos reformaret. quare, oēs iusti erūt vnum,  
& in vno oēs, & oēs in oībus. Est præterea,  
vir iustus, vt iustitiæ auctor Christus dixit, *Ioan. 13.*  
tanquam palmes in vite, in eo videlicet,  
qui est vita, in Christo domino; a quo vi- *Rom. 8.*  
tam recipit, cuius auxilio multum fructum  
affert. Propterea dicebat apostolus, iustos *Ephē. 2.*  
esse conuiuificatos cum Christo, & vitam  
suam habere absconditam in Christo, & *Col. 3.*  
in eorum carne, vitam Iesu manifestari. Ex *2. Cor. 4.*  
quibus colligitur, virum iustum posse cum  
Paulo dicere: Viuo autem, iam non ego, *Gal. 2.*  
viuit vero in me Christus: quo, quid opta-  
tius? quid vtilius? quid felicius homini  
contingere potest? Impius autem, vel est  
palmes a vite abscissus; vel si est in vite, est  
arefactus, ac propterea vitam a uiua vite  
non recipit. Demus quæso rationem his  
palmitibus; sicco nimirum, & virenti. Vi-  
rens de se hunc in modum uere diceret.  
Ego palmes viuus; ego uiti conuiuificatus;  
ego a uite vitam haurio; ego uitam exor-

no; ego agricolam lætifico; ego frondesco,  
 floresco, & fructus æternæ uitæ dignos fo-  
 ro: siccus autem, hæc de se enunciaret: Ego  
 palmes siccus, uiti non conuiuificatus; ego  
 a uite uitam non capio; ego uitem nō exor-  
 no; ego agricolam non lætifico; ego nec  
 frondes, nec flores, nec fructus afferō; sed  
 cum aridus sim, ignis me manet æternus.  
 Pone tibi, o amice lector, hos duos pal-  
 mites ob oculos, & quid inter utrumque  
 sit discriminis, diligenter perpende. Hunc  
 totum locū, quem paucis complexus sum,  
 cum nō tam uerbis amplificandus, quam  
 animo diligenter tractandus sit, pluribus  
 non prosequar. Sentio, in sententiis ex scri-  
 ptura allatis uim esse maximam; quam ip-  
 se non compræhendo; admiror tamen.  
 Etenim, quid potest esse admirabilius,  
 quam hominem iustum habere uitā suam  
 absconditam in Christo, esse conuiuifica-  
 tum cum Christo; pendere a Christo, esse  
 in Christo, manere in Deo, esse in Deo, &  
 denique unum spiritum fieri cum Deo?

*Vir iustus, in hoc mundo, longam uitam  
 viuit. Cap. LXXXVIII.*

**E**T si ea, quam homines in hoc mundo  
 uiuunt uita, sit curarum, & miseria-  
 rum

rum plena; ut potius mors, quam uita appellanda sit: tamen, minus prudentes homines, ita in ea acquiescunt, eaque delectantur, ut omnem curam, omneque studium huc conferant, ut quam longissime uiuant, & eos beatos putent, qui diutius uixerint. Quare, genus quoddam felicitatis existimatur, si quis nestorios uixerit annos. At uero sapientes, exclamant: o uita, non uita, sed miseria! Illud autem exploratum omnibus esse debet, eam non esse uitam, quam is uiuit, qui male uiuit: cum eas operationes non exerceat, quæ a uita manant, cuiusmodi sunt actiones naturæ congruentes: in quo genere, uitia reponi minime possunt. Quare, qui recte uiuunt, diu uiuere, censendi, & vere beati appellandi sunt. Has ambas longas uiuendi rationes in uiro iusto reperiri, paucis demonstrabo. Et primum, si de longitudine uitæ corporis loqui uelimus, in ueteri lege populus ille, iustorum typus promissione longioris uitæ ad mandatorum custodiam sæpe excitabatur: Custodi præcepta eius, atque mandata, ait Moyses, quæ ego præcipio tibi; ut bene sit tibi, & filiis tuis post te, & perman eas multo tempore super terram. Honora patrem tuum, & matrem tuam, sicut præcepit tibi dominus Deus

*Deut. 4.**Deut. 5.*

tuus, ut longo uiuas tempore, & bene sit tibi in terra &c. Quæ promissio, non solum de uita animæ, sed etiam de uita corporis intelligenda est. Quia licet hæc corporis uita, si sola consideretur, non magni facienda sit: tamen, si quis animaduerneret, quantum, dum ea frui licet, promereri posset, unius horæ concessum tempus, pro maximo beneficio haberetur. Vt merito cuidam sanctæ sæminæ per reuelationem dictum fuerit: Si homo sciret, quanta etiam unæ die promereri posset; mox, ut a somno uigilaret, tanto gaudio os eius dilataretur, pro eo quod dies illa illuxit, in qua Deo uiuere, & suum meritum ad eius laudem augere posset, quod tota die ad omnia quæ agere, aut pati deberet, alacrior, & fortior redderetur. Non est itaque mirum, si Deus custodientibus legem suam longam pollicetur uitam; qua, qui recte uiuitur, maiorem beatitudinem, ad magis Deum laudandum, acquirit. Ideo de uiro iusto scriptum legimus: longitudine dierum replebo eum. Et sapiens, cum dixisset, nihil melius esse, quam timere Deum, & nihil dulcius, quàm respicere in mandatis Domini, & gloriam magnam esse sequi Dominum, hæc adiecit uerba: Longitudo dierum assumetur ab eo: & alibi: Vita uiri in numero dierum & dies

*Methil.*

*Psalm. 91.*

*Eccl. 23.*

*Eccl. 37.*

dies autem Israel innumerabiles: & alio loco, timenti Deum, dictum est: Per me *Pro. 9.* enim multiplicabuntur dies tui, & addentur tibi anni uitæ: & nihil proderunt thesauri iniquitatis; iustitia uero liberabit a morte: a qua liberatus fuit rex Ezechias, *Pro. 10.* qui suam iniustitiam considerans, dixit: *Is. 11.*

Vadam ad portas inferi, hoc est moriar: sed cum eius peccata post suum tergum Deum proiecisse intellexisset, conclusit: Viuens uiuens confitebitur tibi; hoc est, *Is. 38.*

omnes uiuētes te: laudibus celebrabunt, ut ego hodie. Est itaque timor Domini fons uitæ: ut declinet a ruina mortis. Et quoties *Pro. 14.*

Deus homines, quos ob ipsorum iniustitiam uita priuare uolebat, ob adeptam iustitiam conseruauit in uita? quod, multis ut ostendam exemplis, nihil est necesse; cū id quotidie fieri cernamus. Erit igitur iustitia lōgioris uitæ causa. Adhæc: quis est homo, inquit Dauid, qui uult uitam, & dili- *Ps. 38.*

git, id est cupit dies uidere bonos? id est feliciter uiuere: prohibe linguam tuam a malo, & labia tua ne loquantur dolum, &c. quæ omnia, cum iustus faciat, uitam proculdubio longam, & perbeatā uiuet. Quid igitur est, quod a morte liberat? iustitia: quid uitam longam tribuit? iustitia: quid dies facit uidere bonos? iustitia: O uitæ

conseruatrix, & auetrix, uoluptatisq; effo-  
 catrix iustitia: tu a morbo custodis, tu ægri-  
 tudines repellis; tu sanitatem restituis: tu  
 uitam beatam reddis. O antidotum opti-  
 mum, pharmacum singulare, medicamen-  
 tum efficax! Quia sine sumptu sanas, sine  
 sectione liberas, sine amaritudine purgas:  
 tibi nulla febris, nulla pestis, nulla denique  
 uis morbi resistit; sed omnes etiam grauif-  
 simas ægitudines sanas. Quod si interdū  
 uidemus aliquem uirum iustum immatur-  
 ra morte ex hac uita reuocari; id, non sine  
 misericordia diuina fieri existimare, ac cū  
 sapiente dicere debemus: Placens Deo fa-  
 ctus dilectus, & uiuens inter peccatores  
 translatus est. Raptus est, ne malitia muta-  
 ret intellectum eius, aut ne fictio deciperet  
 animam illius. Posset, si quis uellet, lon-  
 gioris uitæ iusti causas naturales reddere.  
 Quia, qui iuste uiuit, digerendi uim cra-  
 pula, non obruit; corporis uires ebrieta-  
 te non debilitat; rem veneream sexcento-  
 rum morborum causam, uitat; rixis, &  
 contentionibus sibi mortem nō procurat;  
 varijs, ac grauibus curis non excruciat,  
 & denique mille alios modos, quibus, qui  
 male uiuunt, sibi mortem comparant, eui-  
 tat. Ideo uidemus uiros religiosos, & spe-  
 ciatim eos, qui vitam solitariam degunt,  
 diu



diu viuere, & in bona senectute ab hac uita  
 recedere. Censendum est deinde, uirum iu-  
 stum diu uiuere; quia ipsius uita, est uere  
 uita: quoniam, cum uitam gratiæ uiuat,  
 opera uiua, & æterna uita digna exercet;  
 & ex paruo unius horæ tempore, plus uti-  
 litatis refert, quam impius ex toto uitæ  
 suæ cursu etiam longissimo, deportat: ut  
 unius diei uiri iusti, quam unius impij mul-  
 torum annorum uita longior censenda sit.  
 Sicuti, longior putanda est uita hominis  
 unius diei, quam uita centū annorum cor-  
 ui. Huc facit hæc luculenta diuinæ scri-  
 pturæ auctoritas: Cōdemnat autem iustus 3ap. 5  
 mortuus, uiuos impios, & iuuentus cele-  
 rius consummata, longam uitam iniusti.  
 Impij autem, cum sint indigni uita, cur de- Psa. 36  
 bent diutius uiuere? & ideo maligni exter-  
 minabuntur: tanquam scænum arescent:  
 & quemadmodum olera herbarum cito de-  
 cident, & disperibunt, & simul reliquiæ  
 ipsorum interibunt. At iusti, & mansueti Psa. 36  
 hæreditabunt terram, & habitabunt in sæ-  
 culum sæculi super eam. Postremo, ideo  
 uir iustus diu in hac uita uiuere solet, quia,  
 si id a Deo uitæ auctore petat, proculdubio  
 obtinet: de quo scriptum est: Vitam petit  
 & te, & tribuisti ei longitudinem dierum in Psa. 20  
 sæculum, & in sæculum sæculi.

# VIR IUSTVS

*Vir iustus fecundam, & bonam prolem  
habet. Cap. LXXXIX.*

**S**olent, qui de humana felicitate disputant, diligenter quærere; an fortuna tã prospera, quam aduersa filiorum, & posteritatis aliquo modo parentes attingat; & statuere videntur, aliqua ratione ad eos pertinere; vt feliciores ij cêscantur, qui & filios, & nepotes, pronepotesque bonos habent, habuerintue. Qua felicitate, ut ipsa nos docet scriptura, uir iustus priuandus non est. Huc, in primis facit, is Dauidis locus: Vxor tua sicut uitis abundans in lateribus domus tuæ. Filii tui sicut nouellę oliuarum in circuitu mensæ tuæ. Ecce, sic benedicetur homo, qui timet Dominum. Benedicat tibi Dominus ex Sion; & videas bona Ierusalem omnibus diebus uitæ tuæ: & uideas filios filiorum tuorum, pacem super Israel. Et alibi: Ecce hæreditas Domini, filij merces, fructus uentris: Sicut sagittæ in manu potentis, ita filij excussorum: hoc est, ut se habent iacula in manu uiri fortis, ita se habent filii ad eos; qui sunt excussi, idest a captiuitate babylo-nica liberati, uel, qui sunt ad prælia spiritualia expediti: quibus filiis, qui abundat, non timet inimicos in porta: hoc est, in iudicio

dicio, & loco publico. Hanc gratiam de bona prole, sæpe Deus antiquis patribus pollicitus est, eosque hoc dono affecit: ut de Abraham, Isaac, Iacob, & aliis, ex divina historia constat: & sæpe, steriles in domo habitare fecit: hoc est, eas sæcundas reddidit. Ideo, de iustis legimus: Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt reliquerunt nomen narrandi laudes eorum: & sunt quorum non est memoria: perierunt, quasi qui non fuerint, & nati sunt, quasi non nati, & filij ipsorum cum ipsis. Sed illi viri misericordiæ sunt, quorum pietates non defuerunt: cum semine eorum permanebunt bona, hæreditas sancta nepotes eorum; & in testamentis stetit semen eorum, & filij eorum propter illos usque in æternum manent: semen eorum, & gloria eorum non derelinquetur. Hic locus ita luculenter, quod volumus nobis demonstrat, ut nihil apertius dici possit. Potens itaque in terra erit semen iusti, & generatio rectorum benedicetur: & semen honorabitur hoc, quod timet Deum: Semen autem hoc exhonorabitur, quod præterit mandata Domini. O quam pulchra est casta generatio cum claritate: immortalis est enim gloria illius: quoniam

*Pf 125**1. Reg. 1**Ecc 46**Psal. 111.**Ecc 10**Sap. 4*

&amp;

*Iob. ult.*

& apud Deum nota est, & apud homines. Et ideo Iob uir iustus, non modo propter suam iustitiam recepit duplicia, sed etiam filios, & filias: & non sunt inuentę mulieres speciosę, sicut filię Iob, in uniuersa terra: & post hæc uixit centum, & quadraginta annis, & uidit filios suos, & filios filiorum suorum usque ad quartam generationem, & mortuus est senex, & plenus dierum.

*Psal. 36.*

Tota itaque die iustus miseretur, & commodat: & semen illius in benedictione erit, id est, omnibus bonis locupletabitur. Vbi ergo sunt, qui multos filios, qui felicem posteritatem, cupiunt? ament iustitiam, & filios multos, eosque felices habebunt.

*Ecclesi. 41.**44.*

Qua felicitate non utuntur impij: quia, ut scriptum est, nepotes impiorum non multiplicabunt ramos suos: filiorum peccatorum peribit hereditas: & cum semine illorum assiduitas opprobrij: de patre impio queruntur filij, quoniam propter illum sunt in opprobrio. Mulieres eorum insensatę sunt, & nequissimi filij, eorum: maledicta creatura eorum, &c. Quod si in tempore germinare uidentur, a nimietate uentorum eradicabuntur. Confringentur enim rami inconsummati, & fructus illorum inutilis, & acerbi ad manducandum; ad nihilum apti, &c.

*Sap. 3**Sap. 4*

Non erit ergo semen eius,

*Iob. 18*

neque

neque progenies in populo suo, nec ullæ reliquæ in regionibus eius; semen tandem impiorum peribit: at generatio rectorum benedicetur; & hæreditas eorum in æternum erit. *Ps. 36*

*Vir iustus est omni ex parte beatus; quia in ipso omnis beatitudinis ratio reperitur. Cap. lxxxix.*

**M**Axima semper inter eos, qui de moribus scripserunt, de humana felicitate extitit concertatio: & cum quid tenendum esset non satis exploratum haberent, varij in varias abiere sententias. Alij nanque in diuitiis, alij in robore & pulchritudine corporis, alij in honore & fama, alij in potestate & regno, alij in vacuitate doloris, alij in uoluptate, alii in scientia, alii in uirtute, alii denique in aliis rebus positam esse existimarunt. Hanc quæstionem, si de beatitudine, quæ in hac uita haberi potest, loquamur, de qua hoc loco speciatim loqui uolumus, regius propheta psalmo primo, de finibus bonorum & malorum agēs, mihi enucleasse uidetur, cum cecinit: *Beatus uir, qui non abiit in consilio impiorū, id est, qui ab improborum consortio & sententia, recessit: & in uia peccatorum non* *ps. 1.*  
C c     stetit,

stetit, idest, qui peccantium uestigia non est secutus, nec in peccato, perseuerauit : & in cathedra pestilentiae non sedit, idest alios falsam & pestiferam doctrinam, quasi magister, palam turpiter uiuendo, non docuit. Sed in lege Domini uoluntas eius: & in lege eius meditabitur die, ac nocte: hoc est, Dei mandata contemplando perpetuo exequetur, & exequendo contemplabitur. Is ergo beatus erit, qui, ut breui dicam, a malo recedet, & legi diuinæ vacando, ex ea uiuet. At quis est iste, qui omnia quæ diximus efficit, nisi uir iustus? qui neminem in errores ducit; sed potius dictis, & factis omnes ad bene agendum impellit: qui a uia mala recedens, per uiam uirtutis graditur, & ad eam alios inuitat, seque aliis ducem præbet: qui a consortio, & sententia impiorum abstinet: qui denique legem Dei perpetuo meditatatur, & scrutatur, in ea quæ se exercet: cuius suauitatem gustat, & exclamat: Quam dulcia faucibus meis eloquia tua, super mel ori meo! Bonum mihi lex oris tui, super millia auri, & argenti.

*1/a. 118.*

*Psa 118*

*Psal. 1.* Quo fit, ut Deus uiri iusti uiam, idest mores & operationes cognoscat, & approbet; qua in re, posita est hominis beatitudo. At quoniam impius omnia contra agit, Deus uiam ipsius, studia uidelicet & opera, perdet.



det. Ideo David cum propositam de finibus bonorum & malorum quæstionem soluisset, concludens, dixit: Quoniam nouit Dominus uiam iustorum: & iter impiorum peribit. Christus etiam, suam doctrinam, *Mat. 5.* ab hac quæstione de beatitudine exorsus est, & multas beatitudinis partes numerauit, quas omnes in uiro iusto reperire licet. Est ergo iustus, beatus, quia est pauper spiritu; cum diuitiis cor non apponat, & parum *Psal. 61.* de se sentiat: quia luget, cum sua & aliena peccata defleat, & dicat: quis det capiti meo aquam, & oculis meis fontem lacrymarum, & plorabo die, ac nocte interfectos filiarum populi mei: quia *Ier. 9.* est mitis, cum irasci, & commoueri nesciat: quia esurit & sitit iustitiam, cum *Mat. 5.* ardentem iustitiam appetat; cum nihil iniuste agat, & charismata meliora æmuletur: quia est misericors; cum in omnes existat *1. Cor. 13.* beneficus, & omnium commiserescat: quia *Isa. 61.* est mundo corde, cum nihil impurum animo tractet: quia pacificus; cum & in se pacem habeat, & alios ad pacem amplectendam *Psal. 24.* adhortetur: quia persecutiones patitur propter iustitiam; cum nullis pœnis, *1. Ret. 3.* nullis supplicijs a iustitia se diuelli sinat. *Psal. 118.* Beatus est præterea uir iustus; quia est im- *31. 11.* maculatus in uia: quia eius iniquitates re *111. 40.*

*Luc. 7.**Pro. 3.**28. 29.**Psal. 111.**Psal. 138.**Phil. 4.*

missę sunt, & peccata tecta : quia a Deo eruditur : quia timet Dominum : quia intelligit super egenum, & pauperem : quia non scandalizatur : quia inuenit sapientiã, & tenet eam : quia legem custodit, & semper est pauidus, & uigilanter Dominum expectat : & alias sexcentas enumerares beatitudines, quę in scripturis leguntur, quas in hoc viro reperires. Postremo, si cum sapientia humana, beatitudinem in diuitijs ponas ; diuitiæ, ut diximus, sunt in domo iusti : Si in fortitudine & pulcritudine ; fortissimus, omnipotens, & formosissimus existit : Si in honore & fama ; gloria est in domo iusti ; & valde honorificati sunt amici Dei : Si in potestate, est dominus, Rex, & Monarcha : Si in indolentia, dolore caret : Si in volupate, semper gaudet, & nõ contristat iustum quiddam acciderit : Si in scientia & sapientia ; est vera scientia, & sapientia præditus : Si denique in virtute, est omni uirtutum genere ornatus ; Denique cum virtutes sint per se honestę utiles, ac delectabiles, nullum erit bonum, quo iustus non perfruat. Quis ergo uiro iusto felicitior ? cum omnes beatitudines possideat, & in se omnes beatitudinis rationes habeat ? At cum de impio omnia contraria affirmare liceat, nemo erit ipso infe-

infelicior : cum omni uirtute, sapientia, uera delectatione, pace, honore, potestate, & demum omni bono spoliatus sit.

*Viro iusto mors non est timenda, nec eam timet* Cap. LXXXI.

**I**N his quæ viri iusti statum perquam felicem reddunt, id etiam ponendum esse arbitror; quod mortem, qua nihil horribilius esse dicitur, non timet; aut si timet, cum ratione timet; immo, eo interdum venit, ut eam vehementer cupiat. Impius uero, sola hac uoce (mors) audita, pauet, & contremiscit: cum mors ea omnia, quæ hic possidet commoda ei ademptura sit; & nihil de futuris bonis speret; immo potius, desperet. Quod si qui impij nil mortem timeant, est apertissimum dementiae, & summæ improbitatis argumentum. Quare, ut sentio, qui mortem aliqua ratione non formidat; uel iam in profundum peccatorum uenit, ac proinde contemnit; uel aliquam iustitiæ perfectionem consecutus est. Iustus itaque solus mortem non timet, nec timere debet; immo desiderat, & ei desideranda est; cum prudens, sapiens, atque fortis existat. Quid iustus mortem timeat? cum nihil aliud sit, quàm transitus a

*Pro. 18.*

corruptione ad incorruptionem, a mortalitate ad immortalitatem, a perturbatione ad tranquillitatem, a pugna ad triumphū; a sudore ad præmium, a breui vita ad æternam uitam. Quid iustus mortem timeat? cum sciat hanc esse naturæ condicionem, se hac lege huc intrasse, & id se quotidie agere. Sol occumbit, Luna deficit, flores decidunt, arbores arescunt, niues liquefcunt, fontes deficiunt, omnia denique natura cadunt. Quid iustus mortem timeat?

2. Reg. 14.

cum sciat, eam omnibus esse communē? siquidem omnes moriuntur, & ueluti aqua dilabuntur: senes & iuuenes, mali & boni, pauperes, & diuites: quia mors æquo pulsar pede pauperum tabernas, regumque turres. Nec desiderat iustus suam condicionem meliorem esse, quam patris, & matris suæ, Christi uidelicet, & beatę Virginis, ex quibus vnus est Filius Dei, altera Mater, & tamen mortem degustarunt,

Mat. 10.

1. Ioa. 2.

Quid uir iustus mortē timeat? cum Christus ei præcipiat, ut sorores, fratres, uxorem, filios, parentes, mundum denique totum, & seipsum, relinquat. Quid uir iustus mortem timeat? cum tanquam seruus a domino, ex diuersorio domum, tanquam miles a rege, a statione in regiam; tanquam operarius a patrefamilias ex agro

Gal. 3.

in

in urbem reuocetur. Quid iustus mortem  
 quę est discessus a mundo timeat? cū odio  
 sit mundo, cum mundus ipsi sit crucifixus,  
 & ipse mundo? Quid demum iustus mor-  
 tem timeat? quę ab instantibus malis eri-  
 pit, a futuris liberat, ad portum perducit,  
 longę peregrinationi finem imponit, a la-  
 borioso exilio in patriam, reuocat, a carce-  
 re, & vinculis soluit, a periculosissimo bel-  
 lo inter carnem & spiritum liberat, & tan-  
 dem ad perfruendas voluptates nunquam  
 desituras ī æterna tabernacula introducit.  
 Quę, dum vir iustus contemplatur, in  
 quibus dum cogitatione versatur, in has  
 prorumpit uoces: Quam dilecta taberna-  
 cula tua Domine virtutum? concupiscit,  
 & deficit anima mea in atria Domini. Et  
 cur? quia melior est una dies in atrijs tuis,  
 super millia in hac videlicet misera lacry-  
 marnum valle. Cum ergo vir iustus beatitu-  
 dinem desideret, ad quam per mortem,  
 veluti per ianuam transitur, cur mortem  
 timebit? aut potius, cur non desiderabit?  
 quam sepe desiderare exēplis multis demō-  
 strare possumus. Educ, dicebat Dauid,  
 de custodia animam meam, ad confitendū  
 nomini tuo: me expectant iusti, donec re-  
 tribuas mihi: cuius desiderij duas reddit  
 causas: alteram, vt Deum in cœlis cum

*Psal. 38.**Phil. 3.**Heb. 13.**Psal. 123.**Psal. 83.**Psal. 141.*

*Psal. 119.* beatissimè laudare queat: alteram, quia, sui cō-  
 ues, eum expectant: & alibi. Hei mihi;  
 quia in colatus meus prolongatus est: ha-  
 bitavi cum habitantibus Zedar: multum  
*Psal. 41.* incola fuit anima mea. Item alibi: Que-  
 madmodum desiderat ceruus ad fontes  
 aquarum; ita anima mea ad te Deus. Pau-  
*Phil. 1.* lus cupiebat dissolui, & esse cum Christo:  
*3. Reg. 19.* & mori, lucrum existimabat. Et alius: suf-  
*Ion. 4.* ficit mihi Domine, tolle animam meam.  
*Tob. 1.* & Jonas: Domine tolle quæso animā mem-  
 a me: quia melior est mihi mors quam uī-  
 ta. Idem petiit uir iustus Tobias. Siluanus  
 episcopus diuo Hieronymo petenti, quid  
 a se uellet, respondit: se uelle e uita mi-  
 grare; & subsequutus est effectus. Colum-  
 banus monachus orauit Abbatem, ne suis  
 precipus exitum ex corpore impediret. De-  
 siderat ergo uir iustus ex lutea domo in  
 domum Domini ire; ex obscuro carcere in  
 aulam regiam proficisci; & extra corporis  
 ergastulum in amplissimis paradisi campis  
 peruagari. Impius autem, ut dicebamus,  
 cum hanc vocem (mors) audit, timet ex-  
 pauescit, contremiscit: ut eius causa ex-  
*Ecc. 41.* clamare liceat: O mors, quam amara est  
 memoria tua homini pacē habenti in sub-  
 stantijs suis! Et cur non timeat; qui mul-  
 torum peccatorum sentit se esse reum; &



cur non timeat, qui sententiam de æterna damnatione expectat? & cur non timeat, qui nihil sperat? Soli igitur iusti hac prærogativa gaudent, quam ego existimo maximam, ut mortem non timeant. Felix, dixit quidam, & terque quaterque beatus; qui cum Hilarione dicere potest: Mortem nō timeo, quia mori sum paratus. Etenim, quid potest in hac misera uita opratius accidere, quam hilari animo id expectare, quod est horribile, & euitari nullo modo potest? Quam ob rem, iustus mortem non timet, quia spem certam de resurrectione habet in sinu suo: certo scit, se de terra sur- *Iob. 19.* recturum esse. Hac spe se consolabatur ille, qui erat morti uicinus, cum tortori dicebat: Potius est hominibus morti datos *2. Mac. 7.* spem expectare a Deo, interum ab ipso resuscitandos: tibi enim resurrectio ad uitā non erit. Propterea iustus lætabundus Dominum ad se uenientem expectat; qui dixit: Iterum uidebo uos, & gaudebit cor uestrum; & gaudium uestrum nemo tollet a *Ioa. 16.* vobis. Ex his itaque omnibus cum aperte constet, nihil esse, quam ob rem iustus mortem timere debeat, eam nihil timet. Sed *Psal. 13.* non sic impij: qui cum ibi timeant, ubi nō est timor, mortem, quæ est separatio animæ a corpore timent; eam vero, qua spiri-

*Psal. 35.* tus separatur a Deo, qui est fons uitæ, non  
 timent: quam si timerent, ab omni timo-  
 ris genere essent immunes.

*A felici exitu ex hac vita, & ab vltima  
 victoria, quam ex inimicis depor-  
 tat. Cap. LXXXXI.*

*Ap. 12.* **E**T si ab omnibus, quæ toto belli tem-  
 pore fortiter fiunt pugnis, milites lau-  
 dantur: tamē, ab eo potissimū prælio, quod  
 in extremo bello in quo prudentia, & viri-  
 bus maioribus opus est, cum eo tēpore ho-  
 stis magis urgeat, & inde tota uictoria pen-  
 deat strenue conficitur, laudari solent.  
 Ex quo etiam loco, nos virum iustum lau-  
 dare possumus; cum sub mortis tempore,  
 grauissimam pugnam cum suo aduersario  
 pugnet; qui eo magis inuadit, quo minus  
 temporis se habere ad pugnandum scit: ex  
 quo extremo congressu vltimam, & maxi-  
 mam uictoriam iustus refert, ac proinde  
 felix, & gloriosus ex hac uita discedit. Id  
 autem faciemus, si quæ sub mortis hora  
 iusto, & iniusto accidere soleant, & qua ra-  
 tione aduersarij insultus vir iustus repel-  
 lat, indicabimus. Iustus igitur, in primis,  
 semper, & vbique mortem expectat, et  
 tanquam prudens miles diligenter excu-  
 bat,

bat, ne hostis ex improviso veniat, bellum-  
 que inferat; ac veluti uigilans seruus Do- *Luc. 12.*  
 minum expectat, ut cō festim aperiat; cum  
 nesciat qua hora uenturus sit: & ideo bea-  
 tus a scriptura vocatur. Contra, infelix im- *Psalm.*  
 pius, qui dum ait; in æternum non moue-  
 bor, & Dominus moram faciet, imparatus *Luc. 27.*  
 uiuit: quo fit, ut seruos, & ancillas percu-  
 tiat, edat, & bibat, planter & ædificet: non  
 secus ac faciebant homines temporibus  
 Noe, & Loth: sed ex improviso uenit di- *Gen. 7.*  
 luuium, & ignis, & perdidit eos: sic im- *19.*  
 pio superueniet inimicus tanquam fur, &  
 eius domū perfodiet: & mors aderit, cum  
 minus eam expectat: cuius improviso ad-  
 uentu excitatus, dicet: Ego dixi in dimidio *Isa. 38.*  
 dierum meorum, uadam ad portas inferi:  
 Præcisa est, ueluti a texente, uita mea, dum *Iob. 21.*  
 adhuc oditer, succidit me. Ducunt ergo im-  
 pij in bonis dies suos, & in puncto ad in-  
 ferna descendunt. Deinde, cum iustus no-  
 uerit hoc certamen esse periculosum, &  
 tempus incertū, Deum orat, ne subitaneo,  
 & improviso aduentu, opprimatur; & ideo  
 Deo dicit: Paucitatem dierum meorum *Psalm. 101.*  
 nuncia mihi. Notum fac mihi Domine fi-  
 nem meum, & numerum dierum meorum  
 quis est: ut sciam quid desit mihi. At im-  
 pius nihil de morte, sed solum de re am-  
 plicanda

*Luce. 12.*

plificanda, & de voluptate capienda, cogitat, & animæ suæ dicit: Anima, habes multa bona posita in annos plurimos; requiesce, comede, bibe, epulare: nec animaduertit illud: stulte, hac nocte animam tuam repetent a te: quæ autem parasti, cuius erunt?

*4. Reg. 18.*

Ideo mortem sæpissime impios inuasisse, cum id minus putabant; iustis uero, ex Dei misericordia, mortis tempus, nõ raro præ-

*Judith. 13*

nunciatum fuisse, legimus. Præterea, cum iusto mortem adesse nunciatur, lætatur, &

*Luce. 12.*

canit: Nunc dimittis seruum tuum Domi-

*Psal. 125.*

ne, secundum uerbum tuum in pace: Lætatus sum in his, quæ dicta sunt mihi, in domum Domini ibimus. Quo fit, ut non timeat, non tristetur, non conquærat; sed

*Num. 23.*

potius dicat: Moriatur anima mea morte iustorum: & fiant nouissima mea horum similia. At uero impio nil tristius accidit, quam si hunc audiuerit nuncium. Morturus es. Quo audito, pallefcit, contremiscit, tristatur, conquæritur, disrumpitur, & execratur. Sentit etiã uir iustus sub mortis horam consolationes quasdam, quibus

*Cant. 2.*

a Deo, ad aliam uitam desiderandam, excitatur: & ideo inquit: En dilectus meus loquitur mihi: surge propera amica mea, columba mea, formosa mea, & ueni. Iam hyems transiit, imber abiit, & recessit. In-

terdum

terdum uidet Angelos, & sanctos sibi assistentes. Interdum audit suaues cantus, quibus mirum in modum exhilaratur. Interdum cum his, quos ad sistere cernit, iucundissime loquitur. Interdum uiam ad cœlum, & cœlum ipsum sibi patere uidet: Interdum denique, suauiter canit, ac summa cum uoluptate Deum laudat. Petro morientis Angeli rosarum coronam attulerunt: Andreas in cruce expirans, luce circumfusus est: Erasmo martyri corona de cœlo allata fuit: Circa Martini corpus Angelorum cantus exaudiri fuerunt. Hęc, & id genus alia, quæ breuitatis causa omitto, longe diuersas iustorum & impiorum mortis condiciones esse, aperte demonstrant. Sed iam quo modo in extremo certamine iustus se gerat, ostēdamus. Solet uersutus hostis certis quibusdam telis morituros aggredi; quæ fortiter & prudenter uir iustus repellit: & sunt fere ista, quæ breuiter attingā. Si primum longioris uitę desiderium iniiciat; ita uir iustus se tuctur. Senectus non *Sap. 4.* annorū numero, sed bonis operibus cōputatur: satis uixit, q̄ bene uixit: si uitam de manu Dñi suscepi, cur nō etiā mortē? Dominus dedit, Dominus auferat: sit nomen *Iob. 1.* Domini benedictum. Dominus uocat, cur non accurrā? Quid exoptem longiorem uitam

- uitam exoptem? an ut plura mala uideam  
feram, & agam? si ad impatientiam, & ad  
lamentationes ob graues dolores prouo-  
cet; inquit, scriptum esse: in patientia ue-  
stra possidebitis animas uestras: Oportuit  
Christum pati: Patientia perfectum opus  
habet. Si ob oculos bonorum uitæ huius  
derelictionem ponat; respondet: Nudus  
egressus sum de uentre matris meæ, & nu-  
dus illuc reuertar: nihil in hunc mundum  
intuli: quæ commodato accepta sunt, cum  
gratiarum actione restitui debent. Si filio-  
rum, uxoris, & amicorum beneuolentiam,  
uel inopiam, inculcet; inquit: Eos, se Dei  
summi parentis curæ relinquere: Deo cu-  
ram esse, de omnibus: iustorum semen, pa-  
nem non querere: se magis Deum, quam  
familiam, & amicos amare; immo eos pro-  
pter Deum odisse. Si infidelitatis iaculo  
aggrediatur, clypeo fidei se defendit, sine  
qua, scit se Deo placere non posse: Deo ni-  
hil esse impossibile: Deum, sibi secretum  
reseruasse: & se credere quod Ecclesia cre-  
dit. Si desperationis mucrone inuadat: di-  
uinæ misericordiæ lorica se tuetur, & ait:  
Deum nolle mortem peccatoris: Christum  
uenisse in mundum, ut saluos faceret pec-  
catores: in quorum numero se esse confi-  
tetur: Dei misericordiam esse infinitam,



in qua sibi sperandum putat; licet de iustitia timeat: exempla peccatorum sibi ob oculos proponit: ut boni latronis, Magdalenæ, & Petri, qui Christum negavit, ac Pauli, qui Ecclesiam persecutus fuit. Si presumptionis telo ferire conetur, & ad superbiam ob opera pie facta, exciter, hunc quoque ictum uanum, reddere conatur: Inquit enim se nescire, an sit dignus odio, uel amore; & de propitiato peccato, se non esse sine metu: se suorum peccatorum recordari: & se, si quid est, id gratia Dei esse. Si pœnarum inferni, & extremi iudicii timore aggrediatur; dum ignes, uermes, & tenebras ob oculos proponit; oculos in celum tollit: æterna bona considerat: ait, ista diabolo & angelis eius esse parata: Christum suo ad inferos descensu, suos ab his pœnis liberasse: Angelis suis mandasse de se, ut se in omnibus uijs custodiant. Denique, si formis quibusdam horrificis, & uisu terribilibus perturbare uelit, & sub figura, uel Aethiopis, uel corui, uel alterius animalis sese ostendat, hisce verbis repellit. Quid hic adstas cruenta bestia? nihil in me funestum reperiēs: sed sinus Abraham me recipiet: signo se crucis munit; eoque, quasi baculo allatratem canem repellit: ad eam, quæ terribilis est ut castrorum acies ordinata

Luc. 13.

Gal. 1.

Ecc. 9.

1 Cor. 9.

Ecc. 5.

1. Cor. 15.

Mat. 25.

Psal. 99.

S. Marti.

Can. 6.

- nata confugit; eamque inuocat, & ait: Maria mater gratiæ, mater misericordiæ, tu me ab hoste protege, & hora mortis suscipe. Angelo custodi suo dicit: Domine, inuadit me: & ille a deuotione illa sum reddit. Nullum itaque insultum uir iustus, timet: quia scit Deum non passurum ipsum tentari supra id quod potest. Impij autem his armis & auxilijs spoliati, non possunt in tam graui certamine se tueri, & ideo uincuntur. Beati ergo iusti, qui in Domino moriuntur: quia requiescunt in pace, & in conspectu Dei eorum mors est preciosa: Miseri impij, quorum mors est pessima: quoniam, ubi ex hac uita excesserint, sepeliuntur in inferno. Corpora uero sanctorum in pace sepeliuntur, & nomen eorum uiuit in generationem, & generationem.
- Tob. 6.*  
*1. Cor. 13.*  
*Ap. 14.*  
*Psal. 115.*  
*Luc. 16.*  
*Ecc. 24.*

*Vir iustus non moritur.*

*Cap. XCIIII.*

**M**Ecum ipse pugnare, & quid incredibile dicere uidebor, si virum iustum non mori, affirmauero; quod equidem affirmo. Vir itaque iustus tanta felicitate fruitur, ut eum non mori dicere uere possis. Hanc propositam sententiam, diuina in primis confirmet auctoritas. Qui facit

cit uoluntatem Dei, ait scriptura, manet in  
 æternum. Hanc uoluntatem, nemo est qui *1. Ican. 2.*  
 faciat, nisi iustus: manebit igitur in æter- *1. 53*  
 num. Iusti hæreditabunt terram, & inha- *1. 53*  
 bitabunt in sæculum sæculi super eam: *1. 53*  
 iniusti punientur, & semen impiorum pe- *Psa. 36*  
 ribit. Non proderunt diuitiæ in die ultio- *Ecci. 5*  
 nis: iustitia autem liberabit a morte. Quasi  
 tempestas transiens non erit impius: iustus  
 autem quasi fundamentum sempiternum.  
 Iustorum animæ in manu Dei sunt, & non *Pro. 10*  
 tanget illos tormentum mortis: uisi sunt  
 oculis insipientium mori: ipsi autem sunt  
 in pace. Videntur ergo mori, & non omni- *Sap. 3*  
 bus, sed insipientibus: at cum insipientes  
 errent, si cum sapientibus recte sentire uo-  
 lumus, eos non mori affirmare oportet. *2. Cor. 4*  
 Præterea, qui manna manducauerunt, mor- *10. 6.*  
 tui sunt: qui Christi panem manducant,  
 non debent mori; id enim ipsa ueritas  
 nos docuit: atqui iusti hunc panem man-  
 ducant: quia si non manducarent, non ha-  
 berent uitam, nec essent iusti: quare non  
 morientur. Et quis eum mori dicat, qui in  
 tus de die in diem renouatur? & ideo ratio *Isa. 25*  
 ne iustorum, mortem præcipitaram fuisse, *Rom. 26*  
 affirmare utique possumus. Ad hæc; iustus  
 resurrexit cum Christo: alioqui, iustus nõ *Col. 2*  
 esset: Sed Christus resurgens a mortuis nõ

*Os. 13* moritur amplius. Quare, nec iustus dum  
*1. Cor. 15* iustitiam conseruat, dum tanquam palmet  
*1. Tim. 5* in uite manet, dum conuiuificatus est cum  
 Christo, morietur. Et propterea, mors de-  
 structa esse, dicitur. Neque mihi corporis  
 mortem obiicias: quia, satis mihi est, rem  
 propositam, uniuerse, cum sacris literis,  
 ueram esse demonstrare. Dicere etiam cum  
 sapientibus possem, id, quod mortem uoca-  
 mus, non esse mortem, sed mortis terminum:  
 & potius istam, quam uocant uitam, mor-  
 tem appellandam esse: quandoquidem hic  
 fluens uite cursus, est perpetuus quidam in-  
 teritus: quia statim atque homo natus est,  
 ad occasum ire pergit. Cum ergo iustus in  
 illo transitu ad ueram uitam migret, non  
 dicetur mori. Sed non sic impius; qui ab  
 una, ad aliam mortem, transit. Quid igitur  
 mortem appellas, quod est carceris finis, la-  
 boris cessatio, ad portum applicatio, pere-  
 grinationis consumatio, oneris grauissimi  
 depositio, de equo furioso descensus, de do-  
 mo ruuosa egressio, omnium ægitudinū  
 terminus, omnium periculorum euasio, om-  
 nium malorum consumptio, reditus in pa-  
 triam, transitus a morte temporaria ad ui-  
 tam æternam, & accessus ad gloriam? Am-  
 plius, qui mortuus est, non potest iterum  
 mori: iustus autem, dum in hoc mundo  
 est,

est, ut sacræ nos docent literæ, mortuus est; non ergo morietur amplius. Si iusti mortui non essent, non diceret eis Paulus: Mortui enim estis, & uita uestra abscondita est cum Christo in Deo. Iustus ergo tanquam granum frumenti cecidit in terram, & mortuus est. Possem etiam dicere, mortem eam esse, quæ est peccati pœna: quam mortem Christus moriendo destruxit. Non ergo amplius regnat in iis, quorum uitam Christus resurgendo, reparauit. Quare iustorum ex hac uita migratio, non mors, sed potius conformatio quædam cum Christo, ac effigies quædam mortis, appellanda est. Quod hoc loco docemus, ex philosophorum quoque doctrina confirmare liceret: qui definiētes philosophiam, dixerunt esse mortis commentationem; hoc est a corporis affectibus separationem. Cum ergo uir iustus a societate & contagione corporis se iunctus sit, iam mortuus erit: & ideo non morietur iterum; Immo, cum sit ornatus iustitia, quæ immortalis est, eum immortalem appellare fas erit. Postremo, discessus uiri iusti ex hac uita a sacris scriptotibus, non mors, sed dormitio appellari solet: & ideo de Stephano uiro iusto legitur: & obdormiuit in Domino. Potius ergo dormire, quam mori iusti censendi sunt; & po-

Colo. 3

Ioa. 12

Rom. 8

Hier. ep.  
ad Heliod.

Sap. 8

Act. 7

tius dormientes, quam mortui appellari debent. Maximam letitiam ex hoc loco religiosi uiri, & boni Christiani capere possunt; cum se non mortuos, sed dormientes, & suum ex hac uita discessum, non mortem, sed somnum, seu dormitionem a sacris literis appellari videant. Huc facit consolatio illa Pauli ad Thessalonicenses. Nolumus autem uos ignorare, fratres, de dormientibus, ut non contristemini, sicut & ceteri, qui spem non habent. Et hæc est una ex iis consolationibus, quas ex lectione sacrarum scripturarum capere Christianis licet. Impius autem, quia impius, cum nihil bene agat, nihil agit: quia male agere, est nihil agere; immo præstaret, nihil agere: at, qui nihil agit, non uiuit, cum ea uiuere dicantur, quæ agunt. Quare, non solum dicetur mori, sed erit semper mortuus. Rursus, ut Ioannes docet, qui non diligit, manet in morte: Impius autem non diligit; quia si diligeret, non esset impius: & proinde, non modo dicetur mori, sed etiam manere in morte. Quod si eum in hoc mundo, ubi iustus mortuus est, uiuere, affirmare uis, ipse, cum ex mundo recedit, uere mori dicetur, cum ex hac uita ad mortem migraret æternam.

1. Thes. 4

Aug. ep.  
120.

1. Ioan. 4



*Laudatur vir iustus ab ijs rebus, quæ ipsi  
post discessum ex hac vita feliciter  
succedunt. Cap. XCIIII.*

**C**VM non modo ex iis rebus, quæ in uir-  
ta contigerunt homines laudari soleant;  
sed etiam ab iis, quæ mortem consequun-  
tur; ex eisdem nos quoque uirum iustum  
laudare conabimur. Vbi igitur uir iustus  
ex corporis ergastulo egressus est, multos  
laqueos, grauissimas difficultates, ingen-  
tia pericula, quæ prius non uidebat, retro  
respiciens, cernit; & se ex maximis pericu-  
lis, & ex manibus potentissimorum hostiũ  
euasisse conspicit, ac uehementer admira-  
tur: & cum se ex tanto periculorum cumu-  
lo ereptum uideat, summo expletus gaudio  
in has prorumpit uoces. In conuertendo *Psa. 124*  
Dominus captiuitatem Sion, idest cum Do-  
minus ex captiuitate babylonica alterius  
uitæ, me eripuerit, factus sum sicut is qui  
summa consolatione afficitur; uel ut is, qui  
somnia: hoc est, tanto sum gaudio exple-  
tus, ut non uera lætitia, sed gaudium secun-  
dum quietem sumptum, esse uideatur: ut  
potius somnians, quam uigilans gaudere  
mihi uidear. Tunc, cum me ereptum a tot  
periculis esse cerno, repletum est gaudio os  
meum, & lingua mea exultatione: ut inimi-

cis meis superatis, cum filiis Israel canere possim: Cantemus Domino: gloriose enim magnificatus est; equum & ascensorem deiecit in mare. Fortitudo mea, & salus mea Dominus, & factus est mihi in salutē: iste Deus meus, & glorificabo eum, &c. Cum autem aduersarij uident iustum tanto beneficio a Deo affectum, dicunt: Magnificauit Dominus facere cū eo., idest maximis quidem fauoribus eum affectit; illustrem ei uictoriam dedit, cum e nostris manibus eripuerit. Iustus hanc singularem gratiā agnoscens, ait: Magnificauit Dominus facere mecum, idest reuera res maximas Deus pro me egit: & propterea lætatus sum. Conuertit Dominus captiuitatem meam, sicut torrens in austro: hoc est, lætam & iucundā reuersionem meam in cælum fecit; non secus, ac grati esse solent fluuij in australi parte. Seminaui in lacrymis, nunc in exultatione meto: seminaui flendo, sed nunc manipulos portans, redeo cum gaudio. Agnoscit itaque iustus, ubi e mundo egressus est, præcipuam Dei, quam habuit erga se curam, & ait: Nisi Dominus fuisset mecum, quando surgebant inimici contra me, forte, hoc est, certissime, uiuum me deglutissent; cum ira in me æstuebant, ut aqua me absorbuissent: pertransui tribulationum torrētem;

sed

Exo. 15

Psa. 125

Psa. 125

Psa. 125.

sed si Deus auxilio suo non fauisset, nūquā maximam tribulationum uim pertransiuissem, nec maximos inimicorum conatus, superassem. Benedictus ergo Dominus, qui non dedit me in prædam dentibus inimicorum. Anima mea, ueluti passer, erepta est de laqueo uenantium: laqueus contritus est, & ego liberatus sum. Adiutorium meū a Deo, qui fecit cælum, & terram. Vbi uir iustus, maxima pericula se euasisse uiderit, conuertet se, ad cælum, quo profecturus est, & tunc uidebit Angelos, ac sanctos sibi adstantes, ut ipsum maxima pompa, lætoque triumpho in cælum deducant. Relinquo hic piis mentibus cogitandum, qui tunc intercedent complexus, quæ gratulationes, quæ gratiarum actiones, & osculationes. Cogitandum relinquo quanto gaudio, speciatim Angelus custos, & sancti, quibus priuate fuit deuotus, afficientur. Cogitandum relinquo quibus uestibus, quibus ornamentis, posito mortalitatis indumento, ornabitur: uestimento nempe immortalitatis, & ornamentis gloriæ. Cogitandum denique relinquo, quo apparatu, & qua magnificentia, *Isa. 61.* uir iustus, iam tanta cælestium spirituum stipatus caterua, tanta insignitus gloria, triumphum ad cælum usque aget. Qui bo

*Luc. 15.*

ne Deus, soni? quæ voces? quæ symphonia? quæ laudes in tanto triũpho intecedent? Quia, si tantum gaudium, vt scriptura ait, est in cœlo pro vno peccatore conuerso, quantum putamus erit, pro iusto iam salutem adepto? Sed quæ diximus, iã aliquibus illustremus exemplis. Cum diui Hieronymi corpus spiritum reddidisset, subita lux circumfulsit: uisi sunt Angeli, & Christi vox, quæ illum ad possidendum regnum inuitabat, exaudita est: & Cyrillus Ierosolymitanus eius animã angelicis manibus gestari in cœlum vidit. Pauli etiã p̃mi eremitæ beatam animam angelico ministerio ad cœlum tolli, vidit Antonius abbas. Quidam abbas duos lectos ineffabili ornatu comptos, multoque nitore splendentes vidit, in quorum altero Hugo abbas, in altero Anselmus Cantuariensis archiepiscopus ab Angelis ferebatur. Septem mulierum animas virginali forma a corporibus egredi, cœlumque uersus ferri, candidas admodum, & corollis circa capita fulgentibus ornatas, qui eas necarunt sicarij, viderunt. Theodora, quæ simulato sexu inter monachos vixit, cum e nita migrasset, abbati in quiete apparuit cum quadam nuptiali pompa, sanctarum exultantium agmine eam circumuallante, ipsa

*Apud*  
*Mar.*  
*Mar.*

in medio gemmis, atque coruscans:  
Denique, ne plura confectet exempla, Be-  
nediti, Stephani, Egidij, Tiburtij, Vale-  
riani, Maximi, Marcelli, Iustini, Pasto-  
ris, Germani, Leonis, compluriumque  
aliorum felices animæ ad cælum tolli uisc  
sunt, & dum tollerentur, angelici cantus  
exauditi fuerunt. Vbi autem, ut ad rem re-  
deamus, iusti animæ ad cælum propius ac-  
cessit, qui sunt in cælo beati, ob tanti tri-  
umphum gloriam admiratione affecti, petunt.

Quæ est ista, quæ ascendit per desertum, *Gan. 3.*  
sicut virgula fumi ex aromatibus myrrhæ, *Caa. 8.*  
& thuris, & vniuersi pulueris pigmentarij?

Quæ est ista, quæ ascēdit de deserto delicijs  
affluens? At impius, ubi ex hac vita excē-  
serit, quid nam videbit? Cerneet diabolos  
ad se torquendum paratos, supplicia, fla-  
gella, puteum abyssi, stagnum sulphuris, *Apoc.*  
tenebras exteriores, caminum ignis, fla-  
mas inextinguibiles: & ut rem verissimam  
poetarum verbis explicemus, videbit in ip-  
so inferni limine, Luctus, Curas, Morbos,  
Metus, Famem, Aegestatem, Lethum,  
Labores, mala mentis Gaudia, Bellum,  
Eumenidēs, Discordiam, & denique ua-  
ria ferarum ac vitiorum monstra. Audiet  
præterea, fletus, gemitus, ululatus, blas-  
phemias, execrationes, & horribas Dæ-  
monum

monum voces. Undique tandem doloris,  
& cruciatus causas videbit innumeras. Ini-  
cient tum Dæmones rapacissimas in eum  
manus, ardentibus catenis ligabunt, ac hor-  
rificis uocibus misero dicent: Perge miser,  
perge: In tenebras, luctum, lacrymas, tor-  
menta, colubros; ad furias, æstumque  
hyemq; , sitimq; famēque: ad furcas, la-  
queos, stridorem dentium, ad ignes. Tunc  
infelicissimus, & miserabilis impius excla-  
mabit, atque in has doloris, & horroris  
plenas prorumpet voces. Vt væ, væ væ,  
væ uæ, uæ uæ, uæ mihi, uæ uæ: perij,  
interij; intus, forisque damnatus sum.

*Ab honore, & gloria, quibus afficietur, cum  
cælum ingreditur. Cap. xc v.*

**Q** Vis porro explicet eum! honorem,  
eamque gloriam, qua uir iustus af-  
ficietur, cum ciuitatem sanctam, Hierusa-  
lem cœlestem, & atria summi æterniq; Re-  
gis ingressus fuerit? Tunc omnes patriar-  
charum, prophetarum, martyrum, virgi-  
num, Apostolorum, & Angelorum chori  
aderunt. Tunc Pater, qui hunc hominem  
creauit, Filius, qui redemit, Spiritus san-  
ctus, qui iustificauit eum honorifice exci-  
pient. Et primum, ut ait Ioannes, absterget  
Deus



Deus omnem lacrymam ab oculis eius.  
 Quæ res, si a Christianis hæc vitam adhuc  
 degentibus diligenter consideraretur, ad  
 omnes labores, & molestias omnes æquæ  
 animo perferendas, mirum in modum eos  
 excitaret. Quid enim potest sentiri iucun-  
 dus? quid excogitari suavius? quid aman-  
 tius fingi, quam ab amantissimo Patre la-  
 chrymas a filiorum oculis abstergi? Dein-  
 de, ei lætissima fronte Dominus dicet. Eu- *Mat. 25.*  
 ge serue bone, & fidelis; quia super pauca  
 fuisti fidelis; super multa te constituam: *Luc. 12*  
 intra in gaudium Domini tui. Postea, super *Luc. 6.*  
 omnia bona, quæ possidet constituet eum:  
 mensuram bonam, & cōfertam, & coagita-  
 tam, & supereffluentem dabit in sinū eius.  
 Præterea, Dominus iustus iudex, ei coro- *2. Tim. 4.*  
 nam iustitiæ tribuet. Accipiet itaque regnū *Sap. 5.*  
 decoris, & diadema speciei de manu Domi-  
 ni; & in throno cum Christo collocabitur: *Apo. 3.*  
 quod præmiū uincens in scriptura, his  
 uerbis, promissum fuit: Qui vicerit, dabo *Apo. 2. 7.*  
 ei sedere mecum in throno meo: sicut &  
 ego uici, & sedi cum Patre meo in throno  
 eius: esto fidelis usque ad mortem, & da-  
 bo tibi coronā vitæ. Huc faciunt, quæ apud *Isa. 6.*  
 Isaiam capite sexto leguntur: Ipse ponet  
 consolationem lugentibus Sion, dabit coro-  
 nam, pro cinere; oleum gaudij pro luctu;  
 pallium

pallium laudis, pro spiritu meritis. Ipse  
 sustinet nos super altitudines terræ, in hæ-  
 reditatem inestimabilium diuinarum, re-  
 gniq; celestis. Huc etiam pertinent, quæ  
*Jer. 31.* Deus per Ieremiã dicit. Tunc lætabitur uirgo  
 in choro, iuuenes, & senes simul: & conuer-  
 tam luctum eorum in gaudium, & conso-  
*Apo. 19.* labor eos, & lætificabo a dolore suo. Postea  
 ad magnam cœnam, & nuptias Agni, Deus  
*Iud. 12.* illum discumbere faciet, & transiens mini-  
*Apo. 2.* strabit ei: dabit ad manducandum manna  
 absconditum, & lignum uitæ, quod est in  
*Psal. 35.* in paradiso Dei; cum duodecim fructibus  
 eius, & de torrente voluptatis suæ potum  
 dabit ei, & calice præclaro inebriabit eum.  
*Psal. 22.* Epulabitur ergo iustus, & satiabitur, cum  
 apparuerit gloria: exultabit in conspectu  
*Psal. 117.* Dei, & delectabitur in lætitia, & dicet: Pla-  
 cebo Domino; hoc est, hylari ac tranquil-  
 lo animo apparebo coram Domino, in re-  
 gione uiuorum, in hac uidelicet sempiter-  
 na uita. Denique, collocabitur in sede, seu  
 cubili suo, ubi quiescet, & lætabitur in sæcu-  
*Psal.* la. Impius uero, ubi ex hac luce, non am-  
 plius lucem, non lunam, non solem, nec cœ-  
 tera sidera uisurus abierit; quo miser per-  
 ueniet? Ad locum profundum, in terræ vi-  
 sceribus reconditum, qui, infernus, fouea,  
 lacus, barathrum, chaos, gehenna, cami-

nus, puteus, & stagnum ignis nominatur,  
 deueniet. Præmium suorum laborum, erit *Psal. 10.*  
 ignis, sulphur fœtor, fumus tanquam for- *Apo. 9.*  
 nacis magnæ, summum frigus, summus  
 æstus, & tenebræ palpabiles: & quod erit  
 lucis, id erit in pœnam: pascua, struthio- *Isa. 33.*  
 num; cubilia, draconum. Locus non erit *24.*  
 admodum commodus: quia congregabun-  
 tur damnati in congregatione unius fascis  
 in lacum, & claudentur ibi in carcere. Et  
 qui nam erunt socij? Dæmones, æterni ho-  
 minum inimici, qui etiam erunt tortores,  
 & carnifices, ceterique damnati totius ge-  
 neris humani fœces. Insuper, locustæ, par- *Dan. 7.*  
 dus, leçna, serpentes, dracones, struthiones, *Iob. 40. 41*  
 coluber tortuosus, bestia cum septem capi-  
 tibus, behemoth, leuiathan, belial, asmo-  
 deus, satan, & belzebub. Et quid sentient?  
 Videbit horribilia monstra, audiet horri-  
 cas voces; gustabit absynthium, olfaciet  
 grauissimos fœtores, tanget summe frigi-  
 da, & summe calida. Ibi fames, sitis, dolo-  
 res, languores, & angustie omnes; & in sum-  
 ma mala oïa, boni prorsus nihil: & quod  
 omnium est pessimum, tantę acerbitalis, &  
 miserie, finiendę, aut minuendę, aut conso-  
 lationis capiendę spes erit nulla. Et quis  
 ibi consolationem affert? ubi nemo est qui  
 inconsolabiliter, ut ita dixerim, nō lugeat?

Quis

Quis miseris poterit ubi omnes sunt om-  
ni misericordia espoliati? Quo modo da-  
bunt consolatio ibi, ubi est ignis, qui nun-  
quam extinguuntur: vermes qui semper ro-  
dunt vermes, qui nunquam defatigantur:  
et dicitur, mors, velum quies, depalcit eos.  
Quidam loci fuerunt! O societatem ingra-  
tam! O societatem omnibus huius seculi erū-  
dis, cum calamitate, cumque tormento,  
graminem! Erat tamen concorsdam, ut  
fuerunt quidam est inesplicabilis, ita dam-  
naturum perit etiamque nequit.

*A magnitudine peccatorum, qui in eter-  
num peribunt. Cap. xcvi.*

**M**agnus laudibus nemo virum iu-  
stus in eorum non effertur, maxi-  
mum pro dignitate nemo non admira-  
tur, qui bonum vult, qui ipsam manet  
in eorum, aliqua ratione cognosce-  
re. Propter hoc, hac de re spectant, bal-  
baturum tamen, aliquid fundendum esse  
debet. A in primis tamen bonum ge-  
nerum ad recte propere. Premium  
quidem, quod vult vult est propositum ip-  
so bonum, qui continet omne bo-  
num. Certe, dicit Deus Moysi, tibi  
quidam bonum. Est igitur possessor bono-  
rum

rum omnium; omnibus perfructur bonis. Cogita tu hic, omnium bonorum uim. Et qui rem, quæ terminari nequit finire uoluerunt, dixerunt; Beatitudinem esse statum omnium bonorum aggregatione perfectum. sed, melius cum Paulo eam sic describeres: *1. Cor. 2.*  
 Oculus non uidit, nec auris audiuit, nec *Isa 64.*  
 in cor hominis ascendit, quæ preparauit Deus ijs, qui diligunt illam. Huc etiam pertinent hæ diuinę scripturę sententię, quæ beatitudinis magnitudinem explicare videntur: Satiabor cum apparuerit gloria tua. Et audiui, inquit Paulus, cum raptus *2. Cor. 12.*  
 fuit ad tertium cælum, arcana uerba, quę non licet homini loqui. Si audiuit, profecto eloqui potuit. sed, cum supernę glorię bonum maius sit, quam ut humana mente percipi, aut uerbis exprimi queat; ideo, homini non licet illud exponere. Priuatim uero beatitudinis suauitatem, ac iucunditatem, hæ sententię demonstrant. Torrente *Psal. 35.*  
 uoluptatis tuę potabis eos: Fluminis impetus lætificat ciuitatem Dei: Delectationes in dextera tua usque in finem: Intra in gaudium Domini tui. Ac si diceretur; gaudium, tantum est, ut illud in te intrare non queat; ideo, tu, intra in illud, Et quod nam est hoc gaudium? Gaudium Domini tui. *Mat. 25.*  
 Intret ergo seruus ad perfruendam eandem beati-

# VIR IVSTVS,

beatitudinem, qua Dominus perfruitur.  
 Si loci, in quo positum est hoc præmium,  
 magnitudinē spectes, licebit cum prophe-  
 ta exclamare: O Israël, quam magna est  
 domus Dei, & ingens locus processionis  
 eius? magnus est, & non habet finem, ex-  
 celsus, & immensus. Si gloriam, cum alio  
 dices: Gloriosa dicta sunt de te ciuitas  
 Dei. Huius loci decore, ac iucunditate ca-  
 ptus David, hæc verba pronunciauit: Do-  
 mine dilexi decorem domus tuæ, & locum  
 habitationis gloriæ tuæ: Quam dilecta ta-  
 bernacula tua Domine virtutum, concupi-  
 scit, & deficit anima mea in atria Domini.  
 Beati, qui habitant in domo tua Domine;  
 in sæcula sæculorum laudabunt te. Quod  
 si quis loci huius, in quo perpetuo uir iu-  
 stus habitaturus est, pulchritudinem co-  
 gnoscere cupit, quæ de cœlesti ciuitate di-  
 nus Ioānes in Apocalypsi scripta reliquit,  
 legat. Vbi ait, huius ciuitatis muros esse ex  
 iaspide, ipsam esse aurum purum, fundamē-  
 ta ex omni lapide precioso, portas ex sin-  
 gulis margaritis, plateas esse tanquam ui-  
 trum pellucidum. Et, si hic inferior mun-  
 dus tot pulcherrimis creaturis, ut cerni-  
 mus, ornatus est; ueluti cœlis, sideribus,  
 elementis, montibus, vallibus, fluminibus,  
 fontibus, arboribus, herbis, floribus, fructi-  
 bus

*Rev. 3.*

*Psal. 86*

*Psal. 25.*

*Psal. 83.*

*Apo. 21.*



bus, animalibus, ac tanta omnium harum rerum uarietate refertus; quid de superiore loco, ubi beati, ubi Deus habitat, cogitandum erit? Si loci dignitas, habitantium dignitati respondere debet, uide qui nam sint, qui ibi habitant, & loci dignitatem aliquam ratione cognosces; ut, si id spectes, tota hæc, quæ in hisce creaturis cernitur pulchritudo cum cœlestis patriæ decore collata, deformitas appellanda sit. Hæc namque mortalium habitatio est, illa immortalium: hæc peccatorum, illa iustorum: hæc hominum, illa Angelorum, & Dei: hæc denique est bestiarum stabulum; illa æterni regis aula. Cum nullis igitur arboribus, uel lapillis, uel sideribus domus Dei decor conferendus est. Hic præterea locus, non *Ap. 21.* eget luce extrinseca solis, & lunæ: quia splendor iustorum, qui tanquam sol in hoc regno fulgebunt, & lucerna Agni, & claritas Dei illuminabunt illum. Ibi nullum erit incommodi genus: non esuries, non sitis, non frigora, non æstus, non labor, non defatigatio, non morbi, non curæ, non timores, non dolores, non luctus, non discordiæ, non occasus, nullus denique corporis, aut animi dolor; sed perpetuus dies, pax, lætitia, securitas, quies, valetudo, &, ut simpliciter dicam, omnium honorum, sine fa-

*Aug. foli.*  
*633.*

stidio satietas: ut de hoc loco recte hæc  
 scripserit Augustinus. Ibi gaudium infini-  
 tum, lætitia sine tristitia, salus sine dolore;  
 uita sine labore, lux sine tenebris, uita sine  
 morte, omne bonum sine ullo malo.  
 Nullam ibi corpus commoditatem, nullā  
 animus delectationem desiderare poterit;  
 qua careat. Et, ut quæ de tactu, gustu, &  
 odoratu, qui etiā sensus suam assequuntur  
 perfectionem, dici possent; silentio præte-  
 ream, de auditu & uisu aliquid priuate di-  
 cam. Nam, si in hac infima mundi parte  
 cernuntur multa, quæ nostros mirum in  
 modum oculos afficiunt, & delectant, velu-  
 ti siluosi montes, sæcundi colles, amœnæ  
 valles, virentia prata, feraces campi, elegā-  
 tes horti, labentia flumina, muscoli riuuli,  
 lucidi fontes, preciosi lapilli; & alia uisu  
 pulcherrima spectacula, quæ arte efficiun-  
 tur; quorum interdum prospectu in admi-  
 rationem rapimur, & stupore defigimur:  
 ut sunt, delubra, porticus, sacella, pyrami-  
 des, signa, cœlata uasa, tabulæ, picturæ, &  
 id genus alia; quæ nam beatos in cœlesti ro-  
 gno uisuros esse putabimus? In his, (ut ita  
 dixerim) totius mundi pedibus, talis erit  
 prospectus, tantusque existet ornatus; in  
 cœlo empyreo, quasi in capite, ornatus ma-  
 ior non existet? Videbunt igitur beati in  
 aula

aula regia, ea, quorum prospectu mirifice delectabuntur. Summam quoque ex uisione corporum beatorum oblectationem capiet; ut ex his, quæ postea dicemus, perspicuum fiet. De auditu: Ibi, non citharæ, non rubæ, non organa, non alia instrumenta musica, non humane uoces, sed his omnibus dulcius exaudietur Angelorum melos, iucundior beatorum vox, delectabilior sacrarum uirginum cantus. Ibi diuine laudes, ibi iucundum alleluia, & sempiternum canticum, Sanctus, Sanctus, Sanctus, Dominus Deus Sabaoth, exaudietur! *Isa. 6.* Quis deinde explicet, quæ in uerbo, ueluti in quodam limpidissimo speculo, iustus cernet? Quid non videbit, qui uidentem omnia inspiciet? Ibi omnium creaturarum naturas, & proprietates intelliget: ibi omnium mysteriorum, quæ credidit rationes cognoscet: ibi ideas rerum omnium contemplantur: ibi omnia, quæ in hac uita ignorauit, & scire non potuit, percipiet, ibi demum omnium rerum, quas cognoscere cupit, notitiam consequetur. Quis insuper intelligeret uim illam summi amoris, quo summum bonum, summopere amabit? qua amoris ui, se totum Deo uniet, & unum idemque cum re fiet amata: & Deus, qui ignis est, in animam iusti illabe-

tur, quam non secus ac ignis ferrum igne caritatis suę afficiet. Ex qua unione, maxima quędam enascetur uoluptas, qua beatorum mentes inebriabuntur, & uoluptatum diuinarum torrente explebuntur, & fluminis impetu lætificabuntur. Quis denique voluptatem, quam ex sanctorum Angelorum, B. Virginis, Christi, & sanctissimę Trinitatis societate uir iustus capiet, cogitatione complecteretur? Illuc enim ascenderunt tribus, tribus Domini, testimonium Israel, ad confitendum nomini Domini. Illic sunt Patriarchę, Prophetę, Apostoli, Martyres, Virgines, Confessores, proximi denique omnes, & fratres nostri. Quam gratum erit, ibi amicitia iunctos, uel alia ratione in hac uita notos agnoscere, eorum gloriam cernere, cum eis coniunctissime uersari, & dulcissime colloqui? Quam iucundum erit, non unum, nõ duos, non tres Angelos, sed millia millium intueri, ac dinumerare? choros, & ordines internoscere, functiones uarias uidere, eorũ nobilissimas naturas penetrare, & cum ipsis diuinas laudes celebrare! O spectaculũ dulcissimum? O societatem suauissimam! Hic sunt Angeli, istic Archangeli, illic Throni, alibi Dominationes, alibi Virtutes, alibi Potestates, alibi Cherubim, alibi Sera-  
phim.

*Psal. 121.*

phim. Hic est Gabriel, iste est Raphael, il-  
 le Michael. Quanta erit deinde uoluptas,  
 qua, ob aspectum Matris Dei iustus perfun- *Cant. 6.*  
 detur? Qua non afficietur lætitia, cum ui-  
 debit eam, quæ est veluti aurora consurgens,  
 pulchra ut luna, electa ut sol; quæ est liliū  
 conuallium, hortus cōclusus, fœderis arca,  
 Thronus Salomonis, anua cœli, paradi-  
 sus uoluptatis, & id, ex quo omnia, & quod  
 continet omnia, Mater Dei. Quid non per-  
 cipiet vir iustus gaudij, cum hæc beatissima  
 Mater ei occurreret? cum eum amplectetur?  
 cum quibus officiis ab ea affectus fuerit,  
 intelliget? Quo modo non replebitur gau-  
 dio, cum cernet matrem suam super cho-  
 ros Angelorum euectam? cum uidebit om-  
 nes virgines ei ancillari, omnes martyres  
 inferuire, omnes sanctos obsequi, omnes  
 denique Angelos tanquam Reginæ assiste-  
 re? Quanta insuper oblectatione afficietur, *Psal. 8.*  
 cum intuebitur, & alloquetur eum, cuius  
 magnificentia eleuata est super cœlos? eū,  
 qui est mediator, saluator, pacificator, sum- *Heb. 9*  
 mus sacerdos, & Ecclesiæ caput: eum qui *1 Tim. 4*  
 est pax, gaudium, iustitia, salus, & beatitu-  
 do ipse: eum, qui est lumen, virtus, sapiē- *Eph. 3*  
 tia, & imago Patris: eum cui omne genu *Phil. 2*  
 flectitur, cœlestium, terrestrium, & inferno-  
 rum: eum, quem omnis spiritus laudat, om-

*Luc. 15.*

ne Deus, soni? quæ voces? quæ symphonia? quæ laudes in tanto triũpho intecedent? Quia, si tantum gaudium, vt scriptura ait, est in cœlo pro vno peccatore conuerso, quantum putamus erit, pro iustam salutem adepto? Sed quæ diximus, in aliquibus illustremus exemplis. Cum diuini Hieronymi corpus spiritum reddidisset, subita lux circumfulsit: uisi sunt Angeli, & Christi vox, quæ illum ad possidendum regnum inuitabat, exaudita est: & Cyrillus Ierosolymitanus eius antennâ angelicis manibus gestari in cœlum vidit. Pauli etiam primi eremitæ beatam animam angelico ministerio ad cœlum tolli, vidit Antonius abbas. Quidam abbas duos lectos ineffabili ornatu comptos, multoque nitore splendentes vidit, in quorum altero Hugo abbas, in altero Anselmus Cantuariensis archiepiscopus ab Angelis ferebatur. Septem mulierum animas virginali forma a corporibus egredi, cœlumque uersus ferri, candidas admodum, & corollis circa capita fulgentibus ornatas, qui eas necarunt sicarij, viderunt. Theodora, quæ simulato sexu inter monachos vixit, cum e vita migrasset, abbati in quiete apparuit cum quadam nuptiali pompa, sanctarum exultantium agmine eam circumuallante, ipsa

*Apud*  
*Mar.*  
*Mar.*



in medio gemmis, atque coruscans. Denique, ne plura confecer exempla, Benedicti, Stephani, Egidij, Tiburtij, Valeriani, Maximi, Marcelli, Iustini, Pastoris, Germani, Leonis, compluriumque aliorum felices animæ ad cælum tolli uiscunt, & dum tollerentur, angelici cantus exauditi fuerunt. Vbi autem, ut ad rem redeamus, iusti animæ ad cælum propius accessit, qui sunt in cælo beati, ob tanti triumphi gloriâ admiratione affecti, petunt. Quæ est ista, quæ ascendit per desertum, sicut virgula fumi ex aromatibus myrrhæ, & thuris, & vniuersi pulueris pigmentarij? Quæ est ista, quæ ascēdit de deserto delicijs affluens? At impius, ubi ex hac vita excesserit, quid nam videbit? Cernet diabolos ad se torquendum paratos, supplicia, flagella, puteum abyssi, stagnum sulphuris, tenebras exteriores, caminum ignis, flamas inextinguibiles: & ut rem verissimam poetarum verbis explicemus, videbit in ipso inferni limine, Luctus, Curas, Morbos, Metus, Famem, Aegestatem, Lethum, Labores, mala mentis Gaudia, Bellum, Eumenides, Discordiam, & denique varia ferarum ac vitiorum monstra. Audiet præterea, fletus, gemitus, ululatus, blasphemias, execrationes, & horribilas Dæmonum

Gen. 3.  
Caa. 8.

Apoc.

monum voces. Vndique tandem doloris,  
 & cruciatus causas videbit innumeras. Ini-  
 cient tum Dæmones rapacissimas, in eum  
 manus, ardentibus catenis ligabunt, ac hor-  
 rificis uocibus misero dicent: Perge miser,  
 perge: In tenebras, luctum, lacrymas, tor-  
 menta, colubros; ad furias, æstumque  
 hyemēq; sitimq; famēque: ad furcas, la-  
 queos, stridorem dentium, ad ignes. Tunc  
 infelicissimus, & miserabilis impius excla-  
 mabit, atque in has doloris, & horroris  
 plenas prorumpet voces. Vt vā, vā vā,  
 vā uā, uā uā, uā mihi, uā uā: perij,  
 interij; intus, foris que damnatus sum.

*Ab honore, & gloria, quibus afficietur, cum  
 cælum ingreditur. Cap. xc v.*

**Q** Vis porro explicet eum] honorem,  
 eamque gloriam, qua uir iustus af-  
 ficietur, cum ciuitatem sanctam, Hierusa-  
 lem cœlestem, & atria summi æterniq; Re-  
 gis ingressus fuerit? Tunc omnes patriar-  
 charum, prophetarum, martyrum, virgi-  
 num, Apostolorum, & Angelorum chori  
 aderunt. Tunc Pater, qui hunc hominem  
 creauit, Filius, qui redemit, Spiritus san-  
 ctus, qui iustificauit eum honorifice exci-  
 pient. Et primum, ut ait Ioannes, absterget  
 Deus

Deus omnem lacrymam ab oculis eius. Quæ res, si a Christianis hæc vitam adhuc degentibus diligenter consideraretur, ad omnes labores, & molestias omnes æquo animo perferendas, mirum in modum eos excitaret. Quid enim potest sentiri iucundus? quid excogitari suavius? quid amantius fingi, quam ab amantiſſimo Patre lacrymas a filiorum oculis abstergi? Deinde, ei lætissima fronte Dominus dicet. *Eu- Mat. 25.*  
 ge serue bone, & fidelis; quia super pauca fuisti fidelis; super multa te constituam. *Luc. 12*  
 intra in gaudium Domini tui. Postea, super *Luc. 6.*  
 omnia bona, quæ possidet constituet eum: mensuram bonam, & cōfertam, & coagitatam, & supereffluentem dabit in sinū eius. *2. Tim. 4.*  
 Præterea, Dominus iustus iudex, ei coronam iustitiæ tribuet. Accipiet itaque regnū *Sap. 5.*  
 decoris, & diadema speciei de manu Domini; & in throno cum Christo collocabitur. *Apo. 3.*  
 quod præmiū uincens in scriptura, his uerbis, promissum fuit: Qui vicerit, dabo *Apo. 2. 7.*  
 ei sedere mecum in throno meo: sicut & ego uici, & sedi cum Patre meo in throno eius: esto fidelis usque ad mortem, & dabo tibi coronā uitæ. Huc faciunt, quæ apud *Isa. 6.*  
 Isaiam capite sexto leguntur: Ipse ponet consolationem lugentibus Sion, dabit coronam, pro cinere; oleum gaudij pro luctu;  
 pallium

pallium laudis, pro spiritu mœroris. Ipse  
 sustollit nos super altitudines terræ, in hæ-  
 reditatem inestimabilium diuitiarum, re-  
 gnique cœlestis. Huc etiam pertinent, quæ  
*1er. 31.* Deus p̄ Ieremiã dicit. Tunc lætabitur uirgo  
 in choro, iuuenes, & senes simul: & conues-  
*Apo. 19.* ram luctum eorum in gaudium, & conso-  
 labor eos, & lætificabo a dolore suo. Postea  
 ad magnam cœnam, & nuptias Agni, Deus  
*Luc. 12.* illum discumbere faciet, & transiens mini-  
*Apo. 2.* strabit ei: dabit ad manducandum manna  
 absconditum, & lignum uitæ, quod est in  
*Psal. 35.* in paradiso Dei, cum duodecim fructibus  
 eius, & de torrente voluptatis suæ potum  
 dabit ei, & calice præclaro inebriabit eum.  
*Psal. 12.* Epulabitur ergo iustus, & satiabitur, cum  
 apparuerit gloria: exultabit in conspectu  
 Dei, & delectabitur in lætitia, & dicet: Pla-  
*Psal. 117.* cebo Domino; hoc est, hylari ac tranquil-  
 lo animo apparebo coram Domino, in re-  
 gione uiuorum, in hac uidelicet sempiter-  
 na uita. Denique, collocabitur in sede, seu  
 cubili suo, ubi quiescet, & lætabitur in sæcu-  
*Psal.* la. Impius uero, ubi ex hac luce, non am-  
 plius lucem, non lunam, non solem, nec cœ-  
 tera sidera visurus abierit, quo miser per-  
 ueniet? Ad locum profundum, in terræ vi-  
 sceribus reconditum, qui, infernus, fouea,  
 lacus, barathrum, chaos, gehenna, cania-

nus, puteus, & stagnum ignis nominatur,  
 deueniet. Præmium suorum laborum, erit *Psal. 10.*  
 ignis, sulphur fœtor, fumus tanquam for- *Apo. 9.*  
 nacis magnæ, summum frigus, summus  
 æstus, & tenebræ palpabiles: & quod erit  
 lucis, id erit in pœnam: pascua, struthio- *1/a. 33.*  
 num; cubilia, draconum. Locus non erit *24.*  
 admodum commodus: quia congregabun-  
 tur damnati in congregatione unius fascis  
 in lacum, & claudentur ibi in carcere. Et  
 qui nam erunt socij? Dæmones, æterni ho-  
 minum inimici, qui etiam erunt tortores,  
 & carnifices, ceterique damnati totius ge-  
 neris humani fœces. Insuper, locustæ, par- *Dan. 7.*  
 dus, leçna, serpentes, dracones, struthiones, *Iob. 40. 41*  
 coluber tortuosus, bestia cum septem capi-  
 tibus, behemoth, leuiathan, belial, asmo-  
 deus, satan, & belzebub. Et quid sentient?  
 Videbit horribilia monstra, audiet horri-  
 cas voces; gustabit absynthium, olfaciet  
 grauissimos fœtores, tanget summe frigi-  
 da, & summe calida. Ibi fames, sitis, dolo-  
 res, languores, & angustię omnes; & in sum-  
 ma mala oĩa, boni prorsus nihil: & quod  
 omnium est pessimum, tantę acerbitalis, &  
 miserię, finiendę, aut minuendę, aut conso-  
 lationis capiendę spes erit nulla. Et quis  
 ibi consolationem affert? ubi nemo est qui  
 inconsolabiliter, ut ita dixerim, nō lugeat?

Quis

Quis misereri poterit, ubi omnes sunt omni misericordia espoliati? Quo modo dabitur consolatio ibi, ubi est ignis, qui nunquam exstinguitur: vermes qui semper rodunt tortores, qui nunquam defatigantur: ubi deniq; mors, ueluti ouis, depascit eos. *Psal. 48.* O diram loci faciem! O societatem ingratam! O sortem omnibus huius sæculi erūnijs, omni calamitate, omni que tormento, grauiorem! Erit paucis concludam, ut beatorum gloria est inexplicabilis; ita damnatorum pœna enarrari nequit.

*A magnitudine beatitudinis, qua in eternum perfruetur. Cap. xcvi.*

**M**aximis laudibus nemo virum iustum in cœlum non efferreret, maximam ipsius dignitatem nemo non admiraretur qui beatitudinis, quæ ipsum manet magnitudinem, aliqua ratione cognosceret. Propterea, hæc de re speciatim, balbutiendo tamen, aliquid scribendum esse duximus: & in primis tanti boni uim generatim ob oculos proponemus. Præmium igitur, quod viro iusto est propositum ipsa est beatitudo, quæ continet omne bonum. Ostendam, dixit Deus Moyse, tibi omne bonum. Erit igitur possessor bonorum



rum omnium; omnibus perfruetur bonis. Cogita tu hic, omnium bonorum uim. Et qui rem, quæ terminari nequit finire voluerunt, dixerunt; Beatitudinem esse statum omnium bonorum aggregatione perfectum. sed, melius cum Paulo eam sic describeres: *1. Cor. 2.*  
 Oculus non uidit, nec auris audiuit, nec *Isa 64.*  
 in cor hominis ascendit, quæ preparauit Deus ijs, qui diligunt illam. Huc etiam pertinent hæ diuinę scripturę sententię, quæ beatitudinis magnitudinem explicare videntur: Satiabor cum apparuerit gloria tua. Et audiui, inquit Paulus, cum raptus *2. Cor. 12.*  
 fuit ad tertium cælum, arcana verba, quę non licet homini loqui. Si audiuit, profecto eloqui potuit. sed, cum superne glorię bonum maius sit, quam ut humana mente percipi, aut verbis exprimi queat; ideo, homini non licet illud exponere. Priuatim uero beatitudinis suauitatem, ac iucunditatem, hæ sententię demonstrant. Torrente *Psal. 35.*  
 uoluptatis tuę potabis eos: Fluminis impetus lætificat ciuitatem Dei: Delectationes in dextera tua usque in finem: Intra in gaudium Domini tui. Ac si diceretur; gaudium, tantum est, ut illud in te intrare non queat; ideo, tu, intra in illud, Et quod nam est hoc gaudium? Gaudium Domini tui. *Psal. 15.*  
 Intret ergo seruus ad perfruendam eandem *Mat. 25.*  
 beati-

beatitudinem, qua Dominus perfruitur.  
 Si loci, in quo positum est hoc præmium,  
 magnitudinē spectes, licebit cum prophe-  
 ta exclamare: O Israël, quam magna est  
 domus Dei, & ingens locus processionis  
 eius? magnus est, & non habet finem, ex-  
 cellsus, & immensus. Si gloriam, cum alio  
 dices: Gloriosa dicta sunt de te ciuitas  
 Dei. Huius loci decore, ac iucunditate ca-  
 ptus David, hæc verba pronunciauit: Do-  
 mine dilexi decorem domus tuæ, & locum  
 habitationis gloriæ tuæ: Quam dilecta ta-  
 bernacula tua Domine virtutum, concupi-  
 scit, & deficit anima mea in atria Domini.  
 Beati, qui habitant in domo tua Domine;  
 in sæcula sæculorum laudabunt te. Quod  
 si quis loci huius, in quo perpetuo uir iu-  
 stus habitaturus est, pulchritudinem co-  
 gnoscere cupit, quæ de cœlesti ciuitate di-  
 nus Ioānes in Apocalypsi scripta reliquit,  
 legat. Vbi ait, huius ciuitatis muros esse ex  
 iaspide, ipsam esse aurum purum, fundamē-  
 ta ex omni lapide precioso, portas ex sin-  
 gulis margaritis, plateas esse tanquam ui-  
 trum pellucidum. Et, si hic inferior mun-  
 dus tot pulcherrimis creaturis, ut cerni-  
 mus, ornatus est; meluti cœlis, sideribus,  
 elementis, montibus, vallibus, fluminibus,  
 fontibus, arboribus, herbis, floribus, fructi-  
 bus

bus, animalibus, ac tanta omnium harum rerum uarietate refertus; quid de superiore loco, ubi beati, ubi Deus habitat, cogitandum erit? Si loci dignitas, habitantium dignitati respondere debet, uide qui nam sint, qui ibi habitant, & loci dignitatem aliqua ratione cognosces; ut, si id spectes, tota hæc, quæ in hisce creaturis cernitur pulchritudo cum cœlestis patriæ decore collata, deformitas appellanda sit. Hæc namque mortalium habitatio est, illa immortalium: hæc peccatorum, illa iustorum: hæc hominum, illa Angelorum, & Dei: hæc denique est bestiarum stabulum; illa æterni regis aula. Cum nullis igitur arboribus, uel lapillis, uel sideribus domus Dei decor conferendus est. Hic præterea locus, non *Ap. 21.* eget luce extrinseca solis, & lunæ: quia splendor iustorum, qui tanquam sol in hoc regno fulgebunt, & lucerna Agni, & claritas Dei illuminabunt illum. Ibi nullum erit incommodi genus: non esuries, non sitis, non frigora, non æstus, non labor, non defatigatio, non morbi, non curæ, non timores, non dolores, non luctus, non discordiæ, non occasus, nullus denique corporis, aut animi dolor; sed perpetuus dies, pax, lætitia, securitas, quies, valetudo, &, ut simpliciter dicam, omnium honorum, sine fa-

*Aug. foli.*  
*633.*

stidio satietas: ut de hoc loco recte hæc  
 scripserit Augustinus. Ibi gaudium infinitum,  
 lætitia sine tristitia, salus sine dolore;  
 uia sine labore, lux sine tenebris, uita sine  
 morte, omne bonum sine ullo malo.  
 Nullam ibi corpus commoditatem, nullam  
 animus delectationem desiderare poterit;  
 qua careat. Et, ut quæ de tactu, gustu, &  
 odoratu, qui etiã sensus suam assequuntur  
 perfectionem, dici possent, silentio prætere-  
 ream, de auditu & uisu aliquid priuate di-  
 cam. Nam, si in hac infima mundi parte  
 cernuntur multa, quæ nostros mirum in  
 modum oculos afficiunt, & delectant, velu-  
 ti siluosi montes, sæcundi colles, amœnæ  
 valles, virentia prata, feraces campi, elegân-  
 tes horti, labentia flumina, muscosi riuuli,  
 lucidi fontes, preciosi lapilli; & alia uisu  
 pulcherrima spectacula, quæ arte efficiun-  
 tur; quorum interdum prospectu in admi-  
 rationem rapimur, & stupore defigimur:  
 ut sunt, delubra, porticus, sacella, pyrami-  
 des, signa, cœlata uata, tabulæ, picturæ, &  
 id genus alia; quæ nam beatos in cœlesti ro-  
 gno uisuros esse putabimus? In his, (ut ita  
 dixerim) totius mundi pedibus, talis erit  
 prospectus, tantusque existet ornatus; in  
 cœlo empyreo, quasi in capite, ornatus ma-  
 ior non existet? Videbunt igitur beati in  
 aula

aula regia, ea, quorum prospectu mirifice delectabuntur. Summam quoque ex uisione corporum beatorum oblectationem capiet; ut ex his, quæ postea dicemus, perspicuum fiet. De auditu: Ibi, non citharæ, nō tubæ, non organa, non alia instrumenta musica, non humane uoces, sed his omnibus dulcius exaudietur Angelorum melos, iucundior beatorum vox, delectabilior sacrarum uirginum cantus. Ibi diuinę laudes, ibi iucundum alleluia, & sempiternū canticum, Sanctus, Sanctus, Sanctus, Dominus Deus Sabaoth, exaudietur. *Isa. 6.* Quis deinde explicet, quæ in uerbo, ueluti in quodam limpidissimo speculo, iustus cernet? Quid non videbit, qui uidentem omnia inspiciet? Ibi omnium creaturarum naturas, & proprietates intelliget: ibi omnium mysteriorum, quæ credidit rationes cognoscet: ibi ideas rerum omnium contemplabitur: ibi omnia, quæ in hac uita ignorauit, & scire non potuit, percipiet, ibi demum omnium rerum, quas cognoscere cupit, notitiam consequetur. Quis insuper intelligeret uim illam summi amoris, quo summum bonum, summopere amabit? qua amoris ui, se totum Deo uniet, & unum idemque cum re fiet amata: & Deus, qui ignis est, in animam iusti illabe-

tur, quam non secus ac ignis ferrum igne caritatis suę afficiet. Ex qua unione, maxima quædam enascetur uoluptas, qua beatorum mentes inebriabuntur, & uoluptatum diuinarum torrente explebuntur, & fluminis impetu lætificabuntur. Quis denique voluptatem, quam ex sanctorum Angelorum, B. Virginis, Christi, & sanctissimæ Trinitatis societate uir iustus capiet, cogitatione complecteretur? Illuc enim ascenderunt tribus, tribus Domini, testimonium Israel, ad confitendum nomini Domini. Illic sunt Patriarchæ, Prophetę, Apostoli, Martyres, Virgines, Confessores, proximi denique omnes, & fratres nostri. Quam gratum erit, ibi amicitia iunctos, uel alia ratione in hac uita notos agnoscere, eorum gloriam cernere, cum eis coniunctissime uersari, & dulcissime colloqui? Quam iucundum erit, non unum, nõ duos, non tres Angelos, sed millia millium intueri, ac dinumerare? choros, & ordines internoscere, functiones uarias uidere, eorū nobilissimas naturas penetrare, & cum ipsis diuinas laudes celebrare? O spectaculū dulcissimum? O societatem suauissimam! Hic sunt Angeli, istic Archangeli, illic Throni, alibi Dominationes, alibi Virtutes, alibi Potestates, alibi Cherubim, alibi Sera-  
phim.



phim. Hic est Gabriel, iste est Raphael, il-  
 le Michael. Quanta erit deinde uoluptas,  
 qua, ob aspectum Matris Dei iustus perfun- *Cant. 6.*  
 detur? Qua non afficietur læticia, cum ui-  
 debit eam, quæ est veluti aurora consurgēs,  
 pulchra ut luna, electa ut sol; quæ est liliū  
 conuallium, hortus cōclusus, fœderis arca,  
 Thronus Salomonis, anua cœli, paradi-  
 sus uoluptatis, & id, ex quo omnia, & quod  
 continet omnia, Mater Dei. Quid non per-  
 cipiet vir iustus gaudij, cum hæc beatissima  
 Mater ei occurreret? cum eum amplectetur?  
 cum quibus officiis ab ea affectus fuerit,  
 intelliget? Quo modo non replebitur gau-  
 dio, cum cernet matrem suam super cho-  
 ros Angelorum euectam? cum uidebit om-  
 nes virgines ei ancillari, omnes martyres  
 inferuire, omnes sanctos obsequi, omnes  
 denique Angelos tanquam Reginę assiste-  
 re? Quanta insuper oblectatione afficietur, *Psal. 85.*  
 cum intuebitur, & alloquetur eum, cuius  
 magnificentia eleuata est super cœlos? eū,  
 qui est mediator, saluator, pacificator, sum- *Heb. 9.*  
 mus sacerdos, & Ecclesię caput: cum qui *1. Tim. 4.*  
 est pax, gaudium, iustitia, salus, & beatitu-  
 do ipsius: eum, qui est lumen, virtus, sapiē- *Eph. 3.*  
 tia, & imago Patris: eum cui omne genu *Phil. 2.*  
 flectitur, cœlestium, terrestrium, & inferno-  
 rum: eum, quem omnis spiritus laudat, om-

*Colo. 1.**1oa. 14.**Pro. 8.*

nis lingua confitetur, quem omnes beati adorant: cum, qui fecit omnia, pacificauit omnia, a quo, per quem, in quo sunt omnia. Quantum denique iubilabit, cum ad perfruendam diuinarum personarum societatem se peruenisse intelliget? cū scriptum sit: Ad eum ueniemus, & mansionem apud eum faciemus. Et, si esse cum filiis hominum in hac vita, sunt deliciae Dei; quanto magis erunt Dei deliciae, esse cum filiis suis in cœlo? Quod si Deus ex hac familiaritate delicias capit; quāto maiores iustus? Quamobrem, si in hac vita vnus, aut alterius amici societas tantum solet afferre lætitiæ, quantum tot sanctorum, tot Angelorum, B. Virginis, Christi, & Dei societas uiro iusto in cœlis delectationis afferet? O summam Dei bonitatem! O clementiam! quæ hominem ad tantas delectationes, ad tantam dignitatem, ad tantam gloriam exulit. O felicitatem inexplicabilem, & immensam! per quam vir iustus, intus forisque, animo & corpore, omnibus animi & corporis partibus, omni ex parte, erit perfectus, atque beatus. Hæc, si quis bona viro iusto proposita esse, & ad ea acquirenda verum ius habere cogitabit, ob tantam ipsius excellentiam, & dignitatem, omnino mirabitur. Itē nunc infelices huius sæculi

amatores, iactate vestras diuitias, vestras opes, vestra solatia: quæ imperfecta sunt, momentanea sunt, vana sunt: quæ statim vna vobiscum peribunt, & ad æternas, atq; inexplicabiles inferni pœnas perferendas vos trahent.

*Agloria corporis, quam in resurrectione consequetur. Cap. xcvi.*

**N**ihil non efficiant in hac uita homines, ut suum mortale corpus, sanum, agile, integrum, ac pulchrum reddant: idque multo labore, multaque industria curant: & multo magis curarent, si qua ratione, in perpetuum illud cōseruare possent. Verum, dum nimium corpori indulgent, dum carnem diutius cōseruare cōtendunt, & corpus, & animam in perpetuum perdunt. At uir iustus, dum laboribus, & ieiunijs corpus macerat, dum de sola animæ integritate, & pulchritudine sollicitus est; & animæ, & corporis summam perfectionem & immortalitatem acquirit: & interim cum seipsum uarijs modis conficit, hac se consolatur spe: Credo, quod redemptor meus uiuit; & in nouissimo die de terra surrecturus sum: & in carne mea uidebo Deum saluatorem meum;

106. 19.

quem uisurus sum ego ipse, & non alius; & oculi mei conspecturi sunt. Sed quale nam erit istud corpus, quo in uniuersali iudicio coram omni carne, iustus apparebit? Viri iusti corpus erit configuratum

*1. Cor. 15.* corpori claritatis Christi, secundum operationem, qua et possit subijcere sibi omnia: tale uidelicet, quale fuit corpus Christi in trasfiguratione. Iustorum ergo corpora, ut sacri scriptores docent, & ex diuinis colligitur literis, his quatuor præstantissimis erunt exornata dotibus; impassibilitate, claritate, agilitate, subtilitate.

*Mat. 17.* Siquidem, corruptibile, fiet incorruptibile; ignobile, gloriosum; infirmum, solidum; & animale, Spirituale. Dote itaque impassibilitatis beati corpus nullo modo corrupti, nulla ratione ledi, non armis, non æstu, non frigore, non dolore, non esurie, non siti, re denique nulla aduersa offendi poterit. Dote claritatis erit clarum, & lucidum, & ueluti sol fulgebunt. Claritatem, inquit

*1. Cor. 15.* Christus Patri, quam tu dedisti mihi, dedi eis: quia in eandem imaginem transformantur a claritate in claritatem, tanquam a Domini spiritu. Tunc, dixit, alibi huius claritatis auctor, iusti fulgebunt sicut sol in regno patris eorum: & Daniel: Fulgebunt quasi splendor Firmamenti, & quasi

*Ap. 21.*  
*Isa. 49.* stellæ

*Jo. 12.*  
*2. Cor. 3.*

*Mat. 13.*  
*Dan. 12.*

stellæ in perpetuas æternitates. Et alius propheta : Stellę autem dederunt lumen in custodijs suis , & letatę sunt : uocatę sunt , & dixerunt , Adsumus : & luxerunt ei cum iucunditate : quia fecit illas . Fulgebunt ergo tanquam stellę : quia pro ratione meritorum , unus magis quam alter splendet . Stella enim differt a stella in claritate , & sic resurrectio mortuorum . Quare , si stellarũ , si solis lumen nos tanta iucunditate replet , quanta corporis iusti splendor , uoluptate replebit ? quia , ut ex scriptura colligitur , magis , quam sol , iusti corpus splendet ? Dote agilitatis , nulla afficitur grauitate ; & ideo uno temporis momento multa terrarum spatia percurrere , & sine ulla difficultate moueri poterit : & nõ secus , ac oculi aspectus , & mentis cogitatio ab occidente in orientem , a terra in cœlum , statim se conferet . Qui sperant in Domino , ait Isaias , mutabunt fortitudinẽ , & assument pennas , sicut aquilę , current , & non laborabunt ; ambulabunt , & non deficient . Dote denique subtilitatis absque ulla difficultate omnia etiam durissima penetrabit corpora : ita ut nulla quantum vis crassa moles impeditura sit : sicuti nec aer auium volatum , nec aqua piscium natatum impedit . Hac dote saluator ex utero  
Virgi-

*Bar. 2.**1. Cor. 15.**Isa. 30.**Isa. 40.*

*Inc. 24.**Jo. 20.*

Virginis prodiit, ex clauso sepulchro surrexit, clausis ianuis ad Apostolos intrauit. Harum perfectionum numerum, tum ex diui Pauli loco superius citato, tum ex his, quæ ex libro sapientiæ subijciam uerbis facile colligitur. Fulgebunt iusti, inquit sapiens, & tanquam scintillæ in arundinetis discurrent. In fulgore ostenditur claritas: in scintilla impassibilitas: quia ignis incorruptibilis est: in cursu: agilitas: in arundinetis penetrabilitas: quia arundines facile cedunt. Habebit itaque uiri iusti corpus has dotes; quarum claritas respondebit uirtuti prudentiæ, impassibilitas iustitiæ, agilitas fortitudini, subtilitas temperantiæ. Erit ergo sanum per incorruptionem, rectum & ordinatum, per claritatem, perfecte operabitur per agilitatem, & subtilitatem. Huius gloriæ spe, Christus, Apostolos, quos ad concionandum missurus erat, ad magnos labores perferendos in transfiguratione excitauit. Merito hæc præmia uiro iusto dantur, qui se per incorruptibilitatem a corruptela peccati præseruauit: claritate sua, lumen alijs præbuit: subtilitatis omnem difficultatem in agendo superauit; & ad operandum, agilitate, se promptum exhibuit. Siquis aliquod corpus his dotibus exornatum uideret, multum miraretur,

retur,

*Sap. 7.**De Bonis.**Mat. 17.*



retur, atque summis laudibus illud exornaret: quod aliquando eueniet, cum iusti corpus in die resurrectionis ita dotatum apparebit. Hæc autem tora, quæ in corpore beato erit perfectio & gloria, nunc latet in anima iusti, quæ, potestate, omnes illas dotes continet. Siquidem beatitudo, quæ erit in corpore, redundabit ex beatitudine, quæ erit in anima; quæ dum in gratia existit, beatitudinis præmio digna est. Contempletur hoc loco Christianus lector humanū corpus his diuinis dotibus exornatum, & tanta gloria affectum; quæ eiusmodi est, ut Apostolorum princeps, ubi eam in corpore Christi uidit, quādam beatitudinem se nactum fuisse arbitratus fuerit, & dixerit: Domine bonum est nos hic esse, &c. & ipse quoque una cum Petro maxima admiratione afficietur, & ad eandem gloriam acquirendam excitabitur, atque quanta sit uiri iusti dignitas & præstantia, cognoscet: cum ad tantam gloriā ius habeat, eamque in anima sua gratia exornatam, potestate contineat. Latent ergo in mortali graui, obscuro, & hebeti iusti corpore, immortalitas, agilitas, claritas, atque penetrabilitas. Dicunt aliqui, & probabiliter dicunt, fore, ut beatorum corpora bene oleant. Quia si in hac

*Mat. 9.*

*Can. 43.*

uita

uita multæ sanctorum reliquiæ, odorem spirant, cur non etiam post resurrectionē, cum id, ad perfectionem corporis beati, & ad sensum odoratus perficiendum pertineat? At uero impiorum corpora turpia, nigra, obscura, graua, obtusa, omnibus perpeffionibus obnoxia, ac graueolentia, & denique omni prauitatum genere affecta erunt. Iustus igitur solus saluatorem expectat, qui ipsius corpus reformabit, configuratum corpori claritatis suæ, secundum operationem virtutis suæ, qua etiam possit sibi subijcere omnia.

1. Cor. 15.

*A laudibus, quibus in die vniuersalis  
iudicij a Christo exornabitur.*

Cap. XCVIII.

AB. 5.

**C**ongruam sane est, ut qui pro nomine Christi contumelijs in hoc mundo affecti fuerint, ab eodem aliquando laudentur, ac honorentur: quod se facturum esse hisce ipse uerbis pollicitus est: Omnis ergo, qui confitebitur me coram hominibus, confitebor, hoc est, laudabo, & ego eum, coram Patre meo, qui in cælis est. Et alibi; Qui uicerit, sic vestietur vestimentis albis, & non delebo nomen eius de libro uitæ; & confitebor nomen eius coram Patre

Mat. 10.

1p. 3.

Patre meo, & coram Angelis eius. Lauda-  
 bit itaque Christus, tanquam bonus Impe-  
 rator in die Iudicij suos strenuos, ac victo-  
 rios milites; qui pro ipsius gloria, vitu-  
 perari, derideri, despici, & iniuria affici,  
 libenter passi sunt: ac fortasse aliquid  
 simile eis dicet: Hi sunt, qui Patris,  
 & meam gloriam semper quæsiuerunt:  
 hi sunt, qui mundum, Dæmonem, ac *Heb. 11.*  
 carnem superarunt: hi sunt qui obturarunt  
 ora leonum, extinxerunt impetum ignis,  
 fugarunt aciem gladij, conualuerunt de  
 infirmitate: fortes facti sunt in bello, ca-  
 stra uerterunt exterorum: hi tentati sunt,  
 secti sunt, lapidati sunt, gladio mortui sunt:  
 hi sunt, qui per fidem vicerunt regna,  
 operati sunt iustitiam, adepti sunt repro-  
 missiones: hi deniq; in me omnia miseri-  
 cordiæ opera exercuerunt; cū panē & potū  
 mihi dederint, me nudum vestiuerint, in-  
 firmum inuiserint, hospitio exceperint, me  
 sepeliuerint, & ex carcere redemerint. Et  
 ad iustos conuersus, dicet: Vos autem estis, *Luc. 22.*  
 qui permanistis mecum in tentationibus  
 meis: & ego dispono vobis, sicut disposuit  
 mihi Pater meus regnum, vt edatis, & bi-  
 batis, super mensam meam in regno meo,  
 & sedeat is super thronos iudicantes duo-  
 decim tribus Israel. Sed, quis potest exco-  
 gitare

gitare verba, quibus infinita Christi sapientia suos milites, amicos, fratres, & filios exornabit? Hanc laudem, non modo laudatoris persona, sed & audientium corona, mirum in modum amplificabit. Siquidem, a filio Dei, coram vniuersis hominibus & Angelis iustus prædicabitur. In hunc locum venit illud Osee: Et erit numerus filiorum Israel, quasi arena maris, quæ sine mensura est, & non numerabitur. Et erit in loco ubi dicetur eis: Non populus meus vos: dicetur eis, Filij Dei viuentis. Huc etiam pertinent, quæ Angelus Esdræ de turba magna, quam viderat interroganti, respondit. Hi sunt, qui mortalem tunicam deposuerunt: & confessi sunt nomen Dei. Modo coronantur, & accipiunt palmās. Et cum interrogasset, quis eis daret palmam, dixit: Ipse est filius Dei, quem in sæculo confessi sunt. Cedant hoc loco humani honores, cedant humanæ laudes, cedant mortalium encomia. Fallax gratia, & vana est pulchritudo; mulier timens Dominum ipsa laudabitur. Date ei de fructu manuum suarum, & laudent in portis opera eius. Quamobrem non confundetur iustus in die malo; quandoquidem etiam mali, velint, nolint ipsum laudabunt. Quoniam impii, cum iustos tanta laude, tantaque gloria affectos

Ose. 1.

Lib. 4. c. 2.

Pro. 31.

Psalm. 36.

affectos viderint, dicent: Hi sunt, quos habuimus aliquando in derisum, & in similitudinem improprij. Nos insensati vitam illorum æstimabamus insaniam, & finem illorum sine honore: ecce quomodo computati sunt inter filios Dei, & inter sanctos fors illorum est, &c. Et, vt iusti summa laude, ita impij maxima ignominia corā omnibus Angelis, & hominibus a Christo afficientur: qui, id se facturum aliquando, hisce verbis, prædixit: Nam, qui merubuerit, & meos sermones, hunc Filius hominis erubescet, cum venerit in maiestate sua, & Patris, & sanctorum Angelorum. Tunc, qui habitat in cælis irridebit eos, & Dominus subsannabit eos. Tunc loquetur ad eos in ira sua, & in furore suo conturbabit eos. Tunc sapientia incarnata dicet. Vos uocaui, uobis spiritum meum promisi, uobis manum meam extendi, & renuistis, & neglexistis, & despexistis: Et ego, nunc in hoc uestro interitu, vos rideo, subsanno, & nō exaudio. Ite nunc, comedite fructus viarum uestrarum. Quanta hic verecundia? quantoq; dolore impij afficientur? & ideo ex nimio pudore confusi, oculos in terram deiicient: quod prædixit propheta, cum cecinit. Non resurgent impij in iudicio: hoc est, præ pudore oculos non attollent, stare

Sap. 3.

Lhc. 11.

Psal. 2.

Pro. 1.

Psal. 1.

Sap. 5.

stare nō poterunt. Iusti yero stabunt in magna constantia. Hic locus, non tam uerbis tractandus, quam cogitatione pendendus est. Nam, si tantum tristamur, cum ab homine, nec grauius, nec palā vituperamur; quantum tristabuntur, qui a Dei filio grauissime coram omnibus hominibus, & Angelis uituperabuntur? Qua deinde impij anima afficietur verecundia, quādo occulta ipsius scelera in apertum proferentur? quod Deus se facturum non semel minatus est. Ecce ego, inquit per Ezechielē, congregabo omnes amatores tuos, quibus cōmixta es, & omnes quos dilexisti, cum vniuersis quos oderas; & congregabo eos super te undiq; , & nudabo ignominiam tuā coram eis: & uidebunt omnem turpitudinem tuam. Et iudicabo te iudicijs adulterarum effundentium sanguinem: & dabo te in sanguinem furoris, & zeli. Et dabo te in manus eorum, & destruunt lupanar tuū, & demolientur prostibulum tuum: & denū dabunt te uestimentis tuis, & auferent uasa decoris tui, & derelinquent te nudā, plorāque ignominia. Et alibi: Et reuelabo pudenda tua in facie tua, & ostendam gentibus nuditatem tuam, & regnis ignominiam tuam, &c. Ideo alibi legitur: Ego nudauī femora tua contra faciem tuam, & ap-

Ezech. 19.

parebit

Nahum 3.

parebit

Jer. 13.



parebit ignominia tua, adulteria tua, & hinc  
 nitus tuus; scelus fornicationis tuæ. En igitur  
 quam dispar, & quam diuersa erit tan-  
 dem iustorum, & iniustorum condicio:  
 quam, si homines accurate cogitarent, qui  
 nollet iustitiam sequi, esset nemo. Quare, *Psal. 1.*  
 cum exarserit in breui ira Dei, beati omnes  
 qui confidunt in eo.

*Vir iustus, una cum Christo, mundum  
 iudicabit. Cap. xcix.*

**M**aximam profecto gloriam, amplis-  
 simum sane præmium ex sua iusti-  
 tia reportabit iustus; cum a Dei filio in illo  
 amplissimo omnium creaturarum, cœtu,  
 laudabitur: sed, quiddam maius adhuc re-  
 stat; si tamen, ista laude aliquid maius re-  
 periri potest. Id autem est, quod ad iudicia-  
 lem dignitatem assumetur; quia una cum  
 Christo, mundum iudicabit. Id scripturâ  
 ipsa docet: Et uidi, ait Ioânes in sacra Apo- *Apo. 19.*  
 calypsi, Angelum stantem in sole, & clama-  
 ui uoce magna dicēs omnibus auib, quæ  
 uolabant per medium cœli: Venite & con-  
 gregamini ad cœnam magni Dei, ut man-  
 ducetis carnes regum, & carnes tribuno-  
 rum, & carnes fortium, & carnes equorum  
 & sedentium in ipsis, & carnes omnium li-  
 berorum

berorum, & seruatorum, & pusillorum, & magnorum. Aues uolantes, sunt electi, qui per contemplationem in cœlis uersantur: qui uocantur ad cœnam magnam, ubi satiabuntur ultione impiorum, quam summopere desiderant: & ita congregati una cū Christo, principes terræ, & improbos, punient. Ad hanc itaque cœnam, qui esuriunt & sitiunt iustitiam saturabuntur. Eandem ueritatem Dauid propheta manifestauit, cum de beatis cecinit: Exultationes Dei in gutture eorum, & gladij ancipites in manibus eorum: Ad faciendam uindictam in nationibus, increpationes in populis: Ad alligandos reges eorum in compedibus, & nobiles eorum in manicis ferreis: Ut faciant in eis iudicium conscriptum: Gloria hæc, est omnibus sanctis eius, Quæ uerba, quem non afficiant? quem non commoueant? quem in admirationem non rapiant? Cum hæc sit gloria omnibus sanctis, ut iudicium faciant, de nationibus, de populis, de nobilibus, & regibus suis. Nescitis, inquit Paulus, quoniam angelos, hoc est Dæmones, iudicabimus? Postremo, is apud quem est omnis iudiciaria potestas, sequentibus se, cum quærerent, quid eis futurum esset, dixit: Amen dico uobis, quod vos, qui secuti estis me in regeneratione, cum sederit filius

*Psal. 149.*

*1. Cor. 6.*

*Mat. 19.*

Ius hominis in sede maiestatis suæ, sedes  
 bitis, & vos super sedes duodecim, iudi-  
 cantes duodecim tribus Israel. Dabit ergo  
 Christus uincētibus sedere in throno suo: *Apo. 3.*  
 & stabunt iusti in magna constantia aduer-  
 sus eos, qui se angustiauerunt, & qui ab-  
 stulerunt labores eorum &c. Quamobrem,  
 indubitata res est, fore aliquando, ut ru-  
 sticus ciuem, cliens patronum, seruus  
 dominum, discipulus magistrum, miles  
 ducem, reus iudicem, nobilis regem, ouis  
 denique pastorem iudicet suum. Erit erit  
 aliquando, cum baiulus, cum opilio, cum  
 agaso nationes iudicabunt: cum serui do-  
 minos compedibus ligabunt, manicis fere-  
 ris constringent, & pedibus conculcabunt;  
 cum eorum carnes manducabunt, san- *Mala. 4.*  
 guinem potabunt, ac una cum Dei Fi- *Mat. 11.*  
 lio contra eos sententiam pronuntiabunt:  
 Tunc dicere licebit: Lux, & sol ortus *Esther. 11.*  
 est; & humiles exaltati sunt, & deuora-  
 uerunt inclytos. Quod si non vultis, o  
 iudices, o domini, o reges, vt aliquando  
 vestri famuli, & vobis subiecti homines  
 vos iudicent; nunc intelligite, & erudimi- *Psal. 2.*  
 ni: seruite Domino in timore, & exultate  
 ei cum tremore: Apprehendite disciplinā;  
 hoc est christianam viuendi rationem, ne  
 quando irascatur Dominus, & pereatis de-

via iusta. Audient ergo iusti, in primis,  
illam iucundissimam iusti iudicis erga ip-

*Mat. 25.* sos sententiam: Venite benedicti Patris  
mei, possidete vobis paratum regnum a cō  
stitutione mundi. Quo loco licet, cū quo  
dam pio viro exclamare: O vox omni mel  
le dulcior, omni cibo suavior, omni auro  
desiderabilior, omni terreno regno felici-  
or? vox perpetui gaudij, immense, lætitiæ,  
cœlestis iucunditatis: vox omnia superās  
desideria, omni voto maior, omni spe ple-  
nior. Vere benedicti, vere beati, vere fortu-  
natissimi, illi, quibus talē, ac tnatā, tali, &  
tanto, de tali, & tanta re sententiam, audi-  
re licebit. Contra uero, o infelices, & mi-  
seros, & miserabiles eos, in quos hanc in-  
faustam, infestam, & tremendam senten-  
tiam, omnes beati, & suo etiam modo om-  
nes creaturæ, vna cum Christo pronuntia-

*Mat. 25.* bunt: Discēdite a me maledicti in ignem  
*Luc. 13.* æternum, qui paratus est diabolo, & ange-  
lis eius. Perpende, pie lector, singula hu-  
ius sententiæ verba. Quid infelicius, quā  
in perpetuum a Christo discedere? Quid  
acerbius quam in ignem proficisci? quid  
miserabilius, quam nullum acerbissimarū  
pœnarum finem sperare? quid calamitosi-  
us, quam perpetuo cum diabolo esse? O  
*Sap̃ti. 1:* dies? vere dies iræ, tribulationis, angus-  
titiæ,

stia, calamitatis, miseria, tenebrarum, caliginis, nebulæ, & turbinis; dies vere magna, & amara ualde. Hac percussi sententia, miseri damnati dicent montibus; cadite super nos: & quærent mortem, sed *Sap. 5.*  
 non inuenient. Tunc, Dæmones omnes, & mundus totus, contra insensatos armatus, diuinam exequetur sententiam. Quod *Iob. 21.*  
 si ex summo iudice peteres, cur tanto honore iustos afficiat, sic arbitror responderet: Quia mandata mea seruauerunt: quoniam scriptum est: Si vis ad vitam ingredi, serua mandata. Hi ergo, quia unum coluere Deum, falso non iurarunt, dies festos custodiuerunt, parentes honorarunt, alienum non cupiuerunt, castitatem seruauerunt, & Deum super omnia, & proximū ut seipsum armarunt, tanto digni sunt præmio: hi qui fleuerunt, uigilarunt, laborarunt, pugnarunt, & uicerunt tanta digni sunt mercede, quam ego iustus iudex eis *2. Tim. 4.*  
 tribuere debeo: ac propterea eis dico: Venite benedicti Patris mei, possidete paratū uobis regnum a constitutione mundi. Iustus itaque dum in hac uita miseretur, & commodat, causam suam in iudicio discutiendam recte disponit: dum disperdit, & dat pauperibus; dum super paupere & egeno intelligit: propterea paratum est *Mat. 25.*  
*Psal. 111.*

cor eius sperare in Domino : non commo-  
uebitur in æternum : in æterna erit memo-  
ria : iustitia eius manebit in sæculum sæcu-  
li : cornu eius exaltabitur in gloria : ab au-  
ditione mala non timebit : quia quamuis  
peccator uidebit, & irascetur, dentibus fre-  
met, & tabescet : tamen, desiderium pec-  
catorum peribit.

*Agloriosissimo triumpho, quem una cum  
Christo, & omnibus beatis post diem  
iudicijaget. Cap. c.*

**V**Bi sententia in impios lata fuerit, mi-  
seri damnati, qua mente, quo erunt  
animo? quid consilij capient? quid agēt?  
quo se uertent? Supra se iudicem iratum,  
sub se ignem paratum uidebunt : ad unum  
latus Dæmones, ad cruciandum paratos,  
ad alterum creaturas omnes contra se ar-  
matas conspicient : intus vero conscientia  
eos arrodet. Quos tunc clamores, quos fle-  
biles sonos edent? Heu, heu, heu, tunc di-  
cet terra. Tunc seipsos pugnis cædent, un-  
guibus lacerabunt, manibus capillos car-  
pent : tunc pallescent, languescent, toto cor-  
pore contremiscent, & agitant, ac distor-  
quebunt se : Tunc in eos Dæmones insul-  
tabunt : nefanda eis crimina obiicient eos



deridebunt: formis horrificis, ac uocibus  
 perterrefacient: Tunc dicent: Ecce, ut ij,  
 quos insensatos esse existimauius, inter *Sap. 9*  
 Dei amicos computati sunt: nos uero, ue-  
 re insensati, inter angelos diaboli reiecti  
 sumus. Vbi nunc sunt nostrę diuitiæ? ubi  
 nostri honores? ubi nostra commoda? ubi  
 nostræ uoluptates? transiuerunt omnia, pe- *Sap. 5*  
 rierunt omnia, in nostros cruciatus conuer-  
 sa sunt omnia. Maledicta nox, in qua con-  
 cepti sumus: maledicta dies, in qua nati  
 sumus: maledicta mors, quæ nos iam na-  
 tos non sustulit: maledicti parentes, qui  
 nos nutriuerunt. At Dæmones, cruciandi  
 eos desiderio ardentes, dicent: Quid fru-  
 stra lamentamini? Sera, & inutilis est ue-  
 stra pœnitentia, reprobati estis: damnati  
 estis; nostri estis: quid cunctamini? quid  
 moramini? properate iam in ignem æter- *Mat. 25*  
 num, qui & nobis, & uobis paratus est:  
 Atque ita, ignitis catenis, manibus, collo  
 & pedibus ligatis ad æterna supplicia, in  
 stagnum ardentem igne, & sulphure, eos  
 trahent. Hæc beati uidebunt, & audient,  
 & una cum sapientia incarnata ridebunt, *Pröm. 5*  
 ac subsannabunt. Post hæc maximus para-  
 bitur triumphus, in quo iustus una cum  
 Christo in cælum anima & corpore, ui-  
 ctis omnibus inimicis triumphabit, ac no-

uis iterū honoribus, & gaudiis afficietur.

Expurgato itaque hoc uniuerso mundo a  
fæcibus peccatorum, & sordibus omnibus

vna cum impiis in inferni sententiā proie-

ctis, omnia fient noua. Terra noua, mare

nouum, aer nouus, ignis nouus, cæli noui;

lux lunæ erit sicut solis, & lux solis septem-

pliciter, sicut lux septem dierū. Tunc Chri-

sti imperium, potestas, & gloria perfecte

cognoscetur: tunc omne genu ei curua-

bitur: tunc, qui Christo, & regno eius fue-

runt contrarij, eum timebunt, & reuere-

buntur, nimirum gentiles, Iudæi, heretici,

& peccatores omnes: tunc omni ex parte

eius regnum perfectum erit: cum inimici

eius erunt Scabellum pedum eius: & ipse

calcabit torcular vini furoris iræ Dei om-

nipotentis: tunc videbunt impij in femo-

re eius, quem contempserunt, scriptum:

Rex regum, & Dominus dominantium.

Omibus inimicis hunc in modum suba-

ctis, rebus omnibus innouatis, maxima cū

pompa gloriosissimus agetur triumphus.

Crucis lignum, a quo Dominus regnauit,

tanquam insigne, præcedet: Sequentur An-

geli, qui vicerunt in sanguine Agni, patriar-

che, prophetę, & cæteri, qui biberunt de

consequente eos petra. Veniet deinde Im-

perator, & Seruator omnium, suis stipatus

Isa. 30

Apo. 11

1. Pet. 3

Isa. 45

Psa. 109

Apo. 12

Psa. 95

Apostolis. Subsequentur martyres, uirgines,  
 confessores, doctores, & reliqua beatorum  
 multitudo. Qui cantus? quæ laudes  
 hic exaudientur? Qui uoce præbit, dicet:  
 Laudem dicite Deo nostro omnes sancti *Apo. 18*  
 eius, & qui timetis Dominum pusilli, & magni:  
 & tunc audietur uox ueluti tubæ, & aquarum  
 multarum, dicentium: Alleluia: *Psa. 150*  
 Quoniam regnauit Dominus Deus omnipotens.  
 Gaudeamus, & exulemus, & demus gloriam ei,  
 quia uenerunt nuptiæ Agni, & uxor eius  
 præparauit se. Magna, & mirabilia sunt opera tua,  
 Dominus Deus omnipotens: iustæ, & veræ sunt uia  
 tuæ, Domine rex sæculorum. Ecce tabernaculum  
 Dei cum hominibus, & habitabit cum eis,  
 & ipsi populus eius erunt: ipse Deus cum  
 eis erit eorum Deus. Cum autem ad thronum  
 antiqui dierum uentum fuerit, dabitur  
 Filio hominis potestas, & honor, & regnum;  
 & omnes populi, & lingue ipsi interuent:  
 potestas eius, potestas æterna, quæ non auferetur,  
 & regnum eius, quod non corrumpetur. De his  
 autem, qui cum Christo regnabunt, scriptum est:  
 Suscipiet autem regnum Sancti Dei altissimi,  
 & obtinebunt regnum usque in sæculum, & in  
 sæcula sæculorum. Et animaduertentes quã  
 tam gloriam a Deo acceperint, magna uox  
 ce

*Apo. 21**Dan. 7**Apo. 5**Apo. 7*

ce clamabunt, dicentes: Salus Deo nostro,  
 qui sedet super thronum, & Agno: Et mir-  
 tentes coronas suas ante thronum, adora-  
 bunt Deum, ac dicent: Benedictio, & claritas,  
 & sapientia, & gratiarum actio, honor,  
 & uirtus, & fortitudo Deo nostro, in sæcula  
 sæculorum. Amen. Dignus es Domine ac-  
 cipere gloriam, & honorem, & uirtutem.  
*Psalm. 109.* Postremo Angelorum ruinę reparabuntur,  
 & singuli in thronis, & sedibus suis collo-  
 cabuntur, & in perpetuū in cubilibus suis  
 lætabuntur. Ex his ergo, quæ hoc capite scri-  
 pta sunt, quam dispares sint impiorum, ac  
 iustorum fines, satis aperte colligere licet.  
 Illorum miseria & pœna inexplicabilis;  
 horum uero felicitas & gaudium inenarra-  
 bile. Erit erit aliquando, cum impius uide-  
 bit uirum iustum ad dexteram Christi in  
 extremo iudiciō stantem, sententiam feren-  
 tem, in cœlum cum Christo, & infinita illa  
 beatorum acie gloriose ascendentem, ut  
 cum eodem in illo felicissimo regno, per  
 infinita sæcula regnet. Ex his igitur omni-  
 bus, quę per centum capita disputata  
 sunt, qualis ac quāta, sit uiri iusti dignitas,  
 præstantia, atque felicitas, aliqua ratione  
 cognoscere licet: qui, antequam nascere-  
 tur, fuit a Deo speciatim cognitus, dilectus,  
 & præsignatus: In natiuitate, uera nobilita-  
 te,

te, diuino statu, amplissimis titulis, donatus; & in uita omni bonorum genere, ueris diuitiis, vera pulchritudine, vera sapientia, & scientia, omnibusque uirtutibus naturalibus, & diuinis exornatus, & ppolitus, atque ab optimo magistro, instructus: qui amicis, & familiaribus optimis utitur: qui amplissimis honoribus, & laudibus ob maximas uictorias, ob præclara facinora, exornatur: qui in morte felix, post mortem felicissimus existit: cui denique omnia prospere, & feliciter succedunt: ut nullam vel perfectionis, vel laudis, vel felicitatis rationem ante uitam, in uita, & post uitam excogitare possis, quam in uiro iusto tibi reperire non liceat. Laudentur ergo uiri iusti, uiri uirtute abundantes, pulchritudinis studiosi, pacis amatores, & in generationibus suis gloriosi: quorum corpora in pace sepulta sunt,

Ecci. 44

& nomen eorum uiuit in generationem

& generationem. Sapientiam ipsorum narrent populi, &

laudem eorum nuntiet Ecclesia.

Appen-

Appendix, qua demonstratur facile esse  
iustitiam acquirere, & Chri-  
stiane viuere.



*V*anta sit iustorum dignitas, qui-  
bus laudibus celebrandi sint,  
quam felix sit ipsorum status,  
hac nostra Cēturia ut potuimus,  
non vt res ipsa, quod ingenue fa-  
temur, postulabat, demonstraui-  
mus. Quod si  
quis ex his, quæ a nobis scripta sunt, non  
modo ad prædicandos, & honorandos viros ius-  
tos, verumetiam ad iustitiam acquirendam  
excitati sunt, sed quia rem omnino difficilem  
esse putant, & difficultate perterriti, tam illu-  
strem, ac necessariam provinciam aggredi ti-  
ment; conabor ipsorum causa, hac appendice  
huic impedimento breuiter occurrere. Licet er-  
go non negem ad iustitiam, vel acquirendam,  
vel conseruandam non mediocri opus esse con-  
tentione: tamen, id etiam affirmo, rem non esse  
ita difficilem, vt non sit verum, quod ipsa ve-  
ritas dixit: Iugum meum suauē est, & onus  
meum leue: ut multo difficilius esse putem,  
turpiter, quam honeste viuere: quod hac appen-  
dice breuiter demonstrare tentabo: quo fiet,  
ut hic diuinus status a facilitate iterum laude-  
tur; & homines ad illum acquirendum adhuc  
magis excitentur. Præstantissimus gradus est  
impera-

*Matt. 11.*



imperatoria dignitas; sed cum difficile, & a  
 paucis acquiri possit, pauci sunt, qui ad eum  
 contendunt: at si, ut ex iam dictis constat, iusti-  
 tiæ status est longe præstantior, si etiam facile  
 acquiri poterit; quis erit tam iners, ac demens,  
 qui acquirere nolit? sed iam rem aggrediamur  
 ipsam. Iustitiæ Christianæ substantia atque na-  
 tura, consistit in gratia, quæ est donum Dei; ad Rom. 7.  
 quod dandum Deus est paratissimus; & non  
 potest, non dare; cum se daturum promiserit.  
 Ego Deus, & non mutor; hoc est, promissa fa- Psalm. 83.  
 cio: ideo legimus: Gratiam, & gloriam dabit  
 Dominus: ad quam accipiendam omnes inui-  
 tat, cum per prophetam ait: Omnes sitientes Isa. 55.  
 uenite ad aquas, & qui non habetis argentum  
 properate; emite, & comedite: uenite, emite Apo. 2.  
 absque argento, & absque ulla commutatione  
 vinum, & lac. Conuertimini ad me, & salui Isa. 45.  
 eritis omnes fines terræ: Nolo mortem pecca- Eze. 18.  
 toris, sed ut magis conuertatur, & uiuat. Et, ne  
 pluribus rem apertissimam confirmemus, cer-  
 ta fide tenendum est, Deum gratiam dare uel-  
 le, eamque accipere uolentibus dare. Restat  
 ergo, ut homo ad eam recipiendam se disponat;  
 quod Deus ab hominibus requirit, cum ait:  
 conuertimini ad me. Siquidem sapiënter a quo Eze. 33.  
 dam sancto scriptum fuit: Qui fecit te sine te,  
 non saluabit te sine te. Hæc dispositio, quæ  
 gratiam, qua homo fit iustus præire debet; par-  
 tim

tim ab auxilio p̄det diuino, partim uero a con-  
sensu, atq; conatu humano. Quod Deus id præ-  
stet, quod ipse præstare debet, ut humana mens  
sufficienter ad gratiam excipiendam præpare-  
tur, exploratissimum est: quia, stat ad ostium;  
Apo. 3. & pulsat: quotidie inuitat, uocat, atque auxi-  
Isa. 5. liorum efficientia impellit: ita ut dicat: Quid  
est quod debui ultra facere vineæ meæ: & nō  
feci? & alibi: Perditio tua ex te Israel. Ita-  
que die iudicii, singulis, qui sua culpa damna-  
buntur, Deus dicere poterit: Quid ultra de-  
bui facere ad saluandum te, & non feci? Nul-  
la ergo ex parte Dei, qui est infinite bonus, po-  
tens, & sapiens; & ideo uult, & potest, &  
Sap. 1. scit hominem saluare, & nihil non efficit, ut  
saluet, cum eum hac de causa creauerit, & de  
hominum morte non delectetur, erit dubitatio,  
vel difficultas. Restat igitur, ut demonstremus  
rem esse factu facilem ex parte hominis. Via  
qua ad hunc iustitiæ statum peruenitur, est di-  
uinorum præceptorum custodia: qua præce-  
pta seruari non posse, nemo qui recte sapiat,  
Mat. 19. dicere audebit. Etenim, a ueritate æterna di-  
Mat. 11. ctum fuisse legimus. Iugum meum suauē, &  
onus meum leue. Et alibi. Mandatum hoc, quod  
Deut. 30. ego præcipio tibi hodie, non supra te est, neque  
procul positum, nec in cælo situm, ut possis di-  
cere: Quis nostrum ualeat ad cælum ascendere  
ut deferat illud ad nos, ut audiamus, & opere  
comple-

compleamus? &c. Quid clarius? quid aper-  
 tius dici potest? Quis ergo affirmare audebit,  
 Deum tanquam insipientem, & iniustum homi-  
 num cervicibus onus imposuisse, quod ferre  
 nequeant? Denique, lex gratiæ, est lex amo-  
 ris: & ad quid homo est magis inclinatus, atq;  
 propensus, quam ad amandum? & quid dul-  
 cius, & facilius est, quam amare? præsertim  
 Deum, ad quem amandum, natura nos impel-  
 lit, & sexcentæ rationes mouent: quem, qui  
 amabit, amabit etiam proximum eiusdem na-  
 turæ participem, & ad eundem finem factum;  
 quem qui non amat, ex hominum numero rei-  
 ciendus est. Via igitur plana est, & si Dei au-  
 xilia, & naturæ propensionem spectes, haud  
 difficile pertrāsiri poterit. Vis cognoscere, o ho-  
 mo, te maxima momenta habere ad bene, bea-  
 teque uiuendum? animaduerte initia, & semi-  
 na illa tibi a Deo, qui illuminat omnem homi-  
 nem venientem in hunc mundum, indita; na-  
 tiones uidelicet illas, per quas certissime quæ-  
 dam cognoscis, ac omnino uis: ex quibus notio-  
 nibus, tanquam ex quibusdam fontibus, om-  
 nibus honesta dimanat operatio. Ut ecce: bonū  
 esse amandum: honestum esse amplectendum:  
 quod tibi non uis, alteri ne feceris. Quibus  
 luminibus, si quis uteretur, omnia præcep-  
 ta opitulante Deo, facile seruaret, Diuinum  
 numen coleret, parentes honoraret, alienum

Ioh. 1.

Psal. 4.

non furaretur, nullam denique iniuriam cui-  
 piam faceret. Hac, si quis custodiret praecep-  
 ta, & quantum in se est, præstaret, procul-  
 dubio gratiam consequeretur; quam facienti  
 quod in se est, Deus utique concedit. Ad hæc,  
 quibus nam rebus homines in hac vita capiun-  
 tur? quæ facile amant, ac sequuntur? nonne ea,  
 quæ, vel utilitatis, vel voluptatis, vel hone-  
 stis aliquam speciem habent? his enim rebus  
 tota vis boni, quod omnes necessario amant, cō-  
 tinetur: quæ omnes boni partes in una recta  
 viuendi ratione, in iustitia, & vita Christiana,  
 clauduntur. Nam, quid utilius? quid iucun-  
 dius? quid honestius inueniri, aut excogitari  
 potest, quam ex uirtute viuere? quam Deum  
 timere? quæ in re, & honestas, quod negari  
 minime potest, & utilitas, quod etiam stul-  
 tissimus quisque fateretur, & delectatio sum-  
 ma, ut ex his, quæ iam scripsimus patet, con-  
 tinentur: ut uere philosophi dixerint, unam  
 uirtutem esse bonum, per se honestum, utile,  
 & delectabile. Cum ergo omnia bona in una  
 uirtute & in uno iustitiæ statutibi proposita  
 sint cur iustitiam acquirere omnino arduum ej-  
 se existimabis? cum ad bonum amandum, na-  
 tura te inclinet: immo uelis, nolis te impel-  
 lat; cur non amabis bonum in quo omnis ratio  
 boni inclusa est? Dic? quid facilius est, aut  
 cum suauitate, naturæ propensionem sequi,  
 aut

aut contra naturæ vim, contendere velle? Sed  
dices: natura est vitata: & sensus, & cogi-  
tatio humani cordis in malum prona sunt ab *Gen. 3.*  
adolescencia sua. Fateor, naturam non habe-  
re eam vim, quam habuit, cum a Deo creata  
fuit; sed tamen, non est corrupta, licet sit debili-  
tata: Nam, si vim intelligendi spectemus; no-  
tiones & prima a natura insita lumina in qui-  
bus est vis maxima, si quis illis utatur, clara  
sunt, extinguere non possunt, aliquam lucem  
præbent. Habes deinde diuinam legem, quæ *Psal. 118.*  
est veluti lucerna pedibus tuis, quæ tibi viam  
ostendit, & quo iturus sis indicat. Habes po-  
stremo lumen fidei, de quo scriptum est: In lu- *Psal. 35.*  
mine tuo videbimus lumen. Si voluntatem spe-  
ctes, voluntas in bonum fertur, idque neces-  
sario appetit. Quod si ullum bonorum genus  
appetere debet, maxime illud, in quo tota vis  
boni, honesti, utilis, & delectabilis sita est.  
Sustentatur deinde multis auxilijs, de qui-  
bus dicitur postea. Postremo, vt primi parē-  
tis peccatum naturam debilitauit, ita Christi  
meritum eam instaurauit; & superabunda- *Rom.*  
uit gratia, ubi abundauit delictum. Quare,  
qui ea muniti sunt, dicere possunt: In Deo meo  
transgrediar murum: Non timebo millia popu- *Psal. 17.*  
li circundantis me; Omnia possum in eo, qui *Psal. 3.*  
me confortat: Plures sunt pro nobis, quā con- *Phil. 4.*  
tra nos. Non igitur destitute sunt vires, qui-

*bus ad bene agendum opus est; intelligendi uidelicet, & appetendi facultates. Itaque animaduerte, ne dum naturam excusas, vel excusas, erres. Quia fortasse, tu eam malis habitibus deprauasti; dum uarijs flagitijs ab adulescētia tua operam nauasti, quibus, ad malum pronior, & ad bonum ineptior redditur: & ideo dicitur, prona ab adolescentia: quia ab hac usq; etate homines male agere incipiunt, ac proinde eam inflectunt, & ineptiorem ad honeste uiuendum reddunt. Remoue ergo uicia, quæ non sunt naturæ, sed tuæ; & tunc senties, an ad uirtutem sis propensus; an natura iustitiam sitiāt. Habes alas, & uolare nequis; & quid mirum, si ad pedes pondus ligasti? solue ligamina, remoue pondera, & uidebis, an natura te ad bonum inclinet. Vide deinde quibus auxilijs debilitatam naturā Deus sustentet: pijs libris, sacris literis, uarijs sacramentis, concionatoribus, patribus spiritualibus, tribulationibus, afflictibus & singularibus gratijs; ad summam, ita iuuat, ut trahere, compellere, & cogere dicatur. Mitto hoc loco, Angelorum, & sanctorum, ac totius Ecclesiæ orationes: mitto priuatam curā Angeli custodis, qui nihil non agit, ut te iuuet: mitto præsidia maxima & efficacissima beatissimæ semper Virginis; quæ talia ac tanta sunt, ut quidam dixerit eum non posse perire,*

qui



qui ab hoc peccatorum refugio, non fuerit de-  
 spectus: ab hac pia Matre, quæ contra nostros  
 inimicos est terribilis, ut castrorū acies ordina-  
 ta: quæ est mater pulchræ dilectionis, & ti-  
 moris, & magnitudinis, & sanctæ spei, quam  
 qui inuenit, inueniet uitam, & hauriet salu-  
 tem a Domino. Ad sunt ergo auxilia, & qui-  
 dem maxima. Quid igitur tot auxilijs, pio-  
 rum uiroꝝ, Ecclesiæ, sanctorum, Angelo-  
 rū, beatæ Virginis, Christi, & Dei fulctus, tā-  
 ta spenixus, rem tanti momenti, in qua de  
 veris diuitijs, de regno, de honore, de fama,  
 de vita & de gloria æterna agitur, non aggre-  
 deris? Si difficultas te retardat, cur tanti bo-  
 ni magnitudo, non te impellit? sines te ab ini-  
 micis, fallacibus bonis trahi; ab amicis autē,  
 & a Deo, veris bonis moueri non permit-  
 tes? Nec te honesti labor deterreat, quin be-  
 ne agas: Quia, honesti labor abit, ipsum vero  
 honestum permanet: neque voluptas, quæ ex  
 turpi capitur, te moneat: quoniam voluptas  
 volat, & turpitudinis macula animo heret.  
 Breui, & turpi, falsaque voluptate deceptus,  
 immensi, & æterni boni iacturam facies? plu-  
 ris fugax solatium, cuius statim te pænitebit,  
 quam honorem, & famam, beatitudinemq;  
 & Deum denique ipsum pendes? Tanti emes  
 vnum pænitere? hoc est, tantum detrimenti,  
 ob vnum peccatum,, cuius statim te pænitebit

Can. 4.  
 Ecc. 24.  
 Pro. 8.

capies? Propterea quidam sapiens, sapienter monebat; ne quis gustare uellet eorum, quæ causam habent nigram, ut omnes falsæ uoluptates habent, quarum finis mestitiam semper affert. Voluptas monstrum est, cuius primus aspectus est fucata mulieris, reliquum vero corpus, horridi serpentis: allicit te prospectu primo, ut postea, cauda te inuoluat, & ueneno inficiat. Specta igitur hoc monstrum, hoc est uoluptatem, non uenientem, sed abeuntem; auerte oculos a fucata facie, & cerne caudam, & fugiendam esse iudicabis, eam, quæ te captatum venit. Quamobrem, cum Deus tibi presto sit, cum te præueniat, cum natura non sit destituta, cū auxilia non desint, cur rem non aggredieris? quid cunctaris? Times ne fortasse inimicos? eorum te terret potentia? sed nihil est, cur eos timeas. Nam, si de mundo loquamur, in primis, fidem habes, per quam sancti vicerunt regna, & mundum; qua cum, tu itidem uincere poteris. Deinde, mundus iam victus est: confidite, inquit Imperator tuus; ego uici mundum. Quid ergo uictum inimicum times? cur a uicto ne vincaris formidas? non te pudebit uicto hosti victas manus dare? Preterea, si omnia quæ tibi hic salax inimicus pollicetur, omnes uidelicet honores, omnes dignitates, omnes opes, & mundum ipsum lucratus fueris, quid tibi proderit, si

Hebr. 11.  
1. Ioa. 5.  
Ioa. 17.

*si animę tuę detrimentum patieris? Repetē* Mat. 16.  
*memoria, honores Pompei, dignitates Cęsarıs,*  
*gloriã Alexandri, diuitias Crassi, delicias Sar-*  
*danapali, & uide, quid illis hac profuerint.*  
*Cogita sententiam sepe cogitatione tractandã,*  
*quam diuus Hieronymus literis commendauit:*  
*Omne quod aliquo fine clauditur, uanum pu-*  
*to. Cum ex hac uita abibis, non ne omnia e ma-*  
*nibus decident? non ne omnia ab oculis euane-*  
*scant? nihil nihil, tunc inueniens in manibus*  
*tuis. Dic cum Salomone, qui omnibus commo-*  
*dis, & bonis, quę desiderari possunt, vsus fue-*  
*rat, in quibus omnibus vanitatem reperit:* Ecc. ult.  
*Vanitas vanitatum, & omnia vanitas, præter*  
*quam timere Deum, & eius mandata serua-*  
*re: hoc enim est omnis homo, id est, hac vna re* Ecc. ult.  
*perficitur homo; & qui hoc vnum adeptus est,*  
*quidquid in hac vita est boni & pulchri, quid-*  
*quid est honesti, utilis & delectabilis, habet.*  
*Siquidem in hoc timore, in hac iustitia, ut ex*  
*his quę per centum capita a nobis disputata*  
*sunt constat, omnia continentur bona. Conuer-*  
*te tu oculos ad eas voluptates, ad eaque com-*  
*moda, quibus hætenus vsus es: ubi nunc sũt?*  
*nonne abierunt? & ut ista euauerunt, ita*  
*etiam, ea quibus nunc potiris, & posthac po-*  
*tieris, euanescent. Quem nunc fructum capis* Ro. 6.  
*ex voluptatibus iam captis, nisi erubescentiã,*  
*& dolorem? si omnes homines, qui ab Adam,*

ad hanc vsque horam mortui sunt, interrogantes, quid de hoc mundo sentirent; quid putas responderent? vno, mihi crede, ore, dicerent: 1. Ioan. 2. Vanus est mundus; & quæ in eo sunt, ambitio, opes, & fœda voluptas, vanissima. Quoties legimus homines, qui in hac vita omnium rerum copia muniti, & omni honorum genere ornati fuerunt, ubi ad extremum vitam venerunt, oculis mentis, quos prius clausos habuere apertis, mundi vanitatem vidisse, ac exclamasse: O mundum vanum? sed in vani, vani homines, mundi vanitatem in extrema hora cognoscunt. Larvatus est mundus, remouende sunt larvæ, ut eius vanitas melius videri queat. Facile igitur tibi erit, hunc vanum vincere inimicum: quem, qui non vincit, vanus omnino est, & cerebro utitur vano. Verum, si quis mundi causam agere vellet, dicere posset, mundum non esse vanum; sed homines ipsos vanos esse, qui volunt in mundo ea reperire, quæ in eo non sunt, & mundum id præbere recedunt, quod non habet. Neque enim vani sunt honores, neque diuitiæ, neque corporis bona; si quis, hæc ita amet, ut amari debent, & ita us utatur, ut oportet. Sed, de hac re latius differendi non est hic locus. De diabolo: Diabolus, is est inimicus, qui non potest vincere; nisi volentem uincere eius vires debilitate sunt eiectus est foras: si quid potest in potestatem quantum

Deus ei permittit : qui non sinit suos tentari *su* *11. Cor. 13*  
 pra id , quod possunt . Tentatio est extrinseca ;  
 proponere occasionem potest , mouere ad pec-  
 candum non potest . At Deus , ad bene agen- *Luc. 14.*  
 dum , te vocat , te mouet , te impellit . Quid *Matt. 4.*  
 ergo potius Demoni , quam Deo consentis ? De-  
 mon tibi diceret ; mitte te deorsum ; cade , & ado-  
 ra me ; & iniquum hostē tam magnum casum  
 proponentem , et ruinam tuam quarentem , au-  
 dies ? Deo , te ad cælum , & ad participationē  
 diuinitatis excitanti , & vocanti , & impel-  
 lenti non obedies ? Adest tibi Angelus custos ,  
 cui mandatum est , ut custodiat te ; adest Chri- *Psal. 135.*  
 stus , adest Deus , cuius tutela suilctus , dic-  
 cum Iob : cuiusuis manus pagnet contra me .  
 Non potuit Daemon absque facultate a Christo *Iob. 17.*  
 concessa in porcos ingredi ; poterit fortasse ,  
 ni tu volueris , te perdere ? Viliissimus hostis *Luc. 8 .*  
 est Daemon , si ei frontem ostendas ; si eius pri-  
 mis insulubus resistas . Allatrat , sed non mor-  
 det : rugit , sed non deuorat : cibum porrigit , *Psal. 30.*  
 sed non cogit : inuitat , sed non impellit : &  
 tandem non uincit , nisi volentem . Super aspi-  
 dem ergo , & basiliscum ambulabis , & con-  
 culcabis leonem , & draconem : cadent a late-  
 re tuo mille , & decem millia a dextris tuis , si  
 praesidijs tibi concessis uti volueris . Restat ca-  
 ro ; qui inimicus , eo magis est timendus , quod  
 est domesticus , & internus . Hunc inimicum

vinctes, si semel intellexeris, quam turpe sit,  
 animam natura præstantissimam, & carne  
 longe nobiliorem, carni inservire: quod face-  
 re, est more belluarum uiuere. Sunt deinde in  
 promptu, uigilie, labores, & ieiunia, quibus  
 carnis motus comprimuntur, & perturbatio-  
 nes frænantur. Dic præterea carni te ad vitia  
 excitanti: expedit tibi, o caro, ut spiritui in-  
 seruias: Vita siquidem longiore, & iucundio-  
 re vteris; & ab æternis cruciatibus libe-  
 raberis: si paululum sustinebis, in æternum  
 summis voluptatibus perfrueris. Seruiat igi-  
 tur caro spiritui, corpus animo, ancilla domi-  
 ne: homo hominem uiuat, non bestiam. Am-  
 plius, ut semel intelligas, utra sit difficilior vi-  
 uendi ratio viri boni, an improbi; pone tibi ob o-  
 culos duos, quorum alter Christo, alter mundo  
 seruiat, & utriusque labores specta; & vide-  
 bis longe difficilius esse mundo quam Deo ser-  
 uire, & nequiter agere, quam studiose uiue-  
 re. Nam, si quis velit, gratia exempli, iniu-  
 riam ulcisci: quid laboris non suscipit? quos  
 sumptus non facit? quas curas de die, ac de no-  
 cte non sustinet? ubi, & quando non angitur?  
 non discruciat? quibus periculis honorem,  
 & uitam non exponit? his omnibus uacat cu-  
 ris, & laboribus, qui honeste uiuit. Quid, dic  
 obsecro, difficilius est, an oratione, labore,  
 exercitatione, & sacramentorum usu surgen-  
 tem



tem cupiditatem comprimere, an velle illam  
explere? Postea, hac vna re, iustitiæ iter mihi  
facilimum videtur; si quis humilitatem am-  
plectatur; quam quis est, qui amplecti non pos-  
sit. Facilius est honores despiciere, quam eos se-  
qui: facilius est contentum esse paruo, quam  
multa comparare velle: facilius est sinere se  
regi, quam regere: facilius est pati omnes  
anteire, quam velle alios antecellere: & de-  
num facilius est in infimo sedere loco, quam  
superiorem occupare velle. Hanc viam qui in-  
gressus fuerit, in eaque perrexerit, proculdu-  
bio ad statum iustitiæ perueniet. Hac vna via  
sancti ad summum perfectionis gradum con-  
scenderunt, Abraham, Ioseph, David, Paulus,  
Beatissima semper Virgo, & quotquot fuere  
sanctitate illustres. Suscitatur Deus inopes, ele-  
uat afflictos, suscipit humiles, extollit oppres-  
sos: Moysen ex aquis, Iosephum ex carcere, Exo. 1.  
Davidem ab ouium custodia, Apostolos a pi-  
scatu, ad summos gradus euexit. Vt merito, ali Psal 112.  
quando regius Propheta cecinerit: Quis sicut  
dominus Deus noster, qui in altis habitat, &  
humilia respicit in cælo, & in terra? Et beatif- Iac. 1.  
sima Virgo: Deposuit potentes de sede, & exal-  
tauit humiles. Postremo, hæc vna ratio homi-  
nem quantumuis improbum ad iustitiam acqui-  
rendam, ac retinendam impellere deberet;  
quod nemo est tam sibiipso inimicus, qui noller  
beati-

beatitudinem assequi; quam, sine bonis operi-  
 bus, ut omnes norunt, acquirit nemo: quæ bona  
 opera, omnes in fine uitæ se fecisse vellent, &  
 si per tempus liceret, omnes facerent. Si ergo  
 uelles in extrema uita multa fecisse opera, quæ  
 tunc facere nō poteris; cur dum tempus adest,  
 dum riget ætas, dum occasio datur, cum quan-  
 tum absis a morte ignores, tuæ salutis, bene agē-  
 do, non consulis? manipulos non colligis? non  
 laboras, ut manducare possis? Si nunc te non  
 posse bene agere dicis, & rem in longum pro-  
 trahis, quo modo bene ages, cū viriſ eris onu-  
 stus? cū vires te deficient? cū ætas, curæ, dolo-  
 res, & ægritudines te impediēt? Cras, fuge cor-  
 rupti: si non es hodie, cras minus aptus eris. Eia,  
 age, rumpe moras: semper nocuit differre para-  
 tis. Mors certa, tempus incertū: res per magnū  
 interest. Quid igitur cessas, o miser peccator?  
 Deus te iuuat, Christus te vocat, beati te inui-  
 tant, natura te inclināt, auxilia te sustentant,  
 boni propositi delectatio te allicit, utilitas te  
 mouet, honestas te trahit; & adhuc immobilis  
 persistes? adhuc dormitabis? Rem ergo tanti  
 momenti, carissime frater, diuino fretus auxi-  
 lio aggredere, & ad eum statum peruenies,  
 quem per tot capita explicare, & laudare co-  
 nati sumus: quem si quis vno verbo explica-  
 re, & predicare velit, dicat; & vere, mea qui-  
 dem sententia, dicet; Hic status cuiusmodi est,

ut humana facultate explicari, & laudari  
 pro dignitate non queat? Quod si tandem hoc  
 iustitiae iter ingredi vis, & quid tibi facien-  
 dum sit scire cupis, breuiter dicam. Primum,  
 in quo fere sunt omnia, ut semel efficaciter ue-  
 lus, opus est: quia, sic volenti, nihil est difficile.  
 Deinde aliquem spirituales patrem, qui te in-  
 struat, cui omnia communices, cui te totum  
 tradas, habeas oportet: sed caue, in hominem  
 tepidum incidas. Postea ita quotidie in hac uia  
 progredi debes, ac si esset primus, uel postre-  
 mus dies; ut nunquam feruorem remittas: quia  
 in hac uia non progredi, est retrogredi. Insu-  
 per, existima te omnia mala perpeffurum: at-  
 que tibi patientia opus esse, quae est antidotum  
 uitae. Denique, nunquam putabis, te a Deo de-  
 relictum esse, cum uel tribulationes urgebunt;  
 uel sine gustu spirituali, etiam si longo tempo-  
 re id contingat, uiues; modo, a lethali culpa  
 absis: quando quidem uita christiana perfectio,  
 non est in gustu spirituali sita: Propterea, nun-  
 quam, quod multi faciunt, hanc ob causam a  
 uia spirituali recedes. Placet, antequam finem *Idiota.*  
 facio, regulas quasdam, quas apud piū scri-  
 ptorem legi, hic breuiter adscribere, quae iuste  
 uiuere uolenti multum prodesse possunt. 1. si  
 dura uidetur uirtutis uia, cogita in omni ge-  
 nere uita multos esse labores, & longe plures  
 in turpi uita. 11. In rebus mundi diutius la-  
 boratur

boratur, quam in uita christiana: & ibi, finis laborum est labor, hic uero quies. **II.** Stultum est, uelle peruenire ad cælum, sine labore; cum etiam Christus per labores in gloriam suam intrauerit. **III.** pugna spiritualis ea est, ut etiam sine spe premiij ferenda sit. **IV.** nemo ex se potest uincere, & ideo petendum est auxilium. **V.** ubi una tentatio uicta est, expectanda est alia; ita ut semper uigilare oporteat. **VI.** non solum satis est, non uinci; sed curandum est, ut uincas, idest ut ex tentatione occasionem sumas uincendi, aliquid utilitatis ex ea capiendo. **VII.** cum pugnatur cogitandum est de uictoria; & cum in pace uiuitur, de bello. **IX.** occasiones peccati fugiende sunt: quia qui amat periculum in illo peribit. **X.** tentatio reiicienda est a principio; & paruuli baby

**Ecci. 3.** lonis allidendi, idest suggestiones frangendæ sunt. **XI.** Si pugna uidetur a principio amara, cogita dulcedinem uictoriae, & dolorẽ, quo si te fines uinci cruciaberis. **XII.** licet tenteris, & Deus non statim accurrat; nunquam putes te ab eo esse derelictum. Vbi autem uiam iustitię ingressus fueris, ne ab ea unquam grauer peccando recedas, quando peccandi occasio sese offert, quæ subijciam, ea cogitare poteris; quæ te a peccato, facile retrahent. Cum igitur aliqua peccandi cogitatio suboritur, hæc tibi occurrant. Voluptas breuis: Comites, fastidium, & pæ-

& pœnitentia: Iactura maioris boni: Vita somnus, & umbra: Mors instans, & improvsa. Suspicio impœnitentię. Aeternum præmium, & æterna pœna: Hominis dignitas. Pax bonę mentis: Dei beneficia: Christi crux: Testimonium sanctorum martyrum. Et hæc breuiter de facili via Christianę uitę, & de regulis ad ingrediendum in eam, atque in eadem perseverandum dixisse uolui. Faxit Deus opt. max, ut, uel semel, in ipsius gloriam, & proximi utilitatem cedant.

Laus Deo, & B. Virgini Annunciatę.



1.004.988

# INDEX RERVM MEMORABILIVM



<i>Martis condiciones.</i>	92
<i>Amari quid sit.</i>	5
<i>Amici iustorum qui sint.</i>	174
<i>Amatores animæ impię, qui.</i>	28
<i>Amicitia vera inter Deū &amp; iustū.</i>	175
<i>Amicitia effectus.</i>	175. 178
<i>Amicitia Dei præstantia.</i>	177
<i>Amicitia diuina utilitates.</i>	166
<i>Amico vero nihil dulcius.</i>	174
<i>Ameris diuini vis.</i>	93
<i>Anima iusti anomodo regina.</i>	10
<i>Angeli cur dicantur simplices.</i>	95
<i>Anima iusta valor quantus.</i>	27
<i>Anima impij cuius sit receptaculum.</i>	26
<i>Antiquitas Christiana reip.</i>	159
<i>Aulicorum vita quid.</i>	171
<i>Auxilia ad bene viuendum qua homo habeat.</i>	223

## B

<i>Beatitudo in quo sita.</i>	205
<i>Beatitudo quid.</i>	118
<i>Beatitudinis laudes &amp; magnitudo.</i>	216
<i>Bonitatis substantia in quo sita.</i>	101
<i>Bonis externis quomodo utendum.</i>	98

## C

<i>Carietatis præceptum, qui nouit, omniā nouit.</i>	38
<i>Caro quomodo vinci possit.</i>	298
<i>Castitatis laudes</i>	73. 89
<i>Christiana resp. omnes alias superat.</i>	160
<i>Christiana iustitia, quantum a iustitia politica differet.</i>	75
<i>Christiana iustitia quid requirat.</i>	98

Chri-



# I N D E X

<i>Christiana iustitia vis.</i>	111
<i>Christiana iustitia effectus, &amp; descriptiones.</i>	71
<i>Christus laudabit iustos die iudicii.</i>	127
<i>Christus est seruus iusti.</i>	173
<i>Ciuitas Dei iustus.</i>	26
<i>Cælum expugnatur a iusto.</i>	38
<i>Comparatio iusti &amp; impij.</i>	31
<i>Comparatio gloria iusti, &amp; imperatoris.</i>	118
<i>Corpora sanctorum qualia.</i>	210

## D

<b>D</b> <i>Ecor anime quantus.</i>	121
<i>Dei receptaculum homo.</i>	36
<i>Descriptio status piorum.</i>	88
<i>Dæmones, quibus armis aggrediatur morientes.</i>	203
<i>Deus est seruus iusti.</i>	173
<i>Deus quomodo iustum diligit.</i>	46
<i>Deus ab æterno omnia cognouit.</i>	1
<i>Deus priuè iustos cognoscit.</i>	1
<i>Deus facit, quæ iustus vult.</i>	176
<i>Deus liberat iustos a tribulatione.</i>	32
<i>Deus omnia amat.</i>	3
<i>Deus mansuetos respicit.</i>	86
<i>Deus quàm rectitudinem amat.</i>	120
<i>Deus patientia delectatur.</i>	62
<i>Deus est pater iusti.</i>	7
<i>Deus non amat omnia aqualiter.</i>	3
<i>Deus amat simplices.</i>	97
<i>Deus iustum instituit.</i>	163
<i>Deus iustos honorat.</i>	107. 108
<i>Deus pugnat pro iustis.</i>	57
<i>Deus nihil non efficit ut homo saluetur.</i>	831
<i>Deus quos libros proponat iusto.</i>	164
<i>Dæus quibus det sapientiam.</i>	41
<i>Deus est paratissimus ad dandam gratiam.</i>	231
<i>Dixit et cetera in quibus consistant.</i>	128
<i>Dixitarum iusti, &amp; impij comparatio.</i>	128

Deus

# I N D E X

Dies natalitius iusti qualis.	11
Diuitia iusti qua.	128
Diuina praecepta seruari possunt.	231
Diuina praecepta, qui seruat gratiā consequitur.	232
Differentia impij, & iusti in amādo proximo.	94
Dominium iusti ubi sit. 79.	
Dona gratis data cū iustitia cōparata nihil unt.	128

## E

Ecclesia est mater iusti	7
Effectus humilitatis	65. 66
Effectus caritatis, in iusto	91
Effectus iustitia	198. 231. 229
Exemplum fortitudinis iusti, & impij	81
Exempla perfectionis iustorum	15. 54
Exempla obedientia creaturarum erga iustum	137
Exempla caritatis	20
Exempla reuerentia erga iustos	110
Ex sui ipsius cognitione, qua oriuntur	44
Exempla constantia.	53
Exempla orationis.	181

## F

Familiaritas iusti cum Deo cur contemptum non pariat.	181
Fides quid sit, & quid prester.	33. 84
Fides quomodo utilitatem afferat.	83
Fide duce, quid iustus efficiat.	83
Fidei effectus.	82
Fidei definitionis explicatio.	84
Fides peccatoris quid sit.	84
Fiducia iusti.	55
Figura iusti descriptio.	121
Figura quibus totus status viri iusti premonstratus fuit.	6
Fides, qua in iusto reperitur	82
Fides, qua sit in impio.	83

Gaudium

<b>G</b> Audire verum in solis iustis . . .	104. 103
<b>G</b> audium verum ex quo oritur . . .	102. 103
<b>G</b> loria iustorum quanta . . .	116
<b>G</b> ratia dispositio a quo proueniat . . .	231
<b>G</b> ratia gratis data qua sint . . .	126

H

<b>H</b> ominum communis miseria . . .	16
<b>H</b> omines ad iustitiam naturaliter inclinantur . . .	232
<b>H</b> onorem iustorum quomodo Deus defendat . . .	109
<b>H</b> onoris causa . . .	107
<b>H</b> umilitas maxime laudatur . . .	64
<b>H</b> umilitas quanti fiat a Christo . . .	64

I

<b>I</b> maginis Dei quomodo sit in impio . . .	19
<b>I</b> mpedimenta aliqua in iustis cur non damnanda . . .	148
<b>I</b> mpius Deo, & hominibus odio est . . .	1
<b>I</b> mpij obscuro, & vituperabilis . . .	110
<b>I</b> mpius non vere uiuit . . .	210
<b>I</b> mpius uera prudentia caret . . .	48
<b>I</b> mpij consilia aduersus iustos . . .	94
<b>I</b> mpiorum figura . . .	121
<b>I</b> mpij nulla creatura libenter seruit . . .	138
<b>I</b> mpius est Adam uetus . . .	32
<b>I</b> mpij pro merito uituperari minime possunt . . .	114
<b>I</b> mpius uidetur homo & non est . . .	46
<b>I</b> mpij qua accidunt post mortem . . .	14
<b>I</b> mpius cuius sit templum . . .	24
<b>I</b> mpius cur omnia percontescat . . .	46. 54
<b>I</b> mpiorum descriptiones . . .	15
<b>I</b> mpius est ipsa inobedientia . . .	73
<b>I</b> mpius semper vincitur . . .	60
<b>I</b> mpius filius diaboli . . .	195
<b>I</b> mpij imbecillitas . . .	59
<b>I</b> mpij vestes, ac cibi . . .	33
<b>I</b> mpij parentes . . .	8

# I N D E X

<i>Impij canticio .</i>	39
<i>Impij sarius mundi scoria .</i>	32
<i>Impij nomina .</i>	33. 34
<i>Impudici hominis actiones .</i>	73
<i>In obedientis descriptio .</i>	81
<i>Inobedientia effectus .</i>	78
<i>Imbedientis effectus .</i>	81
<i>Iudicij dies quam iocunda iustis , &amp; misera peccato- ribus .</i>	226. 227
<i>Iustitia nomina .</i>	74
<i>Iustitia fructus .</i>	86
<i>Iustitia vera est scientia .</i>	40
<i>Iustitia effectus .</i>	74
<i>Iustitia quid sit , &amp; quid significet .</i>	75
<i>Iustus a consilio pater appellatur .</i>	49
<i>Iustus cur liber sit .</i>	168
<i>Iustus cur semper secunda veatur fortuna .</i>	148
<i>Iustus quodam modo Deum cogit .</i>	58
<i>Iusti opus quid efficiat .</i>	119
<i>Iusti operis valor .</i>	118. 119
<i>Iusti vestes .</i>	33
<i>Iustus a nullo potest offendi .</i>	94
<i>Iustus ex iniuria occasionem sumit iuvandi inimicos</i>	
<i>Iustus cur sic appelletur .</i>	8
<i>Iusti pulcherrima descriptio .</i>	30. 22. 75. 14
<i>Iustus quomodo sit Deus , &amp; spiritus .</i>	9
<i>Iustus saluat or mundi dici potest .</i>	142
<i>Iustus nescit non amare .</i>	89
<i>Iustus participat omnia bona iustorum .</i>	67
<i>Iustorum tituli .</i>	17
<i>Iustus cur mundus sit .</i>	72
<i>Iusto nihil unquam deest .</i>	139
<i>Iustus quomodo cum Deo versetur .</i>	175
<i>Iusti status descriptio .</i>	147
<i>Iustus non potest pro dignitate laudari .</i>	103
<i>Iustus inimicos amat .</i>	82. 94
<i>Iustus mortem desiderat .</i>	204
<i>Iustus</i>	

# I N D E X

<i>Iustus est interpret voluntatis diuina .</i>	48
<i>Iustus optime alios inferuit .</i>	39
<i>Iustus præter Deum , nihil timer .</i>	55
<i>Iustus cur homines non timeat .</i>	59
<i>Iustus est finis omnium .</i>	140
<i>Iustus quomodo in extremo certamine se gerat .</i>	207
<i>Iusti rectitudo qua sit .</i>	120
<i>Iustus est ipsa obedientia .</i>	79
<i>Iustus est possessor bonorum omnium .</i>	216
<i>Iustus humanam quandam certitudinem habet de sua salute .</i>	82
<i>Iustus expugnari nulla potentia potest .</i>	52
<i>Iustus est accusator sui .</i>	45
<i>Iusti laudantur in scriptura .</i>	113
<i>Iustus qua ratione magnus .</i>	30-31
<i>Iusti nomina :</i>	13-14
<i>Iustus omnibus bona largitur .</i>	68
<i>Iustus est miraculum inter homines .</i>	36
<i>Iustus terribilis Demonibus .</i>	9
<i>Iustus cur non moriatur .</i>	209
<i>Iustus quomodo suas diuitias amplifcet .</i>	71
<i>Iustus quomodo imago sit &amp; similitudo Dei .</i>	18
<i>Iustorum liberalitatis magnitudo .</i>	69
<i>Iustus quis dicatur .</i>	75
<i>Iustus non solum a Deo , sed etiam ab hominibus diligitur .</i>	15
<i>Iustus factus est omnia omnibus .</i>	69
<i>Iustus solus similitudo Dei .</i>	18
<i>Iustus non solum ab hominibus sed etiam a Deo laudatur .</i>	111-112
<i>Iusto in veritate eueniunt quæ alijs in figura contingunt .</i>	5
<i>Iustus solus prudens .</i>	46
<i>Iusti fiducia .</i>	57
<i>Iustus expugnat cælos .</i>	80
<i>Iustus sedes Dei .</i>	23
<i>Iustus etiam non laborans lucratur .</i>	67

# I N D E X

Iustus cum Christo mundum iudicabit . . . . . 315  
Iustorum latitia in die iudicij . . . . . 317

## L

**L**aus quid sit . . . . . 111  
Laudes cibium sanctorum . . . . . 91  
Libertas quid sit . . . . . 168  
Liberalitatis laudes . . . . . 70  
Liberalitatis iusti effectus . . . . . 70  
Libertas in solis iustis . . . . . 162  
Loci beatorum dignitas . . . . . 27  
Loca quibus spes iustorum demonstratur . . . . . 87.88

## M

**M**aria est mater iusti . . . . . 158  
Marsuetudo copiosissime remuneratur . . . . . 69  
Mediocritate iustus delectatur . . . . . 72  
Mendacium pater omnium malorum . . . . . 44. 45  
Mediocritatis effectus . . . . . 72  
Melius iustus iudicabit de aliqua re quam sapiens . . . . . 49  
Militia Christiana laudes . . . . .  
Mori pro Christo , nihil iusto optabilius . . . . . 62  
Mortem cur iustus non timeat . . . . . 102  
Mortale peccatum magis nocet , quam omnes Damones . . . . . 15  
Mors iustorum quid sit , Et quomodo appellanda . . . . . 219  
Mundus non conseruaretur sine iustis . . . . . 141  
Mundus non est dignus iusto . . . . . 33

## N

**N**atura humana quid sit sine iustitia . . . . . 36  
Natiuitati iusti qui assistant . . . . . 12  
Nihil iusti gaudium impedit . . . . . 104  
Nobilitas ex quo vere oriatur . . . . . 12

## O

**O**bediens spiritu Dei ducitur . . . . . 81  
Obedientia fructus . . . . . 79  
Obedien . . . . .



Obedientia quid .	79
Oblationes impiorum Deus non recipit .	87
Obedientis opera .	82
Obedientia exempla .	80
Obedientia effectus .	78
Omne malū in mundo ex iniustitia .	133
<u>Omnia propter iustum facta sunt .</u>	<u>7</u>
Ordo triumphī Christi postea iudicium .	22

## P

<b>P</b> acem quomodo iustus acquirat .	105
Pacis praestantia .	99
Pacis effectus .	99
Parentes viri iusti qui sunt .	7
Patientia valor , atque praestantia .	63
Patientia descriptio .	63
Patientie laus .	61. 63
Patientia morum magistra .	64
Patientia effectus .	
Patientia magis est signum iustitiae , quam miracula edere .	62
Pax in solo iusto .	110
<u>Pax ubi .</u>	108
Pax non est in impio .	108
Peccatores nullius sunt pretij .	
Peccatum latitia priuat .	102
Peccatores scabellum pedum Dei .	23
Perfectio unde summat .	8
Pena damnatorum .	215
Perfectionis officium , & signum .	69
Perfectionis cuiusquam condicioes .	97
Praestantia amicitiae Christi .	167
Prædestinationis questio quomodo soluat .	85
Præagnitiones , quæ virum iustum præcesserunt .	
Premium iustorum .	214
Proteclio beata virginis quantā .	158
Prosperitate impij effectus .	132

# I N D E X

<i>Prudentia quid.</i>	46
<i>Pulchritudinis intrinseca, &amp; extrinseca cōparatio</i>	121
<i>Pulchritudinis laudes.</i>	123
<i>Pulchritudo animi in solis iustis.</i>	121
<i>Pulchritudo iusti quę sit.</i>	122

## Q

<i>Q</i> ua ratione iustorum bona communicētur.	68
<i>Q</i> ua sit optima docendi ratio.	39
<i>Q</i> ua iuuent ad fugendum peccatum.	231
<i>Q</i> ui sint laude digni.	171
<i>Q</i> uid sit impius.	22
<i>Q</i> uod regnum sit in iusto.	146
<i>Q</i> uod bonum suis operationibus iustus mereatur.	118
<i>Q</i> uomodo iustus cum Deo versetur.	105
<i>Q</i> uomodo facile acquiratur iusticia.	129

## R

<i>R</i> eges ad iustum confugiunt.	34
<i>R</i> egis status qui.	34
<i>R</i> esp. mala unde oriantur.	191
<i>R</i> esp. Christiana prestantia.	106. 161
<i>R</i> es sacra quę sint in iusto.	55
<i>R</i> egnum Dei quot modis sumatur.	146
<i>R</i> egula ad bene viuendum.	130
<i>R</i> eliquię sanctorum quid efficiant.	108
<i>R</i> euerentia cui debeat.	110

## S

<i>S</i> apientia iusti laudatur.	45
<i>S</i> apientia vera quę, & quid sit.	40
<i>S</i> apientia impii est stulticia.	41
<i>S</i> apientię partes.	41
<i>S</i> anctorum reliquias Deus honorari vult.	108
<i>S</i> ervi Christi laudes.	171. 173
<i>S</i> igna per quę cognosca potest aliquem esse predestina- tum	85

<i>Simplicitas Christiana in quo sita .</i>	93. 95
<i>Simplex qui dicatur .</i>	93. 95
<i>Simplicitas ex quo oriatur .</i>	96
<i>Simplicitas est perfectio .</i>	95
<i>Simplicitatis effectus .</i>	96
<i>Simplicitas quando sit acquisita .</i>	96
<i>Sine humilitate nemo est iustus .</i>	65
<i>Soli impij ignorantes .</i>	40
<i>Soli iusti sapientes .</i>	41
<i>Solus impius mori dicitur .</i>	209
<i>Solus Christianus vere nobilis .</i>	13
<i>Spes impiorum que .</i>	89
<i>Spiritus Sancti dona in iusto .</i>	25
<i>Sui cognitio necessaria .</i>	43

## T

<b>T</b> <i>Imere Deum quam bonum sit .</i>	55
<i>Timens Deum non est cur timeat .</i>	55
<i>Timor Dei quid .</i>	77
<i>Timor Dei continet omnia bona .</i>	225
<i>Timoris Dei effectus .</i>	77
<i>Tribulationis effectus .</i>	251. 252
<i>Tribulationis prestantia .</i>	250. 251

## V

<b>V</b> <i>Ana sunt omnia, que finem habent .</i>	252
<i>Vestimenta iusti, que .</i>	125
<i>Vestimenta impij que .</i>	125
<i>Victorie suis ipsius laudes .</i>	60
<i>Victoria omnium maxima, que .</i>	55. 60
<i>Victoria iusti laudes .</i>	60
<i>Viri iusti flatus descriptus .</i>	101
<i>Voluptas vana</i>	225
<i>Voluptas est monstrum .</i>	214

Indicis rerum memorabilium, Finis .

## Errata sic corrigito.

*Primus numerus indicat paginam : alter versiculum ;  
a, primam faciem ; b, alteram :*

Hic non ponuntur nisi verba emendata, per quæ  
facile corrupta inueniuntur. Pagi. 18. b. ver. 10.  
præstantissimam. 19. b. 29. quæ, vacat 21. b. 2.  
conspurcant. 28. a. 28. quos. 73. a. 10. lauat. 81.  
a. 13. & v. sum. 87. a. 25. vana. 90. a. 4. vratur. 98.  
a. 10. & in 106. b. 10. quod, quid 107. a. 29. ij  
nisi. 119. a. 16. impij ad peccatum. & b. 24. re-  
staque & 25. priuate. 120. a. 10. retinuum 130.  
a. 13. me, ne. 136. a. 16. legimus & b. 26. cui,  
cum iusto. 138. a. 11. docent. 139. a. 15. atque  
141. a. 19. nocere & 22. fontibus. 152. 19. talibus  
& b. 22. tempore. 158. b. 19. timeant. 159. b. 1.  
altera. 160. b. 20. alias. 164. a. 29. ne, vacat. 165  
a. 23. secundum. 166. b. 15. Zedar. 172. a. b. an,  
non ne 173. a. 7. ei seruire. & 8. priuatum & 23.  
rationes. 178. a. 6. affert. 192. a. 21. vigeri. & b.  
24. & cx. 194. b. 20. eius, eis, 216. b. 5. posses-  
sionis. 219. a. 8. ianua 204. b. 11. mem, meam. 233.  
a. 20. notiones.

*Quod ad leuiora errata, & puncta, cola, & commata,  
quæ multis in locis mutata, detracta, vel addita  
sunt, aequus indicet lector.*

